










16915/A







IO. FRIDERICI CARTHEVSER  
MED. DOCT. ET PROF. PVBL. ORD., ACADEMIAE  
REGIAE BORVSS. SODALIS ET ACAD. ELECTO-  
RALIS MOGVNTINAE SCIENT. VTIL.  
ASSESSORIS

FVNDAMENTA  
PATHOLOGIAE  
ET THERAPIAE

PRAELECTIONIBVS SVIS ACADEMICIS  
ACCOMMODATA.

---

TOMVS II.  
MORBOS ABDOMINIS, ARTVVM, CV-  
TANEOS ET VNIVERSALES CON-  
TINENS.



---

FRANCOFVRTI AD VIADRVN,  
APVD IOHANNEM CHRISTIANVM KLEYB.  
MDCCLXII. 9

IO. FRIDERICI CARSTENVS  
RED. DOCT. ET PRÆF. PUBL. ORN. ACADEMIÆ  
NORVÆGICÆ SOCIET. ET ACADEM. ELECTO-  
RIS NORVÆGICÆ SOCIET. VIIII.  
ASSESSORIS

FUNDAMENTA  
PATHOLOGICÆ  
ET THERAPIÆ

TRAECTIONIBUS ACADEMICIS



TOMVS II.

MORBOS ABDOMINIS, ARTVM, CV

TANOS ET VNIVERSALES CON

VENIENS



FRANCISCVS AD NIDEM  
IOHANNES CHRISTIANVS  
MDCCCXII





## SERIES SECTIONVM

ET

### CAPITVM PARTIS SECVNDAE.

---

**S**ectio I. de Morbis Abdominis externi, Umbilici, Peritonæi et Cavitationis Abdominis I

Cap. I. de Zona serpiginea I

II. de Lumbagine rheumatica 5

III. de Hernia umbilicali, ventrali, crurali et inguinali 16

IV. de Hydrope abdominis vero 30

V. de Tympanite 54

VI. de Bubonibus 69

)( 2 Se-

# SERIES SECTIONVM

*Settio II. de Morbis Hepatis, Lienis, Ventriculi, Intestinorum ac Mesenterii* 73

*Cap. I. de Infarctu et Obstructione hepatis et lienis* 73

*II. de Inflammatione et Exulceratione hepatis et lienis* 80

*III. de Cardialgia et Spasmo ventriculi* 84

*IV. de Ardore et Inflammatione ventriculi* 99

*V. de Vitiis appetitus* 105

*VI. de Læsa alimentorum Digestione* 117

*VII. de Vomitu* 133

*VIII. de Cholera* 143

*IX. de Lienteria et Cæliaca* 155

*X. de Diarrhoea* 167

*XI. de Dysenteria et Hæmorrhagia meseraica* 174

*XII. de Vermibus intestinorum* 198

*XIII. de Flatibus ventriculi et intestinorum* 208

*XIV. de Colica* 219

*XV. de Ileo* 233

*XVI. de Passione hypochondriaca* 241

*Cap.*

# ET CAPITVM.

Cap. XVII. de Atrophia meseraica	257
XVIII. de Hæmorrhoidibus	263
XIX. de Obstructione et Incontinencia alvi	280
XX. de Procidencia et Tenesmo ani	287

## Sectio III. de Morbis Renum et Vesicæ urinariæ

Cap. I. de Calculo renum et vesicæ	294
II. de Passione nephritica	310
III. de Ischuria et Dysuria	326
IV. de Diabete et Incontinentia urinæ	352
V. de Mictu cruento	362

## Sectio IV. de Morbis Partium genitalium utriusque sexus

Cap. I. de Herniis scrotalibus	369
II. de Phimosi, Paraphimosi, Bulla crystallina, Priapismo, et Satyriasi	382
III. de Gonorrhoea et Pollutione nocturna	391
IV. de Impotentia virili	403
V. de Defectu, Suppressione et Emissionis fluxus menstrui	410



# SERIES SECTIONVM

<i>Cap. VI. de Fluxu menſtruo nimio et ano-</i> <i>malo.</i>	418
<i>VII. de Fluore albo</i>	423
<i>VIII. de Paſſione hyſterica et Furore</i> <i>uterino</i>	431
<i>IX. de Prolapſu uteri et vaginae</i>	440
<i>X. de Sterilitate muliebri</i>	446
<i>XI. de Mola</i>	451
<i>XII. de Abortu</i>	457
<i>XIII. de Partu difficili et Retentione</i> <i>placentae uterinae</i>	460
<i>XIV. de Doloribus poſt partum, et</i> <i>Fluxu lochiali, tam ſuppreſſo, quam</i> <i>nimio.</i>	467
<i>Seſſio V. de Morbis Oſſium, Articulationum</i> <i>et Artuum</i>	474
<i>Cap. I. de Rhachitide</i>	474
<i>II. de Gibbere et Spina bifida</i>	484
<i>III. de Spina ventroſa, et Paronychia</i>	489
<i>IV. de Crepitu, Emollitione et Inſolita</i> <i>oſſium Fragilitate</i>	500
<i>V. de Arthritide</i>	508
<i>VI. de Rheumatismo</i>	522
<i>Seſſio VI. de Morbis Habitus cutanei</i>	536
<i>Cap.</i>	

# ET CAPITVM.

Cap. I. de Leucophlegmatia, Cachexia et Oedemate artuum	536
II. de Ictero	557
III. de Variis cutis Maculis	569
IV. de Scabie	577
V. de Lepra	587
VI. de Furunculo, Epinyctidibus, Phly- ctænis, Sudaminibus, Sironibus, Effere atque Intertrigine	593
VII. de Natta, Verrucis, Clavis pe- dum et Gangliis	599
VIII. de Membris adustis et Frigore læsis	605
Settio VII. de Febris, cæterisque Morbis universalibus	612
Cap. I. de Febre ephemera et lactaria	612
II. de Febre catarrhali et rheumatica	615
III. de Febre biliosa	622
IV. de Causo sive Febre ardente stri- cte sic dicta	631
V. de Febre synocha benigna	637
VI. de Febre synocha putrida	640
VII. de Febris exanthematicis pur- puratis	644
VIII. de Febre petechiali	656
( 4	Cap.

SERIES SECTIONVM ET CAPITVM.

*Cap. IX. de Febre Hungarica sive castrensi*

660

X. *de Febre scarlatina* 664

XI. *de Variolis et Morbillis* 669

XII. *de Sudore Anglicano* 687

XIII. *de Peste* 691

XIV. *de Febris lentis et hecticis*

706

XV. *de Febris intermittentibus*

712

XVI. *de Febre algida* 734

XVII. *de Aestu volatico* 744

XVIII. *de Scorbuto* 746

XIX. *de Lue venerea* 761



SECTIO





# SECTIO I.

DE

MORBIS ABDOMINIS EXTER-  
NI, VMBILICI, PERITONAEI  
ET CAVITATIS ABDOMINIS.



## C A P. I.

DE

ZONA SERPIGINOSA.

### §. I.



ZONA SERPIGINOSA, Cin-  
gulum serpiginosum, Zoster,  
Ζωστήρ, est pustularis inflam-  
matio erysipelatodes, vel her-

pes pustuloso-inflammatorius, istam abdo-

Tom. II.

A

minis

minis partem, quæ vulgo cingi solet, ab umbilico ad vertebrae usque, adeoque circum circa, palmae ut plurimum latitudine, occupans. Germanice dicitur *der feurige Umbilauß*.

## §. II.

Singularis hic et rarissime obviuus affectus plerumque cum febrili quadam sanguinis ebullitione accedit, et initio tam dolorosus est, ut patiens nec stare, nec incedere, nec sedere, nec decumbere, nec ullam partis affectæ contrectationem perferre possit, deinde autem, quando tubercula, urticatis primum haud dissimilia, in maiores minoresve pustulas sive vesiculas pellucas, limpidio liquore turgidas, mutantur, dolor sensim mitescit. Pustulae hæ post aliquot dierum decursum sponte, aliæ tamen post alias, rumpuntur, ac sensim, humore acri effuso, cum cuticulæ separatione exsiccantur; fieri nihilominus nonnunquam solet, ut liquor valde causticus carnem subiectam profundius erodat et passim vera ulcuscula excitet: Nec ignorari quoque oportet, serpiginosam hanc inflammationem erysipelatodem subinde ab umbilico

umbilico per totam regionem hypogastricam ac femora ad genua usque descendere, et febrem graviolem aliaque pathemata comites adducere.

### §. III.

Proxime hoc malum a *valde acrium humorum*, præprimis *lymphaticorum*, *stagnatione ac stasi*, quibus apud subiecta cacochoymica, teste observatione, prægressa iracundia, usus acidorum intemperantior, applicatio emplastrorum tenacium, et nimis arcta abdominis per cingula et thoraces constrictio præcipuam occasionem largiuntur, dependere, certum est; quod capsulæ autem Glissonianæ et ligamentorum hepatis strictura, uti nonnulli opinantur *a)*, annularis atque determinati ambitus causa existat, nondum in clare luce positum esse, arbitror, quoniam, serpiginoso - erysipelacea hæc inflammatio interdum citra ullam prægressam iracundiam nascitur, et apud lactentes tenellos infantes, qui valde acida exhalatione cutanea gaudent, solam quandoque emplastrorum adplicationem sequitur.

A 2

§. IV.

*a) V. Excell. IVNCKERI Diff. de Zona Serpiginosa.*

## §. IV.

Morbus valde periculosus est, præfertim si latiore ambitum nanciscatur, ac febre graviore stipatus accedat, aut pustulæ colorem lividum obtineant, non semper tamen funestum eventum fortitur, si curatio eius rite instituatur. Eo autem hæc ipsa redit, ut humores acres ac fervidi contemperentur, ac blandæ postmodum transpirationis ope foras eliminantur. Indicationibus autem hisce, præter plura alia *diluentia* ac *temperatiora diaphoretica*, potiunculæ ex aqua flor. acaciæ, scordii, melissæ, fœniculi &c., lap. cancrorum, nitro, pulvere cort. cascarillæ &c., nec minus infusa theiformia ex rad. scorzonæræ, cichorii, taraxaci, saponariæ, pimpinellæ albæ, herba veronicæ, betonicæ, teucrii veri, chamædryos nob., scordii, melissæ citr., thea orientali, flor. rorismarini, ligno sassafras, flavedine cort. citri, semine fœniculi &c. satisfaciunt, et sæpe etiam *clysmata emollientia*, *laxantia rhabarbarino-mannata*, immo subinde apud adultos, eosque valde plethoricos et phlebotomiæ adsuëfactos, *venæsectio* conducunt. Externe initio sola tantum *sicca ac mollia velamenta*,

vel



vel *sacculi sicci*, speciebus balsamicis, sæpius pridem in parte priori recensitis, repleti, locum habent, deinde vero, ruptis nempe vesiculis, *demulcendi ac consolidandi* fine, oleum ovorum myrrhatum recentius, aut mucilago sem. psyllii et cydoniorum, pauxillo cerussæ et mercurii dulcis maritata, illini, et, enatis quoque profundioribus ulcusculis, consueta *travmatica*, mel rosatum v. g., pulvere myrrhæ genuinæ et balsamo Peruviano remixtum, aliaque in usum trahi poterunt.

\*\*\*\*\*

## C A P. II.

DE

### LVMBAGINE RHEVMATICA.

#### §. I.

**L** VMBAGO RHEVMATICA, alias etiam *Nephritis spuria* nuncupata, dolor fixus atrocissimus est in regione lumbari, nunc magis versus renem et ipsos nonnunquam ureteres, ad vesicam usque, penetrans, nunc magis ad os sacrum descendens, adeoque sæpe sæpius nephritidem veram, aut sic dictum spasmus fixum Paracelsi mentiens.

A 3

§. II.

## §. II.

Maxima similitudo, quæ hunc morbum et dolorem nephriticum verum spasmumque fixum Paracelsi sive immanes ossis sacri cruciatus intercedit, circumspectos etiam ac rationales medicos haud raro in praticos errores præcipitat, eosque eo deducit, ut lumbraginem pro nephritide vera *a*), vel etiam, si dolor scilicet sese magis ad os sacrum demittat, pro spasmo fixo Paracelsi habeant, adeoque curationem in ægrorum detrimentum sinistre instituant, et veram inprimis nephritidem, quæ nondum aderat, frequenti diureticorum fortiorum usu producant. Unde clarum esse arbitror, quod multum omnino intersit, ut morbus hic, suscepta adcurata sedis et symptomatum contemplatione ac comparatione, debite ab adfectibus symbolizantibus discernatur.

## §. III.

Dolor, qui essentiam huius morbi constituit, ac modo remissior tensivus, pressorius, gravativus, modo, præsertim sub corporis motu,

*a*) Vid. SYDENHAMIVS in *Opusculis suis Sect. V. cap. 5. p. m. 260.*

motu, inclinatione et erectione, acutissimus  
 scindens, pungens, terebrans, lancinans est,  
 valde, sive genium sive atrocitatem spectes,  
 cum torminibus, quæ spasmō fixo Paracelsi  
 et nephritide vera calculosa laborantes per-  
 sentiunt, convenit, adeoque hoc loco parum  
 vel nihil lucis foeneratur, sed præcipua diffe-  
 rentiæ criteria a sede primaria et symptoma-  
 tibus quibusdam, memoratarum affectionum  
 cuique propriis, desumenda erunt. Dolor  
 nimirum *rheumatico-lumbaris* musculos lum-  
 borum externos præcipue torquet, ibidem-  
 que etiam, licet paululum aliquando ad os  
 sacrum descendat, aut renes quoque, et vesi-  
 cam, quoties internos scilicet musculos lum-  
 bares simul occupavit, consensualiter infestet,  
 ipsamque ideo diuresin subinde nonnihil tur-  
 bet, fixam, quamdiu perdurat, sedem retinet;  
*nephriticus* ex adverso renem et ureterem  
 proprie excruciat, situmque proinde profun-  
 diorem habet, et in externa lumborum re-  
 gione solummodo leviolem quendam ardo-  
 rem producit, magisque præterea ad pubis  
 regionem et intestina extenditur, immo al-  
 tius in abdominis cavitatem penetrat, et va-  
 ria igitur pathemata, urinæ scilicet suppres-

sionem, stuporem cruris eiusdem lateris, retractionem testiculi in maribus, acerbissimos coli dolores, refractariam alvi obstructionem et vomitum creberrimum, cuius plenaria in lumbagine absentia præcipuum certissimumque differentiae signum præbet, provocat, et dolor denique, quem *spasmus fixus Paracelsi* infert, quique impetuosæ cruoris congestionis originem debet, et unice fluxus hæmorrhoidalis ac menstrui anormalis succedit in externis saltem partibus musculosis, circa os sacrum et coccygis, adeoque in infima spinæ dorsalis regione sævitiem suam maxime exercet, et rarius, si diuturnior sit ac magis magisque ingravescat, ad regionem lumbarem adscendit, sed frequentius sese versus utrumque aut alterutrum os ischium, ad femur usque, diffundit, easque partes, nisi vehementi semper dolore, rigore tamen aut extraordinario stupore, afficit, et valde imprimis, quod notabile rursus signum diagnosticum est, post incalescentiam in lectis plumaceis exacerbatur a).

## §. IV.

a) Conf. CHRIST. SAM. GEBAVERI *Diff. de Spasmo fixo Paracelsi* p. 18.



§. IV.

GEORGIUS BAGLIVVS ad patho-  
gnomonica ac plane infallibilia lumbaginis  
signa etiam singularem quendam dolorem  
refert, qui sub corporis inclinati erectione  
oritur, et lumbos totumque corpus inferius  
secundum patientis expressionem per me-  
dium quasi scindere videtur: „Dolorem lum-  
„borum rheumaticum, *inquit a*), a nephriti-  
„co per hoc certissimum signum distinguere  
„poteris: Pete ab ægro, an, dum in terram  
„incurvatur, et inde erigitur, cum difficulta-  
„te erigatur, adeo ut per medium quasi scin-  
„di videatur; si hæc adsunt, pro certo habe-  
„to, dolorem illum non esse nephriticum, sed  
„rheumaticum, productum scilicet ab acribus  
„et muriaticis salibus, per serosum humorem  
„illinc depositis &c. Verum enim vero,  
mea non minus, quam aliorum experientia  
edoctus, reticere nequeo, signum hoc, etiamsi  
ordinario in lumbagine adsit, haudquaquam  
infallibile esse, sed istud in graviore pariter  
nephritide calculosa et exacerbato spasmio  
fixo Paracelsi observari, et ambulandi igitur  
impotentiam, spinæ dorsalis inflexibilitatem

A 5

sive

a) In Operibus p. m. 116.

sive rigiditatem, ac memoratum dolorem tensivo - vibrativum acutissimum, corporis incurvati erectioni supervenientem, minime specificis rheumaticæ lumbaginis, sed communibus potius huius, nephritidis calculosæ, et spasmi fixi Paracelsi symptomatibus accensenda esse.

## §. V.

Simile prorsus iudicium etiam de ple-  
risque reliquis symptomatibus, de animo vi-  
delicet deiecto, rerumque levissimarum im-  
patientissimo, inquietudine corporis maxima,  
somnia turbulenta, adpetitus imminutione  
aut prostratione, intercurrentibus horripila-  
tionibus, iisdemque utplurimum succedente  
sanguinis ebullitione, febrili humorum com-  
motioni valde analoga, &c. ferre nullus du-  
bito, et alvi tantum et urinæ excretiones,  
quæ desideratæ differentiæ cognoscendæ  
aliquid subinde lucis adfundunt, quodammo-  
do excipiendas duco. Nam sola lumbagine  
rheumatica præsentē, alvi quidem segnitie  
adest, et urina quoque interdum parcius, aut  
saltim difficiliter cum molesta stranguria fluit,  
nunquam vero perfecta harum excretionum  
suppressio

suppressio notatur; sæviante autem nephritide calculosa, alvus plerumque pertinacissime obstruitur, et lotii excretio vel plane planeque sufflaminatur, vel istud exigua admodum quantitate ac saltem guttatim cum magno dolore et anxietate emittitur, et sub fixi tandem spasmi Paracelsi tormentis diuresis non magis quidem, quam in lumbagine graviori, impedita reperitur, alvus tamen refractariam obstructionem patitur, cui sæpius sese pruritus in ano atque tenesmus molestissimus associant.

## §. VI.

Circa determinandam causam materialem, quæ sub largiori decubitu suo et refractaria inhæsiōne, pungendo, morficando, aliove modo fibras nerveas irritando, impetuosas ac summe dolorificas constrictiones spasmodicas in musculis lumbaribus excitat, scriptores medici in partes abeunt, aliique hunc et quoscunque alios dolores partium rheumaticos unice ab *acerrimo humore serosolymphatico* derivant *a)*, alii ex adverso, iique paucio-

*a)* Conf. BAGLIVVS l. c. et IO. ALLEN in *Synopsi universæ med. pract. cap. 9. art. 56.*

pauciores, cum SYDENHAMIO a) *sanguinem inflammantem, tenacissimamque pituita mirifice refertum*, primario adcusant. Quod me attinet, nec horum, nec illorum sententiae simpliciter subscribere possum, sed utramque potius, diversis tamen temporibus et in diversis subiectis, admittendam esse, censeo. Nam licet certo quidem certius sit, quod humor seroso-lymphaticus, recrementis salinis muriaticis aut salino-tartareis, scorbuticæ aut arthriticæ prosapiæ, largissime remixtus, frequentissima huius doloris causa existat, nec ullum tunc in parte affecta tumoris aut ruboris vestigium cernatur, quorundam nihilominus observatione comprobatum est, subinde, quanquam paullo rarius, in parte dolente levem quendam tumorem ac ruborem

a) „Cum utraque hæc morbi species, sic l. c. de „rheumatismo et lumbagine loquitur, ab inflammatione videatur oriri, quod tum iam dicta arguunt phænomena, tum præsertim sanguinis „venæsectione educti color, utpote qui Pleuriticorum sanguini tam est similis, quam ovum „ovo, neque quisquam reperiatur, qui hos inflammatione laborare, vel quidem dubitaverit &c.



borem inflammatorium observari, et ægros insuper, post debilem citoque transeuntem horripilationem, tam frequentes ac vehementes experiri sanguinis universi commotiones, ut veram febrim dolori complicatam esse credant a).

## §. VII.

Circa prognosin pleraque lumbagini applicari possunt, quæ generatim in hac parte de rheumatismo valent; quare paucis saltem hoc loco indicasse sufficiat, dolorem hunc, licet interdum atrocissimus sit, et satis diu musculis lumbaribus inhæreat, vitæ periculo vacare, nec ominosa unquam pathemata metuenda esse, nisi materia refractarie hætenus subsistens rursus ad motum retrogradum redeat, et, magis ad interiora corporis translata, intestina, pulmones, cerebrum &c. occupet. In iunioribus, maiori adhuc partium robore pollentibus, facilius tollitur, in ætate provectoribus autem, dudum ad senectutem

a) De causis huius morbi procatasticis cæterisque scitu necessariis ætiologiæ momentis plura in sequentibus, *Cap. de Rheumatismo*, videnda sunt.

Etiam inclinantibus, ac valde pridem debilitatis, radicalem curationem, præsertim si per moras diuturniores ac sæpius iteratam invasionem iam valde invaluerit, rarissime vel nunquam admittit, sed identidem, sub tempestatum mutatione, aut commisso levissimo errore diætetico, recurrens, patientes per totum reliquum vitæ decursum mirifice vexat. Solvitur plerumque blanda diaphoresi, aut forti aliquando sudore, vel copioso ac critico impuritatum tartareo-salino-mucidarum cum urina secessu, vel macularum quoque, pustularum, aliarumque efflorescentiarum purpuratarum eruptione, immo, si calidioris sanguineæ indolis sit, hæmorrhagia narium apud subiecta iuniora, et fluxus hæmorrhoidalis, apud seniores superveniens, eundem haud raro perfecte tollunt, vel valde tamen mitigant.

## §. VIII.

Curando huic morbo singula interna, quæ *resolvendi, diluendi, temperandi, depurandi, ac roborandi* sine in reliquis adfectibus rheumaticis proficua reperiuntur, inserviunt; quare

quare specialius illa hoc loco allegare nolo, sed completam eorum recensionem ad caput de *Rheumatismo* reservabo: Quod topica externa vero attinet, illa modo *paregorica*, modo *discutientia* esse debent. Præsente enim statu calidiori bilioso-sanguineo, cataplasma ex pane triticeo, in lacte ad pultis consistentiam cocto, additoque postmodum tantillo croci, dolorem egregie mitigat; in statu frigido sive seroso-lymphatico contra sacculi ex speciebus balsamicis, baccis iuniperi v. g., sem. nigellæ Rom., croco orientali, herba menthæ, maioranæ, rorismarini, flor. chamomillæ vulgaris et Romanæ, avena tosta &c., sese magis commendant, immo in hoc casu subinde potentiora spirituosæ, spiritus videlicet cornu cervi, lumbricorum terrestrium, formicarum, spiritus vini crocatus et camphoratus, aqua Anhaltina, cephalica imp., essentia castorei, &c., necessaria et utilia inveniuntur: Vt nihil de vivis lumbricis terrestribus dicam, quorum adplicatio, si tamdiu scilicet duret, donec lumbrici moriantur, magnopere a quibusdam commendatur.



## CAP. III.

DE

HERNIA VMBILICALI, VENTRALI,  
CRURALI, ET INGVINALI.

## §. I.

**H**ERNIA VMBILICALIS, græce *Omphalocèle*, ὀμφαλοκήλη (ab ὀμφαλὸς, *umbilicus*, et κήλη, *tumor*), itemque, præsertim levior, *Exomphalos* et *Exomphalon* (ab ἔξ, *ex*, et ὀμφαλὸς, *umbilicus*) dicta, ex subrotundo, eoque maiori aut minori, umbilici tumore, vel interdum ex tumida saltim eiusdem elongatione et indecora prominentia facile cognoscitur, ac vulgo in *veram* et *spuriam* dividitur. Veræ appellationem accipit, quando, propter *annuli tendinei umbilicalis relaxationem* aut *distensionem*, pars omenti, vel intestini, vel utriusque, per nimis dilatatum foramen violentius protrusa, tumorem umbilici efficit; spuria ex adverso audit, quoties aqua aut flatus tumoris præternaturalis causa existit: Hinc prioris species nunc *Epiploomphalos*, nunc *Enteromphalos*, nunc *Enteroepi-*



*Enterocœpilocephalos*, posterioris vero vel *Hydromphalum*, vel *Pneumatomphalum* vocantur.

## §. II.

Si prolapsum intestinum, stercore vacuum, tumorem producit, iste nec durus, nec mollis est, et spiritu retento crescit, sub decubitu supino autem vel sponte desidit, vel digitis pressus sonitum quendam edit, et cum murmure aliquo retro compellitur: Vbi vero omentum excidit, maior tumori molities est, nec ullus eiusdem strepitus sub pressione percipitur a). Aqua denique aut saltim flatu ingresso, tumor, homine resupinato, sponte ut plurimum subsidet, et sub quocunque etiam alio corporis situ facile, si digito premitur, cedit, ast protinus quoque, pressione cessante, resurgit. Notari cæteroquin oportet, posteriores hæcæ tumoris umbilicalis species rarissime solas nasci, sed veris herniis plerumque iunctas reperiri, immo *pneumatomphalum* ex mente quorundam nunquam absque herniæ veræ consortio accidere.

Tom. II.

B

§. III.

a) Conf. PLAFNERI *instit. chirurg.* §. 801, p. 508.

## §. III.

Hernia umbilicalis, si causa adæquata accedat, apud cuiuscunque ætatis, sexus, et temperamenti homines generari quidem potest, ob naturalem nihilominus prædicti annuli tendinei teneritudinem, aut prægressam eminentem relaxationem, apud tenellos infantes, præsertim si umbilicus post resectionem non recte curatus, nec fascia satis adstrictus fuit, ut et apud pueros atque puellas crebro eiulantes, apud hydropicos itemque, apud valde obesos et foeminas gravidas, frequentius paullo atque facilius, quam apud subiecta sicca ac macilenta, nascitur, et pro diversa etiam corporis, umbilicum intrantis ac distendentis, conditione modo maius, modo minus periculum adducit. Nam si intestinum prolabitur, et simul cum eo stercus induratum in tumorem exit, facile sic dicta *Hernia incarcerata* oritur, cui postmodum, si tempestiva partis prolapsæ repositio negligatur, aut propter stercoris duritiem et intestini intrusi magnitudinem cito fieri nequeat, dolor vehemens, durities, inflammatio, vomitus creberrimus, febris, quin ominosa haud raro gangræna, in sphacelum funestum degenerans,

nerans, superveniunt. Eadem metuenda sunt, quoties intestinum et omentum conjunctim tumorem refractarium efficiunt, nec leve etiam hoc malum æstimandum erit, quando omentum elapsum, omiſſa tempeſtiva repositione ac debita ligatura per fasciam, cum annulo tendineo, vel etiam cum simul exeunte intestino adeo glutinatur, ut sine scalpelli ope partes cohærentes diduci iterum ac retro compelli nequeant a).

#### §. IV.

Ab hætenus expoſitis umbilici tumoribus SARCOMPHALOS, *Sarcomphalum*, (a σάρξ, *caro*, et ὀμφαλὸς, *umbilicus*), causæ proximæ intuitu, valde differt. Nullam enim annuli tendinei relaxationem aut distensionem, nec ullius quoque partis interioris prolapsum supponit, sed a *sola carne*, nunc molliori, nunc duriori, oritur, quæ umbilico, facta inprimis post partum laxiori eiusdem vinctura, præternaturaliter innascitur; hinc nullum quoque, nisi forsan (quod rarius tamen evenit) caro luxurians carcinomatis naturam induat, dolorem, multo minus vomitum

B 2

a) Conf. PLATNER L. c. §. 803. 804.

mitum cæteraque herniæ veræ symptomata habet, et tumor præterea nunquam sub patientis decubitu supino sponte desidit, nec prementi etiam digito cedit, sed formam eandem ac magnitudinem retinet.

## §. V.

HERNIA VENTRALIS in diversis abdominis locis nasci potest, et diversam pariter causam proximam agnoscit. Oritur nimirum 1), quando fibræ musculorum transversalium in aliquo loco a se invicem diducuntur, adeoque solum peritonæum intestinis atque visceribus valide reprimendis impar evadit, 2) quando peritonæum sub ingenti corporis nixu, aut illato ictu vehementi rumpitur, et 3) denique, quando muscoli abdominis sub vulneratione ad peritonæum usque, vel hi et ipsum peritonæum perforantur, nec vulnus postea perfecte ac debite sanatur, sed, musculis incumben- tibus consolidatis, minus confirmata cicatrix, vel hiatus quidam, vel magna tamen imbecillitas in subiecto peritonæo remanet.

## §. VI.



## §. VI.

Propter minorem plerumque tumoris magnitudinem ac formæ externæ similitudinem, et adhuc magis propter ortum ac sedem in abdomine variantem, hæc hernia interdum ab incautis chirurgis cum abscessu confunditur, et infantes igitur ægri poenam ignorantiae aut incuriae chirurgi nonnunquam luere coguntur: Poenam, dico, ignorantiae aut incuriae chirurgi; necessaria enim differentiae criteria minime desunt. Siquidem tumores isti, qui, ex stasi humorum nati, tandem in abscessum abeunt, initio statim inflammatorii sunt, et ordinario dolorem mitiorem absque vomitu habent, tumores herniosi ex adverso non tantum initio, sed deinde etiam, nisi, cura omissa, aut negligentius atque sinistre instituta, diuturnior partis protrusæ incarcerationio contingat, inflammatione carent, et longe facilius quoque, si digitis premuntur, cedunt, quin penitus haud raro, omento et intestinis distendentibus ad interiora compulsis, apud ægrum resupinatum subsident. Quibus accedit, quod tumor herniosus subito ut plurimum oriatur, et

initio longe vehementiorem dolorem, cui sæpe vomitus crebrior iungitur, suscitet.

### §. VII.

**HERNIA CRURALIS** sive *Femoralis*, græce Μηροκήλη (a μηρὸς, *crus*, *coxa* et κήλη *tumor*) nuncupata, sedem in abdomine, omphalocèle multo inferiorem, obtinet, et prope os ileum in eo lateris dextri aut sinistri loco nascitur, ubi *arteria* et *vena cruralis*, ante egressum *iliacæ* dictæ, per *foramen quoddam subrotundum*, annulo tendineo cinctum, et extrinsecus valido *ligamento FALLOPII* sive **POUPARTII** tectum, *processum cruralem* ingrediuntur. . Facta enim tendinei huius ligamenti, ut et annuli subiecti relaxatione præternaturali, aut, quod crebrius accidit, violenta distensione, intestina et omentum, ob imminutam dictarum partium resistantiam, debite amplius in sede sua contineri nequeunt, sed pars eorum facile per foramen memoratum in angustum processum peritonæi cruralem descendit, eumque valde distendendo et ampliando, variæ magnitudinis tumorem, quem, æque ac reliquas hernias veras, dolor vehemens in loco prolapsus,

lappus, tormina ventris, colicis similia, vomitus creberrimus aut vomendi conatus, alvi obstructio &c. comitantur, producit. Facilius hæc hernia apud subiecta sequioris, quam nobilioris sexus, præsertim senescentia et senilia, oritur, et partis elapsæ repositio, ob maiorem plerumque sub ligamento FALLOPII incarcerationem, ut plurimum difficillime succedit; unde etiam fit, ut hernia hæc patienti haud raro mortem inferat.

### §. VIII.

**HERNIA INGVINALIS** sive *Bubonocoele* (a βῆβαιν, *inguen*, et κήλη, *tumor*) inferiorem rursus situm, quam merocoele, habet, et æque ac herniæ præcedentes, apud utriusque sexus homines, frequentius tamen apud viros, quam foeminas, generari solet, quando annulus tendineus, *foramen ovale musculi oblique descendentis*, seu *orificium processus spermatici* cingens, nimio humorum affluxu, aut nimia apud obesos pinguedine præternaturaliter relaxatur, vel interna quadam aut externa violentia, maxime autem sub ponderum sublatione et vehementiori atque incongruo corporis nixu, valde distenditur,

stenditur, et epiploon postea atque intestina per processum memoratum (qui apud viros *vasa spermatica*, apud foeminas *ligamentum uteri rotundum* transmittit) ad inguina usque devolvuntur, ibidemque maiorem minoremve tumorem excitant.

### §. IX.

Probe hæc hernia a merocele et bubone, cum quibus sæpe confunditur, distingui debet, et chirurgum itaque ad sequentia discriminis signa respicere oportet. Bubonocèle nimirum in paullo inferiori inguinis loco est, et tumor pudendis propior reperitur, merocele ex adverso sedem inguine paullo superiorem habet, et aliquantulum super femur prominet. Bubo per plura signa ab hernia inguinali discernitur: Nam prior non solum a pudendis paullo remotior est, sed digitis quoque pressus, ob maiorem duritiem, difficilius, quam tumor herniosus, cedit, nec sedem suam sub pressione mutat, tumor herniosus vero, præsertim solo tantum omento intruso, mollior est, et, inflammatione absente, ac brevi præmissa topicorum emollientium adplicatione, vel etiam citra eandem, pressione

pressione retro ad abdominis cavitatem compelli potest. Tumor herniosus præterea subito ut plurimum sub abdominis compressione, constrictione, percussione, ponderum sublatione, aliove corporis nixu vehementi aut incongruo, sub vomitu, tussi &c. nascitur, et, partis devolutæ incarceratione facta, aut inflammatione oborta, ingenti dolore, vomitu crebriori, ac pertinaci alvi obstructione, nullis unquam purgantibus solvenda, stipatur; bubo autem, absque prægressa causa externa violenta, a subsistentibus in glandula inguinali humoribus impuris venereis aliisque oritur, ac sensim increscit, nec ullum vomitum, nec alvi suppressionem, nec tantum quoque dolorem, etiamsi inflammatio superveniat, provocat. Nec silentio denique prætermittendum erit, in bubone, si patiens tussim spontaneam moveat, digito imposito, motum fere nullum, in hernia vero satis notabilem percipi.

§. X.

De causis procatarctiis, quæ hanc et præcedentes hernias abdominis veras producunt, multo hoc loco subiungere superva-



caneum duco, quoniam earum præcipuæ atque solenniores in *prima* dudum *Parte a)* et passim quoque sub proxime præcedente tractatione recensitæ fuerunt. Quod prognosin vero attinet, circa illam adhuc generatim monendum erit, hernias hæc, si rite tractentur, apud infantes, pueros et adolescentes perfecte rursus et interdum satis facile persanari posse, apud viros autem rarissime et apud senes denique ac senio propiores nunquam perfectam medelam admittere, sed eo tantum apud posteriora hæc subiecta prospiciendum esse, ut post felicem partis elapsæ repositionem, nova proruptio, congruæ atque sufficientis vincturæ ope, præcaveatur.

## §. XI.

Curatio herniarum interdum tribus, interdum duabus saltim indicationibus nititur. Si tumor enim mollis penitusque ab inflammatione immunis est, mox partis elapsæ *repositio methodica*, a chirurgiæ doctoribus descripta, mediante leni pressione cum digitis aut molli spongia suscipitur, ac nova eruptio apto *perizomate* sive *ammate* prohibetur: Sin

tumor

a) Sect. I. cap. 10. §. 12.

tumor vero una cum partibus elapsis, propter nimiam refrigerationem, aut stercoreis indurati inhæſionem, aut inflammationem, aut incarcerationem diuturniorem, iam valde induruerit, debite prius inieſto clyſtere et foris imposito cataplaſmate calido ex rad. altheæ, herba ac foliis málvæ, floribus chamomillæ vulgaris, ſambuci, meliloti, caricis &c., cum lacte coctis, emolliendus, et pars prolapſa deinde demum reponenda eſt. Quo eo citius quoque ac certius apud ſubieſta iuniora partibus laxatis aut diſtensis robur priſtinum reſtituatur, ante perizomatis adplicationem locus, ubi partes ſolidæ abdominis laxatæ, diſtentæ aut plane diſruptæ ſunt, unguento quodam adſtringente atque travmatico, v. g. unguento Comitiffæ, baſamo Tolutano et pulvere terræ Iaponicæ remixto &c. inungi, vel emplaſtrum ſtypticum, v. g. empl. ad hernias Off. &c., imponi debet. Circa emplaſtrum tamen notandum erit, adplicationem eius non ſemper neceſſariam eſſe, nec quævis etiam ſubieſta iſtud, ob moleſtum prurium, quem ſub paullo diuturniori adhæſione ſua excitat, perferre poſſe.

## §. XII.

Laudatis confortantibus externis etiam interna quædam *roborantia*, supra a) dudum quoad partem commendata, mixturæ nimirum ex tinctura martis pomata aut cydoniata, tinctura travmatica WEDELII, ess. terræ Japonicæ, balsami Peruviani &c., electuaria ex syrupo cydoniorum, cinnamomi, myrtino composito, extracto millefolii, croco martis sulphurato aut aperitivo STAHLII, pulvere sanguinis draconis, corticis Peruviani, rad. tormentillæ, granorum chermes &c., nec minus vinum Gallicum rubrum, *Pountac* dictum, spiritu salis acido nonnihil imprægnatum a), iungi possunt, nec utilitate pariter leniora *laxantia* rhabarbarina et *diaphoretica* carent, quoties nimius humoris serosi adfluxus antea memoratis annulis processuum peritonæi tendineis, cæterisque loci affecti partibus præternaturalem laxitatem inducit. Cavendum tamen, ne laxantia statim post partis elapsæ repositionem, aut hernia reposita vincturis nondum satis munita, aut pertinaci alvi obstructione spasmodica præsentē, exhibeantur,

a) Tom. I. Sect. I. cap. 10. §. 12.

b) Vid. PETRI DIONIS *Chirurgia*.

beantur, ac novæ intestini, aut omenti, aut utriusque eruptioni ansam præbeant.

### §. XIII.

Si nonnunquam, propter annuli tendinei et intestini atque omenti glutinationem arctiorem, aut propter stercoreis inhærentis copiam atque duritiem, aut tumoris vastitatem, aut inflammationem, tanta partium elapsarum incarcerationio accidit istæ, ut, præmissa etiam emollientium adplicatione, sola operatione manuali, sub optimo licet et maxime congruo patientis decubitu, ad abdominis cavitatem reduci nequeant, ad *scalpelli operam* *aliaque chirurgiæ instrumentalis auxilia*, a sæpe laudato PLATNERO a) pluribusque chirurgiæ doctoribus uberius atque distincte descripta, confugiendum erit. Tempestive tamen hæc omnia fieri debent, ne gangræna, summa imbecillitas, sudores frigidi, nervorum distentio, singultus &c. superveniant, et operationis administrationem plane interdiciant.

### §. XIV.

Ad curandum Sarcomphalum et Hydromphalum, quorum in antecedentibus aliqua

a) In *Instit. chirurg. rat.* §. 815. 816. 835. *squ.*

qua pariter mentio facta fuit, medicamenta pharmaceutica directe nihil valent, sed præcipuum auxilium a sola chirurgia instrumentali a) expectandum est. Circa posteriorem cæteroquin affectum haud ignorari oportet, facile istum post operationem revertere, nec unquam penitus, si hydropis symptoma constituat, persanari, nisi morbus primarius tollatur.



## CAP. IV.

DE

## HYDROPE ABDOMINIS VERO.

## §. I.

**T**riplex in Praxi HYDROPS ABDOMINIS VERVS seu *proprie talis*; nimirum *Hydrops ascites* sive *utricularis*, *Hydrops peritonæi*, et *Hydrops abdominis externi anasarcoideus* occurrit. *Hydrops ascites* (ab *ἄσκης, uter*) universalem sensimque incrementem abdominis tumorem, ab humore seroso-

a) Vid. PLATNER L. c. §. 815. sequ. it. §. 823. 835. sequ.



roso - lymphatico, in imi ventris cavitate collecto, prognatum, denotat, ac rursus in *Ascitem vulgarem, saccatum, et vesicularem* sive *vesicalem* dividitur.

## §. II.

Ascites vulgaris oritur, quando vascula quædam lymphatica, propter *viscerum aliarumque imi ventris partium*, hepatis v. g., ac venæ portarum, pancreatis, lienis, aut vasorum ac glandularum mesenterii, *obstructionem refractariam*, adeoque ob *valde hinc inde sufflaminatum sanguinis ac lymphæ circuitum*, rumpuntur, et *humor seroso - lymphaticus a)* iugiter affluens, immo, *obstructis interdum ruptisve vasis lacteis*, ipse *chylus b)* in *cavitatem*

- a) b) Aqua, in ascite recentiori mediante paracenthesi educta, sero ac lymphæ naturali haud dissimilis reperitur, prunisque cum cochleari admota, albuminis ovorum instar, coagulum subit. Notatu quoque dignum est, eandem, testantibus observationibus, subinde colorem albidum et saporem subdulcem obtinuisse; manifesto documento, chylum pariter ex obstructis ruptisque venis lacteis nonnunquam in abdominis cavitatem effundi, et massam igitur sanguinis

tem abdominis inter peritonæum et viscera effunditur, vel subinde etiam si *viscerum sudor*, propter eandem obstructionem, a venis bibulis resorberi, et denuo ad humores circulates redire nequit, sed in massam aqueam coire cogitur. Silentio præterea hoc loco minime prætermittendum censeo, interdum præternaturalem hanc aquei humoris in ventre collectionem sub *pertinaci* tantum *ischuria*, citra ullam vasculorum rupturam et citra ulla pariter mesenterii cæterorumque viscerum vitia, contingere, adeoque in tali casu causam proximam unice ad *sublatam exhalationis et inhalationis proportionem* redire. Suppressa enim lottii excretionem, posteaque ipsa etiam secretionem cohibita, vasa sero excrementitio nimium replen-

eo magis temperante liquido totumque corpus nutrimento privari. Non adeo diu cæteroquin extravasati hi liquores pristinam temperiem, pristinumque colorem retinent, sed sub mora diuturniori in abdominis cavo viscidiores, valde acres, purulenti, putridi ac foetidissimi redduntur, et sensim, sicuti sectio post mortem et paracenthesis apud vivos instituta abunde docuerunt, colorem citrinum, aut viridescentem, subrubrum, rubello-nigricantem &c, induunt,

replentur, et tubuli exhalantes ob iusto largiorem affluxum magnopere distenduntur, adeoque plus, quam venæ bibulæ resorbere possunt, emittunt. Probabile quoque est, *obstructionem pororum vesicæ urinariæ*, qui partem sudoris viscerum in vesicam transmittere creduntur *a)*, haud raro prædictæ collectionis causam existere, vel plus tamen minusve ad augendam humoris extravasati molem conferre.

### §. III.

Obstructio viscerum memorata modo  
*sanguinis ac lymphæ spissitudinem solidarum-*  
*Tom. II.* C *que*

*a)* Sententia hæc maxima omnino verisimilitudine gaudet. Nam quotidiana constat experientia, lotium post copiosam potulentorum, præsertim tepidorum, adsumptionem pallidum, tandemque fere aquosum, excerni, et deinde etiam experimentis satis confirmatum est, vesicam urinariam poris, liquida aquosa ab extra in cavitationem eius penetrare permittentibus, inde autem redire prohibentibus, instructam esse, immo aquam, ad aliquot uncias abdominis cavitati, apud canes provide apertæ, infusam, elapsis aliquot horis, per urethram denuo reddi, etiam

*que partium atoniam eminentem, modo tumores nodosque indissolubiles scirrhosos, modo, quanquam paullo rarius, spasmos insolentiores eosque diurnos aut crebro revertentes, vel clandestinas tamen constrictiones ac coarctationes vasorum proximas rursus causas agnoscit; hinc præ reliquis etiam prava alimenterum in ventriculo digestio et vitiosa chylificatio, elus copiosior atque frequentior ciborum viscidorum atque irresolubilium, usus intemperantior potulentorum spirituosorum, præsertim vini adusti, ingurgitatio aquæ frigidae post corporis incalescentiam aut iracundiam, moeror diurnus, constitutio aeris humida simulque frigida, sudoris, fluxus menstrui, lochialis et hæmorrhoidalis suppressio, abusus purgantium drasticorum, intempestivus stypticorum martialium usus in passione hypochondriaca, febres intermittentes, fluor albus et critica alvi profluvia, adstringentium usu præmature cohibita, icterus chronicus, colica gravior, rebellis passio hysterica, nephritis calculosa, exulceratio renum, hæmorrhagiæ*

ambo ureteres filo ceraceo ligati fuerint. Conf  
D. D. KRATZENSTEIN *Diff. de Diabete* p. 12.

rhagiæ immodicæ, adsumpta toxica saturnina aliaque constrictoria, retropulsa impuritas scabiosa aut arthritica et dyscrasia humorum scorbutica huius morbi genesi et incremento famulantur: Immo, fieri nonnunquam solet, ut plagæ, abdomini ruditer illatæ, aut graves eiusdem contusiones ac concussiones, nec minus exhibita venena caustica, citra prægressam aut complicatam viscerum &c. obstructionem, rupturæ vasculorum lymphaticorum, aut erosionis, eamque excipientis exundationis præternaturalis, auctores existant.

§. IV.

Intumescencia abdominis hydropica primordia sua ut plurimum quidem in pedibus habet, et tumor oedematosus, qui foveas, digito impressas, aliquamdiu retinet, et noctu in lecto calido et sub corporis decubitu paullulum ordinario decrescere, interdum autem sub situ erecto ac motu corporis rursus increscere solet, inde per crura ac femora ad membra genitalia ac ventrem, nunc celeriori, nunc tardiori progressu, adsurgit, subinde nihilominus accidit, ut ista, propter congruas et æquatas causas procataceticas, inter proxi-



me præcedentes passim recensitas, primum et interdum subito in ipso abdomine nascatur, et postea demum ad genitalia artusque inferiores descendat. Initio, præsentē videlicet minori aquæ extravasatæ copia, tumor abdominis ordinario oedematosus, aut tamen mollior et sub ægri decubitu supino latior atque depressior est, et aqua sub motu et alternante inprimis corporis conversione ad latera, nec minus sub blanda abdominis percussione cum strepitu fluctuat *a*), crescente vero et adeo aucta humoris extravasati mole, ut abdominis parietes anteriores ac laterales valide ubi-vis atque æqualiter distendat, durus evadit, digitoque prementi fortiter renititur, et formam perfecte arcuatam, qua sese ab intumescencia ventris apud gravidas, quæ circa umbilicum elatior est, ac quasi acuminata, in regionibus iliacis contra depressior, admodum distinguit, nanciscitur, nec ulla amplius aut saltim levissima aquæ fluctuatio sub abdominis

con-

- a*) Optime hæc fluctuatio percipitur, quando manus dextro aut sinistro abdominis lateri, aut umbilico validius apprimitur, et deinde altera manu latus oppositum aut in casu posteriori pars abdominis infima modice percutitur.

concussione percipitur. Nunquam hic tumor, solo scilicet ascite præsentē, ultra scrobiculum cordis et trunci inferioris limites ad pectus, collum, faciem, brachia et manus extenditur, sed partes memoratæ paullatim potius contabescunt: Sin asciti autem, sicuti haud raro evenire consuevit, hydrops universalis intercutaneus accedat, partes quoque superiores indiscriminatim tumidæ redduntur.

### §. V.

Descripto molestissimo ventris et partium inferiorum tumori varia pathemata, sitis nempe magna et continua, inappetentia ciborum, tussis sicca, dyspnoea, subinde fere ad suffocationem usque, præsertim inter decumbendum, ingravescent, et febricula lenta, tandemque hæctica, sese comites adiungunt, ac sensim cum adolescente morbo primario adolescunt. Alvus interdum lubrica, liquida ac mucida est, interdum, et sæpius quidem, ingenti segnitie aut perfecta obstructione laborat, urina saturate ut plurimum rubra ac valde acris existit, et difficillime, pauca copia et cum dolore ardente ac morsicante excernitur, quin penitus nonnunquam fluere

nequit, sudor post data diaphoretica rarissime sequitur, in ore, faucibus et toto interdum canale alimentario aphthæ admodum urentes et profundius haud raro ulcerosæ generantur, vultus livido aut lurido defœdatur pallore, membra omnia summum torporem summamque lassitudinem persentiunt, viresque universi corporis magis in dies magisque decrescunt, et tandem, aucta humoris extravasati corruptione putredinosa, natisque hinc inde viscerum ulcusculis et maculis sphacelosis, perpetua in ventre morficatio, ieiuno imprimis ventriculo, percipitur, immo in externa abdominis superficie maiora quandoque aut minora ulcera exoriuntur, quæ, perseverante hydrope, nullis unquam remediis, licet minime profunda existant, consolidari possunt.

#### §. VI.

Hydrops ascites in genere morbus chronicus, refractarius et curatu difficillimus est; hinc cum pauci, secundum HIPPOCRATIS effatum et creberrima experientiæ testimonia, effugiunt: Valde tamen præsagia pro ætatis ac virium ægri, pro causæ atque dura-

durationis morbi, pro febris complicatae aliarumque circumstantiarum discrepantia variant. Si æger enim adhuc in vegeta ætate constitutus est, nec vires atque ciborum appetentia admodum deiectæ sunt, si morbus, a sola viscerum obstructione resolubili ortus, per moras longiores nondum invaluit, nec lenta adhuc febris iuncta observatur, cura rite instituta de sanitate recuperanda nondum desperandum est: Contrarium ominari, nec medicum certi quidquam spondere oportet, quando æger provectioris dudum senectutis annos attigit, aut morbus sub mora diuturniori iam valde adolevit, aut urgens febris lenta, et lividus luridusque faciei pallor, tabes itemque partium superiorum et ingens adpetitus ac virium prostratio, morficatio continua in abdomine et similia de ulcerosa viscerum corruptela haud obscure testantur.

## §. VII.

Curatio, sive felicem sive minus felicem successum sortiatur, tribus semper indicationibus, quarum prima ad *aquæ collectæ eductionem*, altera ad *obstructionum in visceribus resolutionem* et tertia denique ad *roboris amissi re-*

*stitutionem* redit, superstruenda est. Prima indicatio optime atque citissime tempestiva ac methodice instituta *paracenthesi* obtinetur; ast simul dolendum, quod chirurgicum hoc remedium plerumque nimis sero, morbo videlicet ad summum pridem gradum elevato, visceribusque dudum corruptis, adhibeatur, et ob hanc igitur rationem auxilium desideratum rarius ferat. Præter *paracenthesin* scopo huic *diaphoretica* pariter, eaque mitiora, nec minus *diuretica*, *laxantia* et interdum quoque *potentiora cathartica* inserviunt, præsertim si illis *activa aperitiva* et *leniora adstringentia* addantur aut interponantur; quippe quæ, partim organa excretoria et viscerum meatus referando, partim vim contractilem in solidis augendo, non tantum exclusionem aquæ per alvum aut vias urinarias egregie adjuvant, sed circuli quoque et inhalationis libertatem restitunt, adeoque novam humorum stagnationem, extravasationem ac præternaturalem in abdomine collectionem impediunt.

#### §. VIII.

Multa quidem pharmaca ad prædicta medicaminum genera referri possunt, propter  
emi-



eminentiorem tamen ac sæpius confirmatam  
 activitatem, aqua amara Sedlizensis, et acidu-  
 læ Pyrmontanæ, radix scillæ, morsuli anti-  
 moniales KVNCKELII, *pilulæ* ex asa fœ-  
 tida, gummi ammoniaco, sagapeno, terebin-  
 thina lota, extracto trifolii fibrini, cardui be-  
 nediicti, chamomillæ vulgaris, millefolii, ca-  
 tholico, mercurio dulci, sulphure antimonii  
 aurato et oleo cajeput, *electuaria* ex syrupo  
 de hyssopo, de erysimo LOBELII, oxy-  
 melite scillitico, rob iuniperi, extractis præ-  
 dictis, pulvere rhabbari, mechoacannæ al-  
 bæ, rad. iridis Flor., ari pptæ, sem. sinapi,  
 millepedum, granorum chermes, coccionel-  
 læ, croco martis aperitivo STAHLII, sul-  
 phure antimonii aurato &c., *mixturæ spiri-  
 tuosæ* ex tinctura metallorum, antimonii, tar-  
 tari, succini, pimpinellæ albæ, trifolii fibrini  
 et martis helleborata, *mixturæ spirituofo-vi-  
 nosæ* ex liquore terræ foliatæ tartari, extra-  
 ctis amaris, tinctura rhabbari, eff. gentianæ  
 rubræ, pimpinellæ albæ, trifolii fibrini, tin-  
 ctura martis helleborata &c., *mixtura aqueo-  
 spirituofo* ex spiritu salis dulci et tinctura flo-  
 rum poeonie aquosa, sale ebulli aut centaurii  
 minoris nec minus arcano tartari aut floribus

*salis* C 5

salis ammoniaci largius imprægnata, *infusa vinosa* ex radice ellebori nigri, pareiræ bravæ, saponariæ, cichorii, ligno Guaiaco, nephritico, hba hederæ terrestres recentiori, marubii albi, summitat. genistæ, flor. hepaticæ nob., anserinæ, calcatrippæ, sem. foeniculi, apii palustris, dauci vulg. et Cretici, baccis iuniperi, cinnamomo &c., ut et *pulveres* ex nitro, sale fixo centaurii minoris, cardui bened., sale de SEIGNETTE, mirabili GLAUBERI, floribus salis ammoniaci martialibus, granis chermes, rad. iridis Florentinæ, arripptæ, sulphure antimonii aurato, croco martis aperitivo STAHLII &c. præcipue hoc loco laudari merentur a). Non contemnendi quoque usus *clysteres acriores* sunt ex rad. scillæ, pimpinellæ albæ, hba hyssopi, rorismarini, salviæ, thymi &c., præsertim si addito quodam sale amaro aut falso vulgari, et electuario hieræ picræ simpl. aut compositæ, electuario benedictæ laxativæ &c. energia eorum exaltetur.

## §. IX.

- a) Nonnulli etiam rotulas stimulantibus *M Y N S*, pellendi scopo laudant, immo pauxillum pulveris cantharidum pilulis et electuariis addunt; at

## §. IX.

Aqua educta, et viscerum obstructionibus reclusis, cura ulterior eo maxime dirigenda est, ut robur amissum partibus solidis denuo restituatur. Nolo numerosissima illa pharmaca amara, balsamica, et subadstringentia, quæ ad finem hunc impetrandum in usum trahi possunt, speciatim recensere, sed paucis tantummodo monuisse sufficiat, corticem Peruvianum, martialia, et succum granorum chermes sese virtute sua valde in hoc passu commendare, et frequentius itaque ac paulo largiori dosi, interpositis tamen, vel additis mitioribus aperitivis, exhibenda esse.

## §. X.

*Hydrops abdominis saccatus* in eo maxime ab ascite vulgari differt, quod humoris extravasati atque collecti moles, sive ille limpidus adhuc atque sincerior sit, sive dudum corruptus, foetidus ac vario colore tinctus, libere haudquaquam in abdominis cavitate et inter viscera circumfluat, sed tota, vel quoad po-

mihi, propter erosionis metum, internum cantharidum usum parum placere non diffiteor.

potissimam tamen partem, sacco cuidam membranaceo, nunc *simplici*, h. e., unica tantum atque continua cavitate donato, nunc *celluloso*, sive in multas majores et minores conca-merationes distincto *a*), inclusa hæreat. Origo harum bursarum, quæ ingentem subinde magnitudinem consequuntur *b*), valde incerta ac sine dubio multiplex est. Pro mea enim sententia formari possunt, 1.) quando tunica hepatis, aut lienis, aut alterius visceris ac partis membranacea in loco quodam, humoris extravasati pressione, ab involuta substantia citra rupturam avellitur, aut 2) duplex mesenterii lamina membranacea a liquido quodam seroso-lymphatico in telam cellulofam interiectam effuso, ab invicem distrahitur, aut 3) cellulæ quædam omenti adiposæ, propter vasculorum reducentium obstructionem, pingui humore seroso valde replentur, ac magis paulatim magisque distenduntur, aut 4) viscidæ humoris extravasati moleculæ in ascite vulgari in orbiculare ac clausum

a) Vid. *Memoir. de l' Acad. Royal. des Sciences ann. 1703.*

b) *Conf. Commerce, litt, Norimb. ann. 1731. p. 147.*

sum involucrum membranaceum sensim crescunt a). Tertia originis species considerationem maxime mereri videtur, quoties faccus maior in numerosas rursus cellulas minores divisus cernitur, reliquæ autem præcipue circa bursæ simplicis genesin locum inveniunt. Apud foeminas, quod tacitus hoc loco præterire nequeo, interdum *Hydrops dextri* aut *sinistri ovarii* hydropem abdominis faccatum mentitur. Primum enim indurascunt hæc ovulorum conceptacula, deinde inflammantur, corrumpuntur, et liquore, ex innumeris lymphæ vasculis, substantiam eorum perreptantibus, sensim erumpente, adeo distenduntur, ut tandem in magnam molem excrescant b).

## §. XI.

Tumor in hydrope faccato ut plurimum in alterutro abdominis latere incipit, et ægri sub morbi primordiis minorem duntaxat molem globosam in certo loco percipiunt, quæ ali-

a) Conf. *Memoir. de l'Acad. des Sciences ann. 1719.*

b) Conf. RICHARDI MEAD. *Monita et Præcepta medica* p. 71.



aliquamdiu citra singularem molestiam et citra notabilem coloris naturalis in cute mūtationem increfcit, adeoque apud foeminas perfæpe graviditatis fufpicionem movet. Abdomen præterea fub quocunque corporis fitu formam eandem retinet, nulla quoque fentitur aquæ fluctuatio, nec ullus, morbi initio, tumor genitalium, femorum, crurum ac pedum œdematofus obfervatur, fed partium didtarum fingulæ poft diuturniorem demum tumoris abdominalis præfentiam, fuperveniente videlicet afcite vulgari, intumefcunt. Interdum nihilominus figna memorata medicum fallere poffunt, quoniam hydrops faccatus et afcites vulgaris fubinde eodem tempore et in eodem fubiecto iunctim generantur, aut faccus in vulgari afcite, ficuti antea pridem retuli, ex vifcidis demum humoris extravafati atque corrupti particulis paullatim concrefcit.

## §. XII.

Ab ufu medicamentorum pharmaceuticorum in hydrope faccato parum vel nihil auxilii exfpectandum eft, quum humor inclufus neque per alvum et urinæ vias educi, neque

que ad fluida circulantia revertere potest; hinc tota spes, quæ forsan superest, in *paracenthesi* collocanda erit: Dolendum tamen, hanc pariter operationem, quæ in ascite vulgari inter certiora evacuantia militat, rarissime voto ac spei perfecte satisfacere, quoniam tunica sacci post puncturam et aquæ effluxum in abdomine remanet, et, coalito rursus inflicto foramine, nova aquæ collectio intra breve tempus accidit.

### §. XIII

*Hydrops Vesicularis* sive *Vesicalis* rarius, quam binæ præcedentes species, in praxi obvius est, et ingentem congeriem variæ magnitudinis hydatidum supponit, quæ abdominis cavitatem replent, et ventris tumorem efficiunt. Hydatides hæ, sive vesiculæ, aqua refertæ, subinde visceri cuidam arcte adhærent, et aliquando solitariae sunt, hinc nihil aquæ sub primis mali incunabulis in abdomine fluctuat, aliquando autem, sociato nimirum ascite vulgari, mobiles inveniuntur, et extravasato humori aqueo, cum mutua ut plurimum cohæsione, vel, quanquam rarissime, citra eandem, innatant, aut quoad ma-  
ximam

ximam tamen partem immersæ iacent. Priores, ex mente quorundam *a)*, nihil aliud sunt, quam portiones vasorum lymphaticorum alicuius visceris, in quibus motus lymphæ est impeditus, unde spatiola inter valvulas, liquore prædicto distenta, in figuras oblongo-sphæroidales efformantur: Posteriores ex adverso, uti ego quidem opinor, ex viscidioribus ac gelatinosis humoris corrupti particulis eodem prorsus modo, quo saccus maior interdum generari dictus fuit, sensim concrescunt; quemadmodum istud in ipso etiam hydrope saccato nonnunquam evenire solet *b)*, quando humor inclusus, crescente corruptela, maiorem successive spissitudinem atque lentorem contrahit.

#### §. XIV.

De curatione huius hydropis eadem prorsus dicenda veniunt, quæ de saccati medela dicta fuerunt, immo multo adhuc magis,

*a)* Vid. JO. ALLEN *Synops. Med. Pract. Cap. 8. p. m. 293.*

*b)* Vid. *Memoir. de l'Acad. Royal. des Sciences ann. 1701, 1793, et 1722.*

gis, quam in saccato, de optato successu dubitandum est. Nam si vesiculæ, propter accretionem ad viscera, vel propter magnitudinem aut mutuam cohæsionem, per factam aperturam nec egredi, nec etiam, ob situm incertum, aut remotiorem, aut distinctum atque mutabilem, incidendo aut pungendo aperiri possunt, vel nihil omnino aquæ, instituta paracenthesi, effluit, vel tantum humor, massam vesicularem et viscera libere circumfluens, erumpit, et operatio proinde intuitu scopi primarii plane frustranea est.

### §. XV.

Ab ascite vario, hætenus exposito, HYDROPS PERITONÆI magnopere quoad sedem humoris extravasati et nonnihil etiam quoad symptomata discrepat, et itidem in *vulgarem* atque *saccatum* dividitur. Vulgaris audit, quando humores seroso-lymphatici non tantum in universam telam peritonæi cellulosam, quæ abdominis anteriora imbit, sed inter hanc etiam et transversos musculos abdominales ita effunduntur, ut posteriores a peritonæo disiungantur, et tumor ventris renitens, subrotundus, æquabilis, et

Tom. II. D circa

circa umbilicum duntaxat, ob strictiorem ibi tendinum muscularium cum peritonæo co-hæſionem, paullo depressior, oriatur: Sacculus autem appellatur, quoties humor in simplici quadam ac magna bursa membranacea, inter densam peritonæi laminam et musculos abdominis præternaturaliter efformata, et facile nonnunquam a partibus reliquis separabili *a)*, tanta copia colligitur, ut tumor, artioribus quidem, quam in specie præcedente, limitibus circumscriptus, valde tamen super reliqui ventris superficiem eminens, in conspectum veniat.

### §. XVI.

Longe tardius in hac specie, quam in ascite, tumor abdominis augeſcit, summumque incrementi gradum haud raro post aliquot demum annorum decurſum attingit, appetitum præterea eſculentorum ac potulentorum, respirationem, somnum, naturalem vultus colorem, vigorem oculorum, excretionem alvinam, diuresin, fluxum menstruum apud foeminas, et cæteras corporis functiones parum

*a)* Vid. *Comm. litt. Norimb. ann. 1741. p. 51.*





hic, quantum fieri potest, evitetur, sequentia differentiaë criteria notanda erunt. Tumor in hydrope abdominis oedematoso sive anasarcoideo, qui sedem suam in panniculo adiposo habet, et a *lymphæ admodum viscida*, in dicti panniculi cellulis, propter partium solidarum atoniam et venarum reducentium obstructionem, valde accumulata, oritur, pallidus omnino, laxus, ac mollis est, et sub primo igitur ortu suo et ulteriori progressu digiti impressi vestigia aliquamdiu retinet, in hydrope peritonæi autem durior existit, digitoque prementi valide renititur, et initio nullam, post incrementum vero atque durationem longiorem levissimam duntaxat coloris naturalis mutationem patitur. Quibus accedit, quod oedema femorum, crurum ac pedum hydropi peritonæi solitario nunquam, anasarcoideo autem frequentissime iunctum reperitur.

### §. XVIII.

Prognosis et successus curationis in hydrope peritonæi non minus, quam anasarcoideo, pro durationis, magnitudinis, aliarumque circumstantiarum diversitate differunt

runt. Si patiens enim iunior, vegetus, atque robustus, et tumor ipse adhuc parvus ac recens existit, nec ulla pridem febricula lenta, nec alia functionum vitalium ac naturalium læsione singulari stipatus reperitur, si aqua etiam, paracenthesi educta, tenuis, bene colorata, nec foetida est, bonum plerumque eventum et perfectæ interdum sanitatis reditum sperare licet. Contraria vero metuenda erunt, quando patiens iam senex aut senio proximus aut valde infirmus est, aut tumor diu pridem duravit ac valde increvit, dudumque febrem lentam aliaque pathemata comites habet, et aqua præterea, post institutam paracenthesin erumpens, admodum crassa, foetida, mali coloris ac penitus ulcerosa deprehenditur.

## §. XIX.

Pharmaca *aperitiva, purgantia, diuretica* et *sudorifera*, supra contra ascitem commendata, in hoc pariter hydrope, præsertim adhuc recentiori, subinde non contemnendum quidem auxilium ferunt, nec calor etiam *hypocausti, foci, furni, solis, arenæ, fimi &c.* laude sua defraudandus est; optimum nihilo-

minus atque certissimum remedium *Paracethesis* est, si incisio scilicet ad cellulofam duntaxat peritonæi laminam nec ultra penetrans, tempestive, h. e., tumore adhuc parvo atque recenti, superflite etiam sufficienti ægri robore et humore extravasato nondum corrupto, instituatur, ac toties, quoties necessum erit, repetatur. In casu enim contrario parum quoque auxilii præstat, et palliativum tantummodo tumoris, tum primum nati, tum renascentis, remedium est.



## CAP. V.

DE

## T Y M P A N I T E.

## §. I.

**T**YMPANITES (*α-τυμπανίζω*, *tympani instar sono*), alias etiam *Tympanitis*, *Tympanias*, nec minus, quanquam abusive saltim ac satis inepte, *Hydrops siccus*, *Hydrops flatuosus* dictus, est tumor abdominis constans, æquabilis, durus, valde renitens, sonitumque sub percussione edens, a distendente materia flatuosa

flatuosa ortus, adeoque sensim absque multo gravitatis sensu in fastigium assurgens.

## §. II.

Melioris cognitionis gratia triplex Tympaniæ species, *Tympanites* nimirum *intestinalis*, *ventralis internus*, et *abdominalis* si-  
ve *ventralis externus*, constitui debet. In  
prima specie flatus, continua atque ingenti  
distensione renitentem ventris tumorem effi-  
cientes, canalem alimentarium, ventriculum  
videlicet et intestina, maxime autem cæcum  
et colon, replent, et bina hæc posteriora adeo  
interdum expandunt, ut crassitie sua, sicuti  
sectio post mortem docuit, femur humanum  
æquent, quin apud vivos patientes, ipsam  
quandoque rupturam patiantur: In altera  
specie similis materia flatuosa putrida et ordi-  
nario igitur, si emittitur, foetidissima in cavi-  
tate abdominis, adeoque intra peritonæi, in-  
testinorum ac viscerum limites, nunc sola,  
nunc vero, præsertim post longiorem morbi  
durationem, iunctim cum aliqua humoris se-  
rosi mole, hospitatur, et in tertia denique te-  
lam peritonæi cellulosam ac huius et muscu-  
lorum abdominalium interstitia, siue spatia



intermedia, immo, licet rarius, panniculi adiposi cellulas, occupat.

### §. III.

Causa tympaniæ intestinalis præcipua mihi nulla sane alia esse videtur, quam *ingentunicarum ventriculi et intestinorum atonia*, qua præsentē, non tantum resistantia eorum valde minuitur, sed naturalis quoque vis contractilis adeo decrescit, ut flatus, sub necessario complicata digestionis labe ex mucido - semiputridis cruditatibus copiosissime genitos, debite amplius per superiora et inferiora expellere nequeant; unde minime etiam mirandum est, quod magis in dies magisque cum toto ventre intumescant. „Ventriculus enim „et intestina, uti IO. ALLEN, præeunte „LITTRIO, loquitur a), quasi musculus cavatus spectari possunt, cui aer inclusus est „antagonista, parietes et aer internus sunt „tanquam duo *ελασρα* se mutuo indefinenter „impellentia. Quamdiu hæ potestates æquipollent, ventriculus et intestina alternatim „se contrahunt, et dilatant salva dimensione natu-

a) In *Synops. Med. Pract.* p. m. 300.

„naturali, suntque officiis suis obeundis paria,  
 „manente scilicet æquilibrio: si autem late-  
 „rum ventriculi et intestinorum systole vim  
 „elasticam aeris inclusi superat, fistula intesti-  
 „nalis supra modum coarctabitur: e contra  
 „si quando fibrarum intestinalium vires elasti-  
 „cæ quoquo modo imminuantur, aer inclu-  
 „sus canalem plus iusto dilatat, et quo debi-  
 „lior est intestinorum elasticitas, eo maior eva-  
 „dit eorum capacitas, unde Tympanites or-  
 „tum ducit. &c.

#### §. IV.

Prædicta ventriculi et intestinorum ato-  
 nia interdum universi generis nervosi imbe-  
 cillitatem, a causis variis, alibi recensitis, in-  
 ductam, sequitur, interdum vero refractariæ  
 viscerum aliarumque partium connexarum,  
 hepatis v. g., lienis, pancreatis, vasorum me-  
 feraicorum &c., obstructioni succedit, et alio  
 rursus tempore et apud alia individua escu-  
 lenta oleosa ac pingua, nec minus potulenta  
 aquea tepida, iusto largius iustoque frequen-  
 tius adsumta, clysmata aliaque medicamenta  
 emollientia, tam interna, quam externa, item-  
 que vomitoria et cathartica fortiora nimium

usurpata, spasmi insolentiores ac crebro recurrentes hypochondriaci atque hysterici, tormina colica, iliaca et nephritica vehementiora, impetuosæ atque creberrimæ congestiones hæmorrhoidales, spontanea ac diuturna flatuum, exitum molientium, repressio atque retentio et similia mediati aut immediati eiusdem genitores existunt.

## §. V.

Altera species, quam *Tympanitem ventralem* sive *abdominalem internum* appellavi, longe rarius, quam præcedens, occurrit et triplicem originem, si prima materiæ flatuosæ generatio, vel potius generationis locus spectetur, habere videtur. Pro mea enim sententia nasci potest, 1) quando parva humoris seroso-lymphatici moles, propter causas varias, in antecedente capite expositas, in abdominis cavitatem effusa, sub diuturniori quiete sua putrescit, ac sensim in flatuosam materiam resolvitur, 2) quando similis vapor elasticus ac foetidissimus a viscere quodam corrupto magna sensim copia emittitur a), et deni-

a) Conf. RICHARDI MEAD *Monita et Præcepta medica* Cap. 8. de *Hydrope* p. 70.

denique 3), si flatus, in canale intestinali geniti, per unam aut plures intestini cuiusdam aperturas, erosione, exulceratione, aut putredine factas, vel a vermibus rosione productas a), in imi ventris cavitatem irrumpunt, ibidemque calore magis expansi, ventris integumenta attollunt atque distendunt. Nonnulli memoratis transitus viis etiam vasa lactea addunt, eademque ita nonnunquam circa originem suam in intestinis dilatari posse perhibent, ut iunctim humorem alibilem et flatus recipiant, eosdemque postmodum, si in aliquo loco, obstructis inprimis glandulis mētericis, rupta aut corrosa fuerint, in cavum abdominis emittant.

## §. VI.

A tympanite ventrali interno *Tympanitem ventralem externum* non adeo longe quoad flatuosæ materiæ generationem recedere, arbitror. Facile enim fieri posse, credo, ut humor quidam viscidus seroso-lymphaticus in

a) Conf. 10. HENRICI SCHULTZII *Dissert. de Lumbricis effractoribus.*

in cellulosa peritonæi substantia, non copiose tamen, sed parva tantum quantitate subsistens, vel minori etiam mole inter peritonæum et musculorum abdominalium interstitia effusus, paullulumque sub quiete diuturniori putrescens, caloris actione in flatum mutetur, quæ partes postea, arctius antea cohærentes, disjungit, et, novas cavitates magis paullatim magisque replendo, distendendo atque ampliando, renitentem ventris tumorem efficit. Nec silentio etiam prætermitti debet, causam præternaturalis inflationis formalem æque ac materialem interdum, licet rarius, in cellulis pancreatici adiposi latitare, quoniam aer inclusus et rarefactus nonnunquam, sicuti istud observationes nonnullæ docuerunt, post extimorum duntaxat integumentorum perforationem cum sibilo erumpit, et tumor in loco puncto et circa eum confestim subsidet.

### §. VII.

BAGLIVVS et plures alii, quod paucis adhuc commemorare necessum duco, aliam rursus, et ab exposita plane distinctam, hydropis sicci ætiologiam tradiderunt, eumque unice, citra ullius materiæ vaporariæ seu flatuosæ



ſæ præſentiam, a *fibrarum*, e quibus viſcera ac reliquæ abdominis partes contexta ſunt, *ficcitate nimia et ingenti affectione tetanoidea*, ab acri quodam humore irritante induc̃ta, ori-ri crediderunt. Verum quod me attinet, ſententiam hanc, quam BAGLIVVS citra ullam plane exceptionem propoſuit a), penitus quidem reiicere nolo, probe nihilominus inter cauſſam tympaniæ proximam atque formalem et cauſſam aliquam procataſticam diſtinguendum eſſe, exiſtimo; hinc totam rem ita mihi concipio: Quando fibræ viſcerum

- a) „Flatuoſa ventris intumeſcentia, in Oper. p. 81.  
 „ſcribit, ſive ſiccus hydrops ventris, non gigni-  
 „tur a vapore detento intra viſcerum et abdo-  
 „minis clauſtra, ut vulgus putat ignarum. Fi-  
 „bræ viſcerum et partium abdominis intentæ  
 „nimium, criſpatæ et exſiccatae portentofum ac-  
 „quirunt elaterem; Vnde ingens diſtentio ſoli-  
 „di, ſine ullo vapore ſubiecto: Et quando di-  
 „ſtenſio multum augetur, magis magisque liqui-  
 „dorum circulum impedit, hinc facile ſicco hy-  
 „dropi humidus ſuccedit, et ſemper ante mor-  
 „tem aſcites tympanitidi coniungitur. Fibras  
 „autem exſiccatur, criſpat, convellit materia acris,  
 „ſalina, piperina, morſicans; hinc ſiccitas et  
 „diſtenſio, &c,

rum cæterarumque abdominis partium, propter diuturnam diætam calidam atque vinosam, propter aromatum, falsorum, purgantium, sudoriferorum, et diureticorum abusum, aliasque causas, iusto sicciores redduntur, facillime, ab acri tamen humore irritatæ, in vehementes ac valde rigidas contractiones tensionesque spasmodicas ruunt, quæ liberum postea liquidorum circuitum sufflaminant, et stagnationi eorum, accumulationi, et passim quoque, facta inprimis vasculorum quorundam ruptura, extravasationi occasionem præbent: Vnde fit, ut, pro diversa humoris extravasati quantitate ac sede, vel hydrops humidus seu proprie talis, vel secunda aut tertia hydropis sicci seu flatuosi species, modo in antecedentibus exposito, nascatur.

### §. VIII.

Adventum tympanitidis interdum murmura ventris crebriora, rugitus, ac tormina, et vehementes inprimis ac diuturni dolores circa umbilicum, qui nullis remediis cedunt, præfagire solent, interdum vero sine prodromis hisce accedit. Tympaniæ ventrali externæ et plerumque etiam internæ sub primo

mo statim ortu, sicuti ex præmissa dudum ætiologia patet, aliqua humoris serosi extravasatio iuncta reperitur, intestinalis autem initio ut plurimum solitarius est, et postea demum, nisi tempestiva atque felici medela tollatur, in ascitem incurabilem degenerat. Quando aquæ moles in abdominē iam valde increvit, tympanites ab ascite vix amplius aut ne vix discerni potest, et in solitario tantum certiora quædam differentiæ criteria notantur. Nam tumor in tympanite sub quocunque corporis situ æqualis ac constans est, ita ut venter, ægro resupinato, nusquam subsideat, sed ubique admodum distentus permaneat, et æque propemodum ac vesica, spiritu plena, tumeat. Magis præterea et undique digito prementi renititur, multoque durior, quam in ascite, est, et manu percussus tympani instar sonitum edit, nulla tamen sub percussione aut corporis volutione ad latera aquæ fluctuatio percipitur, nec patiens tantam quoque ventris gravitatem, quam in ascite, sentit. Reliqua symptomata, parca videlicet et difficilis urinæ excretio, alvi siccitas et pertinax obstipatio, aut summa segnities, nec minus dyspnœa, tussis sicca, pulsus celerior

celerior atque subdurus, sitis, febris lenta &c. tympaniti et asciti communia quidem, in priori tamen plerumque mitiora, in posteriori graviora deprehenduntur, si excretionem alvinam exceperis, quæ in tympanite intestinali magis ordinario, quam in ascite, sufflaminata est, quoniam intestina, propter ingentem distensionem summamque fibrarum atoniam, nullo fere motu peristaltico, nec debito amplius atque sufficienti vi expultrice gaudent.

### §. IX.

Tympanites intestinalis et ventralis externus, recens tamen et apud subiecta iuniora natus, interdum feliciter rursus curatur, in inveterato autem, ad ἀκμὴν perducto, nec minus in ventrali interno nihil sperandum est, sed tandem post longiora aut breviora temporis intervalla ascites funestus certissime sequitur. *Paracenthesis* in tympanite intestinali solitario nullum plane locum invenit, sed eo tota dirigenda erit curatio, ut ventriculo et intestinis robur pristinum per interna et externa auxilia restituatur, quo muniis suis circa chymificationem non minus ac chyli-

catio-

cationem, sed circa flatuum pariter fæcumque alvinarum translationem et excretionem debite rursus perfungi valeant. Inserviunt huic scopo singula *carminativa* et *roborantia*, *balsamica*, *amara*, *aromatica*, *acria*, *austeriusculo-amaricantia* et *austera* interna, nec minus externa varia, *linimenta* videlicet, *emplastra*, *sacculi*, *clysteres acriores*, *carminativi* ac *roborantes*, *cingula latiora coriacea* &c., Sect. II. Cap. 13. §. 9. et 10. contra flatulentias primæ culinæ commendata, uberrimeque exposita; quare speciatim illa hoc loco recensere nolo, sed paucis tantummodo adhuc moneo, prædictis carminativis ac roborantibus interis apud subiecta nonnulla *aperitiva* etiam adlenda et interponenda esse, ut viscerum aliarumque partium connexarum obstructions, quæ sæpe sæpius, uti supra retuli, præcipui atoniæ ventriculi et intestinorum genitores exstunt, recludantur: Immo haud ignorari quoque debet, ab usu pharmacorum calidiorum abstinendum, et mitiora saltem, cum temperantiis mixta, in usum trahenda esse, quando calor universi corporis ficcus atque continuus, et partium superiorum contabescencia complicata ludum lentæ febriculæ præsentiam produnt.



## §. X.

Tympanites ventralis internus, post visceris aut partialem intestini cuiusdam exulcerationem aut putrefactionem, vel post perforationem intestinorum a vermibus aut vasorum lacteorum rupturam oriundus, pro meo iudicio plane insanabilis est; quod alteram vero speciem primariam attinet, quæ humori extravasato putrescenti, sensimque in flatum resoluta, suos natales debet, illam, si viscera putridis ulceribus nondum corrupta, sed saltem obstructa sint, nonnunquam *paracenthesis* et *pharmaca, contra ascitem laudata*, tollunt.

## §. XI.

In tympanite ventrali externo medendi methodus et remedia pro causarum diversitate differunt. Si tumor enim a copiosa materia seroso - flatuosa, telam peritonæi cellulosa et musculorum interstitia, vel cellulas panniculi adiposi occupante, excitatur, præter aptam *paracenthesin*, sola mitiora *antascitica*, æque ac in vero peritonæi hydrope, profunt: Sin mera autem fibrarum, membranarum, ac viscerum affectio tetanoidea seu ingens, rigida ac plane singularis strictura, post

post nimiam exsiccationem ab acri humore excitata, citra vaporariæ materiæ concursum, huius et cuiuscunque hydropis sicci causa existat, paracenthesis et quævis pharmaca acria et calida amara balsamica, aromatica, ac spirituosæ, et quævis pariter purgantia, diuretica atque sudorifera exulare debent, et totum potius curationis negotium *temperantibus, demulcentibus et humectantibus* expediendum erit. Conducunt itaque iuscula avenacea et carniū iuniorum animantium, lac asininum et caprinum, serum lactis dulce, aqua Selterana cum lacte, decocta avenacea et hordeacea cum radice scorzonerae recenti, altheæ, taraxici, tussilaginis, graminis, rasura cornu cervi, eboris &c., aqua simplex frigidiuscula, clyffo antimonii sulphurato, aut succo citri et limoniorum, aut sale acetosellæ et nitro dep. parcius imprægnata, succus cucumerum atque melonum depuratus et sacharo canto nonnihil remixtus, chocolada, absque aromatum additione ex solis nucleis cacao et sacharo parata, immo emulsionēs ex aqua flor. nymphaeæ, borraginis, anagallidis purpureæ, cichorii, lactucæ, amygdalis dulcibus, seminibus quatuor frigidis maioribus et minoribus,

ribus, nitro depurato &c., nec minus potiunculæ ex aquis iisdem, nitro, sale acetosellæ, syrupo acetositis citri, mororum &c. Hisce interdum moderatus quoque *balnei aquæ simplicis* ac *tepidæ* usus iungi potest: Vfus, inquam, moderatus, ne iusto frequentiori eius adhibitione fibris partium solidarum status, priori plane contrarius, magna nempe flacciditas et atonia, inducatur. Eadem cautela etiam circa *clysmatum humectantium* adplicationem notanda erit.

## §. XII.

Corpore debite humectato, fibrisque strictis sufficienter relaxatis, prima culina per *blanda laxantia*, quibus hoc loco infusum rhabbarino-mannatum cum sale de Seignette aut cremore tartari, nec non passulas rhabbarinas, pulpam tamarindorum, decoctum prunorum laxativum cum senna, syrupum rosarum solutivum et similia mitiora accenseo, a recrementis suis purgari, et deinde *leniora viscerum aperitiva*, quæ paullulum insuper partes solidas confortant, in usum vocari debent. Neglecta enim viscerum reclusionione plenaria, affectio tetanoidea facile revertitur:

Nec

Nec ignorari quoque oportet, prægressæ diuturniori fibrarum stricturnæ nimiae ut plurimum atoniam succedere, et ob hanc igitur causam *roborantium* quoque usum, præmissis tamen præmittendis, necessarium esse.



## C A P. VI.

DE

### B V B O N I B V S.

---

#### §. I.

**B**VBO in genere tumorem glandulæ inguinalis dextræ aut sinistræ denotat, ac merito in *frigidum benignum, inflammatorium* atque *scirrhosum* dividendus est.

#### §. II.

Bubo frigidus benignus, h. e., ab inflammatione ac virulentia plane immunis, ut plurimum post digestionis vitia et transpirationis cutaneæ suppressionem a *lymphæ viscidæ decubitu* ac *stasi* oritur, nec raro etiam apud pueros atque puellas fieri consuevit, ut solum duntaxat *humorum lymphaticorum redundantiam* sequatur. Non adeo dolorosus cæte-

roquin, nec adeo quoque durus est, hinc facile, et sæpe quidem sæpius, citra medicamentorum usum, rursus discutitur. Propter formæ similitudinem sedisque vicinitatem subinde cum hernia inguināli confunditur; quare ne error hic, in magnum patientis detrimentum, circa diagnosin committatur, discriminis signa, quæ supra Cap. 3. de *Herniis* §. 9. adduxi, probe notanda erunt.

### §. III.

A frigido atque benigno glandulæ inguinalis tumore Bubo inflammatorius sese ardore, rubore, maiori duritie, et intensiori dolore distinguit, ac modo in vera peste aliisque febribus exanthematicis malignis per *metastasin* quandam generatur, modo, et quidem creberrime, *inquinatiōni humorum venereæ et præmature inprimis cohibitæ gonorrhoeæ virulentæ* succedit, nec tam facile iterum, quam præcedens benignus, resolvitur, sed sæpe in suppurationem aut exulcerationem transit, imo prior, exanthematicus videlicet ac pestilentialis, interdum, malo tamen omine, necrosin patitur, et posterior, a venereo miasmate oriundus, subinde, præsertim si levissima duntaxat, aut,



aut, sicuti nonnunquam observatur, nulla prorsus inflammatio iuncta sit, in scirrhum, doloris expertem et difficillime rursus resolubilem, indurescit. Non unica tamen hæc tumoris scirrhusi origo est, sed iste aliquando etiam nascitur, quando tumor frigidus benignus nimia medicamenti spirituosii exsiccantis aut reprimentis adplicatione induratur.


#### §. IV.

Adversus bubonem benignum auxilium est in *lenioribus catharticis*, præsertim mercurialibus, in *diluëntibus* itemque, *incidentibus*, *diaphoreticis* et quibusvis *purificantibus* et *anticatarrhalibus*, in *Parte priori Sect. VII. Cap. 10. §. 3.* contra tumores glandularum oris commendatis. Externe cataplasmata et fomenta *emollientia*, iisdemque aliquamdiu adhibitis ac forsan tumori resolvendo imparibus, emplastrum diaphoreticum et oxycroceum MYNS., de gummi ammoniaco, diachylon et similia conveniunt. Eadem remedia etiam in bubone venereo proficua sunt, externis tamen camphora et mercurius vivus largius addi, et ex internorum censu paullo potentiora eligi, iisdemque, si inflammatio valde increvit, pulveres nitroso-camphorati iungi de-

bent. Nec prætermitti quoque oportet, in inflammatorio bubone venereo suppurationem, propter humoris quiescentis virulentiam discussione semper præstantiorem esse, adeoque sedulo curandum, ut illa, nisi natura reluctetur, mature superveniat. Vltimum hoc monitum in bubone pestilentiali et quocunque maligno exanthematico eandem pariter, immo longe adhuc maiorem, quam in venereo, attentionem meretur, quoniam priores semper critici sunt, summumque patienti periculum post virulentissimi humoris regressum imminet; quemadmodum plura de hisce *Cap. de Peste* videnda sunt. Bubo scirrhusus *potentiora resolventia interna ac sola emollientia externa* ad sui curationem postulat, et iisdem quoque interdum, si adhuc scilicet recens, mobilis, nec valde durus existat, feliciter dissolvitur: Sin dudum vero callosam acquisiverit duritiem, medicamentorum actionem penitus spernit, et unice igitur in tali casu videndum, an tuto amplius *Sectione chirurgica*, cuius adornandi methodum sæpe laudatus PLATNERVS generice a) descripsit, tolli queat.

SE-

a) L. c. §. 268. p. 159.



## S E C T I O II.

D E

MORBIS HEPATIS, LIENIS, VEN-  
TRICULI, INTESTINORVM AC  
MESENTERII.



## C A P. I.

D E

INFARCTV ET OBSTRUCTIONE HE-  
PATIS ET LIENIS



## §. I.

**I**NFARCTVS et OBSTRV-  
CTIONES HEPATIS at-  
que LIENIS interdum  
cum manifesta in hypo-  
chondrio dextro aut sinistro

intumescencia atque duritie accidunt, inter-  
dum citra eandem generantur. Priores visu  
et tactu clare cognoscuntur; præsentiam po-  
steriorum vero dolor fixus gravativus, pres-  
sorius, constrictorius, raro pungens, in hypo-  
chondriorum alterutro, nec minus respiratio

E 5

diffi-

difficilior, et variæ aliæ functionum vitalium ac naturalium turbæ solummodo obscure produnt. Tumor lienis, propter spongiosam huius visceris ~~texturam~~, ad tantum subinde magnitudinem adscendit, ut apud foeminas graviditatis suspicionem moveat, et hepatis quoque moles aliquando adeo increscit, ut patiens, ob valde impeditum diaphragmatis descensum, vix amplius spiritum trahere valeat.

## §. II.

Non contemnendum discrimen infarctum horum viscerum et obstructionem seu veram oppilationem intercedit. In infarctu enim sanguis et lympa nondum perfecte in vasis quiescunt, sed, propter crassitiem suam ac spissitudinem, solummodo stagnant, sive quod idem est, difficillime admodum, ac lente moventur, et magis igitur minusve sub stagnatione hac atque circuitu tardissimo visceris inflationem aliquam molisque augmentum efficiunt; in vera autem oppilatione seu obstructione striete tali naturalem suum motum progressivum penitus amittunt, adeoque ad stasim perfectam perveniunt.

## §. III

§. III.

Quaquam obstructio in genere a *stasi humorum perfecta* oritur, non semper tamen eiusdem naturæ est, sed in *sanguineo-lymphaticam* rursus et *sanguineo-inflammatoriam* dividi debet. Illa nascitur, quando subsistentes humores vitiosi venosa tantum atque lymphatica vasa occludunt, inflammatoria ex adverso evadit, quoties cruor subsistens in arteriis minoribus perfecte quiescit, transitumque insequentis in venas penitus sufflaminat; quemadmodum plura de hac posteriori in capite sequente videnda sunt.

§. IV.

Infarctus non minus, quam obstructiones sanguineo-lymphaticæ vel ab *eminenti partium solidarum atonia* et *magna lymphæ muciditate sanguinisque crassitie*, vel a *vehementi partium membranaceo-nervearum contractione spasmodica*, cum *insigni utplurimum humorum acredine coniuncta*, proxime oriuntur: Quibus vitiis, nunc tardius, nunc citius generandis non tantum animi adfectus, variaque delicta diætetica circa quantitatem ac qualitatem alimentorum, sed sæpe quoque sæpius



sæpius arthritis, scabies ac purpura scorbutica retroacta, diarrhoeæ criticæ ac febres intermittentes, præmaturo aut plane incongruo adstringentium usu cohibitæ, fluxus hæmorrhoidalis, menstrui et lochialis suppressio terrore, refrigeratione, potu gelido aut medicamentis stypticis &c. inducæta, nec minus cathartica et calidiora spirituosâ, post gravem iracundiam adsumta et huius commatis plura occasionem largiuntur.

## §. V.

Infarctus, rite instituta medela, sæpius atque facilius tolluntur, veræ obstructione autem, et quidem sanguineo-lymphaticæ, inter chronicas ut plurimum, contumaces ac valde ominosas hepatis atque lienis adfectione militant, et creberrime in scirrhum indissolubilem, aut exulcerationem abeunt, febremque lentam et tabem corporis, vel hydropem ascitem aliasque hydropis species, vel hæmoptysin ac phthisin pulmonalem, vel asthma suffocativum, icterum rebellem &c., tandemque mortem post se trahunt: Pro causæ tamen proximæ differentia discriminis quidquam circa prognosin et curationis successum

occur

occurrit. Si obstructio enim a spasmō orta fuit, facilius referatur iterum; sin vero ingentem partium solidarum atoniam et summam humorum spissitudinem causas agnoscat, plus negotii medentibus faceffit, nec raro, præsertim si iam inveteraverit, aut dudum scirrhusa evaserit, omnem medelam respuit.

§. VI.

Curatio infarctus a perfectæ obstructio-  
nis medela minime recedit, et sedulo dun-  
taxat apud ægros explorandum est, an in hac  
æque atque illo partium solidarum atonia, et  
humorum viscositas, vel horum eminens acre-  
do et illarum affectio spasmodica causas con-  
stituunt. In casu enim priori partim *phlebo-*  
*tomia*, *laxantia* et *aperitiva*, partim *roboran-*  
*tia*, in casu posteriori autem *emollientia*, *de-*  
*mulcentia*, et *edulcorantia*, quibus subinde pa-  
riter *venæsectio* iungenda est, requiruntur.  
Remedia posteriora specialius hoc loco addu-  
cere nolo, quoniam prolixè dudum in *Par-*  
*te I. Sect. I. Cap. 3.* nec minus *Sect. præced.*  
*Cap. 5.* recensita fuerant: Quod priora au-  
tem attinet, illis quamplurima quidem, quæ  
in *Parte I. Sect. I. Cap. 4.* generatim con-  
tra

tra *obstructiones*, et in *præcedentis* quoque *Sectionis Capite quarto* §. 8. contra *ascitem* commendata leguntur, quæque incidendo, diluendo, abstergendo, discutiendo leniterque adstringendo operantur, accenferi possunt, maxime nihilominus, præter *leniora cathartica*, præsertim *salsa amara et infusa mannato-rhabarbarina aquosa*, *sale de SEIGNETTE* aut *tartaro solubili acuata*, *pulveres incidentes salini* et *electuaria* ex *syrupo de erysimo LOBELII*, de *quinque radicibus aperientibus*, extracto *angelicæ*, *card. bened.*, *cent. minor.*, *pulvere rhabbarbari*, *mechoacannæ albæ*, *irid. Flor.*, *mercurio dulci*, et *sulphure antimonii aurato*, nec minus *mixturæ temperatiores* et *liquore terræ foliatæ tartari vinoso*, extractis *vix memoratis*, *tinctura rhabbarbari*, *pimpinellæ albæ*, *antimonii tartarifata*, et *martis helleborata*, *pilulæ ex gummi ammoniaco dep.*, *extr. trifolii fibr.*, *fumariæ*, *scordii*, *rhabbarbari ellebori nigri*, *mercurio dulci*, *floribus benzoinis*, *oleo caieput &c.*, *morfuli antimoniales KVNCKELII*, *decocta* et *infusa theiformia* ex *rad. parreiræ bravæ*, *saponariæ*, *pimpinellæ albæ*, *cichorii*, *ligno Guaiaco*, *nephritico*, *herba hed. terrestr.*, *marrubii albi*, *flor. hepaticæ*

icæ nobilis ac rorismarini, et aquæ minerales foteriæ Egranæ, Pyrmontanæ, Selteranæ & Sedlizenfes laudari merentur. Conduunt quoque *emplastra* quædam, loco tumido atque dolenti imposita, v. g. empl. spleeticum, de gummi ammoniaco, diaphoreticum et de galbano crocatum MYNS., nec *linimenta* etiam, ex spiritu cornu cervi, lumbricorum terrestrium, matricali, aqua cephalica imp., oleo succini &c. composita, utilitate carent.

## §. VII.

Tumorem lienis, quod hoc loco præmissis subiungendum duco, interdum INTUMESCENTIA FLEXURÆ INTESTINI COLI SINISTRÆ, a *solis flatibus incarceratis*, vel ab *hisce et excrementis alvi coaceratis et induratis* producta, valde æmulatur, nec raro igitur patientem ac medicum ita decipit, ut eandem pro vero lienis tumore habeant. Verum enim vero tumores hosce facili facile ab invicem discerni posse, existimo. Nam tumor lienis constans est, et magis in senes magisque, nisi medelam inveniat, incrementum accipit, intumescencia flatuosa et flatuoso-stercoracea autem, quæ semper cum segnitie, siccitate,

tate, aut pertinaci obstructione alvi, et plerumque etiam cum multis ventris borborygmis coniuncta est, pro magis minusve sufflaminata, aut magis minusve restituta excretionis alvinæ libertate modo maior, modo minor evadit, immo nonnunquam penitus propemodum evanescit. Tumor præterea contactu mollior est, quam præcedens, et facilius sub pressione et cum murmure aliquo, quod flatus propulsi efficiunt, cedit. Nulla igitur tumida hæc atque flatuosa adfectio hypochondrii sinistri remedia aperitiva vulgaria ad suam curationem postulat, sed tota medela eius *victu tenui et humectante, iusculis avenaceis ac pinguibus gelatinosis, clysteribus lubricantibus, cataplasmatibus emollientibus, et deinde laxantibus atque carminativis* expedienda est.

\*\*\*\*\*

## C A P. II.

DE

### INFLAMMATIONE ET EXULCERATIONE HEPATIS ATQUE LIENIS.

#### §. I.

**I**NFLAMMATIO HEPATIS, alias etiam *Hepatitis* dicta, et INFLAMMATIO

LIE-



LIENIS sive *Splenitis* sola tantum sede distinctæ sunt, quoad essentiam autem, symptomata, causas, prognosin et curationem adeo inter se invicem conveniunt, ut commode hoc loco coniunctim pertractari queant.

§. II.

Proxime hæ inflammationes a *stasi sanguinis*, in arteriæ hepaticæ aut lienalis ramificationibus apud diversa individua per diversas quoque causas procatarcticas inducta, oriuntur, ac paullo ut plurimum difficilior ex tussi sicca, respiratione difficili, siccitate alvi, febre continua, pro inflammationis gradu magis minusve acuta, et obscuro quodam, fixo, atque profundo dolore gravativo, tensivo, leniterque ardente, hypochondrium dextrum in hepatitide, sinistrum in splenitide occupante, cognoscuntur. Dolor hic interdum, quoties inflammatio scilicet in suppurationem abit, sensimque abscessum formare incipit, punctatius atque pulsatilis redditur, nec prætermittendum quoque est, in hepatitide haud raro angultum, pessimo tamen omine, supervenire.

## §. III.

Non adeo diu adfectus uterque perdurat, sed plerumque intra septem dies ad vitam aut mortem terminatur, variumque eventum habet. Nam itasis inflammatoria interdum discutitur rursus, ac febris largo sudore aut critica diuresi feliciter solvitur, interdum vero in abscessum aut scirrhum abit, posteaque febrem lentam ac tabem corporis, aut hydropem aliaque pathemata, quæ exulcerationem aut insanabilem viscerum obstructionem sequi solent, adducit, et sæpe denique sæpius in gangrænam degenerat, aut alio modo plerasque actiones vitales ac naturales tantopere turbat atque sufflaminat, ut patiens post breve tempus necessario extinguere debeat. Quando suppuratione superveniente abscessus nascitur, materia purulenta vel per alvum aut cum urina educitur, vel, facta ruptura in abdominis cavitatem effunditur, ibidemque putrescens partium, quas tangit, corruptelæ occasionem præbet.

## §. IV.

Curatio cum pleuritis humidæ ac veræ medela maximam partem convenit, et

tem-

*tempestiva inprimis, larga, et interdum repetita venæsectione in brachio, nec non diluentium, resolventium, temperantium ac diaphoreticorum medicaminum, ut et clysmatum emollientium usu expedienda est; non neglectis tamen topicis resolventibus, discutientibus et emollientibus externis, cuius census sunt vesica bubula, decocto lacteo emolliente et nonnihil crocato repleta, unguentum dialthææ, anodynum et clysmaticum, cum camphora largius remixtum, emplastrum diaphoreticum, oxycroceum, de gummi ammoniaco et similia.*

§. V.

EXULCERATIO HEPATIS atque LIENIS ut plurimum quidem *prægressæ inflammationis et suppurationis* consecutarium est, per sæpe nihilominus *diuturnæ* pariter ac *refractariæ obstructioni*, aut *natarum hydatidum rupturæ* succedit, immo interdum a *putrescente et acri humore quodam extravasato*, sicuti istud in ascite crebro observare licet, producitur.

§. VI.

Præter singularem atque constantem *torificationis sensum in hypochondrio dextro*

aut sinistro, qui præcipuum ac fere unicum signum diagnosticum est, pleraque symptomata, quæ in phthisi pulmonali notantur, febris lenta videlicet, tandemque hæctica, contabescencia corporis, virium deiection, languor appetitus, respiratio difficilis &c., sese ulceribus hisce comites adiungunt, nec memorandum quoque discrimen circa prognosin occurrit, sed phthisis pulmonalis, iecoralis et lienalis, si periculum, sanationis difficultatem, et eventum spectes, pari passu ambulant. Non novi denique singularem differentiam circa medendi methodum et remedia, sed singula, quæ contra phthisin pulmonalem commendata fuerunt, in hisce etiam ulceribus profunt.



## C A P. III.

DE

C A R D I A L G I A E T S P A S M O  
V E N T R I C U L I.

## §. I.

**C**ARDIALGIA, *Morbus cardiacus, Passio cardiaca, Cardiogmos*, est adfectio ventriculi, maxime autem sensibilis eiusdem

ac valde nervosi orificii sinistri, quod vulgè *Cardia* vocatur, spasmodico-dolorifica, flatuum incarceratione ut plurimum stipata.

§. II.

Veritatem datæ definitionis symptomata, quæ morbum hunc ordinario comitantur, abunde comprobant. Aegri enim eodem correpti, præter molestissimum dolorem gravativo-tensivum ac constrictorium, quin subinde vehementem simul rodentem ac morficantem, in scrobiculo cordis et plerumque sub costis quoque spuriiis in utroque hypochondrio notabilem inflationem tumidam sentiunt, flatuosa seu rudis materia perspirabilis, hinc inde versus latera, vel sursum atque deorsum in ventriculi cavitate propulsa, murmura nonnunquam producit, et licet exitum sæpius, nec sine doloris exacerbatione, molliatur, illum tamen rarissime invenit. Propter magnam præterea ventriculi expansionem eademque plus minus prohibitum diaphragmatis descensum, respiratio difficilis redditur, halitus acres morficantes aut urèntes et nonnunquam liquidi pauxillum vel ingestorum portio cum ructibus, qui per intervalla prorumpunt,



rumpunt, ac protinus levaminis quidquam adferunt, violenter extruduntur, immo, malo graviore reddito, aut diutius durante, conatus vomendi, vomitus actuales, quin ipsa lipothymia, præsertim si inflammatio ac febris accedant, superveniunt.

### §. III.

*Vehemens contractio spasmodica*, quæ immediatum atque formalem doloris cardiaci causam constituit, circa orificium ventriculi sinistrum, quod valde, uti antea dixi, nervosum ac reliquis ideo stomachi partibus longe sensibilius reperitur, ordinario incipit, et maxime pariter viget, inde tamen ob continuitatem tunicarum et nexum fibrarum nervearum ac muscularium arctissimum, per totum quoque ventriculum, ad ipsum usque pylorum, adeo sese extendit, ut ille etiam præternaturali constrictione claudatur, et flatibus hac ratione exitus ubique denegetur: Immo summe probabile est, ipsum diaphragma, quod gulam circa ingressum suum in ventriculum ambit, in consensum trahi, nec solam ideo ventriculi inflationem, diaphragmatis descensum nonnihil prohibendo, spirandi difficultatem

tem provocare, sed ipsum etiam septum transversum spasmodice constrictum pulmonibus, sub inspiratione expandendis, validiori nisu obstacula ponere.

§. IV.

Originem suam memorata violenta ventriculi contractio plerumque *rosioni, vellicationi, puncturæ, ardori, aliisque stimulis* debet, quos acres et heterogeneæ materiæ, vel in ipsa ventriculi cavitate hospitantes, vel in minoribus duntaxat tunicarum vasculis sanguiferis et lymphaticis subsistentes, et tenacius subinde impactæ, fibris nerveis inferunt. Ad causas materiales priores, quæ in ipsa scilicet ventriculi cavea delitescunt, *cruditates pituitoso-acidæ aut fervidæ biliosæ, aut rancidæ, nec minus venena caustica aut constrictoria* pertinent; posterioribus vero retenta, vel retropulsa, *impuritas rheumatica, scabiosa, scorbutico-purpurata, arthritica, et exanthematica varia* accenseri meretur.

§. V.

Saburra acido-mucida, quæ genesi *cardialgiæ flatulentæ, strictius sic dictæ*, ansam

suggerit, et esculentis crassis, viscidis, leguminosis, fructibus horæis, præsertim immaturis, itemque potulentis, fermentatione paratis ac valde fæculentis præcipuos debet natales, duplici modo, nimirum sub consistentia crassiori, et subtilioris pariter halitus forma, ventriculū, maxime autem orificium eius sinistrum, adficit, ac stimulo molesto ad violentas contractiones cogit. Crassiores enim moleculæ, causticis particulis imprægnatæ, ob glutinositatem ventriculi tunicis tenacius adhærent, subtiliores vero atque volatiles aqueo-acidæ, sensim sensimque in materiam halituosam resolutæ, et quaquaversum propulsæ, ventriculū non tantum magnopere expandunt, sed hinc inde etiam allidentes et impingentes iteratis puncturis spasmodicas fibrarum nervoso-muscularium contractiones provocant: Vnde facillime etiam ratio reddi poterit, cur in hac specie, in qua flatus copiosi adsunt, frequentes audiantur borborygmi, cur ventriculi inflatio maior sit, quam in speciebus reliquis, et cur ructus denique, identidem prorumpentes, notabilem doloris remissionem adferant.

§. VI.

Aliam *materia fervida* atque *corrupta biliosa* originem agnoscit, aliamque etiam in ventriculi tunicas impressionem facit. Nascitur quippe et in ventriculum defertur, quando bilis e cystide, sub iracundia graviore spasmodice constricta, largiori copia, maximoque impetu in duodenum exprimitur, et portio aliqua, violento, præternaturali ac paullulum inverso motu peristaltico inde per pylorum in ventriculi cavitatem protruditur, ubi paulatim maiorem acredinem atque fervorem nanciscitur, tandemque singulari ardore prædictum ventriculi spasmus producit; quare ægri etiam, hac specie laborantes, constanter saporem quendam amarum in ore sentiunt, frequentes vomendi conatus et molestant in ventriculo morsicationem experiuntur, de reuctibus valde amaris et quasi urentibus querimonias gerunt, immo flavum, subviridem, nigricantem humorem, persæpe tamen muagine remixtum, si actuales nempe vomitus quandoque superveniant, cum maxima nausea reiciunt. Quibus necessario tamen adhuc subiungendum erit, fervidam hanc atque maram hanc saburram, vomitu reiectam, non

semper veram bilem, sed subinde *pravam* dumtaxat *oleorum unguinosorum* atque *pinguedinum progeniem* esse. Memoratae enim substantiae, copiosius ingestae, in ventriculis debilioribus facile rancescunt, et ipsis hac corruptione amarities et acrimonia, biliosae analogae, conciliatur a).

## §. VII

- a) „Olea, BOERHAAVIVS in *Prælect. acad. prop. Instit. rei medicæ* ab HALLERO edit. Vol. I. p. 254. scribit, „ob copiam suam, aut inertiam ventriculi, sequentia spontaneas suas mutationes rancescunt, indolem induunt ovi putridi. „adsumseris butyrum frixum insolita copia, neque superbiberis potus acidi quod sufficiat, abibit in liquamen acre, putridum; plane simile illi, quod ex butyro, in aere tepido, haud diligenter adservato, viridescente crusta obducitur, et acerrime rancescit, et degustatum per horam ingratum saporem relinquit. Ex eoque liquamine, in ventriculo stagnante, ascendunt ructus, urentes, amarissimi, et regurgitat materia inflammabilis, quam perperam solent Bilem vocare. Similis putredo omnino oritur ex lardo vetere, ovis non recentissimis, aut a fatim adsumtis, piscibus pinguibus &c. Semper bilem male vocari, ideo adparet, quod bilis quidem ignem injecta exstinguat, quem rancore



§. VII.

Cardialgia, ab adsumtis *venenis mineralibus* aut *vegetabilibus* producta, maioris adhuc momenti existit, et gravius longe, quam præcedentes, vitæ periculum adfert. Venena mineralis prosapiæ, quæ, ceu potentiora, maiorem, quam vegetabilia, annotationem hoc loco merentur, vel *constrictoria* audiunt, vel *caustica* ac *corrosiva*. Hæc, quorum species potiores ac notiores arsenicum, mercurius sublimatus, concreta quædam antimonii sulphureo-regulina, spiritus acidi salis, nitri, vitrioli &c. constituunt, valde acutis ac rigidis gaudent particulis, adeoque protinus post ingestionem tunicas ventriculi, quibus pertinacissime adhærescunt, altiusque infiguntur, violentissime invadunt, et horrendis suis puncturis, erosionibus, erosionibus, immo corrosionibus intra breve tempus efficiunt, ut graves hinc inde inflammationes nascantur, et tunica ventriculi musculofo - nervea in vehementissimas

CON-

„da materia alit. Neque facile nascitur in robustis corporibus et biliosis; facillime in debilibus, hypochondriacis, et quibus bilis iners est.

contractiones ruat. Venena mineralia constrictoria, quibus maxime saturnina, plumbum v. g., igne fortiori in halitus resolutum, m-nium, cerussa, lithargyrium, concreta vitric-lica et aluminosa rudiora &c. adnumerantur obtusiori quidem principio acido-terreo au-acido-metallico austero, styptico, gaudent ac languidiorem proinde tardiolemque ope-rationem exercent, maximas nihilominus a-contumaces constrictiones spasmodicas, qui-bus sæpe inflammationes et refractariæ vaso-rum atque meatuum obstructions iunguntur concitant.

#### §. VIII.

Respectu sedis et specificæ pariter indo-lis causæ materialis *cardialgia rheumatica, scor-butico-purpurata, arthritica, scabiosa et varia exanthematica* magis minusve distincta reperi-tur. Nam vellicans materia non in ipsa sto-machi cavitate hospitatur, sed in tubulis san-guiferis atque lymphaticis, ventriculi tunicas perreptantibus, subsistit, et inimico stimulo spasmodicas contractiones producit. Non gignitur præterea in ventriculo, sed illuc cum sanguine et lymphâ, quibus largius immixta hæ-

hæret, circuli ope transfertur, præsertim, quando, imminente critica excretionē, aut satisfutari dudum ad habitum cutaneum, vel, quod circa arthriticam præcipue valet, ad articulationes metastasi facta, pori cutanei, admissio frigore, aut terrore, vel incongruis etiam repellentibus et obstruentibus externe adplicatis, repente clauduntur, et inverso motu tubulorum tonico, impuritates eliminandæ, aut eundem ad corporis limites translatae, rursus ad interiora retropelluntur. Fieri tamen nonnunquam solet, ut notabilis harum impuritatū portio, ab humoribus abrepta et ad ventriculum deducta, absque prævia ad cutem et articulos depositione, in ventriculi vasculis sub perenni humorum transitu fortuito subsistat, et spasmos cardialgicos suscitet. Singulæ cæteroquin hæ cardialgiæ species, si pneumaticam exceperis, quæ iterum citius celerumque atque facilius cessat, ob pertinacem materiæ copiosæ, crassæ ac valde acris hæSIONem, difficillime curantur, ac multos patientes, accedente inflammatione ac febre, vitæ discrimen præcipitant.

## §. IX.

Præter hætenus commemoratas *cardialgiæ idiopathicæ* species adhuc alia, quæ modo idiopathica, modo consensualis existit frequentissime, præsertim apud infantes teneriores, occurrit, quæ nullam plane causam materiales agnoscit, sed a sola privativa, *nimia videlicet per potulenta gelida aut aere frigido, sub ventosa imprimis tempestate receptum, vel per externam duntaxat abdominis refrigerationem* inducta, *caloris imminutione, eamque protinus apud subiecta sensibilia excipiente spasmodica fibrarum ac membrarum contractione,* derivanda est. In casu posteriori, ubi ex sola abdominis refrigeratione oritur, stricture spasmodica non in ventriculo, sed potius in externis abdominis integumentis sua primordia habet, indeque ad involucria musculorum abdominalium et connexusum peritonæum ac mesenterium, quod posterum a peritonæo originem ducit, et de novo ventriculi et intestinorum tunicam externam format, ad interiores ventriculi tunicam propagatur.

§. X.

Curatio duabus indicationibus generatioribus nititur, quarum prima *communis causæ formalis, spasmi* scilicet, altera *variæ atque specificæ causæ materialis emendationem ac remotionem* respicit. Obtinendæ causæ primæ *antispasmodica et emollientia* oleosa, pinguis, mucilaginea, tum interna, tum externa, inseruiunt. Inter externa sese præ reliquis *cataplasmata et fomenta* ex rad. althææ, lilior. alb., herba ac floribus chamomillæ vulg., flor. sambuci, meliloti &c., cum lacte coctis, parata, et scrobiculo cordistepide adplicata, commendant; locum tamen etiam inveniunt et egregiam quandoque utilitatem præstant *unguenta et linimenta* ex oleo amygd. dulcium, ut lini expresso, oleo infuso chamomælino, lilior. alb., verbasci, pulvere croci, ac paucis guttulis olei destillati carvi, cumini, menthæ, Nitri Italici &c., nec non unguentum dialthææ et anodynum. Non carent etiam utilitate *lysteres emollientes*, immo in casu graviori et rebelli, præsertim si plethora adsit, aut inflammatio immineat, ipsa pariter *phlebotomia* necessaria reperitur. Quod interna autem attinet, illis non tantum *emollientia* quædam, iufcula



iufcula v. g. avenacea tenuiora, cum radice althææ aut floribus chamomillæ cocta et fpermate ceti aut oleo amygdalarum dulcium recenti pingua reddita, nec minus electuaria ex eodem oleo, fpermate ceti, et pauxillo pulveris rhabbarbari ac croci orientalis &c., fed alia etiam *antifpafmodica* et *leniora difcuffientia*, v. g. pulveres ex nitro depurato, fem. foeniculi, fantonici, anifi ftellati, croco &c., fpiritus nitri dulcis rite pptus, vel folus, vel effentia menthæ, meliffæ, flor. chamomillæ Rom., cort. citri, aurantiorum, theriacali &c. modice remixtus, et huius commatis plura accenfentur: Circa ufum tamen eorum probe adhuc notandum venit, oleofa, pingua, et tincturas fpirituofas, præfente fervida materia biliofa aut rancida, plane exulare debere, ac tenuiora duntaxat gelatinofa mucilaginea, decocta avenacea et hordeacea, et purum ac folitarium fpiritus nitri dulcem, vel huius etiam loco debite dulcificatum falis fpiritus in ufum trahenda effe.

## §. XI.

Antifpafmodicis hifce diverfæ indolis alia, quæ cauffam irritantem præcipue corrigunt

gunt, tum addi debent, tum interponi. Ad emendandam nimirum ac destruendam saburram acido-mucidam, rudemque materiam perspirabilem discutiendam prae reliquis apta inveniuntur *terrea alcalina, salina incidentia mediae naturae et carminativa*, cuius census v. g. sunt radix iridis Florent., curcumae, galangae, levistici, angelicae, cortex cascarillae, essentiae antea recensitae, eff. castorei, carminativa WEDELII, liquor anodynus mineralis, spiritus salis ammoniaci anisatus et similia. Adsumtis venenis causticis ac constrictoriis mineralibus, *oleosa, pingua, et salina alcalia*, v. g. lac recens tepidum, oleum olivarum, amygdal. dulcium, dilutior solutio salis tartari aquosa &c. sese specificè commendant. Praesente denique impuritate fervida biliosa, aut rancida, praeter emollientia ac demulcentia, *acidula* maxime et *temperantia nitrosa* prosunt, et sic *diaphoretica* pariter, *potentiora sudorifera, diuretica, diluentia, antiscorbutica* &c., alibi saepius allegata, simul in auxilium vocanda erunt, quando subsistens retenta aut retroacta materia acris rheumatica, scabiosa, purpurata, arthritica, scorbutica &c. hostilis stimuli causa exi-

fit. Spasmo perfecte remittente, debiteque praeparata impuritate vellicante, interdum *laxantia* quoque, aut *leniora emetica* necessaria iudicantur, ne massa heterogenea, in ventriculi cavo relicta, pristinas nocendi vires recuperet, novasque stimulo suo turbas concitet.

## §. XII.

Cum cardialgia reliquae VENTRICULI AFFECTIONES SPASMODICAE multa quidem communia habent, ordinario tamen contumaciores sunt et latius extenduntur, nec solum orificium sinistrum, sed totum plerumque ventriculum magnopere torquent. Silentio praeterea minime praetermittendum est, illas non tantum a causis supra memoratis, sed subinde etiam a *vermibus* oriri, nec raro pariter mere consensuales existere, et *venae portarum, lienis, vasorum brevium, vasorum meseraicorum &c.* obstructiones aut *infarctus* causas agnoscere, vel *defectui, suppressioni, variisque aliis fluxus menstrui aut haemorrhoidalis anomaliis* ortum suum debere. Vnde clare etiam patescere opinor quod curatio earum interdum valde differat

et saepe ad solius morbi primarii sublationem  
aut imminutionem dirigenda sit.



# C A P. IV.

DE

## ARDORE ET INFLAMMATIONE VENTRICULI.

### §. I.

**A**RDOR VENTRICULI, vulgo *Soda*  
appellatus, in dolorosa ac plane sin-  
gulari ventriculi morificatione, igneo ardori  
magis minusve aemula, consistit, et *acri cui-*  
*dam humori rodenti* aut *similis naturae ma-*  
*teriae flatuosae* ortum debet. Interdum, et  
quidem frequentius, rodens ac vellicans haec  
materia *acidae*; interdum *rancidae* aut *bilio-*  
*sae* indolis est; hinc molesta haec affectio  
apud subiecta sensibilia atque disposita non  
tantum largiorem acidorum ac fermentes-  
cibilium assumptionem sequitur, sed saepe et-  
iam oleosorum ac pinguium, praesertimustu-  
atorum ingestioni, nec minus praegressae  
racundiae succedit. Non premendum

quoque erit silentio, memoratam ventriculi morficationem ac rosionem haud raro ab *acri impuritate scorbutica et purpurata*, ex humoribus circulantibus per glandulas aliaque emissaria ad ventriculi cavitatem deposita, suscitari; imo haud ignorari oportet, ardentem ac morficantem hunc dolorem post cuiuscunque esculenti, potulenti, condimenti ac medicamenti falsi, acris aut aromatici assumptionem nasci posse, quando mucus ventriculi naturalis propter glandularum obstructionem deficit, vel crebriori emeticorum usu ablatus est, et denudata igitur tunica villosa eidemque substrata nervea quibusvis corporum acriorum iniuriis exposita est.

## §. II.

Contra hunc affectum ut plurimum quidem remedia *terrea antacida*, morsuli v. g. contra ardorem stomachi off., nec non pulveres e conchis ppt., lap. cancr., magnesia alba et similibus adhibentur; at usum haec ipsa universalem minime obtinere, sed pro diverso materiae rodentis genio alia etiam atque alia in usum trahenda esse, ex antecedentibus facile intelligitur. Peccant

enir



enim humore tenui vel rudiori materia rancida aut biliosa, *nitrosa* pariter, quin ipsa aliquando *acidula* necessaria inveniuntur. Reticere etiam nequeo, *sacharum Canariense*, post pinguium esum ad frustum unum alterumve assumptum, rancorem ingestorum pinguium et inde metuendum ventriculi ardorem egregie avertere: Vt nihil de *gelatinosis* et *mucilagineis demulcentibus*, nec quicquam etiam de *diluentibus*, *edulcorantibus*, *diaphoreticis*, *diureticis*, *laxantibus* aliisque pharmacis dicam, quorum priora deficientis muci naturalis munia subeunt, et symbolum suum ad restitutionem eius conferunt, posteriora autem corrigendis et eliminandis quiescentiis humorum scorbutico-purpuratis specificis dicata sunt.

### §. III.

Expositum affectum ventriculi levio-rem ipsa INFLAMMATIO eius periculo et symptomatum atrocitate longe superat, plurimisque, quos corripit, necem affert. Exorta enim ominosa hac inflammatione confestim febris peracuta accenditur, cum aestu ingenti, creberrima et anxia corporis

inquietatione, vigiliis pertinacibus ac siti fere inexplebili. Adsunt praeterea tumor quidam in praecordiis et dolor insignis atque profundus circa ventriculum sub costis spuris, urgent anxietates cardialgicae et hisce tandem, nisi citissima ac fausta feratur medela, vomitus, deliria, convulsiones, animi deliquia, sudores gelidi, et alia funesta symptomata accedunt. Non adeo diu quoque hic morbus perdurat, sed ordinario intra tres vel quatuor dies ad vitam aut mortem terminatur. Si eventum salutarem habet, sanguinis quiescentis et impacti discussione ac critico sudore solvitur, superveniens autem gangraena semper patientem vita privat, et suppuratio quoque, quae rarissime tamen accidit, anceps in hac inflammatione et plerumque exitiale naturae remedium est.

#### §. IV.

Generandae huic inflammationi quamplurima, quae aliarum partium inflammationes producere solent, apta inveniuntur, praereliquis nihilominus potus gelidus, post fortem motum magnamque corporis incalescentiam ingestus, ingurgitatio vini aliorumque  
spi-

spirituosorum, nec non data purgantia et emetica post proxime praegressam iracundiam vehementiorem, usus intemperantior acrium et aromaticorum apud subiecta cholericæ atque plethorica, et assumpta venena caustica, in censum caufarum veniunt: Nec raro etiam accidit, ut valde acres impuritates exanthematicæ, petechiales nempe, purpuratæ, variolosæ, rubeolosæ &c., nec minus arthriticæ et pravi huius generis plures ad interiora retroactæ ac largius ad ventriculum delatæ, fonticæ huius inflammationis genitores evadant.

§. V.

*Venaesectio*, in brachio mature administrata, eaque largior et semel subinde iterumque repetita, præcipuam in periculosa hac inflammatione remedium est. Huic *diluentia*, *demulcentia* et *temperantia*, lenioribus *diaphoreticis* maritata ac tepide assumpta, emulsiones nimirum ex aquis diapnoicis et refrigerantibus; amygdalis dulcibus, seminibus quatuor frigidis maioribus et minoribus, seminibus card. benedicti, papaveris albi, &c., decocta ex radice althææ, cichorii, taraxaci, tussilaginis,

ginis, scorzonerae, rasurae C. C., eboris, et flavedine corticis citri, serum lactis dulce et similia succedere debent. Quod nitrum vero et salia reliqua neutra, quorum usus largior in plerisque aliarum partium inflammationibus, cum febre inprimis complicatis, ut plurimum quidem utilissimus, quin valde nonnunquam ad sanguinem densum viscidumque resolvendum necessarius est, in ventriculi inflammatione potiunculis et emulsionibus parcissime addenda sunt, ne nimia irritatione sua immediata fibrarum stricturam adeoque cruoris incarcerationem et inflammationem augeant. Expedit etiam, cuivis horum medicaminum assumptioni copiosiore potulenti cuiusdam tepidi aqueo-mucilaginei et gelatinosi haustum subiungere, ut salia nonnihil contemperentur magisque diluantur, ac citius ad humores circulantes transferantur. Non supervacaneum denique, sed valde potius utile erit, si internorum usui externa applicatio *fomenti emollientis*, vesicae bubulae v. g., decocto lacteo florum chamomillae vulgaris, fl. sambuci &c. repletae, accedat, ut strictura fibrarum insolentior quantocytus relaxetur.



C A P. V.

DE

VITIIS APPETITVS.

---

§. I.

**A**PPETITVS VITIOSVS in genere ad imminutionem aut plenariam abolitionem aut depravationem aut nimium augmentum reddit, et *Dysorexiam* proinde, *Malaciam*, *Anorexiam*, *Picam*, *Bulimiam* et *Cynorexiam* sub se complectitur.

§. II.

*Anorexia*, alias etiam *Apositia* et *Afitia* nuncupata, solo tantum gradu eminentiori a *Dysorexia* distincta reperitur. Haec enim magis saltim minusve imminuta ciborum appetentia est, illa autem perfectam appetitus prostrationem et maximum omnium esculentorum fastidium denotat.

§. III.

*Dysorexiae* pro mea sententia haud inapte etiam *Malacia*, tanquam species, iungi poterit,



poterit, quoniam nihil aliud esse videtur, nisi fastidium ciborum particulare atque determinatum, sive appetitus languidus et circa certa tantum alimenta, eaque ut plurimum consueta, vulgaria ac minus delicata, imminutus. Scio quidem, scriptorum plerosque malaciam simpliciter ad depravati appetitus species referre, eamque ideo et picam eodem prorsus loco collocare: veruntamen non diffiteor, magis mihi in hac parte praedictam et quodammodo etiam analogicam WEDELII sententiam placere, qui malaciam quoque a pica notabiliter distinguit et appetitum duntaxat alicuius rei nauseabundum vocat: „No-  
 „tari, inquit, a) etiam potest differentia in-  
 „ter *Κίττα* seu Picam, et Malaciam. *Κίττα*  
 „denotat depravatum alimentorum appeti-  
 „tum intensum, peccantem gradu maiori.  
 „*Μαλακία* vero est appetitus nauseabundus  
 „rei alicuius, quam quis eligit, quia alia ipsi  
 „adversantur, iudicans, quod hoc alimento  
 „sit usus. Hinc e. g. pica erit, si quis  
 „dicat: nisi hoc fruar, moriendum mihi est.  
 „aut si hoc consequar, convalescam. Ma-  
 „laciam vero dicitur, si quis dicat: nisi hoc fruar, moriendum mihi est. „lacia

a) In *Pathologia medica dogmatica* Sect. III, Cap. II, p. 466.

„lacia vero, si quis dicat.: nescio, quid  
„comedere debeam, sed si quid comedere  
„necessum sit, videtur mihi, quod illud vel  
illud accepturus sim. &c.,

§. IV.

Frequentius exposita appetitus vitia  
inter aliarum aegritudinum symptomata,  
quam morbos primarios ac solitarios, mili-  
tant, et quotidiana pariter observatio docet,  
appetitum ciborum decreascentem plerorum-  
que aliorum morborum adventum praesagire,  
resurgentem ex adverso sive revertentem re-  
missionis aut perfectae cessationis adeoque  
convalescentiae indicem esse: immo medico-  
rum nulli ignotum est, ex maiori et minori  
appetitus deiectione saepe saepius morbo-  
rum, praesertim acutorum, magnitudinem et  
periculi gradus cognosci.

§. V.

Aetiologia dyforexiae symptomatice  
passim sub aliarum aegritudinum tractatione  
discenda erit, et hoc igitur loco ob ingentem  
varietatem suam ac prolixitatem explicari  
nequit: Quod idiopathicae vero causas  
pro-

proximas attinet, illae ad *imminutum*, aut *plane abolitum*, aut *valde perturbatum ventriculi affricum*, *similemque motum peristalticum*, et hic rursus ad *universi systematis nervosi imbecillitatem*, aut *magnam fibrarum ventriculi flacciditatem*, aut *cruditates varias, mucidas, mucido-biliosas, rancidas, putridas &c.*, in cavitate ventriculi stabulantes, rugisque passim interpositas, ac non solum mole sua totum ventriculum onerantes, mutuamque in rugis parietum approximationem impediennes, sed vario etiam stimulo motum peristalticum pervertentes, redit a). Nec praetermitti quoque oportet, motum peristalticum per saepe spasmis, in hysteralgia, passione hypochondriaca et sub variis haemorrhoidum ac catameniorum anomaliis consensualiter per nervos et sub impetuosa pariter cruoris congestione productis, magnopere perverti, et memorata igitur pathemata frequentes, nunc manifestas, nunc clandestinas, dysorexiae causas evadere.

## §. VI

- a) De causis procatarteticis scitu necessaria in Capite statim subsequente videnda sunt.

§. VI.

Sanandae anorexiae et dysforexiae idiopathicae interdum, absente videlicet crudiatum colluvie et eminentiori tantum ventriculi atonia peccante, praeter *diactam congruam*, sola *roborantia stomachalia* sufficiunt, interdum vero ac paullo quidem frequentius, confortantibus varia medicamenta, quae cruditates collectas *incidendo, temperando, invertendo* corrigunt, et per superiora postmodum aut inferiora educunt, praemittenda sunt. Ad confortantia quaevis fere *amara, balsamica et aromatica* spectant, ad formam tamen variam redacta, et ieiuno inprimis ventriculo, vel etiam paullo ante aut post pastum adsumta, *masticatoria* nimirum ex rad. angelicae, galangae, mace, cinnamomo, aniso stelato, cardamomo minori, flavedine cort. citri et aurantiorum, myrrha genuina, rhabarbaro orientali &c., nec non *mixturae concentratae spirituosae* ex ess. absinthii composita, gentianae rubrae, trifol. fibr., cascarillae, aloes, myrrhae, cort. citri, aurantiorum, mellissae, cinnamomi, croci &c., *mixturae temperatiores* ex vino, arcano tartari impraegnato, et extractis amaris, *electuaria* ex syrupo  
de

de cinnamomo, melissae, cort. citri, auran-  
 tior., rob. iuniperi, electuario de baccis lau-  
 ri, diacoro, stomachico cum cinnamomo  
 extr., cent. minor., scordii, card. bened., pul-  
 vere rhabbarbari, croci, sem. fantonici, foeni-  
 culi, anisi stellati, cinnamomi, cascarillae, rad.  
 ari, galangae, spec. aromat rosat., dianthos,  
 diaxylaloes, diambrae, oleo aethereo cinna-  
 momi, maioranae, menthae, citri Italici, ca-  
 ryophyllorum &c., *morfuli*, ex sacharo, myr-  
 rha genuina, sem. fantonico, et cinnamomo  
 vel ex sacharo etiam, cortice Peruviano et  
 femine foeniculi compositi, *pilulae* ex aloe  
 violata aut rosata, myrrha genuina, balsamo  
 Tolutano, extractis amaris et vix memoratis  
 pulverulentis et oleis balsamicis, *infusa vino-*  
*sa* ex variis pariter speciebus amaris, balsami-  
 cis atque aromaticis et sic porro.

## §. VII.

Memoratis interdum cum insigni etiam  
 fructu et energiae augmento *adstringentia*  
*mitiora*, ut grana chermes, et succus inde pa-  
 ratus, cortex Peruvianus, vinum rubrum Gal-  
 licum, vulgo *Pountac* dictum, tincturae mar-  
 tiales &c., nec non *acria*, quaedam et *acidula*



*Simulantia*, radix ari v. g., est pimpinellae albae, semen sinapi, sal acetosellae, spiritus nitri et salis dulcificatus &c. iunguntur, immo, externa linimenta ex spiritu matricali, aqua virtutum, cephalica imp., mastichina, et balsamo vitae, aut oleis dest. maioranae, carvi, menthae &c., ut et emplastra, ex allegatis oleis aethereis, oleo nucis moschatae expresso, balsamo Peruv., Tolutano, et emplastro de crusta panis aut de baccis lauri Off. composita et epigastricae regioni adplicata, multum persaepe ad ventriculum roborandum et appetitum revocandum conferunt.

## §. VIII

De pharmacis diversis, cruditatum discrepantium emendationi, praeparationi et eiectioni destinatis, nulla specialia hoc loco recensebo, sed, Lectorem ad Caput sequens, ubi uberius eorum mentio fit, ablegans, de *EPICA*, quae passim quoque in scriptis medicis *Cissa*, *Citta*, *Κίττα*, *κίττωσις* dicitur, loquar. Est autem haec ipsa adpetitus depravatus, subiectis sequioris sexus et maxime gravidis quibusdam, praesertim statim post conceptionem et tribus primis mensibus, familiaris.

miliaris, qui in eo consistit, ut res, ab esu humano plane alienas, calcem v. g., carbones, cretam, corium, picem liquidam, araneas, pisciculos vivos, carnes crudas &c., vel alimenta usitata quidem, ast in longe maiori, quam par est, quantitate, aut incongruo prorsus anni tempore, cerasa v. g., fraga, uvas, similesque fructus horaeos mense Decembri &c. tam flagrante desiderio appetant, ut saepe, si rerum desideratarum non potiantur, in animi deliquia incidant, immo facillime, si uterum gerant, naevos in embryones suos derivent. Notatu quoque dignum est, picam apud gravidas non tantum circa gustum, sed interdum quoque circa auditum, olfactum et tactum a practicis observatam fuisse; quae species tamen nequaquam huius loci sunt, sed ad alia aegritudinum capita remitti debent.

## §. IX.

Oritur in anima insolitum atque corruptum hoc desiderium a *singulari nervorum irritatione*, et *perverso inprimis ventriculi motu peristaltico*, quem apud gravidas, et apud alias quoque foeminas sub fluxu menstrui anomaliis partim *cruor abundans ac viscidus* im

impetuosam versus stomachum congestionem, partim *impurus liquor gastricus*, recrementis pituitoso-acidis, aut biliosis, aut putridis magis minusve inquinatus, suscitatur. Fieri tamen subinde potest, ut sola sanguinis congestio, aut sola saburra ventriculi heterogenea depravatae huius appetentiae causa existat, immo valde probabile est, primum quantumque fundamentum unice in anima latitare, tum noto notius est, quod affectio haec longe frequentius apud pueros, puellas, virgines et foeminas imbecillioris iudicii, aut delicatas molliterque educatas, quam apud viros et confirmati iudicii homines, nascatur.

§. X.

Curatio huius morbi partim moralis, partim pharmaceutica et chirurgica esse, et a in genere dirigi debet, ut non solum foror appetibilem idea deleatur, aut aliqua men satisfactione innocua nonnihil minuat, sed materialis quoque irritationis motusque peristaltici perversi causa auferatur, aut mitigetur. Ad auxilia moralia congruae leque persuasiones, ac varia stratagemata medica pertinent; chirurgico-pharmaceuticis

remediis autem, habita tamen prudenti causae materialis et individuorum ratione, *venaesectio, laxantia* ex rhabarbaro, mechoacan-  
*na alba &c., leniora emetica* ex radice ipeca-  
*coanhae, terrea antacida, temperantia nitrosc*  
*et acidula*, ut et *temperatiora amaricantia* at-  
*que balsamica*, quorum alia sanguinem abun-  
dantem corpori detrahunt, et congestionis  
impetum refrenant, alia cruditatem ventricu-  
li differentem corrigunt, et stomachi fibra-  
nervosas ac musculares confortant, accensen-  
da veniunt. Circa phlebotomiam caetero-  
quin et emetica probe notari debet, haec, et  
iam si inter ea tantummodo eligantur mitissima  
apud gravidas, propter metum abortus, ra-  
rissime cum securitate perfecta exhiberi, ne-  
illam quoque apud eadem subiecta primi-  
mensibus promiscue administrari posse, se-  
semper ad robur patientis, ad maiorem mi-  
noremve naturae propensionem ad vomer-  
dum, nec minus ad gradum plethorae resp-  
ciendum esse.

## §. XI.

CYNOREXIA, *Cynorexix, Ores*  
*cynodes, Fames canina* et BVLIMIA, *Bul*  
*mu*

*mus, Fames bovina* multis scriptoribus mera synonyma sunt; at, notabile omnino discrimen cynorexiam et bulimiam intercedere, ex symptomatibus quibusdam clare patet. *Cynorexia* enim (a κύων, *canis* et ὄρεξις, *appetitus*) vehemens ac fere insatiabile comedendi desiderium est, cui post magnam atque praecipitatum ventriculi repletionem vomitio aut alvi deiectio succedit, qua ingesta cruda ac parum vel nihil subacta rursus eiiciuntur. *Bulimia* vero (a βῆς, *bos* et λιμός, *fames*), ingens quidem ac tantum ciborum desiderium est, ut, retardata aliquantulum eorum adsumptione, lipothymia immineat, quin vere superveniat, nulla tamen ingestionem vomitio aut alvi deiectio sequitur, sed adsumpta, nisi perfecte, nonnihil tamen, subiguntur.

## §. XII.

Causa proxima ad vehementem rugam ventriculi attritum, ac iusto auctiorem motum peristalticum, quem liquor gastricus, acrimonia quisquilis nimium refertus et interdum quoque vermes, praesertim lumbrici, ex intestinis in ventriculum prorepentes, stimulatorio excitant, redire videtur. Acrimonia

H 2

me-



memorata plerumque acidae indolis est; hinc praeternaturalis quoque haec vescendi aviditas frequentius apud homines, qui acidorum adsumptioni nimium indulgent, nascitur, nec raro pariter in passione hypochondriaca et febribus intermittentibus, ex acido-mucosa saburra praecipue oriundis, observatur. Nolo tamen dicta ita accipi, ac si solam semper acrimoniam acidam exaltatam adcusandam esse statuerem, sed dixi saltem, plerumque penetrantes humores acidos insolitae esuriei causam materiale constitutere. Nam probe scio, alias etiam quisquillas acres, e sanguine ad cavum ventriculi, aut tunicarum duntaxat vascula depositas, stimulo vario violentiorem nonnunquam rugarum ventriculi attritum suscitare, et aliquando igitur praecipuas cynorexiae ac bulimiae causas evadere.

## §. XIII.

Circa auxiliandi methodum in duobus hisce adfectibus nullum plane discrimen occurrat, et potiora remedia ex *antacidorum* ac *demulcentium* classibus desumenda sunt. Ad antacida hoc loco non tantum terrea alcalina conchae v. g., lapides cancrorum, magnesia alba

alba, morsuli contra ardorem stomachi off., &c., sed alcalia etiam salina, tinctura scilicet tartari, metallorum, antimonii tartarifata et oleum tartari per deliquium, multa aqua dilutum, ad demulcentia vero mucilaginea, gelatinosa, pingua, et oleosa spectant, immo hisce interdum, crassiori nimirum saburra simul præsente, *emetica leniora* et *laxantia* e radice ipecacoanhæ et rhabarbaro, præmissis tamen prædictis corrigentibus, iungi et interponi debent. Vt nihil de *diluentibus*, *expellentibus* aliisque pharmacis dicam, quæ, facto forsan impuritatis alterius decubitu ad ventriculum, aut malo hypochondriaco, aliove morbo complicato, in auxilium trahenda sunt.



## C A P. VI.

DE

### LAESA ALIMENTORVM DIGESTIONE.

#### §. I.

**D**IGESTIO LAESA, quæ vitiosæ esculentorum appetentiæ ut plurimum iun-

H 3      Et

Etia reperitur, apud scriptores medicos modo *Apepsia*, modo *Dyspepsia*, modo *Bradypepsia* audit. *Apepsia* (ab *a priv.* et *πέπτω*, coquo) dicitur, quando nulla prorsus ciborum in ventriculo concoctio fit, sed illi, cum anxia circa præcordia gravitate, tamdiu ibidem crudi remanent, donec mediante vomitu denovo reiiciantur, aut sensim, citra ullam pariter digestionem, per alvum excludantur. *Dyspepsia* (a *δύς*, *difficile*, et *πέπτω*) gradum *apepsia* minorem, adeoque imminutam saltem et imperfectam alimentorum resolutionem denotat, et *Bradypepsia* denique (a *βραδύ* *tardum* et *πέπτο*) appellatur, quando adsumpta admodum tarde resolvuntur, nec semper itaque in succum alibilem temperatum atque salubrem mutantur, sed sæpe, propter moram in ventriculo diuturniorem, corrumpuntur, et pro diversa atque specifica natura sua vel acescunt, vel rancida evadunt, vel plane putrescunt.

## §. II.

Causæ digestionis læsæ generatim vel ad cibos adsumptos, vel ad ipsa chymificationis organa, caeteraque resolutionis media referendæ

dæ sunt. De nocumentis, quæ alimenta, vel *nimia sua copia*, vel *prava qualitate*, vel *incongrua atque perversa adsumptione* digestio- nis negotio afferunt, seorsim agere superse- deo; quod causas vero reliquas, ad vitia or- ganorum redeuntes, attinet, illas ordine in sequentibus ac paullo fusius exponam. Agmen ducat *tardus languidusque ipsius ventriculi motus peristalticus*, a *tunicæ nerveo-muscula- ris flacciditate et atonia* ortus, quam, præter plura alia, ingluvies maxime, et largior atque frequentior ciborum oleosorum, pinguium ac flatulentorum adsumtio, nec minus copio- sior potulentorum, præsertim tepidorum, ingestio, ut et abusus emeticorum, meditatio- nes profundæ, post pastum inprimis susceptæ, frequens ac diuturna infantum lactatio, mœ- ror, curæ, intemperantia libidinis, et immo- dicæ hæmorrhagiæ inducunt. Valde cæte- roquin horum operandi nocendique modus differt: Alia enim ventriculum ultra limites naturales violenter distendunt, ut flatulenta, et esculenta cuiuscunque generis, nimia copia adsumta; alia, cuius census sunt oleosa ac pingua, tunicas nimium emolliunt, flaccidas- que reddunt; alia, emetica videlicet fortiora

ac sæpius, vel proxime etiam prægressa iracundia graviori exhibita, vehementi suo stimulo tunicarum contractionem adeo intendunt, ut fibræ naturalem suum elaterem magis successive magisque amittant, tandemque ingens ac fere paralytica relaxatio succedat, et alia denique, moeror v. g., curæ, meditationes profundæ, excessus in re venerea et hæmorrhagiæ exorbitantes influxum sanguinis ac fluidi spirituosii in fibras tunicæ muscularis motrices imminuunt, et totum præterea corpus laudabilibus hisce succis privant, ita ut partes nervoso-musculares debiles admodum ac suo postmodum muneri, prout decet, obeundo, impares evadant.

### §. III.

Alteram depravatæ digestionis causam primariam *spasmodica*, vel *vario alio modo perturbata ventriculi contractio* constituit, quam cruditates variæ, in ipsa ventriculi cavitate hospitantes, vel etiam vermes, venena acria erodentia ac constrictoria, impuritates exanthematicæ, scorbuticæ, arthriticæ, rheumaticæ, scabiosæ &c., e peripheria corporis retropulsæ, aut fortuito in ventriculi vasculis

sub-



subistentes, congestiones sanguinis et affectiones nervorum consensuales apud hæmorrhoidarios, hypochondriacos, et hystericas, itemque iracundia ac terror et huius census alia provocant. Attentam profecto hæc causa considerationem meretur, quoniam prima ac vera eius origo interdum valde abscondita est, et in remotioribus haud raro corporis partibus latet, quæ malum, quo premuntur, sano alias atque infanti ventriculo per nervos, uti dictum, et vasa sanguifera communicant.

§. IV.

Debili ac perturbato motui ventriculi peristaltico *inordinata* pariter, *imminuta* ac *minusve impedita diaphragmatis et musc. abdominalium actio* iungi debet. Nam, cum septum transversum et abdominis musculus duo quasi prela robusta, quassando ac comprimendo ventriculo adeoque triturationi augendæ aptissima, constituent, facile patescere arbitror, quid impedimenti, quidve incommodi circa digestionis negotium expectandum sit, quando partes memoratæ, propter mirandi difficultatem ac minus sufficientem

H 5

pul-

pulmonum expansionem, aut propter relaxationem, abusu unguentorum, cataplasmatum, balneorum emollientium &c. inductam, vel propter vulnera, inflammationem &c., officio suo debite perfungi nequeunt, vel spasmus etiam atque convulsione correptæ, actionem iusto impetuosiores exercent, et alimenta præmature, h. e., nondum peracta necessaria resolutione, per pylorum in intestina expellunt.

### §. V.

Non infimum denique locum inter depravatæ digestionis causas *liquoris gastrici penuria*, et *vitiosa qualitas* occupant. Penuria huius liquoris nascitur, quando scaturigines eius in ventriculo, ostiola nempe vasorum exhalantium, a crassa atque tenaci materia mucosa aut spasmo obstruuntur, vel liquidum salivale sub usu fumi herbæ Nicotianæ intemperantiori aut intempestivo, ante pastum scilicet aut mox post pastum, incaute profunditur, vel ferosi etiam laticis quantitas in toto corpore per fortes atque frequentes sudationes, per largam diuresin, per crebro iteratam alvi evacuationem &c. nimium imminuitur. *Vitiosa*

tiosa qualitas eius maioris adhuc momenti est, quoniam magnopere differt, mixtisque cruditatibus variis, natura non minus, quam nocendi facultate distinctis, originem debet. Commode hæ cruditates in *simplices* et *mixtas* dividi poterunt: Simples vel *acidæ* sunt, vel *pituitosæ*, vel *biliosæ*, vel *rancidæ*, vel *nidorosæ* sive *putridæ*, et ex hisce postmodum *mixtæ* diversissimæ nascuntur, quarum genius, pensitata miscelæ diversitate, facile patebit.

§. VI.

Cruditās *acidā* motum ventriculi peristalticum continua punctura ac rosione pervertit, atque spasmodicum reddit, immo adeo persæpe illum et ab eo pendentem rugarum attritum intendit, ut, sicuti in *antecedente Capite* pridum dictum fuit, appetitus iusto auctior, qui patientes ad nimiam ciborum ingestionem impellit, oriatur. Ingenerandæ huic cruditati, cuius præsentiam frequens ventriculi morsicatio, itemque ructus acidi, sapor salivæ acidiusculus, eructatio liquidi acetosi, dentium aciem hebetantis, quin ipsi nonnunquam vomitus acidi &c. detegunt, præ reliquis

quis cerevisia acescens, vina austera, acetaria, brassica muriatica, lacticia, subdulcia farinacea, fructus horæi, mel, saccharina unguinosa, aliaque dulcia, subdulcia et acidulo-dulcia fermentescibilia, si sæpius ac iusto largius adsumantur, favent, dum eorum alia copiosum acidum explicitum, alia implicitum, sub mora diuturniori incompletæ ac lenis fermentationis ope paullatim evolvendum, ventriculo inferunt.

## §. VII.

Altera cruditas simplex, quæ *pituitosa* audit, quamque languidus inprimis ciborum adpetitus, gravitas ventriculi, intumescencia, nausea, et actualis quandoque vomitus pituitosus adesse indicant, valde pariter vegetum digestionis successum remoratur: Tenaces enim massulae mucosæ gastrico liquori miscella sua spissitudinem inducunt, falsasque particulas eius, quæ adaectæ cuneos exilissimos actione sua imitantur, obtundendo hebetant, et hac ratione penetrandi, macerandi, emolliendi, solvendi potentiam magis minusve imminuunt. Hisce accedit, quod, ventriculi rugis copiosius interpositæ, contractionis at-

atque trituræ vigorem deprimant, et muscularem insuper tunicam, totumque ventriculum, cui continuum atque frustraneum facessunt negotium, magnopere debilitent. Non reticendum cæteroquin erit, cruditatem hanc, quæ plerumque cibis viscosis, crassis ac duris, cuius census sunt legumina, pultes farinacæ spissiores, carnes animalium senescentium et infumatæ, pisces marini, tam recentes, quam exsiccati &c. suos natales debet, rarissime occurrere solitariam, sed eidem acidam aut putridam plerumque iunctam deprehendi, quoniam alimenta allegata et huius farinæ reliqua ita comparata inveniuntur, ut minus debite subacta non solam saburram mucidam in ventriculo relinquant, sed diutius quoque retenta pro singulari ac discrepante suo genio vel acescant, vel putrescant.

### §. VIII.

Corruptelam, hætenus considerata maiorem deterioremqûe, acris ac fervida saburra *biliosa*, sub forti iracundia e duodeno in ventriculum propulsa, naturali liquori gastrico inducit, eumque ingenti amaritie, blando atque subdulci chymo insensissima, imbuït:  
Vnde



Vnde fit, ut postmodum continuo ardore et hostili vellicatione inordinatam atque spasmodicam tunicarum contractionem provocet, quæ decenti ciborum resolutioni et adhuc magis succi salubris elaborationi maximo impedimento est, nec raro etiam præmaturæ massæ rudis in duodenum translationi famulatur. Ordinario quidem nocivam hanc materiam, copiosius inprimis in ventriculi vacuo hospitantem, salivæ amarities, ructus nauseosi, amari, fauces sub exitu suo nonnunquam, ignis fere instar, adurentes, insigne fastidium ciborum, dolor ventriculi tensivo-ardens &c. produnt; attamen, quum cruditates rancidæ, post nimiam oleosorum ac pinguium adsumptionem genitæ, sæpissime pariter ipsam bilem amaritie, acrimonia, ac fervida indole valde æmulentur, ad prægressam iracundiam et vitus qualitatem simul respiciendum erit, ut amaræ cruditatis indoles certius innotescat.

## §. XI.

De cruditate *putrida*, cui vix memorata *rancida* tanquam mitior species iungi meretur, multa hoc loco verba facere supervacaneum duco, dum unumquemque protinus per-

perspecturum esse credo, quod ingens omnino chymificationis depravatio insequi debeat, quando foetidum liquamen urinoso-oleoso-mucidum, mora inprimis acrius redditum, cum naturali ventriculi fermento pessimum consortium subit, et morificatione molestissima motum peristalticum perturbat, novisque adsumtis similem corruptionis labem inducit. Foedissimam hanc impuritatem, quam ructus nidorosi, sapor salivæ putridus, nausea ingens, anxietates præcordiales, post pastum inprimis urgentes &c. patefaciunt, quævis animalis profapiæ alimenta, solo lacte excepto, generare solet, quoties, ob copiam nimiam aut ventriculi imbecillitatem variasque alias causas, in humida ac calida hac cavea moras longiores trahere coguntur: Nec penitus quoque eximenda sunt esculenta vegetabilia; siquidem multa inter ea occurrunt, quæ sub indicatis conditionibus facile pariter putrida corruptela depravantur, immo fieri solet creberrime, ut ea, quæ primo præternaturalem contrahebant acorem, tandem putrescant.

§. X.

Diversam in adfectibus hisce curandi methodum exposita hætenus causarum diversi-

versitas determinat. Nam, magna inprimis tunicarum ventriculi atonia præfente, non tantum *stomachalia stricte sic dicta*, amara videlicet, aromatica, balsamica et austeriusculo-amaricantia, *Capite præcedente §pho VI.* specialius pridem exposita, sed *acria* pariter, quæ, licet nullum quidem robur, proprie tale, ventriculi tunicis procurare valeant, vivida tamen easdem irritatione ad celeriore validioremque contractionem impellunt, in usum trahenda sunt. Possunt memorata tempore quidem diei quocunque cum fructu exhiberi, optime tamen, ante et post pastum adsumta, ventriculi languori medentur; immo, eorum nonnulla, myrrha v. g. genuina, rhabarbarum, flavedo cort. citri, cinnamomum, macis &c., magis sese auxilio suo commendant, quando lente saltim ac sæpiuscule manducantur. Saliva enim, solubilibus particulis imprægnata, ac sensim defluens, continuam actionem in ventriculi tunicas atque contenta exercet, et blanda atque protracta hac operatione tunicarum robur certius, quam confortantia fortiora, largius una vice ingesta, reducit. Manducatio hæc apud subiecta inprimis sensibilia, fibris tenerioribus prædita, aut

aut universi generis nervosi imbecillitate laborantia, utilis deprehenditur; quandoquidem hæc ipsa potentiora non facile perferunt, et molestos inde ventriculi tremores haud raro experiuntur.

# §. XI.

Auxilium præstantius ac longe validius a memoratis tonicis internis expectandum est, quando externe pariter activa *roborantia*, ad linimenti, unguenti, aut emplastrî formam redacta, adhibentur, et scorbiculo cordis totique abdominis parti superiori applicantur. Linimenta ordinario ex oleis destillatis æthereis et spiritibus, tam urinosis, quam inflammabilibus balsamicis, oleo menthæ v. g., maioranæ, carvi, thymi, citri, caryophyllorum, spiritu rorismarini, liliorum convall. matricali, vini crocato, salis ammoniaci vinoso, aqua cephalica imp., anhaltina, mastichina, epileptica LANGII, contra colicam &c. parantur, inter emplastra vero et unguenta emplastrum de crusta panis, de bacis lauri, de tacamahaca, stomachale, fantalinum, unguentum comitissæ, basilicum, nervinum, carminativum et stomachale eminent,

præsertim si illis pulvis castorei et croci orientalis, itemque balsamus Peruvianus et antea recensita olea destillata modica quantitate addita fuerint.

## §. XII.

Medicamenta, quæ irregulari atque spasmodicæ ventriculi contractioni opitulantur, propter maximam causarum varietatem, magnopere distincta reperiuntur, et quævis omnino causa singularis singularem quoque medendi methodum postulat. Nam urgentibus v. g. congestionibus hæmorrhoidalibus, hypochondriacis atque hysteriis, pharmaca calidiora prorsus exulare, et, præter, *phlebotomiam in pede et clysmata emollientia, sola nitrosa et acidula antergastica, aliaque blande resolventia salina mediæ naturæ* in usum vocari debent. Similia temperantia interna etiam profunt, quoties prægressa fortior iracundia motum peristalticum pervertit, et bilis fervidæ portio in ventriculum delata est. Aliter rursus atque aliter cum tota curatione comparatum est, quando vehemens terror turbarum auctor fuit, vel rodens, urens, pungens, materia scorbutica, exanthematica, arthri-



thritica &c., minimis ventriculi vasculis lymphaticis et sanguiferis pertinaciter inhæret, vel adsumta venena caustica et constrictoria, aut vermes, aut cruditates acres molesta vellicatione tunicas ventriculi vexant. Nunc quippe *antispasmodica ac sedativa, roborantibus blandisque diaphoreticis* mixta, v. g. spiritus nitri dulcis, liquor anodynus mineralis &c., cum essentia melissæ, flor. chamomillæ Rom., scordii, theriacali &c. mixtus, nunc *diluentia, diaphoretica et fortiora* nonnunquam *sudorifera*, nunc *alexipharmaca*, pro toxicorum diversitate diversa, nunc *anthelmintica* præcipue desiderantur, et interdum cruditatum maxime præparatione et evacuatione opus est.

### §. XIII.

Præparatio cruditatum, evacuationi semper præmittenda, nunc *attenuando ac resolvendo*, nunc *temperando et invertendo* absolvitur. Inter attenuantia, quæ cruditati pituitosæ inprimis dicata sunt, quævis salia media, v. g. tartarus vitriolatus, solubilis et tartarisatus, sal digestivum SYLVII, arcantum duplicatum, sal de SEIGNETTE, ter-

ra foliata tartari, &c., nec minus mercurius dulcis, radix iridis Florentinae, ari ppta, semen sinapi, et amara quaedam, aromatica et balsamica, immo ipsa purgantia, dosi minori reliquis addita, militant; temperantibus vero et invertentibus alcalina terrea, nitrosa et acidula praecipue accensentur. Terrea alcalina et completa interdum salia alcalia, aut hisce tamen largius impraegnata medicamenta alia, tinctura v. g. tartari, metallorum, antimonii tartarifata et acris, salina fixa ex plantis amarum incineratione &c. parata et similia, exhibenda sunt, quoties acidum in prima culina abundat, nitrosa autem et acidula, v. g. nitrum dep., sal acetosellae, cremor tartari, magisterium hepaticum rubrum Dresdense, spiritus salis et nitri dulcificatus &c., locum inveniunt, quando ventriculus cruditatibus rancidis ac fervidis biliosis refertus est. Et haec omnia pariter, blandis praecipue balsamicis falsisque nupta, praesente vulgari saburra mucido-urinoso-putrida, admodum proficua reperiuntur. De evacuantibus *emetiis* atque *catharticis*, quae, nisi ipsa natura vomitum spontaneum aut diarrhoeam criticam excitet, post praeparationem exhibenda sunt, specialia ad-

addere tædet, solamque duntaxat radicem  
 ipecacoanhæ nominabo, quippe quæ reliquis  
 præstantior est, quoniam, præter catharsin,  
 blandam quoque emesin provocat.



## CAP. VII.

DE

### V O M I T V.

---

#### §. I.

**V**OMITVS est excretio præternaturalis,  
 qua contenta ventriculi varia, nunc sci-  
 licet alimenta ingesta, nunc vero saburra quæ-  
 dam pituitosa, aut flavescens, ærugïnosa, sub-  
 viridis, biliosa, aut rancida, bilis instar fervida  
 atque amara, aut putrida, immo stercoracea,  
 nunc denique sanguis coagulatus aut nigri-  
 cans grumofus, aliaque, ad gulam ac fauces  
 violentius propulsa, per os eiiciuntur. Fieri  
 tamen subinde solet, ut vomitus plane inanis  
 urgeat, et nihil omnino, vel paucum dunta-  
 xat ac tenue liquidum mucido - aquosum ex-  
 trudatur.

## §. II.

Vomitus, cuius adventum persæpe magna anxietas præcordialis, nausea, tremor labiorum, subitanea vultus expallescencia &c. præfagiunt, in genere vel *idiopathicus* est, vel *sympathicus* ac *symptomaticus*, et proxime ut plurimum atque primario *ab inverso ac convulsivo motu ventriculi peristaltico, a causa quadam irritante immediate aut mediate suscitato*, oritur: Ut plurimum, inquam, non semper. Experientia enim constat, præsentem *magna, et interdum fere paralytica, sphincteris orificii ventriculi superioris relaxatione*, vomitum facile atque creberrime post alimentorum adsumptionem, sub sola corporis inclinatione ac paullo fortiori abdominis compressione, citra ullum motum ventriculi convulsivum, contingere; immo frequens observatio docet, *solum* haud raro *motum diaphragmatis et muscutorum abdominalium convulsivum sub tussi vehementiori*, nec minus horum *posteriorum strictionem spasmodicam*, sicuti istud sæpe sæpius apud tenellos infantes lactentes sub abdominis refrigeratione observatur, pulsu suo ac compressione vomitum concitare.

## §. III.

§. III.

Causæ, quæ vomitum idiopathicum excitant, vel irritando, vel emolliendo nimium aliove modo tunicas ventriculi relaxando operantur. Hisce pinguia, oleosa, mucilaginea, maiori copia adsumta, phlebotomia largior, et alia hæmorrhagiæ immodicæ, illis vero cruditates variæ, pituitosæ, acido-mucidæ, biliosæ, rancidæ ac nidorosæ indolis, esculenta ac potulenta, excedente quantitate ingesta, vermes, adsumta venena caustica, erodentia, constrictoria, sanguis extravasatus coagulatus aut grumofus, et acres impuritates exanthematicæ, in vasculis tunicarum subsistentes, sensimque quoad partem per glandulas et emissaria reliqua ad ventriculi cavitatem secedentes, præ reliquis accenseri merentur. De cruditatibus et reliquarum caussarum quamplurimis specialiora pridem in antecedentibus dicta occurrunt, circa sanguinem coagulatum ac congrumatum vero et inde oriundum vomitum cruentum notandum venit, eruptionem eius in ventriculum plerumque contingere, quando tunica a venenis causticis valde eroduntur, aut vasa brevia atque splenica, quod frequentius, præsertim apud hypochondria-



driacos, hæmorrhoidarios, et hystericas sterilesque foeminas, accidit, *infartu* aut *perfecta obstructione* laborant.

## §. IV.

Non tantum circa vomitum idiopathicum, sed circa sympatheticum quoque ac symptomaticum magna originis varietas est: Nolo tamen adfectuum singulos, quibus vomitus sese nonnunquam comitem adiungit, hoc loco allegare, sed *passionem* duntaxat *nephriticam*, *iliacam*, *colicam*, *hernias incarceratas*, *hysteralgiam*, *vertiginem graviolem*, et *dolorem* ac *vulnera capitis*, quorum aliis hoc symptoma semper, aliis sæpissime complicatum reperitur, nominasse sufficiat. Allegatis merito etiam *graviditas recentior* adnumeranda venit; nam licet vomitus quidem nequaquam apud gravidarum singulas observetur, plerisque tamen eundem primis mensibus, propter sanguinis redundantiam et absconditam quandam ac consensualem nervorum affectionem, valde familiarem esse, quotidiana experientia probat.

## §. V.

Considerata specifica causarum differentiantium indole, facile cuivis atque confestim

patebit, vomitum quandoque, heterogenea nimirum et inimica materia in ventriculo stabulante, inter criticas ac salutare excretiones militare, interdum vero, si ingentem v. g. sphincteris cardiae relaxationem et universi ventriculi imbecillitatem causas agnoscat, vel hæmorrhagias immodicas, aut caustici humoris regressum atque decubitum, aut vasculorum rupturam, sanguinisque effusionem &c. sequatur, valde nocivum et ominosum esse, vel molesta ad minimum aliarum quarundam ægritudinum symptomata augere, adeoque cum illis supervenire, intendi, mitescere, atque cessare: Immo, patebit inde, specierum aliam præ alia curatu faciliorem esse, et mendendi pariter methodum atque remedia non tantum in vomitu sympathico ac symptomatico, sed etiam in idiopathico admodum variare. Nam *aliter* omnino sub posterioris curatione procedendum erit, quando magna totius ventriculi aut saltim sphincteris atonia adest, *aliter* rursus, quoties materia quædam irritans, aut sua tamen mole valde molesta in ipsa ventriculi cavitate hæret, *aliter* porro, quando humores acres atque impuri in tunicarum vasculis subsistunt, fibrasque nerveas

I 5

non

non tantum sub quiete sua, sed post partialem quoque ad caveam ventriculi secessum hostiliter vellicant, et *aliter* denique, si cruor coagulatus aut congrumatus excernitur.

### §. VI.

Ad atoniam corrigendam, præter *viæ* congruum et parcius una vice adsumendum, *nervina* ac *stomachalia amara, balsamica* et *remissiora aromatica, austeris* tamen atque *austeriusculis* plus minusve maritata, electuaria v. g. ex syrupo de cinnamomo, mastichino, myrtino composito, cort. aurantiorum, melissæ, rob iuniperi, succo granorum cheremes, extracto cardui bened., centaurei minor., millefolii, pulvere rhabarbari, cort. Peruviani, semine fantonico, croco orientali, croco martis aperitivo Stahlî, oleo citri Italico, oleo cinnamomi, caieput &c., tincturæ ex prædictis aliisque extractis amaris et balsamicis cum vino paratæ, ac postmodum cum essentia cort. citri, cascarillæ, melissæ, tinctura terræ Japonicæ, tinctura martis pomata aut cydoniata &c. remixtæ, morsuli ex sacharo et myrrha genuina, vel ex sacharo, cortice Peruviano, semine cinæ, foeniculi, cardamomo

inori, cinnamomo &c., rob iuniperi, ieiunio ventriculo cum vino malvatico adsumptum, balsamus vitæ, ad paucas guttulas cum chari frustulo exhibitus, vinum Gallicum atramentum, vulgo Pountac dictum, inter prandendum coenandumque modice haustum, masticatoria ex rhabbaro, myrrha, mace, cinnamomo &c., nec minus emplastra roborantia, scorbiculo cordis imposita, præcipue commendari merentur. Præsente autem citri humore quodam aut viscidiori massa irritante, initio *temperantia*, vellicanti materiæ specificè dicata, terrea, v. g., falsis incidentiis nonnunquam nupta, aut nitrosa et acidula, nec minus, observata videlicet eminentioreiectæ saburræ acredine, aut fervida prorsus natura, *obtundentia* ac *demulcentia* gelatiformis ac mucilaginea, hinc inde sæpius dudum delegata, exhiberi, et deinde demum, peracta imirum critica crudicatum evacuatione, *anaspasmodica*, v. g. spiritus nitri dulcis rite ulcificatus, nunc solus, nunc essentia melissæ, cort. citri, aurantiorum, cascarillæ &c. adsumptus, nec non *roborantia stomachalia* insum trahi debent: immo interdum, si heterogenea scilicet materia mole peccet, nec

vomitum spontaneum eidem perfecte eliminandæ sufficere videatur, necesse est, ut excretio hæc, præmissis tamen præparantibus, data parva radicis ipecacoanhæ dosi, promoveatur. Cavendum cæteroquin, ne postmodum hoc remedium forsitan propinetur, quando acres humorum quisquiliæ in vasculis tunicarum ventriculi præcipue subsistunt, et quoad aliquam duntaxat partem per glandulas et alia emissaria ad ventriculi cavitatem emittuntur: In tali enim casu præcipuus curationis cardo in eo versatur, ut non solum secretæ, sed in canalibus quoque adhuc quiescentes impuritates *diluentibus*, *gelatinosis*, *mucilagineis* aliisque contemperentur, et postmodum denuo per *diaphoretica*, alibi dudum contra similis originis singultum laudata, per vias sudoris et urinæ excludantur.

### §. VII.

Curatio vomitus cruenti, propter causarum diversitatem, a vomitus vulgaris medela notabiliter discrepat, et eo in genere rediit, ut primo ulterior cruoris in ventriculum effluxus impediatur, et postmodum viscera obstrueta denuo recludantur. Indicationi prior



*naesectio*, in pede administrata, nec minus  
*ulsiones refrigerantes, serum lactis dulce, de-*  
*sta hordeacea et avenacea refrigerata, nitro*  
*purato parcissime, gelatina cornu cervi autem,*  
*et eboris aut crurum vitulinorum, vel mi-*  
*cydoniorum aut diacydonio simplici lar-*  
*is imprægnata, et quævis temperata muc-*  
*ilaginea ac gelatinosa alia præcipue inserviunt;*  
 obtinendum vero scopum posteriorem  
*ncta aperitiva, eorumque inprimis mitiora,*  
*alia reperiuntur, quæ Capite I. contra Infar-*  
*m atque Obstructionem hepatis et lienis com-*  
*endata fuerunt.* Valent tamen hæc de so-  
 niori tantum vomitus cruenti specie; quod  
 eram enim, ab adsumto scilicet erodente  
 corrodente quodam medicamento aut ve-  
 no oriundam, attinet, in illa sola *demulcen-*  
*et obtundentia mucilaginea, gelatinosa, pin-*  
*ia et oleosa* conducunt, aperitiva autem  
 illo prorsus modo requiruntur, et nitrum  
 que ac quævis salina alia penitus exu-  
 e debent, si *alcalia*, aqueo-mucilagineis  
 xta, exceperis, quæ nonnunquam, si  
 aenum acidum minerale fuerit, locum  
 eniunt.

## §. VIII.

Species vomitus vulgaris sympathica ac symptomaticæ nulla peculiaria remedia ad sui curationem postulant, sed cura unica vel tamen præcipue, ad morbi primarii, a colicæ scilicet, passionis iliacæ, herniæ incarceratæ, doloris nephritici, hysteralgiae &c. sublationem aut mitigationem dirigenda est. Nec operoso etiam auxilio medico apud gravidas opus est, quoniam hic vomitus, quod interdum solummodo matutinus est, interdum vero post pastum accidit, ordinario aliquot post imprægnationem diebus, aut hebdomadibus, aut mensibus elapsis, sponte cessat. Possunt tamen subinde, si symptoma hoc frequentia sua, aut vehementia, aut nimia diuturnitate maiora incommoda adferat, gravidamque valde debilitet, *temperantia* quædam *nitrosa* et *acidula*, nec minus *leniora confortantia*, v. g. pulveres ex corallis rubris, nitro, sale acetosellæ, radice poeoniarum, et granis chermes, potiunculæ ex aqua cinnamomi borraginata et cydoniata, aqua flor. borraginis, melissæ, fœniculi, pulveris vix memorato, spiritu salis dulci, syrupo cort. citri, aurantiorum, melissæ &c., mixtura

x tinctura coralliorum, eff. cinnamomi, me-  
 llæ, ligni aloes, cort. citri, aurantiorum, et  
 spiritu nitri dulci in usum trahi, immo, si vo-  
 lueris frequentius post pastum contingat, mo-  
 tus inter prandendum ac coenandum vini  
 salvatici haustus commendandus est, ut mo-  
 lestum hoc symptoma, si penitus forsan cessa-  
 re recuset, interea nonnihil ad minimum mi-  
 nescat, donec embryo grandior factus sit, et  
 enæsectio, quæ apud plethoricas certius  
 lerumque in hoc passu auxilium præstat, tu-  
 o institui queat.



## CAP. VIII.

DE

### C H O L E R A.

#### §. I.

HOLERA, a *χολὰς*, *intestinum*, vel rectius  
 a *χολή*, *bilis* ita dicta, in *humidam* et *sic-*  
*m* dividitur. Humida affectus ventriculi  
 intestinorum spasmodico-convulsivus acu-  
 timus est, ex vomitu enormi et vehemen-  
 ac valde torminosa diarrhoea compositus,  
 quibus

quibus materia fervida, acris et subinde plane caustica, initio ut plurimum tenuior, pallida et subflava, deinde crassior, flava, viridis, coerulea, aut nigricans eiicitur: Sicca vero, quæ rarissime tamen occurrit, dicitur, quando flatus duntaxat nauseosi, amari, urentes ac morficantes cum crepitu et ingenti ventriculi et intestinorum dolore per superiora et inferiora erumpunt.

## §. II.

Symptomata reliqua, quæ hunc morbum comitantur, in specie utraque eadem sunt, et pari etiam atrocitate patientes torquent. Adsunt nimirum anxietates maximæ, vehemens cardialgia, ingens nausea, sitis ardens, inflatio, distentio ac tormina ventris atque intestinorum sævissima, ebullitio et æstus, febrili calori analogus, vel vera ac valde acuta febris, cum pulsu primum celeri atque frequenti, deinde debili, tardo et intermittente. Vires præterea subito prosteruntur, corpus universum celerrime extenuatur, et gravia animi deliquia cum frigore extremorum superveniunt, quibus, intra paucas persæpe horas, ipsa mors succedit,

## §. III.

§. III.

Causa materialis, quæ in cholera humida mediante ingenti morificatione, ardore aut punctura motum ventriculi et intestinorum spasmodico-convulsivum, immo tandem gravem inflammationem, quæ sæpe in funestam gangrænam ac sphacelum desinit, excitat, nunc, et quidem frequentius, *vera bilis feruida* est, nunc vero *caustica quædam materia acida*, vel *alia prava atque corrupta rancida* aut *nidoroſa*, in ventriculo sensim genita, aut protinus, uti *venena* v. g. *corrosiva*, *emetica* et *purgantia drastica* &c., in ventriculum inſeſta, nunc denique *humor acerrimus atque malignus*, per glandulas et reliqua ventriculi etque intestinorum emissaria e sanguine et lymphâ secretus. Ultima hæc cholerae species interdum populariter grassatur, et secundum WILLISII a), SYDENHAMII b), eorumque observationem, ordinario mense Augusti, cuius terminos non facile excedit, nascitur. In cholera sicca, uti ego credo, eius.

a) Pharmaceut. rat. Sect. III. cap. 3.

b) Opusc. Sect. IV. cap. 2.



eiusdem quidem genii impuritates acres in ventriculo et intestinis hospitantur, attamen minori quantitate adsunt, et longe maiori tenuitate, fluiditate ac volatilitate gaudent; unde etiam fit, ut, calore sensim in flatus resolutæ, ventriculi et intestinorum tunicis magis subrariori, quam crassiori, forma stimulos hostiles inprimant.

#### §. IV.

Inter causas procatacticas, præter complura alia, quæ acrium cruditatum genesis in prima culina, vel caustici ad eam atque maligni humoris translationi ac depositioni famulantur, locum maxime iracundia frequens ac gravior, præsertim sub pastu vel paullo ante aut post pastum, vel præsentibus dudum in prima culina variis cruditatibus aliis, exorta, esculenta nimium oleosa, pingua aut calidioribus aromatibus largius condita, carnes, ova et quævis alia, butyro frixa, caseus antiquus acrior, ova barbæ piscis, lacticia, ante aut post acidorum ingestionem adsumpta, cucumeres recentes, fructus horæi acidi atque austeri, cerevisia novella, vinum recens ac mustum merentur, immo diuturna intemperie:

ries aeris calida et sicca, et adhuc magis subitanea corporis sudantis sub æstuosa atmosphaeræ constitutione refrigeratio interdum unica aut tamen præcipua huius mali causa occasionalis evadit, quoniam diluens ac temperans latex serosus sub memorata aeris intemperie nimium profunditur, et partes cruoris fervidam plane ac valde acrem indolem adquirunt.

§. V.

Raro præceps ac truculentissima hæc affectio faustum sortitur eventum, sed quamplurimos potius, quos corripit, præsertim si æstiva epidemica sit, vel ab ingesto vero veneno, vel citra manifestum diætæ vitium a sola causa interna exorta fuerit, intra unum, duos, tres, quatuor dies trucidat: Quamplurimos, inquam, non omnes; hinc probe etiam ante sententiæ decretoriæ expositionem causæ non minus, quam symptomata considerata sunt. Redituræ enim salutis spem concipere licet, quando nec febris vera, nec convulsiones, singultus, animi deliquia et gravior animi perturbatio adsunt, pulsusque regularis ac fortis est, et anxietas atque tormi-

na, aliqua materiae irritantis parte eiecta, notabiliter remittere incipiunt. Secus ex adverso iudicandum, nec quicquam amplius boni exspectandum erit, si complicata febris peracuta continuo increscit, et nulla prorsus anxietatis, doloris ac convulsionis ventriculi atque intestinorum remissio post copiosam dudum saburræ peccantis excretionem observatur, sed potius tremor et involuntariæ contractiones artuum, singultus, sensuum internorum perturbatio et abolitio, delirium, sudor ac frigus extremorum, cum internorum ardore maximo et pulsu debilissimo, vix amplius interdum perceptibili et identidem remittente, nec minus gravia animi deliquia superveniunt, vel sanguinolenta etiam ac foetidissima recrementa, odorem plane cadaverosum spirantia, vomitu et alvina deiectione excluduntur.

#### §. VI.

Nulla hic morbus emetica, cathartica et laxantia proprie talia, nec ulla pariter sub vigore suo austeræ styptica et calida amara, balsamica et aromatica confortantia stomachalia patitur, sed initio *demulcentia* tantum,  
di-

*diluentia et temperantia quædam, invertendæ ac corrigendæ causæ materiali specificè dicata,* deinde vero *sedativa* ad sui curationem postulat. Demulcentia ac diluentia communem in hoc morbo usum habent, ast mature et larga copia exhibenda sunt, ut virulenta materia tempestive eluatur ac diluatur, et tempestive etiam vomitu et alvina deiectione excernatur. Militant inter ea aqua simplex tepida, decocta mucilaginea et gelatinosa ex hordeo, avena, oryza, milio, semine cydoniorum, radice althææ, scorzoneræ, tussilaginis, rasura cornu cervi, eboris &c., iuscula tenuiora pullorum, carnis vitulinæ et avenæ excorticatæ, iuscula ex fagopyro Polonico, aut cancris contusis et similis naturæ aliis, albumen ovorum recens, cum saccharo conquassatum et nonnihil postmodum aqua dilutum, solutio aquosa tragacanthæ et gummi Arabici, oleum amygdalarum dulcium recentissime expressum, emulsiones ex amygdalis dulcibus, seminibus quatuor frigidis maioribus et minoribus, semine milii solis &c., ac serum lactis dulce, immo lac recens non minus, quam ebutyratum illis quandoque accensendum est. Notari tamen debet, ho-

rum alia, quæ pauxillum acidi expliciti in sinu suo foveant, aut facilius tamen in loco calido acescunt, bile fervida atque corrupta, vel putrida aut rancida saburra præsentē, meliora esse, alia ex adverso, quæ facilius in corpore alcalescere possunt, peccante caustica materia acida, certius ac tutius præstare auxilium. Haud dissimilis cautela etiam circa *temperantia* et *invertentia specifica*, terrea videlicet absorbentia, nitrum et acidula, a multis scriptoribus pariter commendata, occurrit. Terrea enim solummodo locum inveniunt, quoties manifesta materia acida in ventriculo hospitatur, nitrum vero depuratum et acidula mitiora, v. g. succus citri, sal acetosellæ, syrupus acetositatis citri, ribium, cerasorum acidorum, oxymeli simplex &c., interdum proficua reperiuntur, quando bilis corrupta aut saburra putrida convulsionis causa existit; nunquam tamen hæc ipsa sola sive per se in hac ægritudine exhibenda, sed congruis saltim demulcentibus parva admodum quantitate miscenda sunt.

## §. VII.

Præter recensita demulcentia et obtundentia interna, eiusdem pariter naturæ  
atque



atque virtutis *clysmata* ex rad. althææ, fol. malvæ, flor. liliorum alb., sem. lini, fœni Græci, avena excorticata, gummi tragacantha, gelatina crurum vitulinorum, oleo lini, olivarum, amygdalarum dulc., oleo infuso chamomelino, lilior. alb. &c. commendari merentur. Nam licet hæc quidem nunquam ad intestina tenuia penetrent, colon tamen et rectum eluunt, excretionem torminosam nonnihil mitigant, et suum quoque symbolum ad mitigandam convulsionis insolentiam consensuali operatione conferunt. Valet hoc posterius etiam de *fomentis, epithematibus, cataplasmatibus* et *unguentis emollientibus*, abdomini adplicandis, immo, *tepida balnea emollientia*, quæ Celeb. DN. D. BALTH. LUDOVICVS TRALLESIVS in doctissimo suo de *Cholera* tractatu a) p. 383. sequ. magnopere deprædicavit, eodem pariter modo, nisi unice, maximam tamen partem,

K 4

ægris,

a) Tractatus hic, in quo Cholera quoad symptomata. causas, curationem &c. solide atque uberrime explicata legitur, anno 1753. sub Titulo: *Historia cholerae atrocissimæ, quam sustinuit ipse, persanavit ægerrime, Wratislaviæ prodit.*

ægris, exitioso hoc morbo laborantibus, opitulari, credendum est. Nonnulli relaxantibus hisce, ad inflammationem maxime partium convulsarum avertendam, aut dudum exortam rursus minuendam ac dissolvendam, *venæsectionem* addunt, cuius administratio tamen promiscua esse nequit, sed pro ægri cholericæ conditione nunc omittenda, nunc instituenda est. Locum videlicet habet, nec parum prodesse potest, quando nondum eminentior naturæ languor observatur, sed pulsus adhuc magnus ac fortis est; nocet ex adverso et imbecillitatem magis auget, mortemque accelerat, si vires valde dudum prostratæ sunt, et pulsus summe debilis atque intermittens existit.

### §. VIII.

Præmissis demulcentibus et virulentis igitur materia non tantum temperata, sed crebriori etiam vomitu et deiectione alvina quoad potissimam partem excreta, vehementes motus convulsivi protinus compescendi, et in hunc finem *sedativa opiata*, eaque sincera, purum v. g. extractum opii aquosum, in

in aqua flor. acaciæ, aut tiliæ, aut paralyseos  
dissolutum, vel sibi etiam relictum, dosi me-  
diocri, quæ granum unum non facile exce-  
dere debet, exhibenda sunt. SYDENHA-  
MIVS correctionis periodum trium vel qua-  
tuor horarum spatium inclusit, at terminum  
hunc in genere nimis brevem esse, mihi quam-  
plurimos facile concessuros credo. Pro mea  
enim sententia rationalem medicum circa de-  
terminandam solius præparationis diuturni-  
tatem ad convulsionis vehementiam et mate-  
riæ exclusæ copiam respicere oportet. Nam  
citius omnino ad opii usum confugiendum  
erit, si motus ventriculi et intestinorum con-  
vulsivi vehementissimi sunt, et materia causti-  
ca copiosa, propter vomitionem et deiectionem  
alvi creberrimam, intra breve tempus  
excreta fuit: Minus ex adverso properan-  
dum et sedativum hoc remedium post plures  
demum horas, post diem integrum, immo  
interdum adhuc serius in auxilium vocan-  
dum est, quando vomitus et diarrhoea remis-  
siores ac minus frequentes sunt, et, multum  
adhuc saburræ peccantis in prima culina lati-  
tare, excretiones commonstrant. Siquidem  
quævis remedia narcotica, uti ipse fatetur

SYDENHAMIVS a), in hoc morbo perniciosissima sunt, si præmature, h. e., nondum correctæ nec quoad maximam prius partem eiecta materia virulenta, adsumantur.

### §. IX.

Post plenariam vomitus, diarrhoeæ, doloris ac febris cessationem opportunum est, *confortantia* quædam *stomachalia* interna et externa in usum trahere, ut partes, vehementi convulsione mirifice debilitatæ, robur pristinum recuperent: Ex internis tamen mitiora ac temperatiora, quæ acredine et calida

- a) „Sedula, in *Opusc. p. m. 153. inquit, mentis*  
 „applicatione, et multiplici etiam experientia  
 „edoctus, quod si hinc acres istos humores, fo-  
 „mitem morbi, Catharticis expellere conarer,  
 „idem agerem, atque is, qui ignem oleo extin-  
 „guere satagit, cum Cathartici vel lenissimi  
 „usus omnia magis perturbaret, et novos insu-  
 „per excitaret tumultus: Et si ex adverso me-  
 „dicamentis Narcoticis aliisque adstringenti-  
 „bus in ipso statim limine primum humoris  
 „impetum compescerem, dum naturali evacua-  
 „tioni obliscerem, et invitum humorem detine-  
 „rem, æger, inimico incluso, bello intestino  
 „indubie conficeretur &c.

da indole aromatica carent, seligenda sunt, nmo, adsumptioni eorum mucilagineorum sum adhuc interponi, præstat, quo mucus aturalis, qui ventriculi et intestinorum tuni- as obducere atque defendere debet, citius estituatur.



## C A P. IX.

DE

## LIENTERIA ET COELIACA.

---

### §. I.

Circa LIENTERIAE et COELIACAE notionem apud pathologiæ scriptores dissensus quidam reperitur. Alii enim, et quidem plurimi, lenteriam et coeliacam unum eundemque morbum denotare, et bina hæc vocabula mera ideo synonyma esse, opinantur; alii ex adverso inter adfectus hosce discrimen faciunt, vel duas ad minimum species discrepantes constituendas esse, contendunt. Quod me attinet, aliquid omnino discriminis duos hosce morbos symbolizantes intercedere, eosdemque merito igitur in pathologia

discer-



discernendos esse, arbitror. Nam licet quidem in utroque materiae quaedam laudabiles ad corpus nutriendum necessariae, per alvum excludantur, non spernenda tamen differentia circa excretorum qualitatem occurrit. In Lienteria enim, a λείον, *lave*, et έντερον, *intestinum* ita dicta, adsumta esculenta, citius aut tardius post pastum, vel nihil prorsus verum adhuc mutata, prævio ut plurimum dolore ventriculi constrictorio, celeriter et cum murmure aliquo per canalem intestinorum devolvuntur et egeruntur; in Coeliaca autem liquida chylosa, absque ullo plerumque ventris cruciatu, cum fæcibus alvinis emittuntur. Silentio etiam minime hoc loco prætermittendum censeo, adfectus hosce subinde iunctim supervenire, et peculiarem rursus speciem, FLUXVM nempe LIENTERICO-COELIACVM constituere: Haud ignorari tamen oportet, lenteriam, coeliacam complicatam, in tali casu leviolem esse, et aliquam ingestorum partem in ventriculo in chymum, et hunc postea in duodeno, sicuti ex simultanea succi chylosi excretionepatet, in chylum commutari.

§. II.

Adulti ac vegetæ ætatis homines rarus paullo adfectibus hisce corripuntur, sed i frequentius solummodo apud infantes ac nes occurrunt, quoniam priores ob teneridinem et imbecillitatem partium solidarum naturalem, posteriores vero propter paulllam ac magis in dies magisque increscentem roboris imminutionem maiori ad illos dispositione gaudent, quæ, accedente etiam viori causa procatarctica, in actum deducitur. Apud infantes præterea facilius hoc eri ac fieri posse, certum est; quippe qui ob edephagiam, huic ætati admodum familiam, ventriculum nimium persæpe cibis onent, adeoque corpori suo causas adfectus riusque proximas facile ingenerant.

§. III.

Lienteria sedem suam primariam in entriculo habet, ac proxime a *magna ventriculi imbecillitate* et *eminenti inprimis valvæ pylori annularis relaxatione* oritur. Eminent enim tunicarum ventriculi relaxationi, demque necessario complicatæ imbecillitati perfecta vel plane nonnunquam deficiens cibo-

ciborum resolutio tribuenda est, ab insolita autem atque insigni valvulae pylori annulari flacciditate præmaturus ac præceps eorum exitus e ventriculo in duodenum maximè dependet: Maxime, inquam, non unice dum valde, uti ego quidem credo, ex sensibili ac subito post pastum exoriente dolor ventriculi constrictorio probabile, immo certum clarumque evadit, *acrem quendam materiam* simul in ventriculo adesse, quæ illud ad intempestivam ac vehementem contractionem spasmodicam et præmaturam hæc ratione ac violentam ciborum nondum debite resolutorum, vel plane adhuc rudius expulsionem irritatione sua impellit. A vellicans autem hæc materia iam ante lienteriae ortum paullatim collecta, et diutius pridem in ventriculo hospitata fuerit, an vero e corruptis ciborum reliquiis, vel sub imperfecta demum ac prava adsumptorum digestionem recentius generetur, in clara quidem luce nondum positum est, si dicere tamen licet, quod sentiam, verosimillimum mihi videri haud diffiteor, acrem hanc materiam crudis ciborum partibus, post quamcunque ingestionem præcipitemque massæ rudioris expul-

expulsionem in ventriculo relictis, sensimque pro diversa natura sua vel acescentibus, vel rancescentibus, vel putrescentibus aliamque corruptionem subeuntibus, præcipue enasci, eidemque postmodum e cibis noviter ingestis, citamque pariter in debili ventriculo corruptelam superficialiariam expertis, tantum accedere, ut ventriculum stimulo suo ad præmaturam adsumtorum eiectionem sollicitare valeat: Vt nihil de massa ciborum, ventriculo debili molesta, dicam, quæque plus quoque minusve ad præternaturalem ventriculi contractionem confert.

§. IV.

Quamquam potiores lienteriae causæ præcipue in ventriculo quærendæ sint, vitii nihilominus quicquam in intestinis quoque subesse, eademque præternaturali pariter laxitate et inde oriunda lævitate laborare, extra dubium positum esse reor, quoniam cibi rudes, e ventriculo præmature expulsi, non adeo diuturnas moras in iis nectunt, sed intra breve tempus per longum et anfractuosum hunc canalem, citra singularia ventris tormina et cum aliquo duntaxat murmure, ad

ad anum devolvuntur, ibidemque etiam cito excluduntur; quod absque vehementiori ventris cruciatu vix aut ne vix fieri posset, si tunicæ decenti robore gauderent, et numerosas illas rugas naturales, quæ apud sanos transeuntibus fluidis non minus, quam solidioribus ac siccioribus substantiis novum identidem obicem ponere, et præcipitem eorum descensum et exclusionem præcavere debent, sufficienti tensione ac contractione sua efformare valerent.

## §. V.

Generandæ prædictæ ventriculi et intestinorum flacciditati et imbecillitati multa quidem ex rerum nonnaturalium ac præternaturalium censu apta inveniuntur, præ reliquis tamen hoc loco ingluvies seu frequens ventriculi repletio nimia, esus ciborum pinguium, oleosorum, flatulentorum, fermentescibilium et dyspeptorum iusto largior, crebrior atque nimia potulentorum, præsertim tepidorum, ingurgitatio, mœror diuturnus et aliæ animi sollicitudines graviores, vehemens ac frequens vomitus morbosus, abusus emeticorum atque purgantium et prægressi morbi

chro.



chronici allegari merentur, immo dolores  
cardialgici ac colici atrociores, aut sæpius  
revertentes et aliæ ventriculi diuturnæ ac  
contumaces affectiones spasmodicæ e caussa-  
um procatarcticarum numero excludi ne-  
queunt; dum noto notius est, quod fibræ  
partium solidarum elasticæ non tantum emol-  
tione excedente ac violenta distensione,  
sed diuturna pariter aut sæpius redeunte con-  
tractione vehementi laxæ, flaccidæ debiles-  
que reddi, ac suo igitur tono magis minusve  
tribari possint.

## §. VI.

Curatio duabus indicationibus, acris ni-  
rum materiæ irritantis destructione et ro-  
ris amissi restitutione nititur. Obtinendæ  
primæ indicationi partim *temperantia* varia,  
modo diversa, biliosa scilicet, aut acida, aut ran-  
da, aut putrida humoris vellicantis indole  
regenda, partim *lenissima evacuantia rhabar-  
barina* inserviunt. De temperantibus, ceu  
his notis et alibi sæpissime pridem recens-  
is, specialia hoc loco adducere supersedeo;  
quod rhabarbarina autem attinet, inter illa  
rhabarbarum orientale, in substantia, h. e., in  
Tom. II. L pul-

pulvere vel etiam sub forma morsulorum exhibitum, propter iunctam ac simultaneam roborandi virtutem eminet: Præstat tamen, hoc medicamentum initio curæ una tantum, vice ad scrupulum unum vel drachmam semissem, deinde vero semel vel bis, immo ter quaterve quavis hebdomade ad scrupulum duntaxat dimidium, ieiuno ventriculo, exhiberi.

### §. VII.

Memorato rhabarbari usui deinde succedere et interponi debent *roborantia stomachalia, subadstringentibus* remixta; cuius census v. g. sunt electuaria ex syrupo de cinnamomo, cort. citri, aurantiorum, melissæ, mastichino, myrtino composito, rob iuniperi, succo granorum chermes, extr. cardui bened., trifolii fibrini, cent. minoris, angelicæ, pulvere corticis Peruviani aut eiusdem extracto, pulvere seminis santonici, foeniculi, anisi stellati, croci, cascarillæ, oleo citri Italico &c., electuarium de baccis lauri Off., mixturæ, ex vix memoratis extractis cum vino rubro aut albo paratæ, et additis tincturis spirituosiss gentianæ, melissæ, croci, cort. au-

ran-

fantiorum, et martis pomatæ potentiores redditæ, pilulæ itemque ex gummi galbano dep., myrrha genuina, extractis amaris, balsamo Tolutano, pulvere granorum chermes, cinnamomi &c., morsuli myrrhati et chinati, rob iuniperi, ad drachmas duas, ieiuno ventriculo, in vino malvatico adsumtum, vinum Gallicum rubrum, vulgo Pountac dictum, inter prandendum et coenandum modica quantitate haustum et similia.

§. VIII.

Præter laudata aliaque huius commatis confortantia, sub forma magis consueta interne usurpata, magnopere etiam *masficatoria* ex rad. angelicæ, flavedine cort. citri recentiori, sem. foeniculi, cardamomo minori, mace, nuce myristica, cinnamomo et supra dudum laudato rhabbarbo commendari merentur, immo salutarem internorum actionem *roborantia externa*, emplastra scilicet, scrobiculo cordis ac toti regioni epigastricæ imposita, ex emplastro de crusta panis, de baccis auri, pulvere castorei, croci, balsamo Peruviano, oleo nucis moschatæ expresso, oleo lest. maioranæ, menthæ, carvi, caryophyl-

lorum &c., nec non linimenta ex aqua cephalica imp., Anhaltina, virtutum, vitæ mulierum, spiritu vini crocato, balsamo vitæ &c. egregie adjuvant. Non omittenda quoque sunt, quæ morbis aliis, lienteriae nonnunquam complicatis, specificè medentur, nec *congrua* denique *diæta*, quæ pingua, oleosa, esumque iusculorum emollientium frequentiore, repletionem ventriculi ad satietatem usque, et potum aqueorum tepidorum largiorem, aliæque, §pho 4. recensita, excludit, pastum vero parcum quidem, ast frequentiore, cibos paullo sicciores, facilioris tamen resolutionis, potum modicum et per intervalla spirituosum, animi tranquillitatem &c. imperat, negligenda erit.

### §. XI.

Cum lienteria COELIACA quoad symptomata nonnulla convenit, quoad alia magis ab ea minusve differt. Vires enim in morbo utroque sensim deiciuntur, et totum corpus, ob sufficientis nutrimenti defectum, paulatim extenuatur; appetitus vero ciborum in lienteria semper languet, et ægri insuper post quamcunque esculentorum adsumptionem

tionem ventriculi gravitatem aliquam, et, pro diversa ingestorum quantitate ac qualitate, maiorem minoremque anxietatem præcordialem sentiunt, cui, nunc citius, nunc tardius, sicuti supra pridem retuli, exquisitus ventriculi dolor constrictorius, et huic protinus rudium alimentorum expulsio in duodenum succedit: In coeliaca ex adverso, eaque perfecte solitaria, adpetitus ciborum plerumque naturali sua integritate gaudet, quin valde nonnunquam vegetus ac solito auctior deprehenditur, et dicta ventriculi incommoda post pastum raro vel nunquam notantur, sed in ventre inferiori subinde solummodo murmura quædam, et, excretionem imminente, vel nulla omnino, vel leviora saltim tormina oriuntur.

§. X.

Circa ætiologiam discrimen adhuc maius occurrit, et plures coeliacæ, quam lientericæ causæ proximiores sunt. Nasci enim potest 1)., quando intestina, præsertim ieiunum et ileum, nec non valvula BAYHINI, in ilei ac cæci confinio præfens, sub ingenti flatuum accumulatione et diuturna incarceratione, post prægressam atrociorē aut fre-



quentiorem passionem colicam aut iliacam, post insultus apöplecticos et propter plures alias causas procatarcticas, tono suo magis minusve privantur, adeoque flaccida, quin plane nonnunquam paralytica fiunt, ac sese proinde in rugas amplius contrahere nequeunt, sed, lævia reddita, chylum absque solita in venas lacteas filtratione cito per totum canalem suum cum partibus excrementitiis descendere permittunt, 2) quando vasa lactea circa originem suam in intestinis, aut sub ulteriori suo per mesenterium eiusdemque glandulas progressu a coacervata saburra viscida aliove modo obstruuntur, vel multa eorundem ostiola post prægressam dysenteriam gravissimam plane concrescunt, ita ut chylus ista intrare amplius ac permeare nequeat, et 3) denique, quando ob bilis defectum aut inertiam chymus in chylum perfectum ac satis fluidum commutari nequit, et quoad partem ideo rudiores, quæ venas lacteas ob crassitiem subire nescit, cum excrementis ad anum progredi cogitur.

#### §. XI.

Pleraque remedia, quæ contra lenteriam commendata fuerunt, etiam in coeliaca pro-

profunt, roborantibus tamen, præfente ductus choledochi aut venarum lactearum obftructione, *refolventia*, *abftergentia* et *aperitiva varia*, quæ fufius ac fpecialius in fequentibus, fub *Icteri* et *Atrophix mefentericæ* curatione, videnda funt, addi aut prætermitti debent, et circa illam quoque fpeciem, quæ interdum gravi dysenterix et fuperficiariæ intestinorum exulcerationi fuccedit, adhuc notandum venit, rariffime iftam, vel rectius nunquam, perfecte tolli poffe, quoniam remedia coalitis vaforum lacteorum oftiolis referandis fine exceptione imparia exiftunt.



## C A P. X.

DE

### D I A R R H O E A.

#### §. I.

**D**IARRHOEAE VVLGARES, adeoque a dysenteria aliisque cruentis fluoribus alvinis diftinctæ, vel *criticæ* prorfus ac magis proinde minusve falutares, vel *ftriktius* morbofæ, *nocivæ* et *plane* interdum *deleterix* funt.

In hisce enim, quibus diarrhoeæ *colliquativæ* hepaticorum, *cæliaco-lientericæ*, ac febrium exanthematicarum, præsertim malignarum, *symptomaticæ* accenseri merentur, vel utiles saltem humores nutrientes, vel alimenta semicocta, aut fæces chylo remixtæ, vel impuritates summe causticæ, fervidæ, cito inflammantes, a corporis peripheria ad interiora retroactæ, in illis vero materia quædam fluidior recrementitia, mole sua et acredine ventriculo et intestinis molesta, eaque modo pituitosa, modo acido-mucida, aut biliosa, aut valde putrida, aut ulcerosa, modo ex hisce mixta, per vices et cum maiori aut minori ventris dolore per alvum excernuntur.

## §. II.

Memoratae impuritates discrepantes vel citius aut tardius sub iracundia, sub prava chymificatione ac chylicatione, et post varios errores diæteticos circa alimentorum quantitatem, qualitatem ac modum ordinemque adsumendi a), in ventriculo et intestinis generantur, vel per glandulas aliaque emissaria

a) Procatareticæ hæ causæ fuisse dudum in Capite de *Digestione laesa* expositæ leguntur.

ia in canalem intestinale, ceu communem viscerum imi ventris sentinam, ex sanguine et lymp̃ha paullatim, immo interdum, sufflaminata imprimis exhalationis cutaneæ liberate, aut expulsis ad cutem exanthematibus ad interiora denuo retrocedentibus, præcipiti actu et copia maiori deponuntur: Nec silentio etiam prætermittendum erit, subinde neglectæ pariter adsuetae plethoræ ventilationi per venæsectionem, universali item sanguinis ac lymphæ muciditati, coryzæ cohibitæ, morbis pectoris pituitosis, nec minus fluxus menstrui, lochialis et hæmorrhoidalis suppressioni mucidam diarrhoeam criticam succedere. De singulis cæteroquin idem nequaquam iudicium valet; nam licet quamplurimæ quidem salutes aliarumque ægritudinum remedia existant, certo tamem certius et iterata observatione comprobatum est, earum nonnullas, si iusto diutius perdurent, tandem, propter atoniam partibus solidis inluctam, et largam simul succorum laudabilem excretionem, simpliciter morbosas evanescere, vel plane, si in febribus malignis exanthematicis incongrua acerrimæ ac cito inflammatis materiæ metastasis ad intestina et

ventriculum contingat, mortem, sicuti initio dudum retuli, inferre, aut maximum tamen periculum portendere.

§. III.

Quemadmodum diarrhoeæ criticæ, rite nimirum succedant, nec iustos quantitatis atque durationis limites transgrediantur multos morbos imminentes avertunt, multosque, dudum præsentēs, feliciter tollunt sic mere seu stricte morbosæ vires valde deiciunt, totumque corpus succis laudabilibus spoliant. Nam quicquid in hisce excernitur, sola nequaquam saburra recrementitia est sed, sicuti pridem Spho primo retuli, naturalis potius et maximam partem sincerus humor seroso-lymphaticus aut liquidior massa chylosa, aut pars alimentorum nondum debite subacta; hinc, propter stimuli fortioris defectum, remissiora saltim, immo interdum fere nulla, ventris tormina sub excernendorum descensu per intestina sentiuntur, et longe aliæ pariter causæ, magna videlicet *ventriculi et intestinorum atonia*, aut *totius generis nervosi imbecillitas*, moerore a), curis aliis

a) „Diarrhoeæ, BAGLIVVS in Oper. p. m. 107  
„inquit, frequenter oriuntur ex moerore e



lisque variis, in antecedentibus sæpe pri-  
em relatis, inducta, vel etiam, sicuti hoc in  
onsummata hectica observamus, *universa-*  
*s humorum dissolutio colliquativa* utplu-  
mum adcusandæ veniunt: Vt plurimum,  
quam, non semper; quandoquidem subin-  
e etiam fieri solet, ut recrementa quædam  
austica, non mole tamen, sed eminenti dun-  
axat acredine sua peccantia, intestinorum  
unicis tenacissime adhæreant, et hostili suo  
imulo frequentem earum ac magis minusve  
orminosam contractionem spasmodicam,  
ua utiles magis, quam heterogenei humo-  
es expelluntur, fuscitent. Locum quidem  
ostrema hæc profluvia alvina inter diar-  
hoeas mere morbosas obtinere videntur,  
tamen, quum inimica materia stimulans  
dsit, plura, intuitu curationis, cum primæ,  
uam secundæ classis diarrhoeis communia  
abent.

#### §. IV.

„animi pathematis, suntque fere incurabiles,  
„præsertim si causa mœroris persistit: his  
„supervenire solet febris erratica, donec tan-  
„dem atrophia consumpti intereant ægrati  
&c.

## §. IV.

Curatio in diarrhoeis criticis generatim ad tria momenta, ad *peccantis* videlicet *materiae præparationem*, *materiae præparatae omnimodam atque maturam eductionem*, et *pristini roboris restitutionem* redit. Remedia *præparantia*, corrigendis diversis impuritatibus specificè dicata, sæpe dudum in antecedentibus et fusius inprimis in *Cap. de Digestione læsa et Cholera* recensita occurrunt, nec *laxantia* etiam ignota sunt, eminet tamen inter hæc posteriora rhabarbarum verum orientale, nunc solum in substantia ac dosi minor exhibitum, nunc ipsis statim præparantibus refracta quantitate additum. Prior ex hibendi modus melior reperitur, quando, viribus ægri nondum deiectis, diarrhoea adhuc recens est, et copiosa saburra heterogenea in intestinis latet, posterior vero tutius eligitur, si præternaturale hoc profluvium diu pridem duraverit, aut æger iam valde debilitatus sit, aut irritans materia acredine magis, quam mole, peccet. Exclusa penitus impuritate inimica, *roborantia stomachalia balsamica et amara, subadstringentibus* nonnunquam remixta, et pro lubitu ad formam variam redacta,

cta, in usum trahenda sunt, immo interdum, ostili videlicet materia quoad maximam dum partem eiecta, confortantia præparantis parva statim quantitate misceri, præstat.

§. V.

In diarrhoeis strictius morbosis nec corrigentibus nec evacuantibus opus est, sed *so-*  
*nervina ac roborantia stomachalia interna*  
*externa*, in proxime præcedentibus capitulis ad tollendam atoniam commendata, requiruntur. Solummodo tamen hæc ipsa e iis speciebus intelligenda sunt, in quibus nulla prorsus materia vellicans heterogenea intestinis hospitatur, sed nervorum duntaxat imbecillitas, aut ingens tunicarum intestinalium flacciditas præternaturalis fluoris causæ exiitit. Nam, acerrimo quodam humore testinorum tunicis, exigua licet quantitate, facilius adhærente, nonnulla pariter *tempe-*  
*rentia*, præsertim *demulcentia*, et deinde etiam  
viscissima *evacuanti* rhabarbarina ante roborantium usum necessaria inveniuntur.





## CAP. XI.

DE

DYSENTERIA ET HAEMORRHAGIA  
MESERAICA.

## §. I.

**D**YSENTERIA (a δύς, *difficile*, έντερον, *intestinum* et πέω, *fluo*) in *cruentam* et *non cruentam* sive *albam* dividitur. Illa creberrima, valde torminosa ac mucido-sanguinea, vel etiam mucido-ulceroso-sanguinea deiectio alvina est, nunc, quanquam paullo rarius, absque ulla propemodum febre accedens atque decurrens, nunc febre mitiori aut graviore, quin penitus nonnunquam maligna, stipata; hæc autem, quæ raro tamen solitaria reperitur, sed cruentæ insolentiori utplurimum succedit, diarrhoeam plane ulcerosam, adeoque priori quoad excretionem non minus, quam ventris cruciatum febremque complicatam multo deteriorem, denotat.

## §. II.

§. II.

Non confundi debet dysenteria alba  
 singulari quadam *diarrhoeæ vulgaris pi-  
 tosæ* specie: Nam licet in hac posteriori  
 materia, per vices crebriores excreta, itidem  
 albidum albicans existat, et cum vehementi  
 etiam dolore, eoque prunæ propemo-  
 dum instar urente, per maiorem minoremve  
 intestinalis tractum devolvatur, non  
 viscosa tamen ac foetidissima est, sed densa,  
 viscidulenta ac gelatinæ ossium recenti quoad  
 colorem, consistentiam, totumque habitum  
 externum haud dissimilis deprehenditur.  
 Non adest præterea febris continua, nec per-  
 petuus quoque ac molestissimus ani tenesmus  
 regit, multo minus indefinenter ventris cru-  
 entus sentiuntur, sed instante tantum nova  
 affectione dolor constringens atque urens in  
 intestinis resurgit, eadem vero peracta, vel  
 lenitus rursus, vel maximam tamen par-  
 tem remittit.

§. III.

Apud subiecta nonnulla crebrior deie-  
 ctio alvi torminosa ac mucido-cruenta subito  
 sine prodromis singularibus supervenit,  
 apud.



apud alia, et quidem quamplurima, anxietates præcordiales, dolores cardialgici, ructus frequentes, inflationes abdominis, tormina intestinorum leviora, conatus vomendi, quin ipsi aliquando vomitus actuales adventum eius præfagiunt. Materia excreta initio, propter largam mucî intestinorum naturalis absterfionem atque miscelam, copiosior, albicans aut flavescens, et striis duntaxat atque punctis sanguineis passim notata cernitur, deinde autem magis paullatim magisque cruenta evadit, et cum ignei prorsus ardoris sensu per anum excluditur. Dolores intestinorum, qui, nova instante deiectione, vehementissimi torquentes, lacerantes, scindentes sunt, nonnihil quidem post excretionem quamcunque mitescunt, nunquam tamen durante morbo penitus remittunt, sed saltim mitiores atque obtusiores redduntur. Torquent præterea patientem constantes anxietates præcordiorum et tenesmus ani perpetuus seu continua desidendi cupiditas, quam sub morbi progressu et declinatione nonnunquam procidentia intestini recti sequitur. Ad sunt etiam sitis magna, imminutio aut plenaria deiectio appetitus esculentorum, languor atque debi-

lebilis corporis, magis successive magisque, quin subito aliquando increfcent, fluxus etque urinae parcius aut omnimoda interitum eiusdem per intervalla suppressio, nec minus febris, nunc gravior et subinde prorsus maligna, nunc remissior, nunc adeo mitis etque benigna, ut vix sentiat, ac plane ea propter, sicuti antea dudum retuli, abesse credatur.

§. IV.

Ex memoratorum aliorumque symptomatum et iunctae imprimis continuæ febris atrocitas diiudicandum erit, an dysenteria benigna, an vero maligniorem indolem habeat. In benigna quippe febris duntaxat mitior, immo interdum mitissima et vix ideo perceptibilis adest, et cuncta pathemata relativa remissiora inveniuntur; in maligniori ex vero febris gravior, ac valde nonnunquam innotis symptomatibus, plenaria videlicet appetitus deiectione, summa atque præcipitum prostratione, pulsu frequenti et ingentioræ cordiorum anxietate, stipata, torminibus diarrhoeam mucido-cruentam præcedit, et protinus tamen eidem iungitur, et quæ-

vis pariter symptomata reliqua, quibus subinde petechiæ, exanthemata purpurata, aphthæ, inflammatio faucium anginodes, singultus, ardor et morsicatio ventriculi maxima, vomitus purulentus aut ulcerosus *a)* &c., accedunt, atrociora existunt. Occurrit quoque notabilis differentia circa excretæ materiæ qualitatem; quippe quæ in malignioribus speciebus minus cruenta, sed magis saniosa, cineritii, aut nigricantis, aut ferruginei coloris est, et foetorem plane cadaverosum spargit.

## §. V.

In Africa, India orientali pluribusque terræ tractibus valde æstuosis atque æquino-

etialibus

- a)* „Præter hæc incommoda, RICHARDVS MEAD scribit, „vomica etiam interdum, sive „suppuratio interna, in ventriculo nascitur. „Hoc quidem raro fit, non semel tamen accidisse vidi; cum magnam profecto sanguinis „simul et purulentæ materiæ copiam evomebat æger. Terret sane iste casus, at plerumque tamen non magnum periculum adfert „iisque adsumtis, quæ membranas exulceratas „conglutinent, inprimis balsamo Locarelli, redi- „sanitas. Vid. Monita eius et Præcepta medici- „p. 63.

ialibus dysenteria, ut plurimum tamen minus contagiosa, quocunque propemodum anni tempore passim nasci consuevit, in nostris vero cæterisque regionibus temperatioribus initio plerumque aut medio mensis Augusti, vel subinde etiam, licet rarius, initio dudum aut sub finem Iulii a) primum exoritur, et per totam deinde æstatem exeuntem, ad æquinoctium autumnale usque, quin serius aliquando a) vel unum hinc inde alterumve tantaxat hominem corripit, vel, quod fieri solet frequentius, populariter et cum magna interdum ægrotantium strage grassatur. Valde enim intuitu originis ac causæ materialis discrepat, et necessario in *stomachalem* et *sanguineam* distinguenda est. In priori nimium, ceu minus frequenti minusve contagiosa, materia heterogenea ac caustica, quæ in totum acta mucum intestinorum naturalem obstergit, et tunicas denudatas deinde erodit, ellicat, quin sæpius plane inflammat, lacerat atque exulcerat in prima culina ex meris alimentis corruptis, aut immaturis aliove modo

M 2

a. b) Vid. *Acta Medicor. Berolinens.* Tom. I. Vol. 4. p. 25. Vol. 6. p. 32. Tom. II. Vol. 9. p. 70.

de vitiosis fructibus horæis, vel ex hisce etiam et fervida simul bile, largius in intestina sub iracundia vehementiori effusa, generatur, adeoque pro diverso cruditatum præexistentium genio, nunc *mucido-acida*, nunc *acido-biliofa*, nunc *mucido-urinoso-putridula* reperitur; in posteriori autem, quæ ordinario epidemica ac multo magis contagiosa est, ex massa sanguinis ad vascula intestinorum confluit, ac sensim per ductus glandularum et reliqua emissaria in cavitatem eorum excernitur; hinc stomachali etiam dysenteriae vel nulla omnino febris perfecta, vel saltem levior et post diarrhoeæ demum initia superveniens, complicata reperitur, sanguineam contra ordinario febris, eaque haud raro gravior et magis aliquando minusve maligna, quæ fluorem cruentum subinde aliquantulum præcurrit, subinde cum isto coniunctim et eodem prorsus tempore accedit, comitatur.

#### §. VI.

Materia virulenta, quæ ex sanguine ad intestina desertur, quoad specificum suum genium exacte quidem determinari nequit, alteram tamen, in prima culina genitam, subtilitate



itate et ut plurimum quoque acredine caustica  
superat, ac modo sese per contagium in cor-  
pora sana insinuat, modo in ipsis humoribus  
circulantibus sub diuturniori tempestate aeris  
calida et sicca, creberrimaque tunc temporis  
ac forti sudatione ex partibus cruoris salino-  
oleoso-inflammabilibus nascitur: Vnde ratio  
etiam manifesta evadit, cur dysenteria ordi-  
nario exeunte demum æstate oriatur, cur  
plerumque epidemice grassetur, et illa in pri-  
mis subiecta corripit, quæ corpus æstuans  
ut sudore madidum, præsertim tempore  
nocturno, refrigerant, et necessariam itaque  
exhalationem cutaneam, qua acres fervidæ-  
que impuritates e corpore paullatim elimi-  
nantur, magis minusve sufflaminant.

§. VII.

Dysenteria periculo nunquam penitus  
vacat, alia tamen species præ alia periculo-  
sa deprehenditur, nec parum quoque circa  
prognosin formandam refert, an patiens ad-  
huc iunior, an provectiori dudum atque se-  
nili ætate sit. Nam pueri, iuvenes ac reli-  
qui vegetæ ætatis adulti, si eadem scilicet  
dysenteria specie decumbant, facilius, quam

senes, evadunt, et alia omnino prognosis in dysenteria benigna, quam maligniori, alia pariter in stomachali, quam sanguinea locum invenit. Mitior nempe atque benigna, praesertim stomachalis, feliciter utplurimum et interdum satis cito tollitur; sanguinea ex adverso plus negotii medentibus facessit, ac saepe saepius, si malignior insimul et epidemica sit, funestum eventum sortitur, magnamque subinde hominum stragem, praesertim in militum castris, edit; nec praetermittendum quoque, veram dysenteriam albam seu mucido-ulcerosam periculi magnitudine semper cruentam superare, et plerumque, si aegri feliciter interdum hoc morbo eluctentur, coeliacam post se relinquere.

### §. VIII.

Tempus durationis exacte quidem determinari nequit, id tamen certum est, dysenteriam malignam diu absque vitae discrimine vix aut ne vix tolerari posse, sed inter brevius utplurimum tempus mitescere rursus, aut, quod fieri solet frequentius, a morte terminari, benignam vero pro differenti materiae peccantis copia atque originem

nul

nunc citius cessare iterum, nunc longius et ad aliquot subinde hebdomades, citra vehementia symptomata, protrahi. Salutis cæteroquin redituræ et periculi pariter mortisque imminentis præsentia a viribus ægri, adpetitu, materiæ excretæ qualitate, febre, cæterisque symptomatibus desumenda sunt. Siquidem faustum prædicere possumus eventum, quando vires corporis et ciborum appetentia nec subito nec penitus deliciuntur, sed, morbo etiam protracto, nonnihil tantum atque paulatim imminuuntur, quando, febre vel nulla omnino vel saltem mitiori præsentente, materia albida aut flavescens mucosa, paucò sanguine remixta, aut striis duntaxat punctisque cruentis notata, cum remissioribus ventris torminibus et citra vehementem tenesimum atque ardorem excernitur, immo, iam iam approximantis convalescentiæ spem concipere licet, quando tormina remittunt, adpetitus paulatim redit, et ructus atque flatus identidem erumpere incipiunt. Secus iudicandum, morbumque facillime funestum fore pronuntiandum erit, si diarrhœæ admodum cruentæ febris vehemens ac valde inflammatoria, cum ingenti præcordiorum anxietate,

et magna ac subitanea virium atque appetentiæ prostratione, complicata reperitur, si exanthemata quædam purpurata aut maculæ petechiales in cute adparent, vel aphthodes faucium inflammatio cum spirandi ac deglutiendi difficultate, aut continua gulæ atque ventriculi morificatione, supervenit, et denique, si materia fœtida ulcerosa, saturate croceo aut ferrugineo, quin nigricante colore tincta, cum maximo ac magis in dies magisque invalescente ventris cruciatu, assiduo tenesmo, et igneo quasi, dum exit, ardore excluditur. Vt nihil de singultu, frigore extremorum, potulentorum cum sonitu ad ventriculum descensu, et plenaria ac subitanea doloris, absque febris cæterorumquæ symptomatum decremento et citra ullam euphoriam, remissione dicam; quippe quæ, mortem post breve tempus insecuturam esse, testantur.

## §. IX.

Curatio huius morbi partim *venæsectione* et *evacuantium pharmaceuticorum*, partim *demulcentium*, *temperantium* ac *roborantium* usu absolvitur. Circa venæsectionem scriptores

ptores magnopere dissentiunt, eamque alii, quibus RICHARDVS MEAD, expertissimus quondam ac solertissimus Medicinæ practicus sese pariter adiunxit *a*), in quacunque propemodum dysenteriae specie suadent, alii illam simpliciter reprobant, noxiamque declarant. Pro meo iudicio, via media incedere, tutissimum erit: In dysenteria enim graviori, præsertim sanguinea, perfecta protinus ac paullo vehementiori febre stipata, apud adultos, eosque valde plethoricos, phlebotomia initio statim in brachio instituta, ad inflammationem intestinorum insolentiorē avertendam, aut dudum exortam denuo minuendam multum omnino confert, nec quicquam detrimenti, quantum ego quidem perspicio, procreare valet, in benigniori autem, tam stomachali, quam sanguinea, absque

M 5

febre

- e) „Difficilior res est, *inquit l. c.*, ubi dysenteria, aut torminibus, intestina excruciantur.  
 „ - - - Semper igitur, ut ad curationem veniam, primum sanguinem mittere expedit. Deinde vomitus utilissimus est; quem  
 „vino ipecacoanhæ non semel, sed ter quaterve,  
 „interposito biduo vel triduo, elicere optimum  
 „erit &c. &c.



febre manifesta, aut cum mitiori saltim febricula accedente, haudquaquam, nisi maxima forsan sanguinis abundantia tempestivam ad ministrationem eius aliquando imperet, prod-est, sed leniorem actum excretorium nonnihil turbat, vel penitus ad minimum superflua existit, nec unquam pariter in ea dysenteria, in qua sub prima statim accessione ingens virium prostratio et plura veræ malignitatis signa adsunt, institui debet: Quod *laxantia* autem et *leniora emetica* attinet, illa sub mali primordiis usum magis communem habent, et maxime inter ea, præter pilulas STAH-LII, radix ipecacoanhæ et rhabarbarum orientale eminent, posterius tamen, propter indolem mitissimam tutissimamque operationem, priori, licet vulgo singulare prorsus in dysenteria remedium specificum prædicetur, iure præferendum est, præsertim, si habitus speciei, durationis, excretionis ac febris ratione, decenti dosi iustoque tempore et ordine in usum trahatur. Quæ postrema igitur ut recte intelligantur, sequentes regulæ generales circa usum memoratorum evacuantium tenendæ erunt:

I. In dysenteria stomachali, prægresso inprimis manifesto errore diætetico circa alimenta, evacuantia laudata non proficua solum, sed valde etiam necessaria sunt, et radix ipecacoanhæ, si morbus nempe adhuc recens et excreta materia magis mucida adhuc, quam cruenta est, sub forma infusi vinosi ad scrupulum unum aut grana viginti quatuor, in pulvere autem ad decem vel quindecim grana, rhabarbarum vero contusum ad grana sedecim, aut scrupulum unum, nunc per se, nunc additis aliquot lapidum cancrorum et nitri depurati granis, adultis exhiberi potest; in dysenteria sanguinea ex adverso pilularum STAHLII et ipecacoanhæ usus plane exulare debet, præsertim, si cum diarrhoea cruenta ac valde tormentosa confestim febris continua gravior accesserit.

II. In dysenteria sanguinea nec ipsum quoque rhabarbarum, nisi simul forsan fundata saburræ, in prima culina præ-existentis et diutius pridem ac copiosius collectæ suspicio adsit, maiori quantitate

titate propinari oportet, sed istud refracta saltem dosi, ad pauca nimirum grana, demulcentibus ac blandis abstergentibus addendum est. Idem monitum in quacunque pariter dysenteriae specie valet, quando, morbo per aliquot pridem dies protracto, aut vehementiori febre complicata, mera dudum materia cruenta deiectione crebriori et cum insolentioribus ventris torminibus excernitur. Nam probe considerandum erit, in dysenteria sanguinea, praecipuis maligniori, saburram virulentam, ad intestina depositam, magis acredine eminenti, quam mole, peccare, et parietes intestinorum in allegato casu posteriori, propter mucis naturalis absterfionem, iam maximam partem denudatos ac magis dudum minusve inflammatos atque erosos esse, nec irritantia itaque, per se ac dosi maiori oblata, commode amplius et citra noxam perferre posse.

## §. X.

Præmissis tempestivo ac rationali evacuantium usu, *demulcentia* protinus, *temperantia*,

*antia, blanda abstergentia et leniora diaphoretica* requiruntur: Non opus tamen est, ut eorum singula seorsim adhibeantur, sed utiliter illa in formulis quibusdam misceri poterunt, et quum maximus quoque horum remedium numerus sit, præstantiora tantum ligenda, iisdemque pro mea sententia, iteratæ experientiæ testimoniis suffulta, mucilaginea et gelatinosa, tum sibi relicta, tum abstergentibus lenioribus, balsamicis, aliisque dropriatis remixta, iuscula v. g. pullorum et avenæ excorticatæ, albumen ovorum recens, cum saccharo conquassatum et aqua horleacea aut simplici dilutum, solutio aquosa enuior gummi Arabici, gelatinæ eboris, cornu cervi aut crurum vitulinorum, serum lactis dulce, decocta ex hordeo, avena, milio, radice scorzonerae recentiori, althææ, tussilaginis, herbæ melissæ, betonicae, flavedine corticis citri, sem. foeniculi, rasura cornu cervi aut eboris, nitro depurato parcissime imprægnata, nec minus electuaria ex syrupo alithææ et de symphyto FERNELII, extracto angelicæ, chamomillæ vulgaris, pulvere rhabbarbari et cascarillæ accensenda sunt, immo emulsiones dilutiores ac tepide haustæ

stæ ex amygdalis dulcibus, sem. quatuor frigidis maioribus aut minoribus, sem. milii solis, cardui Mariæ, conchis præp. et pauxillo nitri in dysenteria sanguinea non contemnendum auxilium præstant.

## §. XI.

Internis hisce identidem quoque *clysmata* ex tepido sero lactis dulci, vel ipso lacte et iusculo avenaceo, vel ex radice althææ, herba ac floribus malvæ. flor. chamomillæ vulgaris, liliorum alb., semine lini, foeni Græci, nigellæ Rom., carvi et oleo infuso chamomelino, aut melle aut pauxillo terebinthinæ, vitello ovi subactæ, iungi debent; quippe quæ, initio morbi iniecta, materiæ hostilis partem educunt, in progressu autem causticas particulas obtundunt, erosionem intestinorum inflammatoriam, præsertim coli et recti, minuunt, et hac ratione ventris cruciatus atque tenesnum valde ut plurimum mitigant. Egrege etiam ad tenesnum sopiendum *fotus* ex speciebus mucilagineis et oleosis, floribus sambuci v. g., chamomillæ vulgaris, semine lini, foen. Græci &c. cum lacte coctis, vel tepidus solummodo eiusdem decocti



osti aut aquæ simplicis *vapor*, ex fella perforata desidendi tempore ad anum admissus, immo, nisi præsens dudum aut imminens anicrocidentia horum et fotuum quoque atque clysterum emollientium adplicationi obstat, *oppositoria* etiam ex sevo cervino aut bovino, nec minus, ad dolorosam anicroersionem evitandam, *unguenta* ex oleo infuso liliorum b., chamomelino, verbasci et mucilagine feminis lini aut fœni Græci, aqua fervida extracta, et similibus parata, ac linteis raris molliusque adplicata, conducunt. Exulent vero tam interne, quam externe quævis alexipharmaca calidiora, et adstringentia, quoniam priora febrem et inflammationem valde exasperant, posteriora autem, ulteriorem materię virulentę exclusionem prohibendo, gangręnam, sphacelum mortemque facillime incurrunt.

## §. XII.

Diarrhoea cruenta non minus, quam dolore cessante, aut valde tamen imminuta, et sanguinis quoque remittente aut notabiliter ad minimum mitigato ventris cruciatu, de restitutione integritatis ac roboris intestinorum

co-

cogitandum, et in hunc finem *roborantia* nonnulla, quæ aliqua simul virtute *traumatica* pollent, præscribenda sunt. Nolo singula, quæ in hoc casu proficua iudicantur, specialius exponere, sed paucis tantummodo dixisse sufficiat, pilulas ex gummi galbano, extracto aquoso myrrhæ genuinæ, cardui benedicti, scordii, balsamo Peruviano ac Tolutano, pulvere cinnamomi, nucis moschatæ, cascarillæ &c., nec minus electuaria ex syrupo mastichino, melissæ, cort. citri, aurantium, rob iuniperi, succo granorum cheremes, et vix memoratis extractis atque pulveribus, quin solum rob iuniperi in vino malvatico, aut balsamum Peruvianum ad guttas 10. vel 12. cum vitello ovi, ad semisfluidam consistentiam cocto, adsumtum, sua sese utilitate, præ multis aliis commendare, nec sua pariter laude *confortantia externa*, vaporem videlicet terebinthinæ, prunis iniectæ, per inferiora exceptum, linimenta abdominis, ex aqua embryonum, cephalica imp., mastichina, vitæ mulierum, spiritu matricali &c., unguenta ex ungu. nervino aut stomachali Off., oleo nucis moschatæ expresso, balsamo Peruviano, pulvere castorei, croci, oleo dest.

, suc-

uccini, menthæ, carvi, maioranæ, rosmarini  
&c., emplastrum de crusta panis, de baccis  
lauri, santalinum, stomachale Off. &c., sac-  
culos ex rad. imperatoriæ, herba menthæ  
rispæ, maioranæ, flor. chamomillæ Rom.,  
semine carvi et nigellæ Rom., baccis lauri  
&c., cum vino coctis, et huius commatis alia  
refraudanda esse.

§. XIII.

Breviter denique hoc loco commemo-  
rare haud alienum est, præter remedia hæc-  
tenus exposita, morboque tollendo iuxta me-  
thodum rationalis normam non congrua solum,  
sed sæpiissime etiam adæquata, nostro ævo  
multis *corticem Simaroubam* a) summis in  
dysen-

a) Cortex hic, qui anno huius seculi decimo ter-  
tio primum in Gallia innotuit, ex regione qua-  
dam Americæ æquinoctiali, *Guiana* dicta, et co-  
piose imprimis ex insula *Cayenne*, adfertur, non-  
dum satis descriptus est. Colorem gryseo-fla-  
vescentem, et amaricantem-saporem obtinet,  
odore autem destituitur. Fluxum cruentum,  
præmissis tamen consuetis evacuantibus et non-  
nullis pariter demulcentibus, tuto compescere

dysenteria laudibus ornari, immo nonnullos si ferocia scilicet dolorum vix amplius tolerabilis et fluxus cruentus admodum rebellis existant, ad usum *opiatorum* confugere. Simaroubam, cuius singularem in dysenteria efficaciam frequens dudum experientia comprobavit, absque ulla hæsitantia admittere eum

dicitur, ac vulgo in pulvere, aut, quod præstat in decocto saturatori exhibetur. Decoctum hoc semel iterumque, si necesse fuerit, ex duobus utplurimum corticis drachmis et sufficienti aquæ simplicis quantitate, ad octo circiter uncias pondus ebulliendo redacta, paratur, deinde vel sibi relictum, vel tinctura rhabarbari aut essentia cascarillæ, aut syrupo papaveris rheados remixtum, elapso quovis trihorio, aut quadrihorio, ad unum aut duas uncias hauritur donec diarrhoea cruenta cesset; quemadmodum plura de hisce ac præcedentibus in *Historia* et *Commentariis Academiæ Regiæ Parisinæ* ann. 1729, nec minus in *Commercio litt. Norimb.* ann. 1732 p. 337. DEGNERI *Historia medica de Dysenteria bilioso-contagiosa, quæ 1736. Neomagi epidemice grassata fuit*, IOH. FRID. CRELL *Diff. de Cortice Simarouba Helmstadii 1736. habi* et ANDR. ELIAE BVCHNERI *Fund. Med. med. p. 548. sequ. &c. videri possunt.*

eumque, dummodo in Officinis pharmaceuticis ubique venalis prostacket, crebrius usurpandum esse, censeo, circa opiatorum vero usum, qui initio morbi et maxima nondum materiæ virulentæ parte per alvum exclusa, nunquam securus est, summa cautione opus esse, omnes practici circumspæcti mecum confitentur.

§. XIV.

A dysenteria HAEMORRHAGIA MESERAICA, quæ non adeo inepte etiam *Cæliaca cruenta* vocari posset, magnopere differt. Repetitam enim, immo interdum altim unicam, nunc parciozem, nunc largiozem, solitarii cruoris fluidi, vel subinde etiam crassi, coagulati ac paullulum nigricantis excretionem per alvum designat, et apud subiecta inprimis plethorica, si diætæ vinosæ indulgeant, nec minus hypochondriaca atque hysterica, quæ magno vasorum mesenterii, hepatis, lienis &c. infarctu, quin vera hinc inde venarum reducentium obstructione laborant, subinde, quanquam paullo rarius in nostris regionibus a), supervenire consuevit.

N 2

§. XV.

a) Singularis ille *Fluxus alvi cruentus*, qui Intestiniæ Parisiorum homines multos et advenarum



## §. XV.

Prodit hic sanguis vel ex ruptis quibusdam vasorum meseraicorum ramulis, internam intestinorum tenuium superficiem perreptantibus, vel ibidem per nimiam duntaxat dilatatas arteriolas serofas sensim in canalem intestinale[m] emittitur; unde ratio etiam facillime patescit, cur quantitas cruoris, per alvum excreti, nunc magna, nunc vero parciore sit. Primam sanguinis effusionem in intestina vehementes plerumque dolores tensivi, constringentes, quin atrociores quandoque lancinantes circa ventriculum et in tota

suprema

in primis quamplurimos corripere solet, ac vulgo proinde *le Mal de Paris* appellatur, mihi nullus quoque morbus alius, nisi hæmorrhagiæ meseraicæ species, esse videtur. Quocunque enim anni tempore, citra febrilia plerumque symptomata, citra gravia dysentericiæ pathemata ac citra ullum pariter contagium sanis supervenit, et ordinario cum diarrhoea vulgari incipit, quæ postea in mere cruentam degenerat. Incolæ sanguinei huius profluvii ortum aquæ fluvii *Sequanæ*, cuius potus et reliquus usus oeconomicus in dicta urbe communis est, tribuunt: An causa autem hæc vera sit, nec ne, experientia sufficienti destitutus, determinare nequeo.

suprema ac media imi ventris regione præcedunt, qui deinde tamen, facta videlicet sufficienti cruoris abundantis et stagnantis eruptione, ita sensim mitescunt atque remittunt, ut interdum sub descensu sanguinis per intestina et sub ipsa postmodum excretionem per alvum, vel nulla omnino, vel lenissima tantum ventris tormina sentiantur. Prognosis cæteroquin pro caussarum diversitate admodum discrepat. Nam, si sola plethora commota et leviores tantum vasorum mesenterii aliarumque partium ac viscerum infarctus in culpa sunt, hæmorrhagia hæc citius atque facilius tollitur: Sin perfectæ autem ac refractariæ partium dictarum obstructions aut graviores ac contumaciores infarctus cruentæ huius exundationis causæ existant, malum curatu difficilius ac satis subinde diuturnum est, et corpus non solum viribus valde spoliatur, sed febrem etiam lentam aliaque pathemata ominosa adducit, immo interdum plane lethiferum evadit.

§. XVI.

Nulla plane remedia spirituosæ aliaque calidiora commoventia, nec ulla pariter cathartica et laxantia hic morbus patitur, sed,

præmissa *venæsectione revulsoria*, adeoque frequentius ip brachio, quam pede administranda, *diæta temperata ac modice refrigerante*, nec non remediis *diluentibus gelatinoso-mucilagineis, temperantibus nitrosis et lenioribus aperitivis*, quæ blande tantum incidendo, ut salia neutra, vel leniter abstergendo et attenuando, ut extractum chamomillæ vulgaris, angelicæ &c., cum liquore terræ foliatæ tartari aquoso aut vinoso ad tincturæ formam redacta, operantur, præcipue tollendus est: Hisce tamen post usum temporarium *mitiora* quædam *confortantia*, et, passione hypochondriaca aut hysterica complicata, nonnulla etiam antispasmodica aliaque in affectibus hisce specifica addi, aut usui eorum interponi debent.



## CAP. XII.

DE

## VERMIBVS INTESTINORVM.

## §. I.

**H**ELMINTHES sive *Vermes*, in hominum vivorum intestinis persæpe hospiti-

pitantes, magnitudine non minus, quam forma discrepant, ac generatim (loquor tantum de vulgaribus atque frequentioribus) vel *tæniæ* sunt, vel *lumbrici*, vel *cucurbitini*, vel *ascarides*. Nonnulli quidem, tænias cucurbitinos, numeroſe cohærentes et communi involucri inclusos, eſſe ſtatuunt; at, multum omnino discriminis hos et illas intercedere, ex ſtatim ſubſequenti deſcriptione luculentiffime patebit.

§. II.

Tæniæ ſive *Lumbrici lati* ſunt vermes albicantes, longi, nonnihil lati, compreſſi et tranſverſis per totum geniculis diviſi: Vidi tamen aliquoties tænias, ex gobiorum fluvialium aliorumque animantium ventriculo et inteſtinis exemptas, quæ fasciæ quidem inſtar planæ ac longæ erant, conſpicuis tamen geniculis penitus carebant a). Longitudinem horum vermium sæpius ad unam, duas, tres, quatuor, quinque, ulnas, quin ultra, adſcendere, certum eſt; quod ſemper vero unica

N. 4

tantum

a) Conf. *Miscellanea Soc. Reg. Berolinenſis Cont.*

II, p. 42, et 43.

tantum tænia, nunquam plures, uti nonnulli statuunt, in intestinis reperiuntur, observationi refragatur, nec mihi satis quoque probatum videtur, fasciatis hosce lumbricos, nisi citius forsan extinguantur, maiora in dies, ad hominis mortem usque, incrementa capere a). Hospitium suum ordinario in intestinis tenuibus aut in ventriculo habent, et vivi atque integri rarissime vel nunquam corpore egrediuntur, sed interemti in corruptum liquamen fatiscunt, aut, passim duntaxat putredine dissoluti, frustulatim cum scybalis alvinis eiiciuntur.

## §. III.

Lumbrici rotundi seu strictius ita nuncupati forma corporis lumbricos terrestres referunt, albi tamen sunt, aut pallide tantum rubescences, nec facile quoque pedem longitudine excedunt. Dominus I. L. FRISCH, Rector olim scholæ Berolinensis curiosissimus, lumbricos intestinorum rotundos larvas seu nymphas tæniarum esse, credidit: „Totum, inquit,

a) Plura de hac vermium specie in Celeb. LINNÆI *Diss. de Tania* videri possunt.



,quit a), corpus lumbrici consistit e tribus partibus. Quarum exterior est cutis; interiores, duo intestina, brevius unum, alterum longius - - - - . Intestinum longius vero inprimis notandum est. Nam

- 1) Succum album et crassiozem continet.
- 2) Umbilico in media sui parte, ubi magis impletum est, adhæret.
- 3) Vtraque pars ab umbilico dependens multo longior est, quam alvi spatium et totus vermis, hinc etiam instar intestinorum in corpore animalium complicata et curvata iacet et pro quantitate succi versus extremitates subinde subtilior fit, sine vestigio tamen ullius aperturæ. Hinc lumbrici ad metamorphosin maturiores etiam hoc albo succo repletiores sunt, et exterius plus alboris habent translucente hoc succo. Minores vero rubicundiores sunt, prævalente cutis colore. Hoc album intestinum sive hæc principalior vermis pars interior mihi videtur esse tænia, quæ sub larva et in cute lumbrici nutrimentum suum in corpore animalis quærit,

N 5                      donec

a) In vix allegatis *Miscell. Soc. Reg. Berol. l. c.*  
p. 47. sequ.

„donec ad iustam corporis molem pervene-  
 „rit et exuviis abiectis sua vera forma appa-  
 „reat, ut papilio relictis erucæ et aureliæ  
 „sive chrysalidos exuviis &c.,” Suo loco  
 hanc sententiam relinquo, et præcedentibus  
 tantum addo, lumbricos rotundos, docente  
 observatione, subinde quidem intestinorum  
 tenuium ac pylori tunicis, hirudinum fere in-  
 star, labiis oris sui et singulari quodam unci-  
 culo mordicitus adhærescere, ut tuberculum  
 inde seu callus exoriatur *a*), plerumque ta-  
 men vitam mobilem agere, et interdum ideo  
 ad intestina crassa detrusos aut sponte de-  
 scendentes per anum exire, vel longe sæpius  
 ieiuno inprimis ventriculo alimentum quæsi-  
 turos, ad ventriculum prorepere, nauseam  
 que ac largum salivæ confluxum morsicatio-  
 ne sua concitare, quin vomitu aliquando eii-  
 ci, aut spontanea per oesophagum reptatione  
 in cavitatem oris erumpere.

#### §. IV.

Cucurbitini, qui itidem intestinorum  
 tenuium incolæ sunt, albi, lati, compressi, e-  
 magni

*a*) Conf. FRISCH l. c. p. 47.

magnitudine ac forma cucurbitæ feminibus  
nullimi existunt, nec raro tam arcte tantoque  
mero cohærent, ut quasi catenam forment,  
memque longum et plane singularem tæ-  
arum speciem mentiantur. Ascarides de-  
que, valde inprimis infantibus ac pueris fa-  
liares, vermes parvi sunt, tenues, teretes et  
iles, ad formam et magnitudinem vermicu-  
rum in caseo accedentes. Nidulantur hi ver-  
culi unice in intestinis crassis, ibidemque, et  
axime circa anum, continua reptatione sua  
olestissimum pruritum excitant, et licet nu-  
erosissimi quidem identidem cum excremen-  
eiciantur, copiosa tamen eorum progenies  
st breve tempus denuo succrescit, ita ut  
nitus extinguere nequeant, nisi una cum ver-  
bus ipsa pariter semina expellantur.

§. V.

Testante experientia quotidiana, ver-  
es crebrius quidem apud infantes ac pue-  
s, quam adultos, et crebrius pariter apud  
minini, quam virilis, sexus homines in in-  
tinis hospitantur, in clara tamen luce non-  
m positum est, an lumbrici, præsertim la-  
ive tæniæ, cum homine, secundum quo-  
rundam

rundam sententiam, simul nascantur, an veruti alii rursus existimant, seminia eorum, a vivi protinus vermiculi cum esculentis optimum ac potulentis in ventriculum deferantur. Id saltem notum plane atque certissimum est, addephagiam, largiorem dulcius adsumptionem, inertiam bilis, ventriculi imbucillitatem et cruditatum mucido-putridarum in prima culina collectionem uberiores generari eorum atque incremento admodum favere.

### §. VI.

Ascarides hospitium suum in intestinis crassis non continuo tantum ac molestissimum circa anum pruritu produnt, sed frequenter etiam exitu cum excrementis alvinis certum prorsus ac manifestum reddunt; ad lumbricorum vero ac tæniarum signa dolores ventris matutini, nausea atque creberrima ieiunio, ventriculo sputatio, aut largior tamen salivæ in ore confluxus, foetor oris, pallor faciei, oculi concavi et color tunicæ albugineæ lutescens, pruritus ac mador narium, fallax per intervalla genarum rubor, stridor dentium atque pavores inter dormiendum, sicuti præ-

sertim matutina et nocturna, adpetitus  
us, nunc scilicet iusto auctior, nunc immi-  
us, alvus modo adstricta, modo nimis la-  
intumescencia atque durities abdominis  
macie corporis reliqui et leni nonnun-  
n febricula lentescence, immo temulenta  
dam capitis adfectio referuntur: Taci-  
ceteroquin præterire nequeo, sympto-  
memorata, nisi eorum singula aut tamen  
n plurima in eodem subiecto coniunctim  
rventur, sed unum saltim alterumve ad-  
icile medentes fallere, quoniam hoc at-  
llud, separatim consideratum, a pluribus  
ue caussis aliis produci potest.

## §. VII.

Præter continuum ani pruritum ascari-  
nulla alia incommoda pariunt, cucurbi-  
vero et lumbrici, tam lati, quam rotun-  
rimam culinam totumque corpus, præ-  
si maior eorum colluvies adsit, vario  
o, optimam scilicet succi nutritii partem  
rando, nec minus vellicando, erodendo,  
uendo, putrescendo &c., magnopere  
nt, ac non solum prædicta pathemata  
tiora suscitant, sed frequentes pariter,  
quan-



quanquam sæpe clandestini, epilepsiæ, choreæ S. Viti, cardialgiæ, singultus, colica passionis iliacæ, febrium, tum putrido-acutarum, tum lentescentium, aliarumque gravium et interdum plane mirabilium ægritudinum genitores evadunt. Notatu quoque dignum est, vermes nonnunquam intestini aliquo in loco plane perforare et in ventriculi cavitatem delabi *a)*, ibidemque vel moritardem atque putrescere, vel exitum aliquandouti plus vice simplici factum fuisse, nonnulli pariter scriptores referunt *b)*, per ventriculi infimi septa quærere.

### §. VIII.

Inter remedia anthelmintica, ad vermes tum enecandos, tum expellendos idonea, plurima *balsamica*, *amara*, *mercurialia* et *cathartica* militant, quæ ita tamen miscenda sunt, ut binis, quæ formari debent, indicationibus uno actu satisfiat. Prætermittamini

*a)* Conf. 10. HENR. SCHULTZII *Diff. de Lumbricis effractoribus.*

*a)* Conf. 1. ALLEN *Synops. Med. Pract. p. 1. 249. sequ.*

inus in hoc passu activa, et nonnulla tantum selectiora, quorum virtutem sæpius priorem expertus sum, recensebo. Sunt autem decoctum seminis fantonici cum lacte recenti, ut infusum eius cum vino dulci, morsuli ex charo, semine fantonico, rhabarbaro et mercurio dulci, electuaria ex syrupo cort. citri, arantiorum, cardui benedicti, cinnamomi, electuario de baccis lauri Off., extracto trifolii fibrini, scordii et vix memoratis pulverulentis morsulorum ingredientibus, pilulæ ex gummi ammoniaco dep., asa foetida, myrrha enuina, aloe violata, extracto fumariae, cardui benedicti, cent. minor., tanaceti, pulvere echoacannæ albæ, mercurio dulci &c. solutio extracti fol. ac florum tanaceti, cum liqore terræ foliatæ tartari facta, et postea cum tinctura rhabarbari mixta, tinctura seminis fantonici aut absinthii composita &c., in decocto rad. glycyrrhizæ propinata. Medicorum multi valde etiam oleum animale HIPPELII, cornu cervi ustum nigrum, muscum corallinum, ens veneris, et æthiopem mineralem laudant: Duo priora, propter vim energiam suam, admitto, musco corallino autem et enti veneris parum et æthiopi mine-

minerali nihil plane virtutis tribuo. Prædictis remediis internis, præfente ascaridum cæterva, *enemata amara*, iterato iniecta, necefario iungi debent. Interna enim nunquam ad intestina craffa, in quibus hoc vermium genus unice vivere amat, penetrant, nec quicquam igitur auxilii fperandum foret, nifi repetitus clyfmatum memoratorum ufus accederet. De emplaftris et cataplasmatibus amaris, regioni umbilici adplicandis, ac generatim a quibusdam contra vermes intestinorum commendatis, nihil addo, quoniam pro meo iudicio effectum defideratum edere nequeunt.



## CAP. XIII.

DE

FLATIBVS VENTRICVLI ET  
INTESTINORVM.

## §. I.

**F**LATVS hoc loco nihil aliud est, nifi aer, ventriculi et intestinorum cavo inclusus,  
com-

commotus tamen, rarefactus, ac rudi materia  
perspirabili largissime refertus.

§. II.

Vaporosa hæc materia, quæ aeris mi-  
cela sua veri demum flatus characterem con-  
tiliat, vel ex viscidis adsumtorum quorun-  
dam reliquiis, vel ex cruditatibus diutius pri-  
dem in prima culina hospitantibus sensimque  
collectis nascitur, immo interdum minera fla-  
ulenta e sanguine et lymphâ, quod diætæ  
conditio et morbi prægressi aut complicati  
atefaciunt, identidem salutariter ac critico  
rursus modo per glandulas ventriculi et in-  
finorum excernitur. Inter alimenta, quæ  
atibus flatuosisque cruditatibus copiosius  
rocreandis apta reperiuntur, concoctu diffi-  
lia, crassa mucilagineo-glutinosa, putrida  
fermentescibilia, v.g. carnes, tum quadru-  
edum, tum avium ac piscium rancidæ ac se-  
iputridæ, pisces glutinosi, ova vetusta, bu-  
ro frixa et ad duritiem usque cocta, lacti-  
nia, placentæ fæcibus remixtæ, panis re-  
ns nec debite excoctus, oleracea, radices  
lces et subdulces, fructus horæi, mustum,  
revisia, præsertim triticea, admodum fæcu-  
Tom. II. O lenta

lenta &c., præ reliquis quidem referri merentur, creberrima nihilominus experientia comprobatur, quod apud subiecta hypochondriaca, hysterica, aliaque, quæ ventriculi imbecillitate ac prava digestionem laborant, optimi etiam succi et facillimæ resolutionis alimenta flatus generent.

### §. III.

Propter discrepantem saburræ flatulentæ qualitatem multum pariter discriminis ipsos flatus intercedit, iidemque nunc magis *morsicantes oleoso-urinosi*, nunc magis *rodentes ac pungentes salino-acidi*, nunc magis *fervidi seu urentes salino-inflammabiles biliosi*, nunc *mitiores* denique ac *parum irritantes aquosi* deprehenduntur: Hinc facillime etiam ratio constat, cur pathemata, quæ flatus sub adaccumulatione sua ac retentione provocant, tantopere, genii non minus quam vehementiæ intuitu, differant.

### §. IV.

Quamdiu flatus, cuiuscunque etiam indolis sint atque profapiæ, liberum per loca consueta exitum inveniunt, nulla singularia pro-



procreare solent incommoda, quamprimum vero incarcerantur, et sub mora diuturniori in corpore non solum acriores evadunt, sed quoad partem quoque subtiliorem vel per se, vel cum succis nutritiis ad sanguinem penetrant, multiplici cruciatu patientes adficiunt, et diversissimarum omnino ægritudinum genesi aut incremento famulantur. Distendunt videlicet ventriculum, totumque intestinorum volumen, turbant chymi- et chylicationis negotium, provocant anxietates præcordiales, itemque tormina ventris, quin ipsos haud raro dolores colicos, cardialgicos, atque hystericos, impediunt liberum ac regularem sanguinis per viscera abdominis progressum, adeoque frequentibus ac violentis eiusdem congestionibus versus partes superiores occasionem præbent, obstacula præterea ponunt descensui diaphragmati, ac vario igitur modo, distendendo scilicet, premendo, resistendo, irritando &c., non infimi tantum ventris partes torquent, sed multos etiam capitis ac pectoris morbos, cephalalgiam nempe, stupiditatem, vertiginem, tinnitum aurium, hebetudinem visus, melancholiam, leviores insultus apoplecticos, constri-

tionem thoracis, respirationem difficilem, spūtum cruentum, palpitationem cordis &c., producunt, vel symbolum tamen suum ad ortum eorum aut augmentum conferunt.

## §. V.

Causæ incarcerationis flatuum soleniores vel ad *spasum*, vel *atoniam* redeunt. Spasmus scenam suam diversimode ludit, ac modo totum ventriculum, totumque intestinorum tractum, immo connexum haud raro mesenterium, occupat, modo circa orificia duntaxat, circa cardiam nempe, pylorum, valvulam BAVHINI et anum viget, ibidemque sphincteres inprimis corripit; hinc in casu priori flatus incarcerati nunc sursum, nunc deorsum premuntur, multosque sub turbulento hoc motu borborygmos suscitant, in casu posteriori autem non tantum flatulentæ materiæ, propter nimiam sphincterum resistantiam et refractariam subinde clausuram, exitus per superiora et inferiora denegatur, sed liberior quoque eius transitus e ventriculo in intestina tenuia, vel ex hisce in crassa impeditur: unde fit, ut pro loci conditione de-

descendere rursus aut adscendere, novasque semper molestias creare cogantur.

§. VI.

Memorata violenta fibrarum ac tunicarum contractio spasmodica *irritationem*, quam *adsumta flatulenta*, aut *collectæ cruditates muco-acidæ, austæræ, biliosæ, rancidæ*, ac *putridæ, flatusque inde geniti*, pungendo, constringendo, urendo, morficando &c. excitant, plerumque quidem sequitur, experientia nihilominus abunde pariter docet, persæpe etiam, nulla prorsus saburra inimica in ventriculo et intestinis latitante, *congestionibus* saltim *hæmorrhoidales* versus intestinum colon et ultra, itemque *spasmos hypochondriacos et hystericos* eiusdem genitores existere: Vt nihil de *ingestis potulentis gelidis*, de *pedum et abdominis refrigeratione* similibusque causis dicam, quæ citra vulgaris materiæ irritantis præsentiam, creberrime subitaneas ac vehementes ventriculi et intestinorum constrictiones mediata aut immediata actione producant, et hac igitur ratione apud sanissimos quandoque atque robustos homines liberum rudis materiæ perspirabilis progressum et expulsionem cohibent.

## §. VII.

Apud subiecta hypochondriaca aliaque imbecillia, quæ molestias flatuosas-quotidie aut tamen frequentissime experiuntur, spasmus rarissime vel nunquam solitarius est, sed atoniam comitem habet, immo sæpe sæpius eiusdem confectarium est. Nam medica observatione dudum confirmatum est, spasmos crebro supervenientes partibus, quas corripiunt, flacciditatem inducere, et hanc rursus frequenti spasmodorum recursum occasionem largiri. Quare hæc etiam causa, atonia videlicet, longe maiorem, quam prior, considerationem meretur, et in habituatis adfectibus flatulentis, licet subinde etiam aliquid spasmodici intercurrat, curationis tempore præcipue respicienda erit. Multas hæc atonia ac satis distinctas causas procatacticas agnoscit: Nunc enim universi generis nervosi imbecillitas adcusanda venit, nunc vero potulenta aquea tepida, esculenta pingua et oleosa, iusto frequentius iustoque largius adsumta, medicamenta emollientia, tam interna, quam externa, itemque vomitoria et cathartica nimium usurpata, nec minus spasmi, uti antea pridem dictum, hypochondriaci, hysterici, car-

cardialgici, colici, hæmorrhoidales, atque nephritici, crebro supervenientes, tunicis laxitatem inferunt, fibrasque elatere suo privant; immo, negari nequit, spontaneam ructuum ac flatuum, exitum molientium, repressiōnem ac retentionem multum ad præternaturalis flacciditatis ortum et incrementum conferre.

§. VIII.

Præter spasmum et atoniam, quod hic pariter paucis commemorare non abs re erit, interdum *abdominis quoque constrictione per thoraces artiores, compressio intestini recti apud gravidas, herniæ incarceratæ, grandiora vermium glomeramina, nec minus excrementa crassiora et sicciora, in intestino ileo circa valvulam BAYHINI, vel etiam in flexura coli, aut circa anum concervata, ad censum caussarum referri quidem merentur: Attamen, quum horum obstaculorum nonnulla rarius occurrant, et singula præterea, nocumenti intuitu, adeo clara sint, ut uberiori explanatione minime indigeant, plura de illis hoc loco afferre supersedeo.*



## §. IX.

Remedia, quæ curandis adfectibus primæ culinæ flatulentis inserviunt, ad tres classes genericas redigi possunt. Alia nimirum *rudem materiam perspirabilem, aeri rarefacto mixtum, seu uno verbo flatu dissipant et expellunt, alia cruditates ventriculi et intestinorum flatulentas eliminant, et alia denique retentionis flatuum et incarcerationis causas tollunt.* Pharmacis primæ classis, quæ *carminativa proprie talia* adpellantur, suamque operationem valida inprimis discussione absolvunt, *balsamica, aromatica, oleosa ætherea, et spirituosæ inflammabilia, nec minus urinosæ aut acido-inflammabilia* adnumerantur; cuius census v. g. sunt mixturæ spirituosæ concentratæ ex essentia rad. zedoariæ, galangæ, angelicæ, hbæ melissæ, menthæ, flor. chamomillæ Rom., croci, cort. citri, aurantiorum, asæ foetidæ, castorei, sem. fantonici comp., carminativa WEDELII, et spiritu nitri dulci, aut liquore anodyno, aut spiritu falis ammoniaci anisato, pulveres ex radice irid. Florent., curcumæ, zedoariæ, galangæ, aniso stellato, semine ammeos, fantonico, cardamomo minori, canella alba, pulv. contra coli-

colicam et carminat. Off. &c., additis pro re  
nata guttulis aliquot olei dest. melissæ, anisi,  
foeniculi, cinnamomi, citri Italici &c., morsuli  
ex myrrha genuina, sem. fantonico, foeniculi,  
croco orientali, cinnamomo &c., electuaria  
ex syrupo cort. aurantiorum, citri, melissæ,  
rob iuniperi, electuario de baccis lauri Off.,  
extracto angelicæ, scordii, chamomillæ vulg.,  
pulvere anisi stell., sem. cinæ, foeniculi, car-  
damomi minoris, macis, croci, canellæ albæ,  
rad. galangæ, zedoariæ, speciebus aromat.  
rosatis, diacinnamomi, et antea recensitis  
oleis, refracta dosi mixtis, pilulæ ex gummi  
arabano depurato, sagapeno, asa foetida, ex-  
tracto melissæ, angelicæ, cent. minor., pul-  
vere croci, anisi stellati, olei citri Ital., men-  
thæ, maioranæ, cinnamomi, caieput &c., et  
confusa denique vinosa ex rad. imperatoris,  
evistici, angelicæ, galangæ, hba melissæ citr.,  
or. chamomillæ Rom., flaved. cort. citri,  
aurantiorum, canella alba, cinnamomo, bac-  
cis lauri et iuniperi, cardamomo, sem. anisi,  
foeniculi &c.

§. X.

De remediis secundæ et tertiæ classis,  
earum prior sola *laxantia, cathartica et eme-*

*rica leniora*, posterior autem varia admodum, pro causſæ discrepantia caute ſeligenda, *emollientia* videlicet, *temperantia*, *reſolventia*, *ſubadſtringentia*, ac *roborantia* aliaque ſub ſe comprehendit, ſpecialia afferre nolo, quoniam uberior eorum mentio pluribus in locis et fiet, et pridem facta fuit. Circa uſum roborantium tamen, quibus, præter multa alia, prædicta pariter *carminantia* nec non balmica atque amara *maſſicatoria* accenſeri poſſunt, breviter adhuc monendum venit, plus ſemper auxilii ab eodem exſpectandum eſſe, ſi, magna atonia præſente, externa etiam confortantia ſimul cum internis adhibeantur. Intelligo hic *linimenta* ex ſpiritu matricali, aqua vitæ mulierum externa, maſſichina, cephalica Imp., balfamo vitæ &c., itemque *emplaſtra nervina*, v. g. emplaſtrum de cruſta panis, de baccis lauri, ſtomachale, ſantalinum &c., quibus exaltandæ virtutis gratia oleum nucis moſchatae expreſſum, olea deſtillata menthæ, maioranæ, thymi, roriſmarini, carvi, caryophyllorum, balfamus Peruvianus &c. minori quantitate miſceri poſſunt. Utilitate etiam nequaquam *ſacculi balfamici*, toti abdomini impoſiti, ut et *clyſteres* ex rad. angelicæ.

cæ, levistici, herba menthæ crispæ, melissæ, maioranæ, flor. chamomillæ Rom., tanaceti, atricariæ, sem. carvi, fœniculi, baccis iuniperi, lauri, electuario hieræ picræ, sale gemmæ, Sedlizenfi, nitro, floribus salis ammoniaci, oleo infuso castorino &c. carent, imo *cingula coriacea* et *aliæ fasciæ latiores* regiam haud raro opem ferunt, quoniam assistentia sua ulteriorem intestinorum distensionem præternaturalem impediunt, et, paulo arctius per intervalla contracta, flatuum progressum expulsionemque moderata compressione adjuvant.



## CAP. XIV.

DE

## C O L I C A.

---

### §. I.

**COLICA** est vehemens adfectio intestini coli spasmodico-dolorifica, refractaria plurimum alvi adstrictione stipata.

### §. II.

Dolor in hoc morbo atrocissimus conquiescens, lacerans ac vage lancinans est, et  
totum

totum quandoque abdomen occupat, interdum vero arctioribus limitibus circumscriptum reperitur, suamque sedem præcipue sub umbilico et circa illum figit, aut inde simul ac latera excurrens, totum ventrem medium cinguli quasi aut iniectæ ac fortiter constrictæ fasciæ instar, adfligit; acerbitas tamen eius per intervalla remittit paullulum et magis rursus intenditur. Alvus ordinario, præsertim sub morbi progressu, valde obstipata est, urina parcissime fluit, et venter adeo persæpe intumescit, ut patienti interdum fere rupturæ metum incutiat. Solennioribus hisce et maximam partem essentialibus colicæ symptomatibus creberrime etiam vomituritio frequens, vomitus actualis, ructus, respiratio difficilis et ardor aut suppressio urinæ iunguntur, immo subinde febris, aut icterus, aut diarrhoea, qua viridis, vel croceo-nigricans et admodum fervida materia, cum magno ani ardore, elicitur, supervenit.

### §. III.

Multas hæc affectio species, quoad causas non minus, quam genium distinctas.

coli



licam nempe *flatulentam*, *biliosam*,  
*vulsvam*, *saturninam*, *arthriticam*, *scor-*  
*ricam*, *nephriticam*, *hæmorrhoidalem* at-  
*e hysterica*, quarum aliæ idiopathicæ,  
 æ sympathicæ ac symptomaticæ sunt, sub  
 complectitur. *Colica flatulenta*, quæ re-  
 arum plerisque vulgatio et ut plurimum  
 oque mitior existit, originem suam *acriori*  
*uræ mucido-acidæ similis*que naturæ flatu-  
 ; post cerevisiæ fæculentæ, præsertim ve-  
 tioris, post fructuum horæorum, legumi-  
 m, olerum quorundam, aliorumque flatu-  
 torum, fermentescibilium ac facile acescen-  
 m adsumtionem genitis, unice debet; hinc  
 omen etiam cum multis borborygmis ma-  
 intumescit, et flatus copiosi, spasmo re-  
 tente, per inferiora erumpunt, aut critica  
 rrhoea, qua plerumque spumida materia,  
 e largius referta, excluditur, morbum sol-  
 . In colica biliosa *sola bilis fervida*, sub  
 viori animi eandescencia in canalem in-  
 tinalem effusa, causam materiale irritan-  
 n constituit, et inde etiam ratio patet, cur  
 em non tantum maior sanguinis ebullitio,  
 sæpissime pariter frequens ac valde tor-  
 uosa excretio alvina, quæ itidem critica  
 est,

est, iuncta reperiatur. Præcedente cæteroquin periculosior est, et, rebelli inprimis alio obstructione complicata, funestam subinde aut valde tamen periculosam intestinorum inflammationem provocat.

#### §. IV.

*Colica convulsiva*, quæ etiam *Colica nervosa*, itemque *Colica Pictaviensis* aut *Pictonum* dicitur, attinet, illa paullo uberiores considerationem meretur, quoniam atrocitate atque periculo cunctas species alias superat, ingenium plane singularem obtinet. Nam ægri, truculento hoc morbo correpti, dolores omnis generis acerbissimos, pungentes nempe, urentes, morficantes, lancinantes, trebrantes &c., patiuntur, et quævis intestina ac viscera imi ventris ad centrum quoddam commune seu unicum punctum, in quo dolor suum plerumque initium habet, contrahuntur.

- a) Pictavii in Gallia hæc colica frequens est et inde etiam hanc denominationem accepit dicitur. Secundum quorundam testimonia frequentissime quoque insularum Caribiensium incolæ infestat, ibidemque ideo inter præcipuos morbos inquietos refertur.

el umbilicus adeo introrsum trahitur, ut fo-  
 ea ibidem, pugni interdum magnitudine,  
 ascatur, immo totus venter subinde circum  
 circa versus spinam dorsalem tantopere con-  
 ringitur, ut patiens vix amplius spiritum  
 trahere valeat. Adest præterea pertinacissi-  
 ma alvi obstipatio, adsunt anxietates præcor-  
 dorum maximæ, sudores gelidi, frigus ex-  
 tremorum et diuresis valde imminuta, nec  
 ro etiam animi deliquia, eaque sæpius non-  
 nunquam recurrentia, superveniunt. Vt ni-  
 il de intestinorum et artuum paralyfi dicam,  
 uæ creberrime accedit, et finem huic morbo  
 exitialem, nunc citius, nunc tardius, imponit.

§. V.

Causa materialis in atrocissima hac co-  
 cæ specie, quoad qualitatem quidem atque  
 malignitatem, differt, et quamplurimæ omni-  
 o species reliquæ, si propter pessimam re-  
 menti irritantis indolem graviores eva-  
 ant, in convulsivam degenerare possunt, fre-  
 quentius tamen a *materia acida valde exal-*  
*ta ac summe caustica*, vel *admodum constri-*  
*ctoria*, ab acidis nempe atque immaturis fru-  
 ctibus horæis largius commestis, a potu vini  
 austeri

austeri aut lithargyrîi solutione nequissime adulterati, aliisque ingestis saturninis oritur. Verosimillimum præterea videtur, aliquantulum succi hostilis partem altius in abdominis recessus penetrare, et, passim in vasculis, præsertim circa plexus nervorum meseraicos, subsistentem, spasmodicæ contractionis vehementiam irritatione sua intendere. Opinioni huic *colica arthritica* et *scorbutica*, quæ sæpe convulsivæ redduntur, lucem maiorem accendunt. In utraque enim parum vel nihil materiæ irritantis in ampliorem intestini colicalem deponitur, sed *retroacta impuritas arthritica*, et *circumfluens* et *per totam humorem massam disseminata saburra scorbutica* in vasculis duntaxat sanguiferis atque lymphaticis, quæ tunicas intestini coli ac mesenterium perreptant, quiescit, et distincto prorsus stimulo intrinseco violentas ac valde dolorosas contractiones suscitât. Circa colicam arthriticam cæteroquin adhuc notandum venit, illam longe frequentius, quam scorbuticam, evadere convulsivam, et patienti, ob refractariam materiæ crassioris in hæSIONem, sæpe sæpius necem afferre.

§. VI.

Cum colica convulsiva nonnulla etiam colica metallicolarum sive saturnina strictius sic dicta (die Hüttenkatze), quoad causam materialem non minus, quam genium ac venementiam, communia habet. Vnice enim a subtili saccharo saturni excitatur, quod sensim sensimque in ventriculo et intestinis generatur, quando tenerrimæ moleculæ plumbi, igne in fumos resoluti, cum saliva in distas cavitates descendunt, ibidemque cum acido in valde styptica et tenaciter adhærentia corpuscula coalescunt. Non solis proinde metallicolis, qui in magnis casis fusoriis operam suam mineris eliquandis impendunt, propria est, sed sæpe etiam apud docimastas et figulos aliōsque, qui plumbum in igne frequentius tractant, nascitur. Dolores in a plerumque immanes ac fere interdum intolerabiles sunt, ita ut patientes præ summo ventris cruciatu nec stare, nec sedere, nec decumbere valeant, sed anxie sese hinc inde moveant, aut prostrati terram unguibus roant. Erumpit sub tormentis hisce sudor frigidus, accedit subinde animi deliquium et vultus adeo semper adstringitur, ut clystères



emollientes, iterato inieſti, penitus nonnunquam deſiderato effectu careant. Pravis hiſce pathematibus, ſi malum diutius perdureret nec tempeſtivum ægro auxilium feratur, artuum convulſiones, contracturæ atque paralyſes iunguntur, vultus totumque corpus cum trifti livore et cadaveroſo pallore contabescunt, increſcit in dies ſpirandi difficultas, et tandem heſtica incurabilis, poſt longius aut brevius tempus funeſta, ſcenam claudit a).

### §. VII.

De *colica nephritica, hyſterica et hæmorrhoidali*, quæ ad morbos mere ſympathicos pertinent, et *ſola nervorum affectione conſenſuali*, ut nephritica, vel *hac et impetuoſa ſimul ſanguinis ad colon congeſtione*, ut hyſterica et adhuc magis hæmorrhoidalis, producuntur, plenior quidem notitia ex cap. de *nephralgia, paſſione hyſterica et hæmorrhoidibus* hau-

- a) Plura de hoc affectu cæterisque morbis ſaturidinis in HENCKELII *Tract. von der Bergſucht und Hüttenkatze*, nec minus in FRID. HOFFMANNI *Diff. de Metallurgia morbifica et Illuſtr.* BÜCHNERI *Diff. de Morbo ſaturnino vulgo di Hüttenkatze* videri poſſunt.

aurienda est, tacitus tamen hoc loco præ-  
erire nequeo, species hæc admodum fre-  
quentes esse, ac sæpe medentibus imponere,  
ta ut eas pro idiopathicis habeant. Qua-  
e valde etiam necesse est, ut practicus  
ub colicæ ortu sedulo semper investiget,  
n materia irritans in ipsis intestinis deli-  
escat, an commotus saltim calculus renalis  
ut ureteri impactus, vel spasmus uteri inso-  
entior, vel defectus aut suppressio hæmor-  
hoidum doloris causæ existant.

§. VIII.

Quemadmodum haud leve circa geni-  
m colicæ, originem et causam materiale  
discrimen occurrit, sic magna etiam methodi  
aedendi atque remediorum varietas est. In  
olica nimirum flatulenta partim *emollientia*  
*interna* et *externa*, quæ fibras intestinorum  
imium constrictas relaxant, partim *discutien-*  
*ta carminativa*, et subinde quoque, spasmi  
umen insolentia prius mitigata et alvi liber-  
ate nonnihil restituta, *abstergentia* quædam  
*leniora laxantia*, quæ saburram flatulen-  
um educunt, necessaria reperiuntur. Ad  
mollientia, præter iuscula avenacea tenuio-

ra, cum radice althææ aut floribus chamomillæ vulgaris cocta et oleo amygdalarum dulcium recentissimo aut spermate ceti modice imprægnata, clysteres, fomenta, cataplasmata, epithemata ac balnea, ex notissimis emollientibus parata, immo eiusdem quandoque virtutis unguenta, anodynum v. g., clysmaticum et dialthææ præcipue spectant; inter discutientia carminativa autem spiritus nitri dulcis, rite paratus, et essentia cort. citri, aurantiorum, flor. chamomillæ Rom., melissæ, menthæ, ac feminis santonici, vel paucis duntaxat guttulis olei dest. menthæ, maioranæ, carvi, et citri Italici remixtus, et inter abstergentia denique et laxantia infusa aquosa ex manna, rhabarbaro et sale de SEIGNETTE, ut et electuaria ex syrupo cort. aurantiorum, de erysimo LOBELII, melissæ, rob. iuniperi, extracto angelicæ, chamomillæ, cardui bened., pulvere rhabarbari, rad. iridis Florent., sem. santonici, fœniculi, anisi stellati et croci orientalis eminent: Nec reticendum, subinde, copioso videlicet acido præfente, pulveres, ex terreis absorbentibus, magnesia alba et carminativis compositos, utiles non minus, quam necessarios deprehendi.

§. IX.

Remedia *emollientia* et *antispasmodica* cum quoque in colica biliosa inveniunt, ca-  
diora carminativa interna autem, propter  
avidam materiæ irritantis indolem, penitus  
exulare debent, ac sola potius *temperantia* et  
*emulcentia*, v. g. solus spiritus nitri dulcis  
te paratus, potiunculæ ex aquis refrigeran-  
bus, tartaro solubili, nitro depurato et pau-  
llo nonnunquam cremoris tartari aut salis  
etofellæ, nec minus decocta hordeacea et  
avenacea cum rad. althææ, scorzoneræ, tuf-  
aginis, rasura cornu cervi, aliaque huius  
modi, in antecedentibus, Cap. de *Cholera*,  
alibi sæpius pridem recensita, in usum tra-  
henda sunt. Circa laxantia etiam, post solu-  
tionem spasmi demum exhibenda, notandum  
est, illa nunquam in hac specie, nisi fervida  
ius saburra debite contemperata, propinan-  
de esse, immo exhibitionem eorum interdum,  
in colica scilicet frequentem ac copiosam de-  
tentionem alvi biliosam pedissequam habue-  
re, plane omitti posse.

§. X.

Curatio colicæ convulsivæ apud indi-  
vidua differt. Nam, licet antea laudata an-

*tispasmodica et emollientia interna et externa* generatim pariter necessaria reperiantur, medicamenta tamen reliqua, secundæ scilicet indicationi dicata, propter causæ materialis discrepantiam, admodum variant. Siquidem, præter *demulcentia mucilaginea et gelatinosa*, quæ communia sunt, alia, v. g. *terrea alcalina*, et ipsa *salia alcalia*, caute a parva dosi oblata, nec minus pingua et unguinoso-oleosa recentissima, ut et mixtura ex tinctura rhabarbari, tartari, antimonii acris et tartarifata, metallorum et succini profunt quando valde styptica materia saturnina aut acido-caustica mineralis, vel potens salinis humor austerus, aut valde exaltatus acidus vegetabilis profapiae, violentissimæ constrictionis caussa existit, et alia rursus, v. g. liquor anodynus mineralis aut spiritus nitri dulcis, cum ess. flor. chamomillæ, melissa succini, theriacali aut vulgari anodyna, et spiritu bezoardico BVSSII, aut liquore cornu cervi succinato mixtus, nec non, pulveres lap. cancerorum, nitro et camphora, vel e nitro, succino, spermate ceti, sulphure antimonii aurato et extracto opii aut theriac electuaria ex syrupo de erysimo LOBELI



ob iuniperi, extracto angelicæ, chamomillæ vulg., scordii et laudano liquido SYDENHAMII, infusa theiformia diuretica et diaphoretica &c. proficua iudicantur, quoque impuritas arthritica retroacta, vel scorbutica, argius ad intestina decumbens, ingentem stricturam spasmodicam concitat.

§. XI.

Prædictis remediis antispasmodicis apud subiecta plethorica in colica convulsiva et reliquis speciebus gravioribus *pulebotomia in pede aut brachio* iungi debet; quippe quæ ingentes ac pertinacissimas fibrarum constrictiones citius sæpe ac cærtius, quam pharmaca emollientia, solvit, et imminentem præterea, nec raro mortiferam, intestinorum inflammationem avertit. Præstantiam huius remedii BAGLIVVS non tantum suffragio suo a), sed notabili etiam observatione, quam integram hoc loco subnectere haud inutile iudico, confirmat: „Hisce diebus, *Lib. cit.* „p. m. 589. scribit, virginem pulcherrimam,

P 4

„23

a) In Diff. varii argumenti.

„ 23 annorum ætatis, celeberrimi pictoris  
 „ octuagenarii nostri amicissimi faustam feli-  
 „ cemque filiam, cuius nomen reticeo, crude-  
 „ li hoc malo (colica nempe convulsiva) re-  
 „ petente affectam atque correptam, eadem  
 „ methodo sanavi, sive, quod est incredibile,  
 „ sola sanguinis missione ex pede: nam quo  
 „ tempore exhibat sanguis ex aperta vena,  
 „ eodem prorsus tempore flatus infiniti emit-  
 „ tebantur per alvum pedendo. Vomebat  
 „ quoque et diarrhoea eo actu correpta fuit,  
 „ vixque finito sanguinis exitu, flatu, vomitu,  
 „ propter apertam venam supervenientibus,  
 „ statim liberata est a doloribus, et non mul-  
 „ to post ab aliis accidentibus, corruptis hu-  
 „ moribus atque foetentibus copiose expur-  
 „ gatis &c.

## §. XII.

In colica metallicolarum, ob causæ ma-  
 terialis identitatem cuncta quidem remedia,  
 quæ contra vulgarem saturninam commen-  
 data fuerunt, *obtundentia* nimirum pingua,  
 oleoso-unguinosa, mucilaginea et gelatinosa,  
 ex officina æque atque culina petenda, ut et  
 terrea et salina alcalia conducunt, singularis  
 ni-

hilominus ac plane specifica virtus a practi-  
s quibusdam mercurio vivo, floribus sul-  
furis, antimonio crudo et morsulis restau-  
rantibus KVNCKELII adscribitur; circa  
ec posteriora tamen adhuc monendum oc-  
currit, illa nequaquam sola, sed simul quoque  
emulcentia præfata usurpanda esse. De  
olice symptomaticæ nephriticæ, hystericæ  
hæmorrhoidalis medela nihil addo, sed  
tu in hac parte necessaria, æque ac tota  
rum origo, ex speciali principalium mor-  
rum, nephralgiæ videlicet, hysteralgiæ  
hæmorrhoidum, tractatione disci debent.



## CAP. XV.

DE

I L E O.

### §. I.

LEVS, *Eileos*, *Passio iliaca*, *Volvulus*,  
*Chordapsus* (a χορδή, *chorda*, *intestinum*  
*ἄπτε*, *accendo*, *nodum facio*, *necto*), *Tor-*  
*ntum* (CAEL. AVRELIANI), *Miserere*  
*i*, est dolor intestini ilei acerbissimus, cum

P 5

per-

pertinacissima alvi constipatione, vomitu creberrimo, tumore ventris valde tensivo aliisque gravibus symptomatibus coniunctus.

## §. II.

Dolor sese per totum quidem ventrem infimum extendit, maximam nihilominus sæviciem supra umbilicum, aut sub umbilico aut in dextra regione hypochondriaco-iliaca exercet, et atrocissimus ardens, pungens lacerans, scindens atque constringens est, summamque anxietatem præcordiorum comitem adducit. Obstructio alvi tanta est, ut nullus flatus, nec stercoreis quicquam per inferiora excludi possit, immo ad eum per sæpe gradum adscendit, ut iniecta enemata penitus retineantur, nec raro, magis tandem magisque inverso motu intestinorum peristaltico a), æque ac pleraque ingesta esculenta

po

- a) Motum peristalticum in ileo penitus nonnullum quam inverti, indeque vomitum stercoreum præcipue oriri, Dominus HAGVENOT, Gallus negavit, et intestinorum contenta violenta tantum diaphragmatis et musculorum abdominalium actione sursum ad ventriculum propelli, in *Actis Academia Regia Parisina ann. 1713. prolis*

otulenta ac medicamenta, per vomitum rur-  
us reiciantur. Adsumta cathartica plerum-  
que mutantur in emetica, et nauseam atque  
uētuum emissionem frequentem creberri-  
mus vomitus seroso-pituitosus aut biliosus,  
andemque, nisi morbus remittat, stercora-  
eus sequitur. Abdomen sensim cum ten-  
sione magna et duritie intumescit, urina ma-  
gis minusve supprimitur, vires desiciuntur, in-  
gentes urgent anxietates, iungitur persæpe  
febris continua, et, malo crescente, sudores  
erumpunt frigidi, accedunt animi deliquia, et  
interdum quoque singultus, qui gravioris ut-  
urimum convulsionis prodromus est, super-  
venit. Si corpora extinctorum aperiuntur,  
ordinario intestini cuiusdam inflammatio ac  
phacelatio observantur; manifesto docu-  
mento, *inflammationem*, nisi primam semper  
atque

defendere sustinuit: Verum enim vero, hypo-  
thesin hanc ingeniosam magis, quam veram esse,  
facile, si hic controversiarum ventilationi locus  
esset, demonstrare possem. Legi interim pot-  
erunt, quæ contra eam in *Actis Medicorum Bero-  
linensium Tom. II. Vol. 4. p. 8. seq.* dicta oc-  
currunt,



atque unicam ilei a), solenniorem tamen atque præcipuam, si in gangrænam ac sphacelum degeneret, mortis causam existere.

### §. III.

Ad causas dolorosi huius adfectus proximas, præter memoratam ilei aut alterius cuiusdam intestini inflammationem, vehementes quoque spasmī, a caustico humore acido, aut po-

- a) CORNELIUS CELSUS, quem multi postmodum secuti sunt, inflammationem unicam huius morbi causam agnovit: „Intra ipsa vero in-  
 „testina, in *Oper. Lib. IV. cap. 13. p. m. 237.*  
 „scribit, consistunt duo morbi: quorum unus  
 „in tenuiore, alter in pleniore est, prior acutus  
 „est: insequens longus esse potest. Diocles  
 „Carystius tenuioris intestini morbum *χόρδα-*  
 „*λον*, plenioris *ἐιλεὸν* nominavit. A ple-  
 „risque video nunc illum priorem *ἐιλεὸν*,  
 „hunc *κοιλικὸν* nominari. Sed prior modo  
 „supra umbilicum, modo sub umbilico dolo-  
 „rem movet. Fit in alterutro loco inflamma-  
 „tio; nec alvus, nec spiritus infra transmitti-  
 „tur. Si superior pars affecta est, cibus: si in-  
 „ferior, stercus per os redditur: si utralibet me-  
 „tus est. Adicitur periculo, si vomitus bilio-  
 „sus, aut varius, aut niger est. &c.

potenti materia styptica, aut bile admodum fervida excitati, ac valde inprimis circa valvulam BAVHINI sævientes, nec minus ulcera, circa eandem valvulam nata, tumores glandularum scirrhusi a), magna vermium glomeramina, excrementa albina indurata, ac prope introitum in intestina crassa, vel hinc inde etiam in flexuris ilei magnopere adculata fixiusque hærentia, herniæ itemque abdominis graviter incarceratæ, et intestini enique superioris ingressus in inferius, aut inferioris in superius, immo singularis nonnunquam intestinorum contorsio aut nodosa implicatio b) referenda sunt. Certo tamen cætero-

a) Vid. *Commerc. litt. Norimb. ann. 1742. p. 360.*

b) De mutuo intestinorum ingressu non facile medicorum quisquam dubitat, eorundem contorsionem autem, convolutionem et nodosam quasi implicationem multi, absque experientia tamen suffragio, negant. Nam tale quid plus simplici vice factum esse, observationes numerozæ abunde probant; quemadmodum plura de hisce in vix allegato *Commercio litt. Norimbergensi ann. 1737. p. 137. sequi, videri possunt,*

teroquin, uti antea pridem dixi, certius est inflammationem, cuius præsentiam ardor abdominis et complicata febris continua maxime produnt, causis allegatis persæpe iunctam esse, aut iisdem tamen, si morbus scilicet diutius perduret, aut funestam sortiatur eventum, certissime accedere.

#### §. IV.

• Facile ex indicata ætiologiæ proximioris varietate constare arbitror, causas procatarticas sive occasionales, quæ diagnosi speciali lucem præcipue accendere debent, vade pariter variare. Nam licet generatim quidem esculenta, potulepta, medicamenta atque venena acido-austera fortiter adstringentia, alimenta cruda, fumo aut aere indurata, nimium flatulenta, fermentescibilia &c. nec minus iracundia gravior, præmatura diarrhoeæ criticæ per remedia styptica suppressio, purgantia drastica, vermes post necem suam in intestinis relictæ, sublatio pondus cum renisu abdominis fortiori, vehementes corporis sub cursu, saltatione, equitatione, tussi, ac sternutatione concussionis aut motus gesticulatorii, alique incongrui

plura alia, ex præcedentibus capitibus de  
*hernia incarcerata, vermibus ac colica* dissen-  
 a, genesi huius mali famulentur, alia tamen  
 ac, alia rursus illa causa proxima præsentem,  
 accusanda veniunt.

§. V.

Vera passio iliaca morbus paullo qui-  
 em rarior, est valde tamen periculosus et  
 erisque patientibus exitialis est, præsertim,  
 gravior inflammatio, aut hernia quædam  
 rtinaciter incarcerata ac dudum inflamma-  
 aut profundior intestini in intestinum in-  
 sio vel singularis etiam contorsio, aut ul-  
 s, aut tumores glandularum scirrhusi pro-  
 nam mali causam constituent. Magnum  
 iter in genere periculum adesse, vitamque  
 summo versari discrimine, anxietates in-  
 solicabiles, crebriora animi deliquia, sudo-  
 gelidi et vomitus stercoraceus indicant.  
 nihil rursus de urinæ suppressione, de  
 gultu rebeli et latioris ambitus convulsio-  
 us, nec quicquam etiam de frigore ex-  
 norum et repentina doloris citra ullam  
 horiam remissione dicam; quippe quæ,  
 rtem iam iam fores pulsare, testantur.

§. VI.

## §. VI.

Curatio huius morbi, intuitu caussarum quarundam, cum colicæ curatione valde convenit, et nonnihil duntaxat ab ea recedit quando malum hoc inflammationi, uti sæpius fieri solet, vel mutuæ intestinorum receptioni aut singulari eorundem implicationi ortum debet. In casu priori enim, præter *enemata emollientia* similisque virtutis *fomenta*, *cathartica*, *plasmata*, *balnea* aliaque externa, *larga* interdum *iterata venæsectio in brachio*, et deinde *relaxantia interna*, *pinguia*, *mucilagines* et *oleosa*, nec minus *temperantia*, *aquea*, *nitrosa* et *quævis reliqua*, in quacunque alia febre inflammatoria usitata atque proficua, requiruntur; in casu posteriori autem, irritoprofus clysmatum cæterorumque relaxantium usu, *mercurius vivus*, cum recenti oleo amygdalarum dulcium aut pingui iusculo avenaceo ad uncias aliquot adsumendus, nonnunquam efficaxprehenditur: Nonnunquam dico, non semper; nam, si intestinum superius in inferius altius ingrediatur, aut intricata atque nodosa in aliquo loco intestinorum implicatio adsit, parum plerumque ponderosum hoc fluidum efficere valet, immo, hærere

inca



incarcerata præsente, magis nocet, quam prodest. Circa usum eiusdem probe cate-  
toquin notari debet, exitum illius per alvum  
repetita clysterum emollientium iniectione  
promovendum esse, nec ignorari quoque  
oportet, iuscula pingua lubricantia, post mer-  
curii ingestionem identidem adsumta, ma-  
gnopere pariter conducere.



## C A P. X V I.

DE

### ASSIONE HYPOCHONDRIACA.

---

#### §. I.

**D**ASSIO HYPOCHONDRIACA, alias  
etiam *Malum hypochondriacum*, *Dolor*  
*hypochondriacus* et *Morbus Litteratorum* di-  
a, refractarium adfectum mesenterii et par-  
um connexarum spasmodico-dolorificum de-  
notat, qui, proxime e sanguinis circulo irre-  
gulari ac plus hinc inde minusve sufflaminato  
tus, singulas propemodum corporis fun-  
ones turbat, et tam variam apud subiecta  
versa larvam induit, ut practici incauti, qui  
*Tom. II.* Q morbi

morbi locum et focus discernere negligunt, creberrime decipiantur, et diu nonnunquam symptoma quoddam urgens respicientes, frustraneam nec raro plane perversam curationem instituant.

## §. II.

Luculentius memorata ex singulari pathematum complicatorum genio, multitudine, ac varietate patebunt. Nam præsente contumacissimo hoc morbo dolor tensivus sub costis spuriis et circa præcordia oritur, qui adeo per intervalla increfcit, ut patientes vinculi quasi strictionem transversalem in superiori abdominis parte persentiant. Spasmodico huic dolori ordinario alvi siccitas, segnities, quin frequens obstipatio, cum rutibus ac flatibus copiosis, qui ægre tamen exeunt, et multa proinde murmura ac borborygmos producant, nec minus intumescencia hypochondriorum, anxietates præcordiales, inflatio ac dolor gravativus ventriculi, præsertim post pastum, iunguntur. Singula hæc ægros magnopere torquent, donec, spasmo ventriculi et intestinorum nonnihil remittente, flatus hætenus incarce-

rati

cati per superiora et inferiora liberiores rur-  
sus exitum inveniant. Adpetitus per vices  
languet ac viget, immo, ob largiorem acidi  
in ventriculo collectionem, subinde tantope-  
re augetur, ut ægros ad iusto copiosiores  
esculentorum adsumptionem cogat, etiamsi  
ventriculus magna imbecillitate laboret, adeo-  
que subigendis multis alimentis impar existat.  
Non subsistit quoque mali sævities intra ab-  
dominis limites, sed paullatim ad partes su-  
periores extenditur, ibidemque constrictionem  
thoracis, respirationem difficilem, tussi-  
tationes, tremorem, pulsationem fortiores,  
quàm veram palpitationem cordis, phlogoses  
et cephalalgiam tensivo-gravativam, insolita  
stuporitate, vertigine, et aurium tinnitu ple-  
rumque stipatam, provocat. Vt nihil dicam  
de ingenti nonnunquam ac fere convulsiva  
partium nervearum oscillatione, de melan-  
cholia, anxietate, et singulari prorsus mentis  
incertitudine, de terrificis insomniis, hæmo-  
ptysi, visus obscuracione pluribusque aliis, quæ  
malo radicato apud subiecta diversa crebro  
superveniunt, ac schema morbi interdum mi-  
nifice mutant.

## §. III.

Circa primariam huius mali sedem et originalem non minus quam principalem causam haud levem medicorum dissensum deprehendimus. Alii quippe obstructionem aut infarctum lienis, alii opilationem venarum portarum maxime adcusant, alii ad acidum primæ culinæ præternaturaliter accumulatam, alii ad cruoris lentorem ac spissitudinem, et alii denique ad eiusdem in vasis mesenterii, ventriculi et intestinorum stagnationem atque circuitum inordinatum præcipue respiciendum esse existimant. Quod me attinet, nulli harum opinionum simpliciter subscribo, sed probe inter causam *originalem*, *materialem*, *principalem* ac *formalem* distinguendum esse arbitror. Causa originalis nulla sane alia est, nisi *eminentior partium nervoso membranacearum atonia*, quæ, licet quidem universalis existat, maxima nihilominus in ventre infimo et iis præcipue visceribus, quibus prima succi nutritii præparatio atque translatio ad sanguinem demandata est, in ventriculo nimirum, intestinis tenuibus et mesenterio, reperitur. Probant hanc veritatem pleraque huius adfectus symptomata essentialia

talia aliaque phaenomena: Nam, unde humorum lentor insignis, unde summa sanguinis circulantis ad refractarias stagnationes ac stases proclivitas, unde frequentissimæ partium solidarum contractiones spasmodicæ nascuntur, et unde denique constans dyspepsia oritur, nisi ex eminenti partium solidarum atonia? immo, unde tam larga acidi præternaturalis in prima culina genesis, et molestissima pariter, eaque quotidiana, flatuum accumulatio derivanda est, nisi ab ingenti ventriculi et intestinorum imbecillitate?

§. IV.

Prima atque præcipua atoniæ memoratæ origo apud alia individua in ventriculo, apud alia, et quidem pleraque, in cerebro, et apud alia denique in parte utraque quaerenda est. In ventriculo primum nascitur apud homines, qui partem hanc frequentibus ac variis erroribus diæteticiis, circa quantitatem, qualitatem et modum adsumendi esculentorum ac potulentorum commissis, valde debilem flaccidamque reddiderunt; in cerebro autem eiusdem primordia latent apud eos, qui diuturno mœrore, sollicitudine, cu-



ris, immodica concupiscentia venerea et actuali libidinis intemperantia, studiis protractis, et profundis inprimis meditationibus magnam debilitatem laudatæ origini nervorum ac toti generi nervoso induxerunt. Symbolum tamen suum ad inducendam et augendam hanc atoniam diuturnæ etiam vigiliæ, iracundia gravior atque frequentior, præsertim sub pastu, vel ante aut post pastum, constitutio aeris frigidiusculo-humida, abusus narcoticorum, emeticorum, purgantium, crebra abdominis pedumque refrigeratio a),  
sup.

- a) „Nocet præsertim, FRID. HOFFMANNVS  
 „in Med. rat. syst. T. IV. P. 3, p. 219. scribit,  
 „frigus intestinorum canali, si vel abdomini liberalius admittatur, vel pedibus; quorum intimiorem cum intestinis consensum illud interdum docet momentum, quo teneriores, si nudis pedibus stratis pavimentisque incedunt, frigidis oribus, mox tormina intestinorum atque flatulentias patiuntur; - - - Hinc ratio patet, cur hypochondriaci æstate longe melius sese habeant, quam hyeme; nec non cur in regionibus, quæ ad septentrionem vergunt, multo frequentius sit malum, quam in iis, quæ sub cælo sereno ac temperatiori sitæ sunt &c.

suppressio fluxus menstrui et hæmorrhoidalis, fluor albus intempestive cohibitus, colica frequentior, male curatæ diarrhoeæ, dysenteriae, febres intermittentes et similia conferunt, ita tamen, ut adductarum caussarum aliae robur universi generis nervosi simultaneo quasi actu deiciant, aliae autem cerebro imprimis aut ventriculo atoniæ labem proximius inducant.

§. V.

Tonum generis nervosi cæterarumque partium solidarum graviter labefactatum seu ita dictam atoniam, quam causam appellavi originalem, pressio statim pede *tardior humorum circuitus* et *imperfecta impuritas* se- et *excretio* sequuntur, quibus sensim *cruoris mu- ciditas, spissitudo, acrimonia* et *nimia accumu- latio*, quæ vitia coniunctim causam materialem constituunt, necessario succedere debent, præsertim si aliae adhuc causæ procatacti- cæ, indicatis vitiis producendis aptæ, concurrant; cuius census v. g. sunt victus cras- sor, parcior potulentorum adsumptio ac vita edentaria. Tanti quippe hæ causæ occasio- nales momenti inveniuntur, ut nonnulli mor-

bum hunc ex solo motus ac potus sufficientis defectu nasci posse crediderint: Quibus meum tamen assensum simpliciter largiri nequeo, quoniam hæc passio, si solæ causæ indicatæ eam provocare possent, sartoribus, lintificibus atque sutoribus longe profecto familiarior, quam literatis, futura esset.

### §. VI.

Cognita causa materiali, protinus etiam causa principalis ac formalis, quarum prior ad *refractorias viscerum imi ventris obstructions*, aut *infarctus graviores*, posterior ad *circulum sanguinis irregularem ac plus minusve impeditum*, quin certo etiam respectu ad *spasmodicas partium solidarum contractiones* redit, manifesta redditur. Quid præsentem enim prædicta sanguinis abundantia, acrimonia et insigni muciditate, facilius in hepate ac mesenterio, ceu præcipua mali sede, cæterisque abdominis partibus, quæ imbecillitatem eminentiorem contraxerunt et in sano priorem statu sanguinem difficilius ad superiora remittunt, generari potest, quam sanguinis stagnationes et vasorum infarctus atque obstructions? et quid certius etiam stagnationem

nem hancce, infarctus atque obstructions sequitur, quam ingens circuli irregularitas et temporaria hinc inde sufflaminatio? Multum lucis fluxus hæmorrhoidalis, qui passioni hypochondriacæ nonnunquam supervenit ac mali sævitiem minuit, foeneratur. Inde enim clare cognoscere possumus, sanguinem in vasis meseraicis et reliquis imi ventris canalibus præternaturaliter coacervatum esse, et, cum libere, ob venæ portarum aliorumque vasorum revehentium infarctus et obstructions, ad venam cavam regredi nequeat, exitum per turgida vasa hæmorrhoidalia vi quærere.

§. VII.

Expositis præcipuis, ad causas morbi spectantibus, ante curationis evolutionem de prognosi duntaxat adhuc dicendum restat, quod malum hoc, præsertim si per moras longiores iam invaluerit, valde refractarium et curatu difficillimum existat, nec raro in alios morbos graviores, patienti tandem exitiosos, hecticam videlicet, phthisin pulmonalem, hæmoptysin, asthma convulsivum, apoplexiam, hydropem ascitem &c. degeneret: Quæ eo magis pertimescenda sunt, quando patientes

Q 5

genio

genio suo indulgent, aut styptica remedia in-  
 tempestive adhibent, vel nimia etiam phar-  
 macorum adsumptione corpus suum magis cor-  
 rumpunt, quam sanant. „Adversus tot con-  
 „catenata enim et implicata mala, ut 10.  
 „HENRICI SCHVLTZII verbis a) utar,  
 „optima plerumque est medicina non uti me-  
 „dicamento, sed rem omnem tempestivis et  
 „congruis motibus, temperantia, animi re-  
 „missione et tempestivis evacuationibus  
 „transigere: magisque avertendo causas ul-  
 „terioris perversionis pugnare, quam positi-  
 „vam opem promittendo &c.,„ Valent  
 haftenus dicta præcipue de malo radicato et  
 inveterato; quod recentius enim attinet, il-  
 lud, si tempestiva ac congrua instituatur me-  
 dela, et æger præscriptas diætæ regulas de-  
 bite observet, facilius tollitur.

### §. VIII.

Curatio eo inprimis redit, ut 1) san-  
 guinis cæterorumque humorum vitia, abun-  
 dantia videlicet, spissitudo, mucositas et aci-  
 do-

e) In *Diff. de Ventriculi et intestinorum ratione in  
 variis morborum genere habenda* §. 49.



do - falsa acrimonia, corrigantur, ut 2) robur amissum partibus nervoso - membranaceis restituatur, et hac igitur ratione 3) vasorum ac viscerum infarctus atque obstructions recludantur. Obtinendæ primæ indicationi *venæsectionem in pede* præ reliquis aptam esse, experientia dudum docuit, quotannis tamen non vice simplici, sed iterata, ter scilicet quaterve, instituenda est. Facto per hanc evacuationem curationis initio, primæ viæ a corrupta saburra acido - mucida per blanda *laxantia* ex manna, rhabarbaro, sale Ebshamen-  
si, Sedlizenfi, sale Carolinaram, magnesia alba &c. repurgari debent. Ne impuritates quoque mucidæ, quæ ob debilem digestionem facillime iterum generantur, de novo adculentur, necesse omnino est, ut horum quoque evacuantium usus sæpius per intervalla repetatur. Cavendum tamen, ne cathartica fortiora ac valde acria exhibeantur; quippe quæ vehementi operatione sua ventriculum et intestina valde lædunt, et atoniam augendo totum morbum augent, immo cavendum est, ne evacuantia, quæ stimulando agunt, sub vigore spasmodum adsumantur, dum nullo tempore nulloque modo partium solidarum

rum

rum vis elastica tam facile prosternitur, quam si fibræ, urgen·e spasmō iam admodum tensæ atque contractæ, novis stimulis ad maiorem tensionem atque stricturam coguntur.

## §. IX.

Phlebotomiæ atque laxantibus ea succedant, quæ, uti *salsa incidentia*, tam *vulgaria* quam *nitrosa*, nec non *terrea antacida* et *diluentia*, spissos mucidosque humores attenuant, acrimoniam corrigunt, et cuiuscunque generis impuritates per poros cutis ac vias urinarias blande educunt. Priora, scilicet *salsa* nimirum neutra incidentia et *terrea adcalina*, tanquam notissima, specificè allegare superse·deo, diluentibus autem hoc loco aquam simplicem frigidam, decocta hordeacea et avenacea, aquas foterias minerales Selteranas, Antonianas, Egranas, Pyrmontanas &c., nec minus infusa theiformia. ex rad. scorzonæræ, cichorii, saponariæ, angelicæ, hba melissæ citr., betonicæ, veronicæ, teucrii veri, hederæ terrestr., chamædryos nob., flor. salviæ, rorismarini, flavedine cort. citri, semine fœniculi, cinnamomo et similibus parata, præcipue accensenda arbitror: Notari tamen oportet.

portet, infusa tepida moderate adhibenda  
 esse, ne tunicas ventriculi et intestinorum,  
 ob vehiculi tepidi facultatem emollientem,  
 magis debilitent, adeoque plus detrimenti,  
 quam emolumenti adferant.

§. X.

Subinde, spasmis videlicet imi ventris  
 initium incrementibus, simulque pertinaci al-  
 i constipatione præsente, prædictorum atte-  
 nuantium usui nonnulla *emollientia interna*, v.  
 iuscula avenacea, cum radice althææ aut  
 floribus chamomillæ cocta, electuaria ex  
 oleo amygdalarum dulc. recenti, spermate  
 et, pulvere rhabarbari &c., nec minus *clys-*  
*ta* et *pediluvia emollientia* in auxilium vo-  
 ri debent; ea tamen cautela, ut procurata  
 spasmorum exorbitantium remissione, usus  
 eorum protinus rursus cesset, ne relaxan-  
 tum adhibitione nimia aut iusto diuturniori  
 usus membranarum ac viscerum magis de-  
 teriatur. Simpliciter enim eorum adproba-  
 nequeo hypothesin, qui spasmodicas me-  
 nterii, ventriculi et intestinorum contractio-  
 nes causam morbi principalem aestimant,  
 eoque emollientia quovis tempore et præ  
 omni-

omnibus fere aliis remediis profutura arbitrantur. Siquidem spasmi, uti alibi pridem monstravi *a)*, persæpe eminentis duntaxat imbecillitatis confectaria sunt, ac toties succedunt, immo toties, tanquam bona a sepius adæquata naturæ remedia, supervenire debent, quoties humores spissi in vas atque visceribus imi ventris gravius stagnare subsistere, et ominosas obstructions producere incipiunt.

## §. XI.

Mitigata spasmodum insolentia, et humorum quoque vitiis nonnihil emendatis, præter laudata aperitiva mitiora, etiam *calminativa, potentiora purificantia et activa* in primis *roborantia nervina ac stomachalia* in usum trahenda sunt, cuius census v. g. sunt electuaria ex rob iuniperi, syrupo cort. aurantiorum, citri, melissæ, succo granorum chermes, extracto angelicæ, cardui benedicti, chamomillæ vulg., pulvere rhabarbari orientalis, cort. cascarillæ, anisi stellati, sem. fennicæ, tonici, croci orient., croco martis aperitivis.

STAB

*a)* Tom. I. Sect. I. cap. 5. §. 20. et cap. 6. §. 4.

TAHLII, oleo citri Ital. &c., pilulæ ex  
 ummi ammoniaco ac galbano depurato,  
 xtr. millefolii, cent. minoris, scordii, trifolii  
 brini, pulvere croci, sulphure antimonii au-  
 to tertiæ præc., mercurio dulci, oleo caie-  
 ut, cinnamomi &c., morfuli ex sacharo,  
 myrrha genuina, croco et semine fantonico,  
 el ex sacharo, pulvere corticis Peruviani et  
 eminis foeniculi, vina medicata seu potius in-  
 usa vinosa, ex rad. angelicæ, levistici, galan-  
 æ, gentianæ rubræ, hba melissæ, flor. cha-  
 momillæ Rom., ligno aloes, flavedine cort.  
 citri, cinnamomo, semine foeniculi, cardamo-  
 no minori &c., nec non mixturæ ex liquore  
 erræ foliatæ tartari vinoso et antea recens-  
 is extractis amaris et balsamicis, vel calidio-  
 es etiam spirituosæ ex ess. cort. citri, auran-  
 orum, cascarillæ, rad. gentianæ rubræ, hbæ  
 melissæ, flor. chamomillæ Rom. &c., quibus,  
 præsertim vinosis, commode nec sine fructu  
 signi tinctura rhabarbari, essentia pimpinel-  
 e albæ, tincturæ martiales et antimoniales,  
 spiritus nitri dulcis et liquor anodynus mine-  
 lis adduntur. Hisce remediis amara pari-  
 er atque balsamica *masficatoria* ex myrrha  
 genuina, radice angelicæ, mace, semine foe-  
 niculi,



niculi, flavedine corticis citri &c. accenseri merentur, immo *roborantia externa*, tum abdomini adplicanda, ut emplastrum de crusta panis, de baccis lauri &c., linimenta ex spiritu matricali, spiritu vini crocato et paucis guttulis olei carvi, menthæ, maioranæ &c., tum etiam capiti imponenda, ut cucuphæ, aut vertici saltem ad aliquot guttulas identidem instillanda, ut mixturæ cephalico-nervinæ ex spiritu lavendulæ, rosæmarini, liliorum convallium, aqua ceph. Imp., balsamo vicæ &c., utilitate non penitus destituuntur.

## §. XII.

Curationi chirurgicæ et pharmaceuticæ exacta diæta, qua neglecta parum sperandum erit, subvenire debet, et cum curæ, moror, meditationes profundæ atque protractæ, vita sedentaria, et parcior potulentorum adsumtio locum sibi inter potiores ac frequentiores causas procatarcticas vindicent, in propatulo est, blanda ac sæpius iterata corporis exercitia, crebriorem ambulationem, equitationem, vecturam, peregrinationes, temporariam abstractionem a studiis, tranquillitatem, oblectationes animi, ac potulenta temperata, paullo

paullo largius hausta, maxime profutura esse. Ne alimenta quoque novum malo fomitem arguantur, necesse pariter erit, ut patiens esculenta boni succi et facillimæ resolutionis eligat, simulque potulenta spirituosâ inebriantia aut alio modo exagitantia fugiat, ac generoso vino saltim in prandio et valde moderate utatur. Circa motum quoque cavendum est, ne iste suscipiatur impetuosius, ut superiores tantum partes, quiescentibus inferioribus, fortius exagitentur. Fortiora nim exercitia, quæ largas inprimis sudationes provocant, corpora debilia magis debilitant, et humores, per viscera imi ventris libere meare ac remeare nescientes, ad loca incongrua, maxime superiora, pellunt, adeoque functionum turbas in capite et pectore plus augent, quam minuunt.

\* \* \* \* \*

## CAP. XVII.

DE

### ATROPHIA MESERAICA.

#### §. I.

**A**TROPHIA sive PHTHISIS MESE-  
RAICA est paullatina corporis conta-  
*Tom. II.* R bescen-

bescentia, cum magno ventris tumore atque duritie coniuncta. Dicitur etiam *Atrophia infantilis*, quoniam apud adultos rarissime occurrit, et infantibus tantum propria quasi aut valde tamen familiaris est.

## §. II.

Sub primis huius morbi incunabulis nondum febris lenta adest, sed abdomen dumtaxat magis in dies magisque intumescit et indurescit, vultus nonnihil pallet, musculi sensim extenuantur, et quævis membra marcescunt, alvus solito copiosior atque liquidior est, urget sitis, et appetitus ciborum modo languet; modo viget, modo nimium incrementum accipit; deinde autem, malo scilicet aucto et confirmato, febris lenta et hectica accedit, appetitus ac vires deiciuntur, abdomen tumidum lapideam ferme duritiem acquirit, et totum corpus, infimo ventre excepto, adeo contabescit, ut patiens vivum sceleton referat.

## §. III.

Proxime quidem hic morbus a magis minusve refractaria vasorum lacteorum obstructione

*Elione* oritur, apud diversa tamen subiecta præcipuus oppilationis locus variat, et apud alia in intestinis tenuibus ipsisque venarum lactearum ostiis, apud alia vero in glandulis meseraicis, quæ, sectione post obitum instituta, apud ægros huius census plerosque valde tumidæ et crassa materia pultacea repletæ, aut plane scirrhosæ reperiuntur, quærendus est. Parum cæteroquin vel nihil in casu utroque prima causa obstruens differt; quippe quæ semper *crassa materia pituitosa* aut *mucoso-tophacea* est, cuius genesi præ reliquis dysphagia indeque nascentes copiosæ cru-ritates viscidæ, largior itemque atque frequentior rudium esculentorum adsumptio, et nimius sub pituitæ collectione terreorum absorbentium usus a) famulantur: Nec præter-

R 2

mit-

a) „A nimia exhibitione terreorum absorbentium, MICHAEL ALBERT in *Diff. de Atrophia* §. 10. scribit, uti sunt conchæ præparatæ, corallia, lapides cancerorum, obstrui posse foramina vasorum lacteorum firmissime opinor. Observarunt enim, qui corpora infantum dissecueré, quod in iis, quibus absorbentia in nimia dosi propinata fuerant, crustæ quædam solidescantis materiæ, tum in ventriculo, tum

mittendum quoque erit, *colluviem verminosam* huic obstructioni sæpissime etiam ansam præbere, quoniam vermes optimam succi alibilis partem absumunt, et superstitem viscidioris excrementis suis magis corrumpunt. Vt nihil de crebrioribus spasmodicis torminosis dicam, qui hostilium huiusmodi incolarum vellicatione identidem excitantur, et ostiolorum absorbentium venarumque lactearum coarctationem efficiunt.

#### §. IV.

Prognosis in hoc morbo a duratione, sede obstructionis et symptomatum magnitudine ac genio dependet. Nam si tumor abdominis adhuc recens, parvus, nec adeo durus est, et massa viscida tantummodo in intestinis hæret, ibidemque venarum lactearum ostiola obstruit, si nondum lenta febris accessit,

„etiam in intestinis tenuibus oculis sese subie-  
 „cerint, quæ vix ab horum substantia divelli  
 „potuerunt, sicque non solum in ventriculo se-  
 „parationem liquoris gastrici prohibuerunt, ve-  
 „rum et ostiola vasorum lacteorum claudere, u-  
 „chylo aditus ad massam sanguineam fueri  
 „præclusus &c.



lit, nec vultus quoque atque membrorum macies singularis ac magni momenti deprehenditur, haud raro feliciter, et intra breve nonnunquam tempus, crebriori ut plurimum alvi solutione critica, tollitur: si neglectus vero aut sinistre tractatus iam iam invaluerit, si obstructionem, intumescentiam ac scirrhefcentiam glandularum meseraicarum causam præcipuam agnoscat, si hæctica denique febris, cum magna tabe membrorum omnium, magnoque ac valde duro ventris tumore, adsit, nulla amplius sanitatis redituræ spes adfulget, sed finis exitialis post plures aut pauciores dies, hebdomades, aut menses certo sequitur.

§. V.

Duabus medela indicationibus, *viscidæ* nimirum *materiæ obstruentis resolutione* et *blanda* deinceps *per alvum educatione*, nititur, quæ ita tamen sub usu medicamentorum coniungi possunt, ut iisdem formulis utrique satisfiat. Abstinebo a proluxiori remediorum recensione, et pulveres saltem ex lap. cancrorum, tartaro solubili, sale de Seignette, nitro dep., rhabarbaro, mechoacanna alba,

R 3

rad.

rad. irid. Florent., magnesia alba &c., tincturas aquoso-vinosas temperatiores ex flor. salis ammoniaci, terra foliata tartari, extracto chamomillæ vulg., angelicæ, et cardui benedicti, nec minus electuaria ex syrupo de hyssopo, dialthææ FERNELII, de erysimo LOBELII, extractis memoratis, pulvere rhabarbari, rad. irid. Florent., anisi stellati, sem. foeniculi, croci orientalis, morfulos ex sacharo, semine foeniculi, fantonico, rhabarbaro, rad. irid. Florent. et mercurio dulci &c., quorum efficaciam in hoc morbo plus simplici vice expertus sum, commendabo. Apud adultiores etiam pilulæ ex gummi ammoniaco dep., extracto chamomillæ, scordii, trifolii fibrini, centaurii min., pulvere rhabarbari, ireos Flor., mercurio dulci et pauxillo sulphuris antimonii aurati tert. præc, valde conducunt, quoniam non tantum mucum tenacem egregie resolvunt et abstergunt, sed vermes quoque valide exturbant.





CAP. XVIII.

DE

HAEMORRHOIDIBVS.

§. I.

**H**AEMORRHOIDES, quarum uberrima pertractatio in STAHLII, ALBERTI atque IVNCKERI scriptis quærenda est, vel *fluentes*, vel *cæcæ*, vel *molientes* sunt. *Fluentes* iterum in *sanguineas* seu *proprie tales*, *decolores* sive *sanguineo-serosas*, et *albas*, tum *mere serosas*, tum *seroso-mucosas*, et *cæcæ* pariter in *turgentes* rursum atque *tumentes* dividuntur.

§. II.

Hæmorrhoides fluentes sanguineæ repetitam cruoris excretionem alvinam denotant, quæ ut plurimum quidem excrementorum exclusioni succedit, subinde tamen citra præviam quoque ventris exonerationem naturalem accidit, præsertim, si sanguis ex vas-  
sis hæmorrhoidalibus largius in intestinum rectum confluat, adeoque alvum propter co-

piam suam iunctamque haud raro acredinem aliquam ad frequentiore sui eiectionem sollicitet. Nonnulli, hæmorrhoides fluentes semper *internas* esse, *externas* vero semper *cæcas* existere, perhibent: At, sententiam hanc erroneam esse, et *externas* quoque interdum, quanquam rarius, fluentes fieri, experientia docet.

### §. III.

Sanguis, qui superveniente ac durante fluxu hæmorrhoidali per alvum cum aut sine scybalis alvinis per vices crebriores excernitur, vel ex arteriis hæmorrhoidalibus internis aut externis per dilatata vascula lateralia arterioso - lymphatica in intestinum rectum emittitur, vel ex ruptis varicibus sive nodis tumidis eiusdem cognominis venarum erumpit. Si ex arteriis stricte talibus per ampliatas arteriolas seroso - lymphaticas excernitur, fluxus hic plerumque moderatior est, rariusque iustæ quantitatis limites excedit: Si tumidi vero ac valde distenti nodi venarum rupti fuerint, cruor maiori ut plurimum copia ac nimia per sæpe quantitate effunditur. Me quidem non latet, medicorum plerosque non  
arte-

arterias, sed solas tantum venas hæmorrhoidales cruenti huius fluxus scaturigines agnoscere; ast perperam, quoniam sanguis ex venis absque nodorum ruptura ad intestinum fluere nequit. Vnicuique enim notissimum esse arbitror, sanguinem sub circulo suo per corpus animale nullibi, si venam portarum in hepate exceperis, ex ramis venarum maioribus in minores penetrare, sed ubique potius ex minoribus ad maiores regredi, nec ullo igitur modo per venas laterales seroso-lymphaticas ad intestinum extrudi posse.

§. IV.

Causa fluxus hæmorrhoidalis proxima pro meo iudicio nulla alia est, nisi *magna cruoris viscida, aut viscido-acrioris in vasis hæmorrhoidalibus accumulatio, quæ abundantiam eius tardiolemque per venas ad partes ventris superiores regressum, vel longe adhuc sæpius venæ portarum, vasorum meseraicorum &c. infarctus et obstructions sequitur.* Differunt cæteroquin pro harum causarum diversitate ipsæ pariter hæmorrhoides: Præsentem enim tardiori saltim sanguinis abundantis atque viscidioris ad venam portæ et ca-

R 5

vam



vam regressu, hæmorrhoides fluentes sanguineæ ordinario criticæ, salutare, magisque regulares sunt, et certo respectu *idiopathica* vocari merentur; sin infarctus vero atque obstructions mesenterii, hepatis et venæ imprimis portarum sanguini, ad venam cavam remeanti, obstacula passim obiciant, *symptomata* existunt, et valde ut plurimum quoad tempus eruptionis et sanguinis excreti copiam irregulares deprehenduntur. Vt nihil præterea de variis molestis pathematibus dicam, quæ sæpe sæpius symptomatici huius fluxus prodromi, aut comites, aut consecutaria sunt.

## §. V.

A fluentibus hæmorrhoidibus sanguineis seu proprie talibus hæmorrhoides albæ et decolores consistentia atque colore humoris excreti sese magis minusve distinguunt. Nam si humor tenuis aquosus, nunc limpidus omnino, nunc paululum flavescens, sub crebriori alvi depositione effluit, *albæ serosæ* dicuntur: Sin crassior vero atque albicans materia mucosa, vel pura prorsus, vel punctis nonnunquam ac striis cruentis hinc inde notata,

ata, excernitur, *albæ mucosæ* vel *mucido-subruentæ* audiunt, et si humor denique mixtus seroso-sanguineus, cruentæ carnis loturam referens, excluditur, *decolores* adpellantur. Præcipua discriminis ratio apud varias hæce hæmorrhoidum fluentium species a maiori ut minori dilatatione vasculorum lateralium dependere videtur, quippe quæ, si sufficienter dilatata fuerint, sanguinem perfectum transmittunt; sin diameter vero eorundem adhuc minor atque minor existat, integros cruoris globulos recipere nequeunt, et pituitæ saltim, a sanguine secedenti, aut cruori, consimili arteriarum actione et intestino attritu in liquamen seroso-mucidum albicans dissolutum, vel tenuioribus tantum partibus serosis transitum in intestinum rectum concedunt.

## §. VI.

Hæmorrhoides fluentes, præsertim internæ, nostro quidem ævo satis frequentes sunt, *cæcæ* nihilominus, quæ varices seu nodos venarum hæmorrhoidalium tumidos lividosque, vel rubentes etiam, aut fuscis similes, longe adhuc frequentius observantur, et modo in venis hæmorrhoidalibus internis, modo

modo in externis, prope limbum ani, aut in ipso margine eius, nascuntur. Internæ, quarum præsentia ex ardoris, puncturæ, aut singularis tantum stricturnæ ac compressionis sensu, eidemque ut plurimum iuncta alvi siccitate, segnitie, quin plenaria nonnunquam obstipatione cognoscitur, persæpe rumpuntur, suumque sanguinem effundunt, externæ autem, quæ pro diverso situ suo perfecte atque constanter, vel quoad aliquam tamen partem, magis scilicet minusve sub egerendi conamine protrusæ, in conspectum veniunt, raro aperiuntur, quoniam integumenta, quibus venæ hæmorrhoidales externæ implantantur, nimis dura rigidaque existunt. Distinguuntur cæteroquin, uti supra pridem indicavi, hæmorrhoides cæcæ, sive internæ sint, sive externæ, in *turgentes* ac *tumentes*. Turgentes livido colore gaudent, et nullum omnino, vel leviozem duntaxat dolorem pressorio-tensivum excitant, tumentes ex adverso inflammatoriæ sunt, et valde igitur rubentes, valdeque urentes atque dolentes deprehenduntur; hinc interdum quoque fit, ut exulcerentur, et novam rursus speciem, eamque pessimam, *hæmorrhoides nempe ulcerosas*, quæ

quæ fistulæ ani haud raro occasionem præbent, producant. Nec commemorare pariter hoc loco alienum est, hæmorrhoides fluentes serofas interdum, exaltata nimirum humorum acredine scorbutico-purpurata, acerrimoque exstillante humore seroso, *serpigi-  
fas* evadere, et intestinum rectum proinde et ani marginem itidem cum magno dolore ardente ac morsicante excoriari hinc inde et exulcerari.

§. VII.

Longius adhuc, quam cæcæ, ab hæmorrhoidibus fluentibus *hæmorrhoides* solummodo *molientes* recedunt. Supponunt enim, absque ulla nodorum genesi, mera saltim molimina ad fluxum hæmorrhoidalem, quæ sæpe tamen irrita sunt, et sine effectu desiderato cessant iterum, iterumque per incerta intervalla redeunt, et multis ac variis ægritudinibus primam atque præcipuam causam largiuntur. Ad memorata autem molimina, eaque solenniora, pruritus ani, ardor, puncturæ et singularis pressionis ac tensionis sensus in parte intestini recti inferiori, nucleum anointrusum quodammodo mentiens, nec minus  
sicci-

ficcitas et constipatio alvi, tormina ventris et doloris in osse sacro et coccygis, quin sæpe etiam altius in dorso, nunc mitiores gravativo - tensivi, nunc vehementes ac fere nonnunquam intolerabiles constringentes ac lancinantes pertinent, immo hisce haud raro, si ista nimirum nulla prorsus aut minus sufficiens ac regularis sanguinis per vasa hæmorrhoidalia eruptio sequatur, apud diversa tamén subiecta et diversis temporibus, suppressio urinæ, miæctus cruentus, cruciatus renum aut vesicæ spasmodici, vera tormina colica, anxietates præcordiales, spasmi ventriculi cardialgici, nausea et conatus vomendi, singultus, constrictiones pectoris, respiratio difficilis, tussis sicca aut valde pituitosa, hæmoptysis, sputum cruentum, pulsatio fortior et palpitatio cordis, obscuratio visus, tinnitus aurium, vertigo, dolor pressorio - tensivus in fronte et capite anteriori, animi inquietudo, melancholia, somnus turbulentus, dolores artuum arthritico - rheumatici ac plura alia molesta pathemata iunguntur, ita ut facillime defendi possit, hæmorrhoidarios huius census miseros omnino homines ac morbis plerisque obnoxios esse.



§. VIII.

Quemadmodum hæmorrhoides fluentes seroso-serpiginosæ ac mucosæ, nec minus iusto parciores atque anomalæ sanguinæ, et adhuc magis cæcæ ac molientes multa patientibus incommoda pariunt, vitamque magis minusve ærumnosam reddunt; sic *excedentes* pariter nocivæ deprehenduntur, quoniam totum corpus nimia sanguinis iactura valde debilitatur, et inde postmodum facillime cachexia, adfectus œdematosi, hydrops et hæctica oriuntur. Triplici autem respectu hæmorrhoides excedentes sive nimiae vocantur, *primo* nimirum, quando sanguis intra paucos dies ingenti quantitate et ad plures nonnunquam libras excernitur, *deinde*, quando fluxus, alioquin moderatus, iusto diutius perdurat, et *tertio* denique, quando hic fluxus crebrius, quam par est, revertitur.

§. IX.

Causæ defectus, suppressionis, excessus et variæ anomalæ fluxus hæmorrhoidalis arum ab invicem differunt. Causæ enim defectus proximæ vel ad *ingentem sanguinis visitudinem* atque *mucositatem*, vel ad *spas-*  
*mum*

*mum vasculorum excernentium fortiore* a  
*valde refractarium*, ab impuritate humorum  
 acri scorbutico - aut arthritico - purpurata ex-  
 citatum, vel ad *scybala alvi accumulata*, indu-  
*rata et acriora reddita*, vel ad *connatam au-*  
*postea demum inductam tunicarum densitatem*  
*duritiem*, ac *rigiditatem* in vasculis lateralibus  
 transmittentibus et excernentibus, quin ipsi  
 integumentis arteriarum ac venarum hæmor-  
 rhoidalium præcipue redeunt, et eadem quoque  
 partium solidarum ac fluidarum vitia,  
 tubulorum excernentium nec non arteriarum  
 ac venarum hæmorrhoidalium densitatem, du-  
 ritiem ac rigiditatem exceperis, et harum loco  
*terrorem et gravierem atque frequentem*  
*iracundiam* addideris, suppressionem, exce-  
 sum et anomalias huius fluxus efficiunt. Con-  
 tradictorium quidem videtur, fluxum et nimium  
 et deficientem atque suppressum ab iisdem  
 causis oriri; attamen dubium facile, ut  
 spero, disparebit, si diversus obstructionis lo-  
 cus spectetur, quippe quæ sub nimio fluxu  
 unice in vasis sanguinem revehentibus, ob-  
 ta suppressione autem, præcipue in vasculis  
 transmittentibus et excernentibus quære-  
 da est.

§. X.

Hæmorrhoides virili quidem sexui præcipue familiares reperiuntur, haud raro nihilominus fieri solet, ut illæ apud foeminas quoque, præsertim post partum difficilem, post præmaturam fluxus menstrui emanationem, et sub variis eiusdem anomaliis, exoriantur. Considerationem pariter temperamentum, ætas et dispositio hereditaria merentur. Subiecta enim, temperamento sanguineo-melancholico aut sanguineo-cholerico prædita, et in ætate consistente virili ac senili constituta, hæmorrhoidibus longe magis, quam reliqua, obnoxia sunt, immo illa, quæ simul dispositione hereditaria gaudent, hunc fluxum aut varia tamen ad eum molimina persæpe in ipsa dudum ætate iuvenili experiuntur; idque eo facilius, si frequens antea ac larga naturæ hæmorrhagiæ cesset, aut solenniores atque communes causæ procatasticæ, crebriores nimirum corporis refrigerationes, vitiosa ac sedentaria, usus intemperantior spirituosorum, aromatum, croci, allii, aloeticorum, purgantium &c., equitatio frequens ac uturna, celerior ac longior cursitatio, præsertim sub tempestate calida, iracundia, terror,

ror, neglecta venæsectio adsveta, nifus fortior sub ventris exoneratione aut apud fœminas sub partu, et plura huius census alia accedant. Circa ætatem cæteroquin paucis adhuc notandum venit, hæmorrhoides, apud subiecta iuniora erumpentes, raro ordinem fervare, sed adeo creberrime evadere anomalas, ut inde non tantum variæ sanitatis turbæ nascantur, sed mors quoque, antequam patientes ad senium perveniant, sequatur, contrarium vero observari, et hæmorrhoides satis ut plurimum regulariter fluere, vitamque longam polliceri, si annosioribus demum superveniant.

## §. XI.

De Prognosi hinc inde dudum in antecedentibus nonnulla dicta occurrunt, quare eam prolixius rursus hoc loco exponere nolo, sed adhuc breviter duntaxat monebo, hæmorrhoides sanguineas, iusto ætatis tempore prodeuntes ac rite postmodum fluentes, corpus a variis morbis præservare, ac sæpe pariter multarum ægritudinum rebellium, vertiginis v. g., insanix, adfectuum pectoris, passionis hypochondriacæ, arthritidis, rheumatismi

tismi &c., egregium fieri remedium, frustra ex adverso molientes, aut denuo suppressas matrem malorum foecundissimam existere, ac crebro inprimis apoplexiam, melancholiam, maniam, cephalalgiam et hemicraniam refractariam, vertiginem caducam, hæmoptysin, asthma convulsivum, catarrhum suffocativum, phthisin pulmonalem, vomitum et mictum cruentum, dolores arthriticos, hydropem ac plura alia pathemata, supra pridem (§. 3.) recensita, adducere, aut primo tamen ortui eorum, aut incremento admodum famulari.

§. XII.

Hæmorrhoides sanguineæ regulares, h. e., iusto ordine ac tempore iustaque quantitate fluentes, nunquam medicamentis turbandæ, sed victu potuque tenui ac temperato, frequenti ac blando corporis motu et animi tranquillitate in ordine suo ac libertate conservandæ sunt: Quod reliquas vero species attinet, illæ medici auxilium, valde tamen pro circumstantiarum diversitate discrepans, persæpe postulant. Ad cæcas nimium ac molientes curandas, præter *diætam temperatam*, ea inprimis requiruntur, quæ



*sanguinem spissum, mucidum atque acrem attenuant ac temperant, resistantiam, spasmodum, durti-  
 ritiam, rigiditatem tunicarum minuunt, et blanda tandem operatione ipsum sanguinis fluxum per vasa hæmorrhoidalia promovent, cuius census in genere, adeoque diverso ad indicationes diversas respectu, sunt pulveres ex lap. cancrorum, nitro dep., sale de SEIGNETTE, mirabili GLAUBERI, tartaro solubili, terra foliata tartari aliisque salibus mediis, nec minus potiunculæ ex iisdem pulverulentis et aquis refrigerantibus, emulsiones ex amygdalis dulc., sem. quatuor frigidis maioribus et minoribus, nitro, salibus mediis et aquis diapnoicis atque refrigerantibus, infusa theiformia ex rad. scorzonæræ, cichorii, saponariæ, hb. hederæ terrestr., veronicæ, betonicæ, chamædryos nob., melissæ citr., flor. millefolii, sem. fœniculi et flavedine cort. citri, tincturæ temperatiores, ex terra foliata tartari, extracto chamomillæ vulg., cardui benedicti, cent. minor., angelicæ &c. cum vino aut sola nonnunquam aqua quadam destillata paratæ, electuaria ex syrupo de erysimo LOBELII, dialthææ FERNELII, extractis vix recensitis,*  
 et

et pulvere rhabarbari atque radicis iridis Florentinæ &c.

§. XIII.

Lenioribus hisce attenuantibus et abstergentibus per intervalla *potiunculæ* etiam *laxantes mannato-rhabarbarinæ*, *clysmata emollientia* et *abstergentia*, *pediluvia*, *venæsectio in pede*, et tandem pariter, al qua nimirum humorum præparatione præmissa cæterisque eruptionis impedimentis remotis, *potentiora quædam pellentia*, v.g., pilulæ Stahlianæ, aut aliæ ex gummi ammoniaco depurato, gummi galbano, sagapeno, aloe violata, extracto myrrhæ aquoso, extr. chamomillæ, scordii, cardui benedicti, trifolii fibrini, pulvere rhabarbari, mercurio dulci, croco orientali et sulphure antimonii aurato tertiæ præc. (quod pellens omnino egregium est) concinnatæ, et huius naturæ atque virtutis alia iungenda sunt, nec *hirudinum* quoque *adplicatio*, si hæmorrhoides cæcæ in conspectum veniant, et commoda adpositionis occasio adsit, omitti debet. Ut nihil de cæcarum conspicuarum inunctione cum unguento de linaria aut dialthææ, de mittendis turundis ex radice althææ, oleo

liliorum alb. aut chamomelino inuncta, et similibus dicam, quæ sæpe ad dolorem mitigandum et eruptionem sanguinis promovendam utilia ac necessaria deprehenduntur. Externis hisce *sacculi* pariter ex speciebus paregoricis et emollientibus, cum lacte coctis, nec minus *albumen ovorum*, aqua calida dilutum, et mucilage seminis psyllii mixtum, emulsiones tepidæ amygdalinæ, nec non *turundæ* ex carne melonum addi, et demulcendi scopo contra serpiginosas inprimis et cæcas inflammatorias sive tumentes in usum trahi debent.

## §. XVI.

Eadem medendi methodus eademque remedia etiam valent in suppressione fluxus hæmorrhoidalis, immo maximam quoque partem in hæmorrhoidibus fluentibus mucosis, serosis, serpiginosis atque anomalis locum inveniunt, præterquam, quod in mucosis et serosis plura laxantia sanguinemque purificantia, et in serpiginosis plura edulcorantia ac demulcentia requirantur. Quod excedentium vero sanguinearum medelam concernit, illa satis distincta existit, et *diæta* inprimis *temperata ac modice refrigerante, venæsectione*

*in brachio et temperatis medicamentis aperitivis salsisque incidentibus ac temperantibus, v. g. potu aquæ simplicis, feri lactis, decocti avenacei et hordeacei, pulveribus itemque, potiunculis et emulsionibus nitrosis, aliisque, contra hæmorrhagias immodicas alibi fusius pridem ac generatim commendatis, expedienda erit. Non pauci quidem practitorum adstringentia quoque suadent: Verum enim vero; hæc ipsa pro meo iudicio, ob prava pathemata, quæ usum eorundem in hoc morbo plerumque sequuntur, vel exulare omnino, vel in casu rebelli et post irritum prorsus præcedentium usum, eorum duntaxat leniora aperitivis ac temperantibus dosi admodum refracta et cum summa circumspeditione misceri debent. Præstat præterea, ab ulteriori illorum exhibitione protinus abstinere, quamprimum iusto largior atque impetuosa cruoris eruptio nonnihil remisit, nec lethifera amplius sanguinis iactura metuenda est.*





## CAP. XIX.

DE

## OBSTRUCTIONE ET INCONTINENTIA ALVI.

## §. I.

**O**BSTRUCTION ALVI, alias etiam *Adstrictio, Suppressio, Constipatio, Obstipatio alvi*, nec minus *Coprostasia* (α κόπρος, *stercus et στάσις, statio*) nuncupata, a SEGNI-  
TIE ALVINA solummodo gradu differt. Segnitie enim torpidam duntaxat, magisque laboriosam et ultra tempus solenne nonnihil saltim protractam, obstructio autem omnimode seu penitus per longiora aut breviora temporis spatia impeditam fæcum alvinarum excretionem denotat.

## §. II.

Dividitur hæc obstructio, sive sit gravior atque perfecta, sive levior aut mera tantum segnitie, in *idiopathicam* et *symptomaticam*. Hæc creberrime febribus, præsertim continuis ardentibus, passioni itemque nephri-



phriticæ, hysteriæ, hypochondriacæ, colicæ, iliacæ, herniis incarceratis, ut et hæmorrhoidibus molientibus, cæcis atque suppressis, tympaniti et pluribus aliis morbis complicata reperitur; illa vero proxime vel a *spasmo*, vel *torpido intestinorum motu peristaltico*, vel *siccitate* atque *duritie scybalorum* oritur, et harum rursus caussarum genesi adsumta esculenta, potulenta, medicamenta et venena austera constrictoria, impuritates acres, præsertim acidæ ac stypticæ, in canale intestinali circa valvulam BAVHINI, aut flexura coli sinistra, aut prope ani sphincterem stabulantes, recrementa varia, rheumaticæ scilicet, scorbutico-purpuratæ, arthriticæ et scabiosæ prosapiæ, ex corporis peripheria aut aliunde ad vasa intestinorum sanguifera atque lymphatica translata, quin sensim quoad partem per ipsas subinde glandulas excreta, obstructio glandularum intestinalium, nec minus, præprimis apud subiecta sicciora chole-rica, sudores largiores, vita otiosa aut sedentaria, speculationes ac meditationes continuæ; potus parcior, ingestio crebrior ac iusto copiosior ciborum siccorum atque indu-ratorum, neglecta ventris sub stimulo leviori

S 5. exo-

exoneratio et similia occasionem largiuntur. Notatu quoque dignum est, istos pariter homines, qui a cibis rudioribus falsisque plane abstinent, ac solis pulposis, mollibus, succulentis et liquidis vescuntur, magnam haud raro alvi segnitiam experiri, quoniam alimenta memorata nimis parvam materiæ recrementitiæ quantitatem relinquunt, quæ intestina postmodum ad vegetum motum peristalticum et tempestivam promptamque sui promotionem et exclusionem stimulare nequit *a*).

### §. III.

Quanquam obstructio et segnities alvi primo intuitu non adeo magni momenti esse videantur, multa nihilominus ac varia molesta pathemata easdem, si diutius perdurent, flatuum nimirum ædumulatio, murmura, borborygmi ac dolorosa ventris tensio, pressiones circa ventriculum, anxietates præcordiales, respiratio difficilis, palpitatio cordis, congestiones sanguinis versus caput, temulentia capitis vertiginosa, cephalalgia remissior

*a*) Plura de hisce in HENRICI SCHULTZII  
*Diff. de Nimium bonis* videri possunt.

fior tensivo-gravativa, obscuritas visus, et aurium tinnitus certo sequuntur. Nec prætermittendum quoque erit, excrementa alvina, antea molliora ac liquidiora, sub diuturna hac retentione penitus exsiccari, et inde, quod pessimum est, humorem putridum per venas bibulas sensim ad sanguinem transire, et hunc atque humores circulantes reliquos miscela sua adeo corrumpere, ut interdum febres inde putridæ, aut pravi ac plane singulares morbi chronici nascantur.

#### §. IV.

Curatio segnitiei atque obstructionis alvi idiopathicæ respectu caussarum duplex deprehenditur, ac modo ad *emollientium*, *humectantium* et *abstergentium*, modo ad *roborantium* ac *stimulantium* usum præcipue reddit. Emollientia videlicet, humectantia ac blanda abstergentia, esculenta v. g. liquidiora mucilaginea, gelatinosa, pingua et oleosa, potulentia temperata aquea, ptisanæ hordeæ et avenacæ, serum lactis, temperatio-  
ra infusa theiformia, emulsiones amygdalinæ, electuaria ex oleo amygdalarum dulcium recentissimo cum pulvere rhabarbari et radicis  
iridis

Florent., vel etiam ex syrupo dialthææ  
 FERNELII, extracto chamomillæ vulg.,  
 angelicæ, et rhabbarbo orientali, nec mi-  
 nus clysmata emollientia in genere requi-  
 runtur, quando intestinorum aut sphin-  
 cteris adfectio spasmodica, vel scybala exsic-  
 cata, indurata et adcumulata proximam at-  
 que præcipuam obstructionis causam consti-  
 tuunt: Abstergentia potentiora autem nec  
 minus roborantia, ac stimulantia, cuius cen-  
 sus sunt enemata roborantia ac paullulum  
 acria, supra dudum (*Cap. 13. de Flatibus ven-  
 triculi et intest. §. 10.*) commendata, lenio-  
 ra itemque purgantia, præsertim rhabbarbari-  
 na, sal Ebshamenſe, Sedlizenſe, de Seignette,  
 et pilulæ Stahlianæ eiusdemque naturæ  
 aliae, cum limatura aut croco martis modice  
 remixtæ, electuaria porro ex syrupo flor.  
 persicorum, de cichorio c. rhabbarbo, de  
 eryſimo LOBELII, extracto cent. minor.,  
 cardui bened., chamomillæ vulg., pulvere  
 rhabbarbari, rad. iridis Florent., et sulphure  
 antimonii aurato optimo, tincturæ, ex iisdem  
 extractis et terra foliata tartari aut floribus  
 salis ammoniaci cum vino paratæ, additaque  
 postmodum tinctura martis helleborata et  
 rha-

rhabarbari acuatae, infusa theiformia ex foliis fennae, herba melissae, semine foeniculi et flavedine corticis citri &c., proficua non minus quam necessaria inveniuntur, quoties intestinorum flacciditas et torpidus eorundem motus peristalticus praecipue adcusanda veniunt. Notari tamen debet, antea laudatis relaxantibus et humectantibus subinde etiam, praesente videlicet glandularum intestinalium obstructione, aut refractaria sanguinis viscidioris stagnatione in vasculis, *aperitiva* ac *resolventia*, et alio pariter tempore, re-roacta nimirum acri quadam materia purpurato-scorbutica &c., *potentiora diaphoretica* addenda et interponenda esse; nec ignorari quoque oportet, *blandum corporis motum*, cum sufficenti tamen potu coniunctum, generatim ad obtinendam felicem huius obstructionis curationem multum conferre, immo, *sa nonnunquam venæsectione* ad sanguinem sensum resolvendum et infarctus referandos esse. De obstructionis alvinae symptomatae medela nihil hoc loco addo, sed a passim ex principalium morborum tractatione discenda est.



§.

V.

Obstructioni alvi INCONTINENTIA  
EIVS seu involuntaria faecum alvinarum ex-  
cretio opposita est, quae a triplici causa, ni-  
mirum a *nimia teneritudine* et *imbecillitate na-  
turali*, vel a *relaxatione vulgari*, vel a *vera  
paralyfi sphincteris ani* potissimum oritur.  
Prima causa apud tenellos infantes observa-  
tur, binae reliquae autem apud adultos, prae-  
sertim senes, occurrunt. Inducendae rela-  
xationi sphincteris eminentiori diuturnae di-  
arrhoeae mucido-serosae, clysteres emolli-  
entes, praesertim oleosi, iusto saepius inieci,  
partus difficilis, et nixus fortior sub ventris  
exoneratione praecipue famulantur, paralyfis  
vero interdum apoplexiam et improvidam  
aut plane infaustam fistulae ani sectionem se-  
quitur. Prima species, apud infantes scilicet  
nonnunquam obvia, aetate crescente aucto-  
que sphincteris robore, citra medici opem ab  
ipsa natura tollitur, secunda species facile ut-  
plurimum per eadem remedia, quae capite  
sequente contra *Procidentiam ani* commenda-  
ta sunt, sanatur, et tertia denique, licet rarif-  
sime curabilis deprehendatur, consueta *antipa-  
ralytica* et subinde etiam *traumatica* postulat.

CAP.



C A P. X X.

D'E

PROCIDENTIA ET TENESMO  
ANI.

§. I.

**P**ROCIDENTIA ANI, sive *Elapsus* et *Prolapsus ani*, sub quacunque alvi de-  
positione contingens, infantibus quidem pue-  
risque praecipue familiaris est, haud raro ta-  
men apud adultos quoque nascitur, ac proxi-  
me apud cuiuscunque aetatis subiecta a ma-  
gna et subinde plane paralytica sphincteris et  
tunicæ intestini recti glanduloso-nervæ rela-  
xatione dependet; cui apud infantes clamo-  
res fortiores atque frequentes, nifus maior  
sub duriorum scybalorum exclusione, et diar-  
rhoeae diuturnae mucido-acidæ ac biliosæ,  
apud adultos vero tum causæ memoratae,  
i clamores exceperis, tum etiam dysenteria  
praegressa, haemorrhoides caecæ ac frustra  
nolientes, calculus vesicae, partus difficilis,  
condus uteri, intestinum rectum ultimis gra-  
viditatis

viditatis mensibus premens nimium ac comprimens, adsumta purgantia resinosa acriora atque drastica, abusus enematum emollientium, et equitatio diuturna praecipuam occasionem suggerunt.

## §. II.

Facilior aut difficilior huius affectus curatio ab aetate aegri, procidentiae diuturnitate et causae genio dependet. Malum enim recens facilius, quam inveteratum, et facilius quoque apud infantes puerosque, quam apud adultos, praesertim senes, tollitur. Felicior pariter ac certior medelae successus expectandus est, quando relaxatio tunicae glanduloso-nerveae atque sphincteris modica duntaxat atque vulgaris est; secus ex adverso iudicandum erit, et minor perfectae corroborationis spes superest, si relaxatio plane paralytica existat. Requiritur autem ad curationem, 1) ut pars prolapsa mastiche, in pollinem redacta et pauxillo pulveris radices bistortae, aut tormentillae, aut terrae laponicae, aut aluminis remixta, conspergatur, vel epithematé ex herba rorismarini, maioranae, salviae, scordii et foliis rosarum rubr.,

rubr., vel etiam, si magna durities aut exortae levioris inflammationis vestigia adsint, sacculo tepido vinoso ex speciebus iisdem et floribus sambuci ac chamomillae vulgaris (exceptis tamen foliis rosarum) aliquamdiu foveatur, et deinde 2), imperato prius prono corporis situ, nudis digitis, oleo infuso mastichino, aut castorino aut verbasci inunctis, vel molli linteo complicato, aut spongia, infuso aut decocto vinoso tepido scordii, corticis granatorum &c. nonnihil madefacta, reponatur, aptisque postmodum subligaculis, si gravior aut plane paralytica relaxatio tale auxilium postulet, contra novum elapsum, quantum fieri potest, muniatur. Non praeternittendum quoque censeo, sacculos ex speciebus nervinis et adstringentibus cum vino octos, et ano post repositionem inter sedentulum suppositos, multum ad roboris reductionem conferre.

### §. III.

TENESMVS ANI, a *τείνω*, tendo, ita dictus, est continuus, plerumque tamen fruraneus, ventrem exonerandi conatus, sive lidua desidendi cupiditas, cui nulla tamen,  
*Tom. II.* T vel

vel saltim parca materiæ pulposo-mucidæ, aut cruentæ, aut purulentæ excretio succedit.

#### §. IV.

Sæpius hæc affectio symptomatica, quam idiopathica est, ac modo a *stimulo immediato* oritur, quem ascarides, in intestino recto nidulantes, vel fervida materia mucido-cruenta aut plane ulcerosa in dysenteria, vel acida, biliosa et alia acris in diarrhoea vulgari, vel citra eiusmodi fluxum in intestino subsistens ac pertinaciter adhærens, vel residuæ etiam acriores atque tenaces resinosæ purgantium, præsertim drastorum, moleculæ musculis ani levatoribus et sphincteri inferunt modo, *consensuali* magis *actione*, a calculo vesicæ, aut pondere uteri apud gravidas, aut sanguine sub hæmorrhoidum anomaliis refractarie stagnante ac subsistente, immo a diuturna interdum equitatione excitatur. Prioribus speciebus, immediato nimirum stimulo productis, adhuc ille etiam tenesmus addi meretur, qui nonnunquam sequi solet, quando charta, pipere aut alio pulvere acri conspersa, ad ani abstersionem adhibita fuit.

#### §. V.



§. V.

Tenesmus mere symptomaticus nulla peculiaris postulat remedia, sed tota medela eius cum affectuum principalium curatione connexa est: Quod reliquas vero species, quæ ascaridibus, aut humori acri, citra diarrhoeam adhærenti, aut purgantium reliquiis, aut pulveri morficanti, sub memorata ani abstersione fortuito adplicato, originem debent, attinet, illas paullo uberius hoc loco atque distincte considerare necessum duco, Præsentem nimirum numerosa ascaridum progenie, interna *anthelmintica* varia, alibi dudum exposita a), et simul quoque, propter effectum longe præstantiorem, eiusdem virtutis *clysmata* ex rad. diptamni albi, summitat. absinthij, cent. minor., herba ac floribus tanaceti, chamomillæ, semine cinæ, sacculo sub coctione incluso, myrrha &c. in usum trahenda sunt. Ad contemperandum humorem acrem et obtundendas eluendasque purgantium reliquias interna *demulcentia mucilaginea*, *gelatinosa* et *aqueo-oleosa*, v. g. iuscula avenacea et carniū pingua, decoctum hordeaceum,

T 2.

gela-

a) Cap. de Vermibus intestinorum.

gelatinæ C. C., eboris, crurum vitulinorum &c., emulſiones amygdalinæ, albumen ovorum, aqua dilutum, ſolutio gummi Arabici aut tragacanthæ, ſerum lactis dulce et clyſteres ex radice althææ, malvæ, lil. alb., herba et flor. althææ, chamomillæ vulgaris, mucilagine ſem. cydoniorum et oleo olivarum aut lil. alborum absque ullo additamento ſalino parati, præ reliquis apta et utilia reperiuntur et in ultimo denique caſu, ubi externa cuncta materia acris adhæſit, ſola enemata de-  
demulcentia ſufficiunt.

## §. VI.

Morbis inteſtinorum et ani hætenus expoſitis nunc nonnulla pariter de ABCE-  
SIBVS, VLCERIBVS et FISTVLIS ANI,  
quæ sæpe hæmorrhoidum anomalias alios-  
que inteſtini recti et partium vicinarum mor-  
bos ſequuntur, nec minus de CONDYLO-  
MATIBVS, FICVBVS et MARISCIS, cir-  
ca anum apud venereos haud raro excrescen-  
tibus, ſubiungenda eſſent: Attamen, quum  
adfectus priores ſtriſtius ad forum chirurgi-  
cum ſpectent, de poſterioribus autem ſcitu  
neceſſaria ſub Morbi gallici explanatione oc-  
current;

current, hoc loco nec hosce, nec illos attin-  
gam, sed lectores partim ad scripta chirurgo-  
rum a), partim ad futurum caput de *Lue ve-  
nerea* remittam.

T 3

SE-

- a) De variis hisce Ani vitiis præ reliquis PLAT-  
NERI *Institutiones chirurgicae* §. 988. usque ad §.  
1022. et le COSTE *Tractatus gallicus de Fistula ani*  
evolveri ac legi merentur.



\* \* \* \* \*

## SECTIO III.

DE

MORBIS RENVM ET VESICAE  
VRINARIAE.

\* \* \* \* \*

## CAP. I.

DE

## CALCVLO RENVM ET VESICAE.

## §. I.



CALCVLI RENALES ac VESICALES in genere quidem salino - mucido-terrea concrementa sunt, variam nihilo- minus apud diversa individua magnitudinein, formam, densitatem atque duritiem obtinent, immo notabile inprimis discrimen calculum renalem et vesicalem intercedere, observatio docet. Nam renalis utplurimum minor est, fragilior, rufescens et in superficie asperior, vesicalis ex adverso, originaliter scilicet in vesica natus, sensim, ob receptaculi  
capa-

capacitatem, in magnam molem augetur, et superficie glabra, texturâ lamellosa, ac multo maiori, quam prior, duritie gaudet. Hisce accedit, quod apud idem subiectum in renibus plerumque plures calculi paullatim nascantur, in vesica autem ut plurimum unicus tantum lamellatim concreascit; quod posterius tamen solummodo de calculis, in ipsa vesica genitis, minime vero de illis intelligendum est, qui ex pelvi renum per ureteres ad vesicam delati sunt.

## §. II.

Inter signa calculi renalis dolor fixus lumbaris minet, quem calculi, in pelvi latitantes, aut ureteribus pridem impacti, duplici modo, nimirum propter asperitatem suam et figuram angulosam pungendo ac lacerando, vel ob magnitudinem duntaxat premendo valideque distendendo provocant. Dolor hic, in casu priori, inhærente scilicet calculo asperiori aut anguloso, atrox, quin atrocissimus punctorius ac lancinans, in casu posteriori autem, impacto nempe calculo granuliori quidem, ast minime anguloso aut valde aspero, ut plurimum lenior saltim gravativo-



tensivus atque pressorius est: Vt plurimum, inquam, non semper; testante enim experientia obtusi quoque calculi, si simul grandiores existant, acerbum dolorem pungentem ac dilacerantem pariunt, quoties sese in caput ureteris altius insinuant, vel, ad vesicam urinariam per ureterem descendentes, sub itinere suo incarcerationantur, adeoque sub pertinaci hac inhæsiōe non solum urinæ transitum impediunt, sed laudatam quoque canalē vehementer distendunt: Immo, frequens docuit observatio, calculos grandiores, simulque angulosos et asperiores, diu interdum in pelvi renū delitescere quietos, nec ulla plane suscitare incommoda, donec fortuito per causas varias, inordinatum v. g. ac vehementem corporis motum, equitationem, duriorē ac diuturniorem vecturam, terrorem, iracundiam, vomitum, tussim, frequentem ster-  
nutationem, adsumpta cathartica et diuretica fortiora, refrigeratione in lumborum et huius commatis alia, ita mediante concussione, aut vehementi fibrarum renalium irritatione ac constrictione, commoveantur, ut situm incongruum nanciscantur, vel penitus e pelvi in angustiorē ureterem exturbentur.

## §. III.

Quamdiu calculus in pelvi renum latet, dolor fixus atque continuus, quem ægri in regione lumbari percipiunt, plerumque obtusus saltim, gravativus atque pressorius, rarius pungens ac lacerans est, quamprimum vero ureterem intrat, eumque libere citoque transire nequit, subito punctorius, lancinans atque dilacerans evadit; unde secundum BAGLIVI effatum *a*), sensus subitaneus rei pungentis, veluti aculei in regione ureteris, signum calculi hac parte iam impulsu certissimum est. Punctorio huic dolori, si calculi nempe incarcerationio diutius perduret, plura molesta pathemata, ardor videlicet lumborum, inflexibilitas spinæ dorsalis, stupor femoris eiusdem lateris *b*), retractio testiculi, tor-

T 5

mina

*a*) In Oper. p. m. 116.

*b*) Stupor hic maior est, et facilius oritur, quando calculus iam ipsum ureterem intravit. Grandior enim calculus, dum in uretere hæret, eumque valde distendit, nervum illum, qui in musculum psoam, reni et ureteri substratum, inseritur, comprimit, et cum musculus memoratus femoris quoque motui interviat, aliter fieri

mina ventris colica, refractaria alvi adstrictio, et frequens vomitus, quo plerumque in principio materia pituitosa, deinde flava, bili haud dissimilis, tandemque æruginosa eiicitur, sese comites adiungunt, immo interdum, si doloris atrocitas valde increfcit, extremorum horror et refrigeratio, spirandi difficultas, animi deliquia et convulsiones supervenire solent. Notatu quoque dignum est, subitaneum calculi per ureterem descensum ad vesicam a dolore haud immunem esse, sed ægrum, dum calculus cum impetu quodam deorsum ruit, ingentem plerumque dorsi atque abdominis cruciatum, magnamque ac repentinam virium deiectionem sentire, quæ non adeo diu tamen perdurant, sed paullo post calculi translationem ad vesicam denuo remittunt. Vrina, quod præcedentibus adhuc addendum censeo, durante infundibuli pelvis aut ureteris obstructione, ut plurimum parcissime fluit, limpidaque et tenuis, vel cruenta est, post calculi vero descensum ad vesicam crassa fit, tur-

nequit, quin contingente aliqua nervi compressione, ipsum femur plus minusve obstupescat.

turbida et interdum subnigricans, ac sabulum plerumque albicans aut rutilans ad matulae fundum deponit.

#### §. IV.

Calculi vesicalis praesentiam alia rursus symptomata, sensus nimirum gravitatis in perinaeo et regione inguinali, magnum et subinde fere indefinens urinam emittendi desiderium, cum insequente nonnunquam dolore colli, quin totius vesicae, acerbiori, frequens dysuria aut plenaria huius excretionis suppressio, subito interdum sub ipso lotii fluxu superveniens, tenesmus ani *a)*, dolor aut titillatio in glande penis, et creberrima huius erectio, excreta urina valde mucosa aut sabulosa et similia produnt. Probe nihilominus circa memorata pathemata notari debet, unice iisdem, quum aliis quoque vesicae morbis quandoque sociata reperiantur, nequaquam

- a)* „Si frequenter, BAGLIVVS in *Oper. p. m.*  
 „117. inquit, mentulam contrectet patiens, et dum  
 „mingere incipit, desidendi quoque voluntate  
 „teneatur, si dum per urbem incedit divaricatis  
 „cruribus obambulet, ex tribus hisce signis de  
 „calculo vesicae certior fies.

fidendum, sed studiose pariter digiti in anum intrusi et maxime catheteris ope explorandum esse, an revera durum eiusmodi concretum lapideum adsit, an libere in vesica hæreat, an vero parietibus aut fundo eius adcretum ac tunica obvolutum sit. Credunt quidem lithotomorum nonnulli, calculum vesicalem semper liberum mobilemque esse, at minime hanc sententiam veritati respondere, aliorum practitorum observationes testantur. Frequentius cæteroquin calculi tunicati prope fundum et in iis maxime locis, ubi ureteres vesicam intrant, hospitantur, quoniam facile accidere potest, ut calculus renalis ad vesicam descendens sub ultimo transitu per ureteres inter tunicas ipsius vesicæ refractarie subsistat, ibidemque, capsula inter tunicas formata, sensim in molem maiorem accrescat *a*).

## §. V.

Nullus quidem homo, cuiuscunque etiam sit temperamenti, sexus, ætatis ac vitæ gene-

*a*) Vid. *Promptuarium Hamburgense* T. 19. P. 5. p. 473. It. *Memoir. de l'Acad. des sciences et des bell. lettr. de Prusse* 1755.



generis, perfecta intuitu lithiasis immunitate gaudet, teste nihilominus experientia, calculi renales ac vesicales frequentius apud subiecta valde sanguinea, habitu corporis laxo ac spongioso prædita, quam apud macilentia cholERICA, ex *partibus urinæ mucido-oleosis* et *salino-terreis rudioribus* generantur, præsertim si hereditaria pridem dispositio adsit, vel aptæ atque solenniores causæ procatasticæ, tam nonnaturales, quam præternaturales, v. g. victus crassior, parcior potus, vita sedentaria, suppressio fluxus hæmorrhoidalis, eidemque postmodum succedentes insolentiores atque creberrimæ cruoris congectiones ad renes aut vesicam, arthritidis, inflammatio, abscessus et ulcus renum aut vesicæ, immo, intuitu calculi vesicalis, frequens ac diuturnior urinæ retentio spontanea concurrant aut præcesserint. Silentio quoque circa calculi vesicalis genesin minime prætermittendum erit, sæpissime illum minori calculo renali, ad vesicam delato, primumque ad- et circumponendis pluribus partibus mucido-fabulosis nucleum præbenti, suam debere originem, et inde etiam facile rationem patefcere, cur in meditullio calculi vesicalis  
ple-

plerumque distinctum quoddam concretum, pluribus ac durioribus lamellis lapideis, ceparum similitudine sibi invicem incumbentibus, cinctum, lateat, immo analogam inde rationem fieri manifestam, cur varia corpora peregrina, hac vel illa occasione vesicæ illata, in diffractis calculis ranalibus nonnunquam reperta fuerint.

## §. VI.

Calculi renales, quod hoc loco cæteris necessario inferendum duco, longe sæpius in rene sinistro, quam dextro formantur; cuius phænomeni diversam scriptores rationem adducunt. BOERHAAVIUS v. g. renem dextrum, quod paullo altius, quam sinister positus sit, sub exercitatione corporis a partibus incumbentibus et vicinis magis moveri, et calculosam proinde materiam in illo non tam facile, quam in sinistro, concreescere posse, existimat a). FRIED. HOFFMANNVS fundamentum in minori caloris gradu, indeque nascente maiori sanguinis per renem sinistrum

a) In *Praelect. acad.* ab Ill. HALLERO editis  
Vol. III. p. 288.

nistrum circulantis spissitudine latitare adserit: „In rene enim dextro, *inquit a)*, quia „hepatis amplo viscere tegitur, et maiori prae „altero calore fovetur, promptior multo atque expeditior evadit sanguinis per huius „renis vasa progressio, feri itidem urinosi se- „paratio: hinc non tam facile sanguinis et „urinæ fieri in hoc possunt stagnationes, ac „in sinistro, qui coli flexura obsessus, ob frequentem restagnationem magis premitur; „ex quo fit, ut liberior per vasa compressa „interceptus cursus difficiliorem laticis urinosi per tubulos transcolationem atque „promptiorem ibi stagnationem et materiae „tartareæ secessionem et concretionem reddat atque efficiat &c., Alii alias causas agnoscunt, quas singulas tamen recensere nolo, sed paucis solummodo pronunciasse sufficiat, rationem, quam IO. HENRICVS SCHVLTZIVS in *Diff. de Lithiâsi, sinistro quam dextro reni magis infesta, c)*, attulit, mihi omnium videri vero simillimam: Cul-  
pam nempe præcipuam in venam emulgentem

a) In *Med. syst.* T. IV. P. II. p. 363.

b) *Cap. III. §. 48.*

tem sinistram reiiicit, quæ non solum multo longior est, quam emulgens dextra, sed aortam quoque supercandit; unde fit, ut sub quavis aortæ dilatatione aliquantulum comprimatur, et cruoris itaque e rene sinistro ad venam cavam regressus identidem retardetur.

## §. VII.

Adfectus renum et vesicæ calculosi in genere quidem suspecti atque periculosi sunt, periculum tamen pro diverso calculi situ, diversa forma, asperitate, applicatione &c. differt. Si calculi enim læviores ac rotundiores, commodumque in pelvi aut vesica situm nacti, perfecta fruuntur quiete, patienti, uti supra pridem (§. 2.) dictum fuit, non adeo singularia incommoda adferunt, et apud subiecta quædam, etiamsi grandiores sint, per plures interdum annos nulla propemodum præsentiae suæ indicia præbent; nec raro etiam fit, ut minores per intervalla satis promte et citra vehementem dolorem cum urina excludantur: Sin vero per causas adæquatas e pristino situ suo pristinaque quiete exturbentur, pro memorata varia magnitudine, forma, asperitate, duritie, et applicatione

tione sua variam quoque actionem hostilem exercent, ac non solum dolores atroces et alia iisdem connexa pathemata suscitant, sed dysuriam quoque, aut ischuriam, intra breve nonnunquam tempus funestam, vel miſtum cruentum et insanabile renum aut vesicæ ulcus, cui lenta postmodum, tandemque heſtica, febris iungitur, producant.

### §. VIII.

Alia calculi commoti, obstruentis, irritantis, aliove modo hostiliter agentis, alia ex adverso calculi quieti, nullam meatuum urinae obstructionem nullumque dolorem provocantis, curatio est. Prior ad *emollientium, demulcentium aliorumque antispasmodicorum* usum præcipue redit, et in capite sequente de *Passione nephritica* §. 9. uberius videnda est; posterior autem calculi *resolutionem, ejectionem et extractionem* concernit. Circa resolutionis possibilitatem scriptores in partes abeunt, et plurimi illam simpliciter negant, pauciores eam simpliciter defendere sustinent, et nonnulli denique, via media incedentes, calculum molliorem ac fragilem, præsertim renalem, subinde naturæ ac medicami-



num actione in massam pituitoso-sabulosam aut minores lapillos rursus dissolvi posse, durioris vero ac compactioris resolutionem nunquam expectandam esse, opinantur a). Sententia postrema mihi præ prioribus magis arridet, licet simul inficias ire nolim, quod in hac parte non facillimus tantum fallaciæ locus sit, sed elogia etiam, quibus celebriora quædam medicamenta lithontriptica, tum recentius inventa, ut *aqua calcis ostrearum* b), et *decantatissimum lithontripticum*

STE-

a) Conferri hoc loco meretur IOH. HEINRICI SCHULTZII *Dissertatio, qua Problema an dentur Medicamenta quæ calculum in vesica comminuant in partem affirmativam resolvitur. Halæ 1736.*

b) „Veruntamen, RICHARDVS MEAD in Libello, „cui Titulus, *Monita et Præcepta medica* p. 99. „scribit, cum in re tanti momenti nihil dissimulare, nihil celare oporteat, utilitatis publicæ causa, quædam a doctissimo Roberto „Whytt, medico Edinburgensi, experimentis „comperta commemorare iuvat. Ille enim, „cum incommodis, tum interdum etiam noxis, „celebris huius antidoti (loquitur autem de Specifico lithontriptico STEPHANIAE, in Anglia tunc „temporis notissimo) perpensis, omisso sapone, vires, quas haberet *aqua calcis*, non calce viva,

STEPHANIAE, virginis Anglicanae a),  
U 2 tum

„sed rite calcinatis ostrearum aliarumque con-  
„charum testis parata, ita ut libræ septem aquæ  
„testarum calcinatarum libræ uni affunderentur,  
„experiri voluit. Res ipsi ex voto cecidit; et  
„multo quidem potentius calculum solvere  
„hunc liquorem, quam vulgarem aquam calcis,  
„fragmentorum calculorum immersionibus in  
„utraque factis facile didicit. Modum deinde  
„illam exhibendi ostendit; quatuorque libras  
„adultos, pueros pro ratione ætatis minus, quo-  
„tidie bibere iubet. Non uno autem exemplo  
„felicem medicinæ huius effectum comproba-  
„vit &c. Aqua hæc, quod allegatis adhuc ad-  
dendum erit, non tantum interne usurpata mul-  
tum ad calculos molliores ac fragiles dissolven-  
dos valet, sed vesicæ etiam tepide atque iterato  
iniec-tam calculo vesicali resolvendo non plane  
imparem esse, ratio non minus, quam observa-  
tiones nonnullæ recentiores comprobant. Qui  
uberiorem cæteroquin huius aquæ eiusdemque  
virtutis notitiam desiderat, scriptum evolvat,  
quod Dn. WHYTT sub titulo: *An Essay on the  
Virtues of Lime-Water in the Cure of the Stone*  
by Robert Whytt M. D. Edinburgi 1752. edi-  
dit. Legi etiam possunt, quæ de hac aqua in  
*Promptuario Hamburgensi Tom. XIV. P. 2. p.*  
*199 sequ. exposita sunt.*

a) Plura de famoso hoc medicamento specifico

tum diutius pridem nota, ac passim in libris medicorum descripta, ornantur, effectu vere observato persæpe multo maiora existant, quin falsis haud raro aliorum relationibus nitantur.

### §. IX.

Irrito prorsus pharmacorum usu, præsentente grandiori calculo vesicali, sola tantum *Lithotomia*, quoad variam administrandæ methodum a plerisque chirurgiæ doctoribus et adcurate inprimis a PALVCCIO a) descripta, superest; præsentente vero simili calculo renali, nullum amplius auxilium suppetit, sed perferendum, quod non mutandum est. Loquuntur quidem scriptorum nonnulli etiam de *Lithotomia renali*, eamque non plane impossibilem esse, opinantur: Verum enim vero, quum operatio hæc pro meo iudicio pericu-

in vix allegati SCHULTZII et IVNCKERI Dissertationibus, de illo Halæ quondam habitis, videri possunt.

- a) Vid. Eiusd. *Neue Anmerkungen über den Steinschnitt &c. Aus den Französischen übersezt, mit Kupfern. Leipzig, bey Fr. Laukischens Erben. 1752.*

riculossissima sit, et aptior omnino ad ægrum interficiendum, quam conservandum, commendare eam minime audeo, et ista saltem, quæ IO. ALLEN, præeunte GROENFELDIO, de illa retulit, adducam: „Calculus „grandior, sic verba sonant a), in rene una „cum eiusdem ulcere est calus desperatus; „aliquando vero natura, dictu mirabile, ultra „spem omnem abscessum efficiens per ipsos „spinales musculos viam patefecit ad calculum eiiciendum, et tandem ulcus consolidatum fuit. Atque hinc quasi charta provocatoria, natura monstrante viam, ad aliquid tentandum ars nostra laceffitur. Audax, „omnia perpeti, gens humana. Operati- „nem *lithotomiæ* vesicalis omni ævo chirurgi „exercitarunt; sed de *lithotomia renali*, quod „scio, nusquam omnino audivimus ante celebrem *Dominicum Marchetti Pataviensem*, „qui e rene *Consulis Hobson* calculum sectione eduxit, ægrumque ad integram sanitatem restituit. *Transact. Philosoph. no.* „223. Vnam adhuc aliam *Nephrotomiæ*

U. 3

in-

a) In *Synopsi Med. pract. Cap. VII, art. 41, p. m. 263.*

„instantiam pari successu ex historia Gallica-  
 „na affert *D. Freind. Hist. Med. Vol. 2.*  
 „p. 185. Sed ut cum sagaci D. Ritty lo-  
 „quamur (in eleganti suo tractatu de *ducti-*  
 „*bus urinariis*) ex consideratione partium  
 „secundarum est saltem pura puta *possibilitas*,  
 „ut hæc operatio feliciter succedat, *proba-*  
 „*bilitas* vix aut ne vix quidem &c.



## C A P. I I.

DE

## P A S S I O N E N E P H R I T I C A.

## §. I.

**P**ASSIO NEPHRITICA, alias etiam  
*Malum nephriticum*, *Nephralgia* (a  
*νεφρὸς*, *ren* et *ἀλγέω*, *doleo*), itemque, quan-  
 quam generatim minus recte, *Nephritis* nun-  
 cupata, est adfectio renum dolorifica, a cal-  
 culo aliisve caussis inducta.

## §. II.

Dolor, qui morbi quasi essentiam con-  
 stituit, et regionem lumbarem dextram aut  
 sinistram



sinistram, vel etiam, licet rarissime, utramque occupat, modo vehementior ardens, pungens, morficans, lacerans, modo remissior tensivus, aut pressorio-gravativus est, et in dicta quidem regione lumbari sedem fixam atque primordia habet, inde nihilominus, propter nexum nervorum, membranarum &c., ad dorsi spinam et pubis regionem extenditur, immo altius haud raro in abdominis cavitatem penetrat; unde etiam fit, ut varia alia pathemata, magis nimirum minusve cohibita diuresis, cruris, reni dolenti subiecti, stupor, dolor inguinis, et apud viros vicini testiculi retractio, itemque pertinax alvi obstructio, tormina ventris colica, ructus frequentes, nausea ac vomitus accedant. Monendum tamen erit, pro differenti causarum indole, modo hæc, modo illa atrociora reperiri. Nam stupor cruris v. g. præsentem inprimis calculo, supervenit, et magna incrementa capit, quando calculus, præsertim grandior, e pelvi ureterem ingressus, angustumque hunc ductum valde distendens, substratum musculum psoam eiusdemque nervum violentius comprimit.

## §. III.

Facile consensualis colica nephritica cum vulgari colica idiopathica confundi potest; quare ut circa diagnosin omnis evitetur error, sequentia notanda erunt: 1) Dolor colicus acerbissimus, contorquens quasi, lacerans et vage lancinans est, nephriticus vero comparative mitior, magisque pressorius deprehenditur, nec ægrotantium quoque vires tam subito, quam ille, deiecit: 2) Dolor colicus ordinario cinguli instar medium ventrem adfligit, et magis vagus est, nephriticus ex adverso, in rene affecto et lumbari regione fixus, indeque ad spinam dorsii et adhuc magis, secundum ureteris longitudinem, ad testem cum femoris stupore exporrigitur, immo ulterius descendit, ita ut ægri in urethra et glande virili titillationis molestæ aut puncturæ sensum percipiant: 3) Post alimentorum adsumptionem dolor colicus ordinario augetur, nephriticus ieiuno ventriculo magis urget, paullulumque post pastum remittit: 4) Excretio alvina et vomitus maius levamen colico, quam nephritico dolori afferunt; 5) Vrina sub colicæ initio crassior est, in passione nephritica primum clara ac tenuis,

renuis, postea aliquid subsidet, et tandem renulæ, aut lapilli, aut copiosa materia sabuloso-pituitosa, aut salino-tartarea, in splendentes moleculas in vitri fundo concresecens, excernuntur a).

#### §. IV.

Præter *calculus renalem*, cuius effectus n vix præcedente capite §. 2. et 3. fufius dudum descripsi, ad cauffas nephralgiæ proximæ *sabulosa* pariter ac *mucido-tartarea materia*, quæ, diutius in renibus retenta, in unum tandem aut plures lapides concrefcit, referenda venit, quando in pelvi coacervatur ac vehementius per cauffas, supra (cap. I. §. 2.) allegatas, commovetur, vel e renibus ad vesicam descendens, in uretere subsistit, eumque magis minusve obstruit, atque distendit: dolor tamen et symptomata reliqua, quæ excitat, remissiora sunt, quam calculo compacto ac grandiori inhærente, et citius quoque remittunt, quoniam obstruens saburra

U, 5 pitui-

a) Conf. 10. ALLEN in *Synopsi Univerſæ med. pract.* p. 230. It. FRID. HOFFMANNI *Med. syst.* T. IV. Part. II, Sect. 2, p. 362.

pituitoso - fabulosa lotio insequente et adhuc magis iterata tunicarum pressione facilius resolvitur, ac citius itaque ex uretere in vesicam transit. Durante ureteris obstructione, urina pauca quantitate prodit, et ordinario tenuis atque aquosa est, deinde vero, resecrata nimirum ureteris obstructione, crassa turbidaque redditur, et copiosas partes pituitosas, fabulo albicante aut rutilante mixtas, ad vitri fundum ac latera deponit. A fabuloso-mucida hac materia *recrementa* illa *tartareo-salina* itemque *tenerrima* ac *rutilantia fabulosa*, quæ apud arthriticos, scorbuticos, hypochondriacos aut gravi rheumatismo laborantes, in urina excreta, sub forma sedimenti vel rutilantis atque tenerrime fabulosa *a)*, vel mucido-latericii, vel micantis et subinde plane crystallini tartareo-salini, haud raro conspicua sunt, intuitu naturæ et actionis parum recedunt: Id tamen adhuc notari debet, recrementa hæc post secretionem largiorem et sub ulteriori descensu suo non solitarium dolorem nephriticum, sed vesicæ dolore, ardore urinæ, et continua propemodum stranguria stipatam, producere.

§. V.

*a)* Conf. ALLEN *L. c. Cap. VII. art. 56.*

## §. V.

Aliam rursus passionis nephriticæ causam *inflammatio* constituit, quam interdum vulgares atque communes inflammationum genitores, interdum vero, ac multo quidem frequentius, asperiores aut commoti calculi renales, itemque accumulata materia sabulosa, aut tartareo-salina fibrarum laceratione, aut violentissima ad minimum earundem irritatione provocant. Strictè hæc species *Nephritis* vocatur, et semper febrem continuam, quæ præcipuum eius signum pathognomonicum suppeditat, pedissequam habet. Dolor, cui sese, æque ac in plerisque speciebus reliquis, ructus crebriores, vomitus biliosus, tormina colica et iliaca, retractio testiculorum, et stupor cruris subiecti iungunt, in regione lumbari continuus, valde ardens, pulsativus et interdum quoque pungens est. Urina rarisissime fluit, quin, admodum aucta vasculorum strictura et intumescencia, penitus haud raro supprimitur, et in principio atque progressu valde rubescit, deinde autem, magis scilicet ad summum provecto gradum, impida et aquosa redditur.

## §. VI.



## §. VI.

Eventum hic morbus vārium, eumque nunc bonum, nunc malum, nunc plane funestum fortitur. Si inflammatio enim ante diem septimum perfecte rursus dissolvitur, nihil incommodi remanet; sin ultra septimum autem diem excurrat, abcessus, quem formari horror sæpius recurrens, notabilis remissio doloris, pulsatio fortis et gravitas stuporque partis affectæ indicant, generatur, eodemque rupto, dolor ardens ac morficans supervenit, et urina purulenta ac foetida excernitur. In gangrænam denique ac sphacelum, cui mox ipsa mors succedit, inflammationem abiisse, repentina doloris citra congruam causam cessatio, subitaneus virium lapsus, sudor frigidus, pulsus debilis intermittens, singultus et urina, si adhuc aliqua scilicet eiusdem excretio contingat, foetida admodum, livida, nigricans, capillosa, fuscisque ac nigris carunculis referta, testantur.

## §. VII.

Abscessus memoratus, inflammationi nonnunquam succedens, consolidationem per-

per sæpe respuit, et in refractarium *ulcus*, quod novam rursus doloris nephritici causam suggerit, degenerare solet: Simul tamen hoc loco notandum venit, non abscessum duntaxat ulceri generando aptum esse, sed istud haud raro etiam calculos asperiores atque vehementius commotos, itemque supra adducta recrementa humorum caustica, largissime ad pelvim deposita, lacerando, erodendo, ac corrodendo excitare. Dolor, præsentem hac causa, in regione lumbari rodens ac morificans est, urina, quod præcipuum signum diagnosticum existit, foetente materia carunculisque ulcerosis, superficiei plerumque inatantibus, scatet, et per intervalla etiam multo cruore permixta cernitur, dolores colici cum pertinaci alvi obstipatione identidem oriuntur, tandemque tabes corporis universi, febre lenta stipata, accedit, omnemque sanationis spem tollit.

### §. VIII.

Ad causarum denique censum *congestiones sanguinis impetuosiores* referendæ sunt, quæ interdum, apud senilis inprimis ætatis subiecta, versus renes fiunt, ibidemque vehementem

mentem vasculorum sanguiferorum distensionem, fibrarumque nervearum pressionem et hac mediante violentam quoque earum stricturam efficiunt, quando fluxus hæmorrhoidalis supprimitur, vel, deficiente omni-  
moda cruoris excretionē, sic dictæ hæmorrhoides cæcæ superveniunt, et acerbiores dolores in dorso, ventre infimo et intestino recto provocant. Similes cruoris regurgitationes versus renes subinde etiam sub refractaria fluxus menstrui suppressione observantur; monendum tamen, dolorem nephriticum longe sæpius congestiones hæmorrhoidales, quam hystericas, subsequi, nec ignorari quoque oportet, huius originis dolori nephritico persæpe mictum cruentum, præsertim si tempestiva sanguinis abundantis detractio neglecta fuerit, complicari.

#### §. IX.

Curatio passionis nephriticæ, propter causarum discrepantiam diversimode institui debet. Nam calculo præsentē, aut coacervata duntaxat materia pituitoso sabulosa, medela in principio ita maxime adornanda est, ut spasmi fibrarum ac membranarum insolentiores

lenticiores tollantur, quo calculi grandiores ad  
 pristinam rursus quietem redire, pituita au-  
 tem sabulum et lapilli minores, viis laxatis,  
 promoveri melius atque expelli possint. Ad  
 obtinendum igitur hunc scopum præ reliquis  
*emulgentia*, *demulcentia* et *lubrificantia* sese  
 commendant, quæ temperata natura ungui-  
 noso-oleosa, mucilaginea ac gelatinosa gau-  
 dent; uti ex internis v. g. sunt iuscula car-  
 nium, præsertim carnis bovinæ, vitulinæ ac  
 gallinaceæ, iuscula hordeacea et avenacea,  
 cum floribus chamomillæ vulgaris, radice  
 althææ, graminis &c. cocta, et spermate ceti,  
 oleo amygdalarum dulc., olivarum, lini, cre-  
 mæ lactis, butyro nondum salito &c. po-  
 tentiora reddita, itemque lac recens tepidum,  
 serum lactis dulce, electuarium ex oleo amyg-  
 dal. dulc., spermate ceti et pauxillo rhabar-  
 bari orientalis, ut et emulsiones ex aquis re-  
 frigerantibus et amygdalis dulc., sem. qua-  
 tuor frigidis maioribus et minoribus, nitro  
 lep., syrupo dialthææ FERNELII, papa-  
 veris albi &c., decocta aquea tepide hausta  
 ex hordeo, avena, rad. althææ, taraxici, scor-  
 oneræ, glycyrrhizæ, rasura C. C., eboris  
 &c. Pituita valde simul abundante, pulve-  
 res

res quoque ex lap. cancrorum, nitro, tartaro solubili, spermate ceti et liquiritia egregie profunt.

### §. X.

Præter allegata antispasmodica inter *u.*, *externa* pariter *emollientia*, cataplasmata scilicet, fomenta, femicupia, unguenta, v. g. ungu. dialth., anodynum, et clysmaticum, linimenta ex oleis et pinguedinibus, nec non clysteres e rad. althææ, malvæ, lilior. alb., flor. meliloti, chamomillæ, sambuci, lilior. alb., sem. lini, fœni Græci &c., vel ex meris subinde oleis unguinis, oleo lini, v. g. olivarum, amygdalarum dulc., oleo infuso chamomelino, flor. verbasci &c., in auxilium vocari poterunt. Absit tamen usus horum posteriorum diuturnus ac crebro repetitus, ne intestina tono suo nimium priventur, et inde igitur aliarum postea ægritudinum fundamenta ponantur.

### §. XI.

Cessante partium affectarum strictura, quod e doloris cæterorumque symptomatum remissione patet, sabulum, pituita, et lapilli minores



minores facile quidem per ureteres in vesicam transeunt, indeque haud raro etiam a natura prorsus expelluntur: Attamen, quum hoc non semper accadat, adeoque alio tempore novi iterum insultus nephritici metuenti sint, *mitiora* postmodum, immo interdum, nisi grandioris forsan calculi suspicio adsit, *fortiora pellentia diuretica* exhibere proficuum erit. Militant inter medicamenta hæc aquæ soteriæ minerales Spadanæ, Egranæ, Selteranæ &c., vel per se, vel cum lacte haultæ, decocta et infusa theiformia ex rad. cichorii, taraxaci, pareiræ bravæ, saponariæ, pimpinellæ albæ, hba petroselini, hederæ terrestris, virgæ aureæ GESNERI, chamælyros nobilis, teucorii veri, theæ orientalis, scor. calcatrippæ, sem. foeniculi, dauci, baccis uniperi, flaved. cort. citri, ligno nephritico, Guaiaco &c., pulveres e rad. irid. Florent., urcumæ, asellis pptis, coccionella, granis hermes, nitro, tartaro solubili, arcano tartari, regulo antimonii medicinali, sulphure antimonii aurato &c., mixturæ concentratæ & tinctura rhabarbari, succini, benzoës, antimonii, tartari, ess. pimpinellæ albæ, gummi ammoniaci, spiritu nitri aut salis dulcificato,

Tom. II. X liquore

liquore anodyno minerali &c., et mixturæ denique temperatiores ex liquore terræ foliatæ tartari vinoso, aut solutione florum salis ammoniaci aquosa et extr. angelicæ, card. benedicti, trifolii fibrini, chamomillæ vulg. &c., quibus, si utile tutumque visum fuerit, prædictæ tincturæ ac spiritus nunc maiori, nunc minori quantitate addi poterunt. Iterum cæteroquin iterumque circa pharmacâ memorata monendum venit, usum eorum solummodo, lapillis minoribus, sabulo, materia pituitosa, aut salino-tartarea præsentibus, locum invenire, grandiori autem calculo inhærente, vel nihil amplius, ne turbæ vix sedatæ revertantur, suscipiendum, vel ea tantum in usum trahenda esse, quæ calculum iam compactum sensim dissolvere creduntur.

## §. XII.

Quemadmodum emollientia, lubricantia ac demulcentia sub nephritidis calculosæ, sabulosæ, et huic quoddammodo analogæ scorbuticæ, rheumaticæ, arthriticæ &c. curatione primariis indicationibus præcipue satisfaciunt, sic maximum auxilium in nephritide stricte sic dicta seu inflammatoria a *venæse-*

*ctione*

*Etione et temperantibus, leniterque discutientibus antifebrilibus* expectandum est. Phlebotomia in brachio institui et interdum quoque, si inflammatio scilicet gravior ac refractaria existat, semel aut bis reiterari debet. Ex antorgasticorum &c. classibus singula quidem huc pertinent, quæ in reliquis febribus inflammatoriis profunt, præ multis nihilominus decocta avenacea et hordeacea cum rasura C. C. aut eboris et radicibus althææ, scorzonæ, graminis arvensis &c., nec minus serum lactis dulce et acidulum, emulsiones ex aqua endiviæ, lactucæ, flor. acaciæ, boraginis, nymphææ, amygdalis dulc., sem. quatuor frig. mai. et minoribus, papaveris albi, et nitro dep. sese commendant. Externe discutiendi scopo laudatur camphora, et in principio pariter clysmata, epithemata et cataplasmata emollientia conducunt. Si inflammatio, quod adhuc addendum censeo, in abscessum abeat, facta ruptura, tempestive *mundificantia et vulneraria interna* adhibenda sunt, ne ulcus sordidum, difficillime iterum sanabile, inde generetur.

## §. XIII.

Multa e vix commendatis remediis, maxime autem *venæsectio in pede* et *temperantia aquea*, *nitrosa* atque *acidula* interna, magnopere etiam in dolore nephritico, a vehementi congestione hæmorrhoidali oriundo, prodesse consueverunt, nec contemnendam pariter opem *pediluvia*, *clysteres mere emollientes*, *sacculi huius census*, cum lacte cocti et ano suppositi, itemque *hirudines*, prominentibus venarum nodis adplicatæ, ferunt. Quod reliqua autem emollientia, quæ regioni lumbari adplicari solent, attinet, illa in principio saltem et sub maximo doloris spasmodici vigore locum inveniunt, deinde vero ab ulteriori eorum usu abstinendum erit, ne fibris renalibus nimia inducatur relaxatio, et cruor itaque maiori impetu ad partes debilitatas ruat.

## §. XIV.

Ad ulcus sanandum a scriptoribus multa quidem ac varia laudantur, ast dolendum, quod effectus eorum, præsertim si ulcus aliquamdiu perduraverit, et lenta pridem febris illi iuncta sit, rarissime voto ac spei respondeant.

deant. Quicquid interea sit, medicus officio suo perfungi, et congrua pharmaca *demulcentia, mundificantia ac consolidantia* ægro præscribere tenetur. Spectant ad illa, præter lac asininum et vaccinum, serum lactis, hydromeli, aliaque demulcentia, dudum recensita, decocta ex rad. glycyrrhizæ, althææ, levistici, angelicæ, gentianæ rubræ, caryophyllatæ, anchusæ, hb. melissæ citr., agrimoniae, chamædryos nob., betonicæ, alchimillæ, flor. millefolii, hyperici, virgæ aureæ, sem. lini, santonico, dactylis, iuiubis, caricis pinguibus &c., electuaria ex melle rosarum syrupo dialthææ et de symphyto FERNE-  
LII, extr. cent. minor., card. bened., scordii, chamomillæ vulg., angelicæ, myrrha genuina, balsamo Peruv., croco orientali &c., et pilulæ ex terebinthina lota non minus, quam liquida recenti, aloe rosata aut violata, gummi galbano dep., extractis vix memoratis, balsamo Peruviano, Tolutano et de Copaiva, myrrha genuina, pulvere croci orient., granorum chermes &c. Hisce nonnulli rhabbarum, parva dosi, ast sæpissime, adsumtum, itemque radicem pareiræ bravæ in decocto aquoso, aut pulvere usurpandam, ad-

X 3

dunt,



dunt, eademque in renum atque vesicæ ulceribus specifica esse affirmant, immo alii aquam calcis, tum vulgaris, tum calcis ostrearum aliarumque concharum, nec minus æthiopem mineralem et tincturam antiphthificam GRAMMANNI valde deprædicant. Aquam calcis vivæ subinde exsiccandi fine admitto, æthiopis mineralis vero ut et tincturæ antiphthificæ usum suadere nequeo, quoniam prior nunquam ad sanguinem ac renes penetrat, et posterior forti fibrarum constrictione necessariam materiæ ulcerosæ excretionem facile impedit.



## CAP. III.

DE

## ISCHVRIA ET DYSVRIA.

## §. I.

**D**YSVRIA (ex δύς difficile et ἔργον, *urina*) et ISCHVRIA (a ἵχω *cohibeo* et ἔργον,) gradu duntaxat ab invicem differunt: Hac quippe suppressionem urinæ omnimodam,

dam, ita ut ne guttula quidem effluere possit; illa vero imminutam saltim, difficilem et plerumque dolorosam eius excretionem denotat.

## §. II.

Multa igitur dysuria cum *stranguria* communia habet, et facile adfectus uterque ab incautis, si ad nota differentiae criteria debite respicere negligant, confunditur: Sunt autem haec criteria sequentia: 1) In *stranguria* urina guttatim, in dysuria autem, si fluat per intervalla, sine interruptione et maiori, quin iusta interdum quantitate, excernitur, 2) in dysuria dolor ardens ac morficans solummodo inter mingendum, in *stranguria* post mictionem sentitur, et inter mingendum tantummodo frigus quoddam in urethra percipitur.

## §. III.

Ischuria ordinario a practicis in *veram* sive legitimam et *notham* sive spuriam distinguitur. Vera audit, quando plenaria urinae suppressio, vesica plena existente, supervenit; notha ex adverso nuncupatur, quae, vacua vesica et renibus tantum aut ureteribus obstructis, accidit. Vera ex pondere atque dolore tensivo in hypogastrio, nec minus ex

continuo mingendi desiderio magnoque, quanquam irritato, conatu, et conspicuo insuper in regione pubis tumore, quem vesica turgida producit, cognoscitur; spuriam contra adesse, non tantum ponderis, tensionis atque tumoris in loco memorato absentia, sed perceptibilis quoque vesicæ vacuitas testantur. Aeger præterea nullum in hac posteriori mingendi desiderium, nullamque vesicæ irritationem sentit, et nihil quoque inde effluit, quando catheter, cui liberior plerumque aditus patet, per urethram immittitur.

## §. IV.

Causa obstructionis in ischuria non minus, quam dysuria, vel in ipsis viis urinariis, nunc scilicet in renibus aut ureteribus, nunc in vesica, nunc in urethra, latet, vel in aliqua quadam parte vicina, intestinis v. g., utero &c., quærenda est, et in genere ad *obturationem viarum* sive obstructionem proprie tatem, ab inhærente corpore peregrino ortam, vel ad *constrictionem earundem spasmodicam*, vel *compressionem*, vel *collabescentiam* aut *concretionem*, vel *atoniam*, quin ipsam haud raro *paralyin* redit.

## §. V.

## §. V.

Inter causas obstruentes primæ classis calculi, pelvi, vel ureteribus, vel vesicæ, vel urethræ inhærentes, principem locum occupant. Notari tamen debet, calculos, infundibulo pelvis aut ureteribus impactos, solummodo ischuriam spuriam producere; omnimodam ex adverso urinæ suppressionem sive ischuriam veram sequi, quando calculus, circa collum vesicæ stabulans, eiusdem orificio adplicatur, aut, propter magnitudinem suam atque asperitatem, in urethræ angustiiis retinetur. Ultima hæc incarcerationio frequentius apud nobilioris, quam sequioris sexus subiecta accidit, quoniam in urethra muliebri una tantum, in virili autem tres angustiae notabiliores occurrunt; facilius tamen apud viros, quam foeminas, canali urinario impactus, detegitur, dum mentulæ contrectatione præternaturalis urethræ distensio, et præcipua torturæ calculosæ sedes explorari possunt.

## §. VI.

Obturationem meatuum urinariorum alio tempore *materia sabuloso-pituitosa*, circa collum et orificium vesicæ coacervata,

X 5

præstat.

præstat. Pituïta hæc, arenulis sociata, plerumque naturalis est: Dum calculus enim aut fabulum vesicæ tunicas graviter irritat, mucus, qui ex parvis glandulis excernitur, et parietes internos contra urinæ acrimoniam defendit, sensim abstergitur, vel rectius, spasmorum vehementia violenter excutitur, et cum fabulosa materia postmodum miscetur. Negari cæteroquin nequit, subinde, præsentem nimirum spissitudine ac mucida humorum dyscrasia, multum quoque pituitæ cum urina in renibus secerni, et post descensum suum in vesicam obstruentis materiæ molem augere, immo, si copiosior, tenacior et acrior fuerit, solam quandoque obstructionis causam materiale constituisse; uti hoc apud arthriticos, hæmorrhoidarios aliosque observare licet. Pituitosa hæc saburra interdum tam crassa, tam tenax ac glutinosa est, ut in filamenta concreascit, et pertinacissimam orificii vesicæ et urethræ obstructionem concitet a).

## §. VII.

a) Conf. ZAC. LVSITANVS Cent. II. Prax. admirand. Obs. 64. It. TH. BARTHOLINVS in Ast. H. fu. Vol. V. Hist. 2.



## §. VII.

Ad censum causarum, inhaesione sua aut incongrua applicatione naturales lotii canales obstruentium, etiam *grumi sanguinis, copiosa ac crassa materia ulcerosa, nec minus excrescentiae scirrhusæ aut fungoso-carneæ circa collum vesicæ b), et carunculæ, in ipsa urethra*

- a) FABR. HILDANVS apud virum 80. annorum, post multas tandem ac varias corporis ærumnas extinctum, in vesicâ *excrescentiam scirrhusam*, magnitudine ovum gallinaceum, duasque uncias pondere æquantem, et ante ipsum collum pertinaciter adhærescentem, invenit. *Cent. II. Obs. 65.* FRANCISCVS de le BOE SYLVIVS Amstelodami apud foeminam, fluxus menstrui et urinæ suppressione simul laborantem, tandemque pariter mortuam, *carnem*, ex vesicæ fundo per ipsam urethram excrescentem, eamque obturantem, vidit. *Oper. med. Lib. I. cap. 57. p. 246.* Et TH. BARTHOLINVS denique bina *tubercula scirrhusa*, forma et magnitudine testium, in vesicâ circa orificium sibi opposita, observavit. Hæc, syringa immissa, cedebant quidem, ast, ea extracta, rursus in pristinum locum revolvebantur, et foramen vesicæ obtegebant. Vid. *Cent. II. Hist. 52.*

*urethra nata*, referri merentur; quae causae tamen difficile deteguntur, nisi medicus ad praegressa, ad mictum nempe cruentum, frequentem ac vehementem dolorem renum aut vesicae, a calculo aut acri humore ortum, excretionem materiae ulcerosae cum urina, gonorrhoeam virulentam, intempestive per styptica cohibitam aut inveteratam, aliosque adfectus genitalium venereos probe attendat.

### §. VIII.

Altera ischuriae et dysuriae causa primaria atque generica, *spasmus* nempe *gravior*, vel in renibus, vel ureteribus, vel vesica nascitur. Si in vesica sedem habet, nunquam fundum in morbis hisce, sed semper collum et sphincterem adfligit: Fundo enim spasmodice adfecto, urinae excretio non imminuitur, sed impetuosior potius, quin magis magisque debilitato sphinctere renitente, in voluntaria evadit; sphinctere autem spasmolaborante, foramen vesicae arcte constringitur, et exitus lotio prementi denegatur.

### §. IX.

Memorata adfectio spasmodica, sive renes et ureteres, sive vesicam corripiat, variis  
rursum

rursum causis, nunc scilicet *materiae salinae acri, rodenti, pungenti, aliove modo irritanti*, nunc *inflammationi*, nunc *exulcerationi*, nunc, quanquam rarissime, *vermibus* ortum debet. Materia irritans salina vel ex sanguine in renibus aut vesica fecernitur, et urinae miscetur, vel in vesica demum generatur. Prius, uti in praecedente dudum capite dixi, apud subiecta scorbutica, arthritica et venerea satis solenne est, et subinde etiam accidit, quando exhalatio cutanea, post praegressum imprimis vehementem aeris calorem aestivum, subito imminuitur, et acriores igitur humorum quisquiliæ ad interiora repelluntur, vel faeculenta etiam ac fermentantia potulenta, fructus horaei, praesertim immaturi, aliæque alimenta ac condimenta acida, salsa &c. largius adiuncta fuerunt; posterius vero fieri observamus, quoties urina varias ob causas iusto diutius in vesica retinetur, et adhuc magis, si aliqua urinae portio, post imperfectam emissionem relicta, longiores in vesica moras necesse cogitur. Minime praeterea hoc loco praetermittendum erit silentio, hostilem materiam irritantem non semper in ipsa urinae receptacula atque meatus deponi, lotio-  
 que

que misceri, sed in solis subinde vasculis sanguiferis et lymphaticis, tunicas &c. perrepantibus, subsistere. Saepius eiusmodi decubitus apud homines, scorbuto, arthritide, scabie, lue venerea, variolis, morbillis, purpura, quin graviore rheumatismo laborantes, observatur, quando impuritas acrior, iam ad peripheriam corporis, vel loca tamen peripheriae proxima, salutariter delata, retro pellitur, vel sponte etiam ad interiora remeat, et renes, ureteres, aut collum vesicae obsidet.

§. X.

De inflammatione et exulceratione renum, qui affectus in antecedente pridem capite expositi fuerunt, specialia rursus afferre supersedeo: Quod vesicae autem inflammationem et exulcerationem attinet, de illis pauca hoc loco subiungam. Inflammatio, cuius praesentia partim ex complicata febre, caeterisque consuetis inflammationum symptomatibus, partim ex ardore et tumore infra perinaeum et supra pectinem ac pubem, cui frequens desidendi desiderium et valde dolorifica, parcissima et saltim guttatim fiens  
urinae

urinae excretio iuncta reperiuntur, cognoscenda est, saepe a sanguinis circulantis vicio oritur, ac saepe pariter imprudentem calculi sectionem, improvidam ac violentam catheteris intrusionem, nec minus contusiones et ictus pubis aut perinaei et laesiones colli atque spinæteris graviores sub sectione fistulae ani, sub partu difficili &c. sequitur. Exulceratio interdum inflammationi, in suppurationem abeunti, succedit, interdum vero calculi asperiores, pulvis cantharidum et alia adsumpta caustica illam producant, immo ulcus prostaticarum venereum saepissime, si ob diuturnitatem altiores egerit radices, aut male tractatum fuerit, ad ipsam serpit vesicam et anteriorem et posteriorem colli superficiem tandem penitus depascit.

## §. XI.

Praesente vesicae ulcere, urina, quae identidem excernitur, ulcerosa quidem materia, vel hac et simul sanguine permixta excernitur: Attamen, quum tale quid etiam sub renum exulceratione contingat, nec indiget locus specialis certo pateat, sequentia adhuc notanda veniunt. Si 1) pus exit,  
ante-



antequam ipsa urina fluat, et dolor præterea circa collum vesicæ, vel in ipsa urethra est, ulcus quoque collum vesicæ aut urethram obfidet; si dolor vero 2) in perinæo aut pube tyrannidem suam exercet, et ulcerosa materia, paucio saltem lotio permixta, eaque cruda parumque cocta, variegata, valde graveolens, minori quantitate egreditur, ulcus in vesica latet, et quoties denique 3) dolor fixus regionem lombarem vexat, et materia alba, lævis, vel inodora prorsus, vel magis minusve foetens, lotio, quod lacti ideo haud dissimile prodit, permixta, copiosius emittitur, fundumque post temporariam quietem petit, ruptum abscessum vel ulcus in renibus esse, cognoscitur a). Hisce addendum quoque erit, lotium quandoque copiosam ac crassam materiam furfuraceam secum educere, indeque evadere manifestum, vesicam non simplici laborare ulcere, sed totam superficiem internam, vel maximam tamen eius partem, scabie affectam esse a).

#### §. XII.

Præter causas spasmi, ipsis organis urinariis inhærentes, istæ pariter annotationem ali-

a) Conf. RIVIERUS in *Prax. med.* Lib. 14. cap. 5.

aliquam merentur, quæ has partes solummodo extrinsecus, aut saltem consensualiter adficiunt; cuius census v. g. sunt *sanguis*, quacunque de causa in abdominis cavitatem effusus, *aqua*, apud hydropicos extravasata ac mora diuturniori valde acris reddita, itemque *materia saniosa* aut *purulenta*, ex ruptis viscerum cæterarumque abdominis partium abscessibus aut ulceribus promanans, *ulcus* et *inflammatio intestini recti* a), aut *cervicis uteri* apud fœminas, nec minus *impuritas acris*, aut *vermiculi*, in *intestino recto circa anum* hospitantes, *læsiones externæ graviores perinæi*, *tubis et lumborum*, *dysenteria*, *colica vehemens*, et atrociora ac valde dolorifica *molimina hæmorrhoidalìa*. Postrema hæc causa, quæ pertinacem sanguinis visceri in vasis hæmorrhoidalibus stagnationem, adaccumulationem, et violentam per vasa connexa ad vesicam congestionem supponit, creberrime inprimis pud viros, in senio pridem, aut ætate seniliroxima constitutos, largis olim hæmorrhagiis

a) Vid. FRID. HOFFMANNI *Med. Systemat.*  
L. c. p. 402. §. II.

giis et frequenti venæsectioni adsuëfactos, annotatur, et maiori omnino præ multis aliis consideratione digna existit. Occasionem genesi eius diæta lauta, atque vinosa, vita sedentaria, excessus veneri, neglecta phlebotomia et varia animi pathemata largiuntur. Crescit in dies, nisi provida ac tempestiva feratur medela, et dum atrocius sævire incipit, præter refractariam dysuriam et urinæ ardorem, vehementes dolores colici et cardialgici, multaque symptomata alia, hypochondriacis simillima, oriuntur, quæ habitum corporis sensim extenuant, vires consumunt, tandemque ægrum vita spoliant a).

## §. XIII.

Tertiam ischuriæ ac dysuriæ causam genericam, ad *viarum* scilicet *compressionem* maxime redeuntem, *ureterum*, *colli vesicæ*, *urethræ*, quin *totius* apud viros *mentulæ inflammationis*, nec minus *tumor prostaticus*, præsertim *venereus*, *præternaturalis excrescentia capitis gallinaginis*, *steatomata*, aliaque du-

a) Conf. IO. IVNCKERI *Diff. de Dysuria senili, ex moribus hæmorrhoidalibus oriunda.*

*ra tubercula, circa collum vesicæ, inter vesicam et intestinum rectum, vel apud fœminas inter vaginam uteri et intestinum rectum nata a), itemque scirrhostas ureterum, et vasorum sanguiferorum in ureteribus aut collo vesicæ obstructio et varicosa intumescencia producunt, immo, iisdem interdum quoque excrementa alvina, valde in intestino recto coacervata et indurata, pondus molesque uteri apud gravidas, et colli b) aut alterius partibus*

Y 2

a) Vid. IO. HEINR. SCHULTZII *Diff. de Excretionē urinae imminuta et suppressa* §. 16. et 18.

b) „Inflexa, FEL. PLATERVS *Prax. med. T. I.*  
 „p. 442. scribit, seu contorta vesicæ cervice,  
 „sic ut in intestinorum convolvulo accidere di-  
 „ximus, urinam penitus suppressam fuisse in  
 „piscatore observavimus, cui vesica, facta ruptu-  
 „ra in inguine, in scrotum descenderat, ubi ad-  
 „modum distenta latebat, nec urinam, vel ca-  
 „thetere immisso, reddere potuit, donec chi-  
 „rurgus, inscius vesicam esse, dum sectionem  
 „tentat, vesica vulnerata urinam profudit, ægro-  
 „que statim levamen, sed summum periculum  
 „peperit, a quo tamen liberatus, fistula illic re-  
 „lictā, per eam urinam, quando vult, extracto  
 „pittacio, quo eam alioquin retinere et foramen  
 „occludere solet, emittit &c.

*tis a) vesicæ, hernia inguinali aut scrotali præsentē, singularis incarceration accensenda veniunt.*

#### §. XIV.

*Concretio aut Collabescencia urethræ, quæ ad notabiles pariter ischuriæ et dysuriæ causas proximas pertinent, paullo rarioris observationis sunt, et prior plerumque apud infantes recens natos, nec minus apud adultos, qui venereis aliisque refractariis urethræ ulceribus, diu perseverantibus, late serpentibus ac male insuper tractatis, laborarunt, obvia reperitur; posterior autem senibus maxime familiaris est, et ordinario nascitur, quando tunica urethræ interior, ob partium solidarum robur magis in dies magisque decrescens, aut propter quamcunque causam aliam, valde relaxatur, vel mucus naturalis, qui urethræ parietes obducere, defendere, et collabescenciam impedire debet, nimium abstergitur, aut propter cohibitam secretionem plane deficit: „Summa enim,*

BOER-

*a) Conferri hic possunt, quæ PLATNERVS in Inst. chirurg. §. 793. et 850. de Cystocèle retulit.*



„BOERHAVIUS *inquit a)*, est necessitas  
 „istius muci, ne in dormiente homine, vel  
 „diutius urinam continente, parietes meatus  
 „urinarii collabantur.

§. XV.

Ultimum tandem locum inter magis  
 minusve cohibitaë diuresis causas proximio-  
 res *atonia* et *perfecta* aut *imperfecta paralyss*  
*fundi ac corporis vesicæ* obtinent, dum, hac  
 vel illa præsentē, tunica muscularis, lotio ex-  
 primendo dicata, suo amplius munere vel  
 omnino non, vel minus sufficienter perfungi  
 potest. Valide igitur sphincter constringi-  
 tur, moles urinæ sensim augetur, vesica ulte-  
 rius distenditur, et mediante violenta hac di-  
 stensione magis magisque debilitatur; unde  
 haud mirandum, quod fundus mirifice expan-  
 sus suo interdum pondere supra collum vesi-  
 cæ devolvatur, ibidemque, uti IO. HEINR.  
 SCHULTZIVS in antea allegata *Dissertatio-*  
*ne* §. 23. loquitur, eodem fere modo, quo  
 sese intestina sæpius suscipiunt, intra se reci-  
 piat;

Y 3

a) In *Prælect. acad.* ab ill. HALLERO editis Vol.  
 III. p. 275. Not. a.

piat; deinde premendo strangulet partem intus susceptam, cohbitoque libero humorum progressu, stasin sanguinis, inflammationem, gangrænam, mortem inducat.

### §. XVI.

Quamvis hæc ischuriæ ac dysuriæ species, a sola nimirum vesicæ atonia oriunda, senili ætati quasi propria existat *a)*, apud iuniora nihilominus subiecta cacochymica *b)*, scorbutica, cachectica, aliaque sese quandoque offert, si adæquatæ præcesserint causæ procatarctiæ, quarum præcipuæ sunt spasmi insolentiores et frequentiores, a calculo, sabulo aut alia materia irritante ac lacerante excitati, congestiones sanguinis hæmorrhoidales ac menstruæ impetuosiores, abusus diureticorum, partus difficilis, iusto diuturnior urinæ accumulatae retentio, et graves perinæi ac pubis contusiones. Quod perfectum vero aut imperfectum vesicæ statum paralyticum attinet, de illo maxime cogitandum erit, quando

*a)* Conf. RIVERIUS *Prax. med. Lib. 14. cap. 8.*  
*II. BOERHAAVE Lib. cit. p. 315.*

*b)* V. 10. HEIN. SCHULTZII *Diff. cit. §. 22.*

quando ischuria aut dysuria inveteratæ epilepsiæ, apoplexiæ, luxationi aut fracturæ spinarum lumbarium, similibusque dorso et maxime ossis sacri læsionibus supervenit, aut protinus iungitur. Vesicæ autem atoniam aut adfectionem paralyticam urinæ recentioni causam largiri primariam, ex ingenti imprimis vesicæ repletionem et expansionem, eisdemque iuncto valde debili, vel deficiente prorsus mingendi stimulo cognoscere licet. Urina præterea, quando orificium cathetere referatur, non proficit cum impetu, sed lentius, nisi regio pubis manibus comprimatur, per urethram effluit,

### §. XVII.

Prognosis, pro differenti suppressionis gradu atque duratione, pro discrepante causæ obstruentis genio, et diversa symptomatum atrocitate, magnopere variat. Deteriorem enim ac sæpe funestum eventum ischuria ac dysuria portendunt, quando calculi grandiores, duriores, asperiores, pelvi, ureteribus, orificio vesicæ et urethræ angustis impacti sunt, aut inflammatio gravior, exulceratio, steatomata aliaque dura tubercula,

excreſcentiæ ſcirrhoſæ et fungoſo-carneæ circa collum veſicæ, nec minus paralyſis aut inſignior etiam inveterata veſicæ atonia, ſingularis veſicæ incarcerationio hernioſa, læſiones ſpinæ dorſalis gravioreſ et luxatio vertebra-rum lumbarium imperſecta (perſecta enim, dum abſque fractura fieri nequit, abſolute lethalis eſt) præcipuam obſtructionis cauſſam ſuggerunt. Paulo mitius ex adverſo augurium locum habet, quoties ſabuloſa ſaltem aut pituitoſa materia, grumi ſanguinis, congeſtiones ſanguinis hæmorrhoidaleſ aut menſtruæ, levior atonia veſicæ &c., tumor proſtatarum venereuſ eiudemque originis carunculæ in urethra, excrementa alvina indurata, ſpasmī, a materia acri, circa anum ſtabulante, et ſimilia imminutionem aut plenariam urinæ ſuppreſſionem produciunt. Caven-dum tamen, ne dicta abſque limitatione acci-piantur: Haud raro enim accidit, ut cauſſarum memoratarum nonnullæ, etiamſi primo intuitu præcedentibus videantur levio-reſ, vel etiam revera exiſtant, ſubito augeantur, inque deterius ruant, et morbuſ itaque funeſtum quoque exitum fortiatur.

## §. XVIII.

Omnimoda lotii suppressio vulgo post diem septimum certissime mortem adferre creditur *a*): Attamen, terminum hunc nec absolutum plane nec universalem esse, observationes docent. Quandoquidem passim in scriptis medicorum exempla occurrunt, quæ ischuriam absque patientis interitu diutius et quidem ad diem usque decimum, undecimum, duodecimum, immo decimum quintum perseverasse, et tunc demum feliciter curatam esse, testantur *b*). Ire interim inficias nequeo, casus hosce ad rariores pertinere, et ægros, pertinaci ischuria laborantes, plerumque, adveniente aut præterlapso die septimo, extinguui. Symptomata, quæ continuæ plurium dierum ischuriæ superveniunt, sunt torpor insignis et hebetudo sensuum, remissio aliqua doloris, somnolentia, odor urinosus sudoris et halitus oris, inundationes per insomnia et pulsus auctus. Sensim sensimque hæc ipsa, præsertim torpor sensuum

Y 5

ac

*a*) V. RIVERIUS *l. c. p. m. 245.*

*b*) Conf. BOERHAAVI *Prælect. acad. cum NOTIS HALLERI Vol. III. p. 287.*



ac somnolentia, si omnis irrita fuerit medicatio, increfcunt, donec tandem convulfio, lethargus, apoplexia, vitæ finem imponant. Post mortem ventriculi cerebri ordinario liquore, urinæ per omnia fimili, repleti inveniuntur; manifesto documento, copiofa falia acria lixiviofo - urinofo, quibus fanguis non amplius liberari potuit, largius deferri ad cerebrum, idemque adeo corrumpere, ut tandem lethalis apoplexia neceffario fuccedere debeat.

## §. XIX.

Quanquam, habita nimirum fpeciali cauffarum ratione, curatio ifchuriæ et dyfuriæ diverfiffima non minus, quam diffufiffima exiftat, arctioribus nihilofecius cancellis hoc loco includi poterit, quoniam in præcedente capite, propter ætiologiam quoad multa fimillimam, potiffimam pridem partem expofita fuit. Silentio igitur medendi methodum prætermitto, quæ, præfente calculo, aut materia fabulofo - pituitofa, aut inflammatione, aut renum exulceratione, aut congestione hæmorrhoidali &c., obfervanda eft, et iftam tantummodo breviter tradam, quam medicus,

cus, præsentibus reliquis causis, antea recensitis, sequi debet. Potiores sunt atonia, paralysis et exulceratio vesicæ: Si atonia aut ipsa paralysis vesicæ primario adcusanda venit, urina catheteris intrusione primum educenda, et deinde *roborantia nervina, subadstringentia ac moderate irritantia* in usum trahenda sunt. Ex internis tinctura rhabarbari, succini, tartari, antimonii, metallorum, essentia pimpinellæ albæ, trifolii fibr., et millefolii, quibus tinctura martis helleborata aliaque quantitate modica addi potest, sese magno-pere commendant, et multum quoque profunt electuaria ex rob iuniperi, syrupo flor. persicorum, mastichino, extracto ligni Guaiaci aquoso, cardui benedicti, pimpinellæ albæ, pulvere rad. ari, poeonæ, rhabarbari, granorum chermes, cochinillæ, cascarilla, cinnamomo, cort. Peruviano, flor. benzoinis, croco orientali, sulphure antimonii aurato tertiæ præc., regulo antimonii medicinali, croco martis aperitivo STAHLII &c., nec minus pilulæ ex massa pilular. de terebinthina, balsamo Peruviano, Tolutano, de Copai-va &c., ut et decocta et infusa, tam aquosa, quam vinosa, ex rad. diptamni albi, pim-pi-nellæ

nellæ alb., caryophyllatæ, anchusæ, visco-  
querno, hb. melissæ citr., mari veri, veroni-  
cæ, chamaepyti, flor. rorismarini, salvia,  
liliorum convallium, ligno lentisci, nephriti-  
co, flavedine cort. citri, cinnamomo, canella  
alba, sem. fœniculi, baccis iuniperi, lauri,  
cardamomo et similibus.

### §. XX.

Internis hisce per congrua externa suc-  
currendum est. Laudantur prae reliquis  
clysteres, ex nervinis ac stimulantibus, v. g.  
rad. angelicæ, imperatoricæ, gent. rubr., hb.  
menthæ, abrotani, matricariæ, hyssopi, ser-  
pilli, thymi, maioranæ, flor. chamomillæ  
Rom., salviæ, baccis lauri, sem. apii palustris,  
nigellæ Rom., carvi, rutæ &c. cum vino pa-  
rati, et, post coctionem, ac percolationem sa-  
liumque stimulantium additionem aliquot  
guttulis olei dest. iuniperi, carvi, citri Italici,  
et pãuxillo terebinthinæ remixti, nec non  
linimenta et epithemata humida ex aqua sclo-  
petaria, spiritu matricali, aqua Anhaltina,  
apoplectica, arthritica, cephalica imp., masti-  
china, balsamo vitæ, spiritu formicarum, sa-  
lis ammoniaci vinoso &c., itemque sacculi  
vinosi

vinosi ex herbis aliisque speciebus balsamicis, ut et unguentum fantalinum, nervinum, emplastrum de crusta panis, de baccis lauri &c. Recensita remedia nunc regioni pubis aut perinaei, nunc etiam, si gravior vertebrarum lumbarium laesio huic malo ansam dederit, spinae dorsali imponuntur aut illinuntur. ETTMVLLERVS <sup>a)</sup> aliique in hac ischuriae ac dysuriae specie etiam cataplasmata ex cepa et parietaria, nec minus suppositoria acria et semicupia ex nervinis commendant, quae sua quoque laude haudquaquam defraudanda sunt.

## §. XXI.

Oborto abscessu vel aperto pridem vesicae ulcere, non tantum singula remedia interna, quae in antecedentibus contra renum exulcerationem commendata fuerunt, conveniunt, sed multum quoque ad sanationem felicius promovendam sacculi valent ex mentha, melissa, fol. myrti, lauri, flor. rosarum, chamomillae vulg. et Rom., in vino rubro decocti et regioni pubis adplicati. Ne interdum

<sup>a)</sup> In Oper. p. 382.

terdum quoque, inflammatione vesicae praegressa et abscessu nondum rupto, inclusa materia purulenta mora longiori ulcerosam acredinem sortiatur, tempestive lac tepidum, cum speciebus emollientibus coctum, iniiciendum est, ut abscessus, cuius formatio ex symptomatum exacerbatione et sensu quasi ponderis in perinaei ac pubis regione a) cognoscitur, citius aperiatur, et effusa materia mature e vesica educatur. Eadem remedia, etiam proficua reperiuntur, quoties grumi sanguinis, post mixtum cruentum in vesica relictum, exitum urinae praeccludunt, praesertim si iniiciendo decocto emollienti mel rosarum, syrupus dialthaeae, aut parum terebinthinae, cum vitello ovi probe subactae, addantur.

### §. XXII.

Reliquae ischuriae ac dysuriae species, a prostaticarum scilicet aut capitis gallinaginis intumescencia praeternaturali, tuberculis scirrhis, excrescentiis fungoso-carneis, in vesica natis aut urethra, concretionibus aut collabescencia

a) Conf. FRID. HOFFMANNI *Med. Syst.* T. IV. p. 410.



bescentia viarum, incarceratione colli vesicae  
 herniosa, excrementis alvi induratis &c. ori-  
 undae, aequae, ac calculus vesicae, saepius  
 auxilia chirurgica, quam pure medica, adeo-  
 que magis externa, quam interna, remedia,  
*cataplasmata* v. g., *epithemata*, *unguenta* et  
*emplastra* emollientia, resolventia, discutien-  
 tia, roborantia, vel *injectiones* cathaereticas,  
 abstergentes, purificantes et traumaticas, vel  
*clysteres* lubricantes, aliaque, ut et ipsas haud  
 raro *operationes manuales* et *instrumentales*  
 ad sui curationem postulant; quare specia-  
 lem quoque earum medendi methodum ube-  
 rius hoc loco recensere nolo, sed sciendi cu-  
 pidos partim ad scripta chirurgorum, partim  
 etiam ad alia huius opusculi capita, in quibus  
 adfectuum memoratorum quamplurimi ite-  
 rum occurrunt, ablego. Nec opus quoque  
 videtur, ut prolixam dysuriae, apud gravi-  
 das ultimis mensibus nonnunquam obviae,  
 curationem tradam, quum sola ferme *fascia*  
*lata* ac *mollis*, abdomine laxè adplicata, mo-  
 lemque uteri, nimium vesicae collo incum-  
 bentem, blande attollens, paullulumque su-  
 stentans, verum remedium praedicari possit.



## CAP. IV.

DE

DIABETE ET INCONTINENTIA  
VRINAE.

## §. I.

**D**IABETES (a διαβήσω, *pervado*), alias etiam *Hydrops ad matulam*, nec minus, quam admodum improprie, *Cæliaca nephritica* aut *urinalis* dictus, a scriptoribus quibusdam in *verum* et *nothum* distinguitur. Nothus sive spurius appellatur, quando urina, cum celerivirium lapsu, iusto frequentius iustoque largius fluit, ita tamen, ut initio morbi intuitu coloris caeterarumque proprietatum externarum a naturali parum recedat. Verus ex adverso audit, si lotium albicans chylosum, aut potulenta aliaque adsumta liquida parum alterata, adeoque sine singulari coloris sui, saporis et odoris mutatione, excernuntur. Diabetes verus ad morbos rarissimos pertinet, spurius autem paullo sæpius, præsertim apud ægros, confirmata hæctica laborantes, occurrit.

## §. II.

## §. II.

Creberrimam et interdum fere indefinientem hanc urinæ excretionem varia molesta et ominosa symptomata, sitis nimirum ingens atque continua, frequens salivæ albidæ atque spumantis exspuitio, ardor mordax viscerum aliarumque partium internarum, lumborum coxarumque intumescencia, virium lapsus, contabescencia universi corporis et febris lenta, quæ tandem in hæticam degenerat, commitantur. Symptomata hæc, morbo perseverante, magis in dies magisque, maxima ut plurimum celeritate, augescunt, et memorata in primis lumborum atque coxarum intumescencia, si æger per breve duntaxat tempus lotii excretionem cohibuerit, subitanea incrementa capit, immo ipsi testes sub spontanea hac retentione temporaria persæpe tumidi evadunt. Urina in specie notha lotio naturali non adeo quidem absimilis est, tenuior tamen ac multo aquosior reperitur, et, iuncta interna substantiæ pinguis colliquefactione, partes oleaginosas, quæ superficiem sub guttularum forma innatant, vel pinguem ea cuticulam gignunt, secum educit, in

*Tom. II.*                      *Z*                      *specie*

specie vera autem, eaque chylosa, nonnihil dulcescit.

§. III.

Diabetes spurius, qui sæpius febrium aliarum, que ægritudinum symptoma, quam morbum primarium ac solitarium, constituit, subinde solam *tubulorum renalium relaxationem nimiam*, aliquando autem, *hanc* et insimul, uti istud in hectica confirmata solenne est, *dissolutionem humorum colliquativam* causas proximas agnoscit; in vero ex adverso fundamentum præcipuum vel in *mera sanguificatione vitiosa*, vel in *simultanea huius et chymificationis ac chylicationis depravatione eminentiori* quaerendum est. Ad vitiosam nempe sanguificationem culpam præcipue redundare, iudicari oportet, quando lotium albicans atque subdulce chylosum externitur, ad valde immixtam vero aut plane abolitam digestionem ac chylicationem, quoties adsumta potulentia aliaque liquida, quoad externas proprietates parum vel nihil immutata, per urinæ canales exeunt, licet penitus cæteroquin negari nequeat, quod in hac æque, ac præcedente specie vera, aliqua pariter ætiologiæ pars ad renalium tubulorum atoniam redeat.

§. IV.

## §. IV.

Præter plura alia, quæ chymificationis, chylicationis et sanguificationis negotium directe aut indirecte pervertere, solidis eminentem flacciditatem inducere, et dissolventem ac colliquativam sanguini acrimoniam ingenerare valent, insolentior maxime atque frequentior dolor nephriticus, febres chronicæ, nimius coitus venereus, labor immodicus, moeror diuturnior et abusus diureticorum ad causas procatacæticas referri merentur: Immo experientia docuit, potum largiorem vini, præsertim Rhenani, ut et intemperantiam circa potulenta aquea tepida et quævis fermentata huic malo nonnunquam occasionem dedisse.

## §. V.

Diabetes, sive sit verus sive nothus, morbus gravis atque periculosus est, qui rarius, immo, si post febres diuturniores aliasque ægritudines chronicas accesserit, nunquam curatur, nec diu etiam tolerari potest, dum vires ocysime prosternit et tabem corporis febremque hæticam, post breve tempus funestam, adducit. Strictius tamen hæc



ipsa de graviore tantum diabete intelligenda sunt: Quod levio-rem enim attinet, ille diutius interdum absque vitæ iactura perseverare potest. Cavendum quoque, ne largiores urinæ evacuationes criticæ, quæ interdum in febribus et adfectibus hydropicis contingunt, morbumque minuunt, aut plane tollunt, cum diabete confundantur.

## §. VI.

Curandi fine in diabete idiopathico non tantum *roborantia*, *amara* et *balsamica*, *austeris* atque *austeriusculis adstringentibus* mixta, ad fibrarum laxitatem corrigendam, sed etiam, propter sanguinis fervorem et acrimoniam, *temperantia* ac *demulcentia* necessaria sunt, et præ reliquis itaque, pro meo quidem iudicio, decocta, hordeacea et avenacea cum rad. scorzonerae, graminis, tussilaginis et rasura cornu cervi aut eboris, emulsiones amygdalinæ, serum lactis dulce, aut chalybeatum, aut levissime aluminatum a), pilulæ ex gummi

a) RICHARDVS MEAD in *Monitis suis atque Præceptis medicis* serum lactis aluminatum, tanquam singulare et efficax in diabete remedium, commendat: „Vnicum tantum, l. c. p. 92, in-

mi galbano, hederæ, succo acaciæ, extracto angelicæ, millefolii, cardui bened., pulvere cinnamomi et croco martis, electuaria ex syrupo cort. aurantiorum, melissæ, coralliorum, myrtino composito, extractis vix memoratis, rhabarbaro leniter tosto, nuce moschata, et croco quodam martiali aut pauxillo terræ Iaponicæ, et cortex denique Peruvianus, cum syrupo quodam ad electuarii, vel cum sacharo, semine fœniculi, et cardamomo minori ad morsulorum formam redactus, nec minus, si præcipuum nempe vitium in prima culina lateat, infusum rhabbarbari, ligni santali flavi et cardamomi minoris, cum vino Canariensi paratum, commendari merentur. Sedulo tamen apud individua explorandum erit, an calida atque dissolvens acrimonia sanguinis, an partium solidarum flacciditas præcipue adcusanda sit, quo postea inde clarius

Z 3

pateat,

„quit, illis, quæ de cura ibi (in alio scilicet Tra-  
 „ctatu) dicta sunt, remedium adiungam, hoc est  
 „serum aluminatum, quod ex lactis paullulum cocti  
 „libris quatuor et aluminis drachmis tribus con-  
 „ficitur. Si huius enim quarta libræ pars ter  
 „minimum die bibatur, ad profluvium istud si-  
 „stendum plurimum valet.

pateat, an temperantia, an vero roborantia necessaria magis atque proficua sint: Immo explorandum est, an primæ viæ cruditatibus scateant, quo hæc pariter vitiosæ chymificationis et chyliificationis caussa materialis per lenissima laxantia rhabarbarina tempestive subtrahi possit. In diabete mere symptomatiko multa ex prædictis persæpe etiam locum inveniunt, simul tamen ad morbum primarium respiciendum, simulque, quæ illi validius medentur, in auxilium vocanda erunt.

## §. VII.

INCONTINENTIA VRINAE adfectus præcedenti analogus est, ac modo continuum lotii stillicidium, modo periodicam duntaxat urinæ, maiori aut minori quantitate in vesica collectæ, excretionem involuntariam denotat. Prior species *gravior* atque *perfecta*, posterior *levior* atque *imperfecta* appellari, et hæc rursus in *nocturnam*, in dormientibus tantum ex prava consuetudine contingentem, et *nocturno - diurnam*, adeoque vere morbosam, dividi meretur.

## §. VIII.

## §. VIII.

Incontinentia urinæ nocturno-diurna ac vere morbosa vel *paralysin* aut *dissertationem*, *lacerationem*, *rupturam*, *sphincteris vesicæ*, vel *eminentem* solummodo *atoniam* eius, cui apud infantes nonnullos *solito saltim maior fibrarum teneritudo* iungenda est, causam agnoscit. Paralysis et reliquæ memoratæ fibrarum sphincteris læsiones graviores incontinentiam urinæ perfectam generant, flacciditatem vero seu atoniam eminentiorem imperfecta saltim ac periodica sequitur.

## §. IX.

Inter causas procatacædicas, quæ hanc vel illam ex allegatis causis incontinentiæ proximis producant, prægressi insultus apoplectici et epileptici graviores aut sæpius recurrentes, calculi vesicæ asperiores et angulosi, lithotomia sinistre instituta, apostemata vesicæ, læsiones sphincteris cum intruso cathetere, violentiæ, collo vesicæ sub partu difficili, aut lapsu, aut ictu externo illatæ, insolentiores congestiones hæmorrhoidales et fistulæ ani, ad collum usque vesicæ serpentes, præcipue militant, nec raro etiam accidisse compertum habemus, ut sola diuturna

ac valde coacta urinæ, largius collectæ, retentio ingentem sphincteris atoniam, quin veram quandoque paralyfin, post se reliquerit.

## §. X.

Prognosis non minus, quam facilior aut difficilior curationis successus, aut irrita prorsus medicatio unice in hoc affectu ab indole causæ proximæ et ægri ætate pendent. Incontinentia enim urinæ nocturna, apud infantes perversæ tantum consuetudini adscribenda, crescente ætate auctoque fibrarum robore, ut plurimum sponte cessat, et, præter congruum regimen diætetikum circa potulentia, moralia duntaxat auxilia, prudentes nempe castigationes verbales atque reales, exposcit; sin diutius vero perduret, et in puerilem ulterius atque iuvenilem ætatem protracta, vesicæ quoque vitium et præternaturalem sphincteris imbecillitatem subesse ostendat, eadem remedia, tam interna, quam externa, quæ incontinentiæ nocturno-diurnæ, a morbose sphincteris atonia aut vera paralyfi oriundæ, opitulantur, in usum trahenda sunt. Ad interna nimirum quævis *robora-*  
rantia, in antecedentibus contra *diabëtem*, et  
alibi



alibi pariter contra *epilepsiam* et *paralysin* laudata, pertinent, inter externa vero *unguenta nervina* ex unguento *santalino*, *ner-vino*, *pinguedine castorei*, *balsamo Peruvia-no*, *oleo nucis moschatae* expresso, *pulvere baccarum lauri*, *croci* et *oleis destill. succini*, *lavendulae*, *rorismarini*, *menthae*, *maioranae* &c., *linimenta* ex *spiritu liliorum convallium*, *lavendulae*, *rorismarini*, *vini crocato*, *aqua Anhaltina*, *apoplectica*, *cephalica imp.*, *masti-china*, et *balsamo vitae*, *sacculi vinosi* ex *rad. imperatoriae*, *angelicae*, *herba menthae*, *maioranae*, *foliis rosarum rubr.*, *cort. granato-rum*, *femine nigellae Rom.* &c., nec minus *decocta aquosa* ex *rad. gentianae rubrae*, *ca-ryophyllatae*, *herba melissae*, *scordii*, *flor. chamomillae Rom.*, *hyperici* &c., non ex-trinsecus tamen, ut priora, pubi ac perinaeo adplicata, sed tepide ac parva copia vesicae iniecta, sese praeter reliquis commendant. Cir-ca interna tamen adstringentia et calidiora balsamica notandum venit, minime illa locum invenire, quando, laesione sub partu facta, lo-chia adhuc fluunt, aut, praesente haemorrhoi-dum obstructione, impetuosae cruoris con-gestiones ad vesicam sphincteris atoniam effi-ciunt,

ciunt, aut spasmi insolentiores, a calculo excitati, nondum remiserunt, sed in primo casu commodum medelæ tempus expectandum, in binis posterioribus autem talia roborantibus et adstringentibus præmittenda esse, quæ tollendis primum aut mitigandis adfectibus memoratis specificè inserviunt: Nec silentio etiam prætermitti oportet, *traumatica* in primis et varia pariter *auxilia chirurgica*, alibi videnda, necessaria inveniri, si fibræ sphincteris, externa quadam violentia illata, dissectæ, disruptæ, aut dilaceratæ fuerint, vel fistulæ ani, aut ulcera vesicæ sphincterem lædant.



## C A P. V.

DE

## M I C T V C R V E N T O.

## §. I.

**M**ICTVS CRVENTVS non tantum intuitu primæ scaturiginis, quæ apud alia individua in renibus, apud alia in vesica aut urethra est, sed quoad colorem pariter ac consistentiam sanguinis excreti differt, quippe

quippe qui modo purus, floridus atque perfecte fluidus, modo obscurior grumofus et in vermiculares haud raro moleculas condensatus, modo urinæ perfecte atque tenuiter immerfus, modo cum ulcerofa materia mixtus, reperitur. Si purus, atque perfecte fluidus exit, eruptionis locus in vesica aut urethra quærendus est; fin sub alio autem colore aliaque consistentia excretus fuerit, ex fede doloris cæterisque symptomatibus diiudicandum erit, an primum in pelvi renali, an demum in vesica aut urethra e vasis sanguiferis emanaverit.

## §. II.

Caussa proxima incongruæ huius hæmorrhagiæ vel ad *nimiam tubulorum renalium dilatationem*, vel ad *corrosionem*, aut *dilacerationem* aut *rupturam vasorum sanguiferorum* in renibus aut vesica aut ultimo locii meatu redit, Nimiam tubulorum renalium dilatationem impetuosæ congestiones menstruæ, et adhuc magis atque frequentius, præsertim apud subiecta virilis sexus senilia aut senio proxima, congestiones hæmorrhoidales, nec minus, præsentem inprimis plethora,

thora, abusus exagitantium diureticorum, crebrior ac largior potus spirituosorum, motus corporis vehementior aut succussatorius sub cursu, saltatione, equitatione &c., iracundia gravior et quævis alia efficiunt, quæ sanguinem in renibus accumulare, aut valde in toto corpore expandere ac commovere, vel etiam, ut libidinis intemperantia, tubulos renales nimium relaxare valent; producendæ erosioni autem ac corrosioni, aut lacerationi aut rupturæ vasorum sanguiferorum lotium acrius, pulvis cantharidum et alia adsumta venena caustica, calculi grandiores angulosi et asperiores, sub equitatione, vectura &c. valde commoti, lapsus vel ictus in regionem lumbarem, contusio pubis aut perinæi, improvida ac violenta catheteris sub statu colli vesicæ varicoso intrusio et similia præ reliquis apta et adæquata reperiuntur, immo ulcera urethræ venerea et carunculæ aliquam hoc loco annotationem merentur.

### §. III.

Mictio cruenta in genere quidem ad ominosas affectiones pertinet, et facillime, si excretio cruoris largior sit, aut sæpius, uti  
hoc

hoc apud senes hæmorrhoidarios stasis plerumque periodis fieri consuevit, recurrit, renum aut vesicæ exulcerationem, tabemque corporis exitialem, aut hydropem, aut febres viscerum inflammatorias aliaque prava pathemata producit, periculum nihilominus atque eventus pro discrepante caussarum genio variant. Minus enim periculum hic morbus portendit, quando, præsertim apud iuniora subiecta, plethoræ commotæ, aut vulgari cruoris orgasmo, diæta spirituosâ, iracundia, motu corporis vehementiori &c. suscitato, et inde tantummodo nascenti nimiae tubulorum renalium dilatationi, vel ulceri urethræ, vel superficialiæ saltim ac leviori fibrarum lacerationi, transitoria calculi asperioris actione pelvi, aut ureteribus, aut vesicæ, aut urethræ inductæ, originem debet, et sanguis præterea pauca quantitate et citra suspecta symptomata excernitur. Secus iudicandum, et deterior, quin sæpe exitialis, eventus metuendus erit, si sanguis magna copia effluit, aut mictio cruenta cum febre accidit, aut crebro et cum variis atque insolentioribus imi ventris adfectibus spasmodico-dolorificis revertitur, ac magnam virium de-



deiectionem relinquit, si refractaria apud senes fluxus hæmorrhoidalis obstructio, vel ulcera renum aut vesicæ, vel graviores violentiæ externæ huius mali genitores existant. Tacitus quoque præterire nequeo, miſtum cruentum subinde febribus exanthematicis supervenire, et certum plerumque mortis inſecuturæ ſignum eſſe.

## §. IV.

In paroxyſmo, h. e., durante cruenta urinæ excretionē, *tranquillitas animi, quies corporis* et remedia *antorgaſtica* atque *demulcentia*, v. g. emulſiones refrigerantes, nitro remixtæ, ſerum lactis dulce et acidulum, decocta refrigerata hordeacea et avenacea cum rad. ſcorzoneræ, althææ, graminis, tuſſilaginis, glycyrrhizæ, et raſura cornu cervi aut eboris, aqua vulgaris, nitro et ſale acetofellæ modice imprægnata, lac ovillum &c. maxime conducunt, et iisdem quoque, ſi ſola hæmorrhagiæ liſtendæ nondum ſuffecerint, interdum *leniora adſtringentia* martialia, aliaque ſub diabetæ curatione indicata, addi, nec minus

nus *venæsectio*, pro causæ procatartici-  
cæ diversitate, modo in pede, modo  
brachio, evacuandi aut revellendi fine, ad-  
ministranda, ut et, urgente congestione  
hæmorrhoidali et alvi obstipatione, *clysmata*  
in auxilium vocari debent. Circa  
adstringentia tamen probe tenendum erit,  
usum eorum magnam postulare circum-  
spectiōnem, et apud hæmorrhoidarios, aut  
spasmo nephritico præsentē, nullum plane  
locum invenire, quoniam obstructions au-  
gent, aut, mictu cruento repente cohibi-  
to, exulcerationi renum occasionem sug-  
gerunt.

### §. V.

Cohibita penitus aut valde tamen  
imminuta mictione sanguinolenta, de caus-  
sæ efficientis sublatione aut mitigatione co-  
gitandum erit, immo sæpe necesse est, ut  
ista, quæ tollendæ aut mitigandæ caus-  
sæ apta iudicantur, antorgasticis ac demul-  
centibus initio statim iungantur, vel usui  
eorum interponantur; sicuti hæc de *trav-*  
*maticis* maxime et *antispasmodicis* valent,  
quo-

quorum priora, violentia quadam externa organis urinariis illata, posteriora autem, præfente vehementi renum aut vesicæ affectione calculoso - spasmodica, simul cum prædictis in auxilium vocari debent.





# SECTIO IV.

DE

MONIBIS PARTIVM GENITALIVM VTRIVSQUE SEXVS.



## C A P. I.

DE

HERNIIS SCROTALIBVS.

### §. I.



ERNIAE SCROTALES vel  
*veræ* sunt vel *spuriæ*: Ad  
 priores sola *Oscheoce* per-  
 tinet; posterioribus autem  
*Hydrocele*, *Sarcocele* et *Ramex* live *Cirfocele*  
 censentur. Origo herniæ scrotalis *veræ*  
 ve *Oscheoceles* (ab *ὄχης*, *scrotum* et *κῆλη*,  
*mor*) maximam dudum partem ex præmis-  
 herniarum abdominalium descriptione pa-  
 tet,

tet, et frequens inprimis atque facillimus herniæ inguinalis apud pueros iuvenesque ac viros in scrotalem transitus est. Si intestinum enim, ad inguinis inferiora pridem devolutum, ulterius in tunicam testis vaginalem descendit, scrotum in latere alterutro cum maiori aut minori dolore in tumorem attollitur, eidemque, incarceratione aut inflammatione superveniente, singula pathemata, quæ cæteras hernias veras comitari solent, complicantur. Causæ procatarcticæ a caussis occasionalibus præcedentium herniarum *a)* minime differunt, nec singulare pariter discrimen circa medelam occurrit; quare dicta etiam hoc loco repetere nolo, sed paucis tantummodo addo, in bubonocèle et oscheocèle subinde vesicæ urinariæ partem simul cum epiplooo et intestinis, vel etiam solam, per anulum musculi obliqui processum spermaticum intrare, rarissimumque hoc herniæ genus, quod ex lotii suppressione cognoscitur, *Cystocelen* appellari *b)*.

§. II.

*a)* Vid. Part. I. Sect. I. cap. 10. §. 11. 12. It. Tom. præf. Sect. I. cap. 3.

*b)* Conf. PLATNERI *Instit. chirurg.* §. 793, et 850.



## §. II.

Herniam scrotalem veram, ab intestinis nempe, vel ab hisce et aliqua omenti parte, in tunicam vaginalem delapsis, oriundam, haud raro *Hydrocele*, *Sarcocoele*, et *Cirsocele*, sive hernia spuria *aquosa*, *carnosa*, ac *varicosa* mentiuntur, licet hi tumores, sicuti ex ipsa statim denominatione intelligitur, alias rursum causas aliamque originem habeant. Hernia aquosa nimirum sive Hydrocele (ab ὕδωρ, *aqua* et κήλη, *tumor*) ab humore seroso, inter tunicam vaginalem et albugineam seu testis propriam, vel subinde etiam, quanquam longe rarius, inter erythroideam et vaginalem collecto, producitur. Accidit autem præternaturalis memorati humoris collectio, 1) quando testiculus sub equitatione velociori, sub præcipiti equi lapsu, sub ictu illato, et varia occasione alia violentius premitur, comprimitur, aut plane contunditur, adeoque venæ quædam lymphaticæ rumpuntur, aut dilacerantur, 2) quando venæ lymphaticæ, quæ liquidum paucum ac tenue, ex eiusdem cognominis arterioli humectandi fine sensim in tunicam vaginalem emissum, denuo resorbent, vel ipsæ venæ sanguiferæ

ab inhærente materia viscida, aut premente corpore externo, omento v. g. aut intestinis, per processum spermaticum, præsentē bubonocèle aut oscheocèle, devolutis, a tumido itemque et indurato testiculo, a vinctura artiori, curandi fine hernia vera inguinali aut scrotali laborantibus adhibita &c., obstruuntur, et prædicta igitur liquidi humectantis resorptio et liberior humorum circulantium regressus sufflaminantur, et 3) quando aqua apud ægros hydropicos ex abdominis cavitæte per memoratos processus ad tunicam vaginalem descendit. Patet cæteroquin ex causis adductis, hydrocelen modo solam adesse, modo simul cum hernia vera nasci.

### §. III.

Tumor hic, qui plerumque, uti supra pridem dixi, unum duntaxat scroti latus occupat, dolore caret, nec alia quoque singularia pathemata, si solitarius est, pedissequas habet. Si minor existit, ac digito premitur, humor circumfluit, et tumor in loco presso nonnihil cedit, nihil tamen retro ad abdomen compellitur, sed tumor, pressione cessante, protinus resurgit: Sin valde autem increverit,

rit, uteris repleti et arcte adstricti instar digito renititur, testiculus tactu amplius percipi nequit, et humor, si adhuc sincerus limpidusque existat, nec, corruptione suborta, crassior pridem, fæculentus ac luridus evaserit, per tunicas valde distentas et extenuatas transparet. Scrotum rugosum est, et mentula minor redditur atque contractior, ita ut interdum sub tumore fere delitescat, et signis hisce hydrocele ab hydrope scroti, in quo omnia reperiuntur contraria, facile distinguitur.

#### §. IV.

Medicamenta *discutientia*, cuius census sunt sacculi balsamici vinosi fortiter camphorati, epithemata ex spiritu vini crocato, camphorato, matricali &c. et similia, parum contra hunc tumorem valent, sed citius ac certius auxilium ab *Operatione chirurgica a)* expectandum est, licet hæc quoque voto ac spei non semper perfecte satisfaciat, quoniam,

A a 3

niam,

a) Vid. *Heisters Chirurgie p. m. 665.* Item *PLATNERI Instit. Chirurg. rat. §. 861. sequ.* *ZACHARIAE VOGELI Abhandlung von Brüchen.*

niam, pristina exundationis caussa perseverante, intra breve tempus nova rursus humoris collectio accidit.

§. V.

Sarcocele (a σάρξ, caro et κήλη, tumor) duplicis generis est: Altera nimirum, quæ frequentius occurrit, tumorem testiculi durum atque scirrhosum supponit; altera vero nascitur, quando testiculo, aut arteriis venisque, a quibus testiculus dependet, carnes præternaturaliter accrescunt. Prior species non confundi debet cum tumore testis inflammatorio: Hic enim post prægressas graviores testiculi læsiones subito oritur, ac protinus ardorem magnumque dolorem committit adducit; sarcocele ex adverso sensim ad eminentiorem magnitudinem perducitur, et initio atque per longum quandoque tempus dolore penitus caret, donec apud subiecta cacochymica, præsertim neglecta aut sine tractata, pessimam canceri naturam fortitur: Vnde ex incipiente etiam dolore punctorio atque ardente incipientis depravationis cancrosæ signum desumitur.

§. VI.

## §. VI.

Sarcocele, præsertim crebrior species prima, violentias, testiculo ictu, plaga, pressione, contusione &c. illatas, immo ordinarias quandoque herniæ veræ causas procatarticas haud raro quidem sequitur, frequentius nihilominus apud subiecta, venerea lue infecta, et post suppressam inprimis gonorrhoeam virulentam, generatur, immo interdum accidit, ut tumor testis inflammatorius sponte, aut adhuc sæpius sub cura sinistra, in scirrhosum degeneret. Accidit quoque, ut medicamenta nimis reprimentia, testiculo ex causa leviori tumefacto adplicata, indurationi scirrhosæ occasionem suggerant.

## §. VII.

Persæpe memorati testium tumores, si adhuc recentiores sint, nec valde dudum induruerint, tum *internis catharticis sanguinemque purificantibus*, sub gonorrhoeæ virulentæ curatione allegatis, tum *externis emollientibus ac resolventibus* feliciter rursus discutuntur: Monendum tamen, pro diverso indurationis gradu, modo emollientia, v. g.



cataplasmata et epithemata ex speciebus emollientibus, cum lacte coctis et camphoræ pulvere remixtis &c., modo resolventia, v.g. emplastrum de gummi ammoniaco, diaphoreticum MYNS. &c., cum vel sine camphora, præstantiora non minùs, quam tutiora esse. Nonnulli discutientes quoque sacculos vinosos laudant, at, magis hos ipsos sese in tumore testium inflammatorio, quam scirrroso, commendare, certum est. Si nihil cæteroquin medicamentis prædictis efficitur, testiculus induratus, si nullum dolorem moveat, in quiete sua relinqui, vel subinde etiam, oriente videlicet dolore et cancrofæ corruptionis signis adparentibus, penitus excindi debet; quemadmodum plura de hac operatione apud vix allegatum HEISTERVM a), PLATNERVM b) aliosque chirurgiæ scriptores videnda sunt.

## §. VIII.

Ramex five Cirrocèle (α κίρκος, *varix*, et κήλη, *tumor*) est varicosa vasorum spermaticorum

a) L. c. p. m. 664.

b) L. c. §. 856. sequent.

maticorum ad testes per inguina descendendum intumescencia, quæ adeo nonnunquam increscit, ut non solum inguina, sed ipsum quoque scrotum impleantur. Subinde malum ad ipsos testes extenditur, et venæ spermaticæ circum circa in superficie cum nodosis hinc inde dilatationibus intumescunt, non aliter, ac si testiculi lumbricis aut funiculis passim obvoluti essent. Proxime hi tumores a subsistente et magis paullatim magisque accumulato sanguine crasso, viscido ac congrumato oriuntur; hinc cachectici etiam, scorbutici et omnes illi, qui victu duro constanter utuntur, nec minus literati, qui vitam sedentariam amant, et studiis assiduis corpus debilitant, iisdem præ reliquis obnoxii deprehenduntur. Frequentius præterea apud libidinosos nascitur, qui concubitus nimis concupiscunt, nimiumque venereis cogitationibus indulgent; immo læsiones externæ et vincituræ arctiores sub herniæ veræ curatione huic morbo occasionem quandoque præbent.

§. IX.

Malum recens et a solo humorum vicio ortum, adhibitis congruis medicamentis,

A a 5 simul.

simulque observata convenienti diæta, cui hoc loco *potum*, inprimis *temperatum* atque *sufficientem*, *viſtum tenuem*, *motum corporis blandum crebrioremque*, *moderamen in ſtudiis* et *abſtractionem a cogitationibus venereis* accenſeo, facile interdum tollitur. Ad medicamenta interna *laxantia*, *incidentia ſalina*, *infuſa theiformia* ex abſtergentibus ſaponaceis et lenioribus balsamicis, *aquæ minerales*, *mercurialia*, *antiſcorbutica*, *leniora diaphoretica* ac *diuretica*, et quævis ea ſpectant, quæ ſanguinem diſſolvere, attenuare ac depurare valent; inter externa autem epithemata *diſcutientia* aquoſa et vinoſa ex rad. imperatoriæ, herba ſcordii, ſalviæ, hyſſopi, abrotani, flor. chamomillæ Rom., ſem. carvi, nigellæ Rom., baccis iuniperi, croco, camphora &c., nec minus emplaſtra, contra ſarcocelen commendata, præ cæteris laudari merentur. Quando morbus iam inveteravit, et venæ inſarctæ calloſam fere duritiem adquiſiverunt, allegata remedia parum amplius vel nihil efficiunt, ſed unice, ſecundum quorundam conſilia, ad methodicam turgidarum venarum *incifionem* a) confugiendum eſt; cui

a) Vid. HEISTER l. c. p. m. 674.

cui ancipiti auxilio PLATNERVS tamen parum favet: „Autores, *inquit a)*, multi sunt, incidendas esse tumidas induratasque venas, et sanguinem concretum ex iis educendum, vulnera vero iterum ad sanitatem perducenda. Sed hoc vix sine periculo fieri poterit, nisi remissiores laxioresque venæ fuerint. Nam in aliis, quæ occalluerunt, sectio non sine periculo est. Metuendum etiam, ne ex vulnere relicta cicatrix venas magis devinciat prohibeatque, quominus sanguis in eas permanare sine impedimento possit.

### §. X.

HYDROPS SCROTI, qui modo symptoma hydropis abdominalis aut leucophlegmatiae est, modo morbus simplex ac solitarius, ab hydrocele facile per signa manifesta distinguitur. In hydrope enim scrotum ordinario circum circa tumidum cernitur, in superficie ubivis æquale, sine ulla ruga, ac solito præterea albidius et tam molle est, ut digito prementi facillime cedat, et eo remoto tardius sese attollat. Tumor quoque

a) L. c. §. 876.

quoque raro in solo scroto subsistit, sed simul ad cutem glandis extenditur, ita ut urethrae apertura paullulum quandoque occludatur. In hydrocele pleraque, uti in antecedentibus pridem dictum fuit, plane diversa reperiuntur: Tumor nimirum plerumque in unico duntaxat latere observatur, scrotum rugosum est, nec tantum digito prementi fortius renititur, sed protinus etiam pressione cessante resurgit, et mentula denique adeo brevis atque contracta est, ut vix conspici queat.

### §. XI.

Interdum hic tumor cum pueris nascitur, interdum vero, et longe quidem frequentius, apud iuniores et adultiores, post fortes scroti pressiones, compressiones et frictiones diuturnas sub equitatione, sub vineturis arctioribus &c., subito generatur, et unice ab *humore seroso* oritur, qui, propter *vasculorum adducentium rupturam*, aut *resorbentium ac reducentium obstructionem*, in tunica cellulosa, cuti et tunicae musculosae, quam *δάπρον* vocant, interiecta, praeternaturaliter accumulatur, et totam postea telam cellulosa-



lofam inflat. Subinde, licet rarius, loco humoris crassioris rarior materia flatuosa dictas cellulas replet atque distendit, et tunc igitur hic affectus *Emphysema scroti* dicitur.

## §. XII.

Eventus in hydrope scroti triplex est: Nunc enim humor, haëtenus subsistens atque coacervatus, denuo per vascula absorbentia ad sanguinem regreditur, nunc vero sibi ipse, præsertim si sub quiete diuturniori acrior factus fuerit, aperturas facit, ac paullatina per scroti tunicas exsudatione consumitur, nunc denique neutrum accidit, et humor itaque *methodica scroti scarificatione*, quam chirurgiæ doctores describunt *a)*, necessario educendus est. Resorptionem sive regressum humoris ad sanguinem, qui optimus solutionis modus est, præter *laxantia* quædam, *resolventia* ac *depurantia* interna, valide inprimis *activa discutientia* et *aperitiva* externa promovent, quibus cataplasmata et epithemata ex rad. angelicæ, imperatoricæ, gentianæ ubræ, iridis Florent., bryoniæ, armoraciæ, herba

*a)* Vid. HEISTER l. c. p. m. 671.

herba maioranæ, serpilli, mari veri, satureiæ, salviæ, rutæ, rorismarini, hyssopi, scordii, agrimonii, flor chamomillæ Rom., sem. api palustris &c., cum vino rubro aut vino adusto coctis, nec minus tepida aqua calcis vivæ, cum spiritu vini simplici, aut camphorato, aut crocato, aut spiritu matricali remixta, et emplastrum de cumino aut diaphoreticum præ reliquis accenseri merentur. Circa emplastrorum tamen adplicationem adhuc commemorare expedit, alutam aut linteum, quæ emplastice massam excipiunt, hinc inde parvis foraminibus instructa esse debere, ut humor, foras fortassis penetrans, libere emanare possit.



## C A P. I I.

DE

PHIMOSI, PARAPHIMOSI, BVLLA  
CRYSTALLINA, PRIAPISMO,  
ET SATYRIASI.

## §. I.

**P**HIMOSIS. (a *Φίμος*, *nexus*, *obthuramentum*, vel etiam a *Φιμώω*, *obthuro*, *capistro*)

*pistro* ita dicta, et PARAPHIMOSIS (a *παρά, prope, supra, et Φίσις*) cognati præputii ac balani tumores sunt. In phimosi enim præputium tumidum totam glandem, magis pariter minusve tumidam, contegit, et tam arcte constringitur, ut nulla arte reduci, nec ipsum quandoque lotium effluere possit: In paraphimosi autem præputium retractum adeo circa coronam balani corrugatur ac coarctatur, ut versus apicem glandis et urethræ orificium deduci seu protrahi nequeat.

## §. II.

In nostris regionibus hi tumores apud adultos rarissime citra veneream infectionem nascuntur, sed *illato* utplurimum *virulento eiusmodi miasmati* suam originem debent, ac modo, et quidem frequentissime, *inflammatorii* sunt, modo, licet longe rarius, inflammatione carent, et propius ad *oedematis* aut *scirrhi* naturam accedunt. Si tumor inflammatorius est, pars tumida valde rubet, calet, dolet, et digito prementi ægre cedit: Sin vero oedematodes aut scirrhodes existit, nec dolor, nec rubor, nec calor insolitus adest,

adeſt, et oedematodes, ſi digito premitur, facillime cedit, foveolamque impreſſam diu retinet, ſcirrhodes ex adverſo valde durus eſt, et digito prementi fortiter renititur.

### §. III.

Perſæpe affectum utrumque *ulcuſcula* (*chancres*), nunc *pauca* atque *diſcreta*, nunc *numeroſiora* ac *conſluentia*, quæ dorſum et balani partem convexam, aut coronam eius occupant, vel circa præputium corrugatum, aut in margine eius, aut in frenulo, aut paſſim in præputii protracti ſuperficie interna generantur, præcedunt aut complicantur. Ulcuſcula hæc interdum in paraphimofi viſui perfecte patent, in phimofi autem ſub deducto præputio latent, et obſcure ſaltim ex perpetuo dolore ardente ac morſicante, vel ſubinde etiam paullo clarius ex pauco humore acri ichoroſo, ſponte aut ſub partis tumidæ compreſſione ex relicta præputii apertura emanante, cognoscuntur. Non eandem præterea apud ſubiecta diverſa indolem obtinent, ſed pro differenti humoris ſubſiſtentis atque erodentis virulentia, *benigniora* aut *maligniora* reperiuntur: Illa, quæ ro-  
tunda

tunda ut plurimum, parum callosa et in fundo albicantia sunt, nec rubra etiam, nec extuberantia labia habent, non adeo alte penetrant, et pus laudabile fundunt; hæc vero, quæ figuram irregularem angulosam, coloremque in cavitate livescentem, atro-purpureum, quin plane nigrum, et labia valde dura, callosa, prominentia, rubra ac valde inflammata obtinent, latius altiusque serpunt, et loco veri puris ichorem seu saniem tenuem acerrimamque emittunt *a*). Haud raro quoque fit, ut in specie inflammatoria, (cui interdum, si gravior est, vera febris iungitur), nec minus in oedematoide in balano, præsertim circa coronam, nec non in præputii corrugati aut protracti margine multæ vesiculæ pellucidæ, limpidò humore morficante repletæ, exoriantur; immo subinde fit, ut in oedematoide unica tantum vesica magna sese attollat, quæ totam glandem obtegit, ac vulgo **BVLLA CRYSTALLINA** appellatur.

§. IV.

*a*) Conf. IOH. ASTRUC *Tract. de Morbis venereis Lib. III, cap. 7. p. 276.*



## §. IV.

Nunquam in morbis hisce cum congrua medela cunctandum est, quoniam neglecti facile, præsertim, si valde inflammatorii, aut valde pridem ulcerosi sint, in gangrænam et sphacelum abeunt. Conveniunt autem interne, quoties scilicet tabo venereo natales debent, *resolventia sanguinemque purificantia*, v. g. purgantia ex mercurio dulci et extracto catholico aut panchymagogo Crollii, decocta ex rad. glycyrrhizæ, sarsaparillæ, saponariæ, ligno sassafras, Guaiaco, semine foeniculi &c., mixturæ ex tincturis antimonii, lignorum, succini, trifolii fibrini, pimp. albæ, liquore cornu cervi succinato &c., pilulæ ex terebinthina lota, gummi ammoniaco, extracto scordii, trifolii fibrini, chamomillæ vulg., balsamo Tolutano, Peruviano, mercurio dulci, sulphure antimonii aurato et similibus, externe autem *epithemata, cataplasmata ac fottus* ex rad. althææ, flor. malvæ, sambuci, meliloti, chamomillæ vulgaris &c., cum lacte coctis, et camphora pulverisata nonnihil imprægnata, nec minus, si descripta emollientia nondum suffecerint, cataplasma ex bolo Armena,

vul-

vulgari vino adusto et camphora, cuius insignem efficaciam in phimosi venerea plus vice simplici expertus sum, adhiberi debent. Prædictis purificantibus atque discutientibus internis subinde etiam, inflammatione nimirum valde ingravescente, pulveres ex lap. cancrorum, nitro et camphora aut sulphure antimonii aurato, nec minus decocta avenacea et hordeacea, aliaque potulenta refrigerantia interponenda sunt, immo, vera inprimis febre accedente, *vena* in pede aut brachio, vel etiam, si mentula videlicet ex inflammatione vehementer intumuerit, ipsa *vena* colis, quæ per tergum eius fertur, incidi debet. Irritis quandoque singulis, quæ exposui, auxiliis, sola præputii protrahi aut retracti *incisio* superest, cuius methodica tamen administratio ex libris chirurgicis a) discenda erit. Præterire pariter nequeo, gangræna pridem exorta, species mollientes cum saturata aqua calcis vivæ coquendas, et iisdem insimul amara quædam saponacea et balsamica, v. g. radicem aristochiæ, iridis Florentinæ, herbam scordii, B b 2 absinthii,

a) Vid. PLATNERI *Instit. chirurg.* §. 879. 880. 885.

absinthii, rutæ, abrotani, flores chamomillæ Romanæ &c., addenda esse; Nec inutile etiam est, chirurgum ulcuscula passim enata paullo specialius respicere, eademque non tantum decocto emolliente diligenter eluere, sed identidem quoque dilutiori atque subtepida mucilage feminis psyllii et cydoniorum, cui pauxillum liquaminis myrrhæ, aut mellis rosati, aut balsami Peruviani admixtum est, inungere.

## §. V.

SATYRIASIS, et PRIAPISMVS nonnullis synonyma sunt, alii vero inter hunc et illam discrimen faciunt. Satyriasin enim aut *Satyriasmum* vocant, quando penis continenter cum lasciva quadam palpitatione ac multa libidine vividaque veneris concupiscentia erigitur; Priapismus ex adverso, itemque *Tentigo veretri*, *Tetanus mentulæ* ipsis auditur quando involuntaria, diuturna ac valde rigida colis erectio, citra voluptatis sensum, citra rei venereæ appetentiam, et cum anxio potius dolore tensivo, accidit a).

## §. VI

b) Conf. MARTINI SCHVRII *Spermatologia* c. 3. p. 10.

## §. VI.

In affectu utroque, uti ego quidem opinor, *acrimonia humorum*, qua partes nerveæ musculorum erigentium et totius substantiæ colis cavernosæ plus iusto vellicantur, præcipue adcusanda venit: In priapismo tamen hæc ipsa copiosior, potentior et cum sanguinis crassitie coniuncta est; in satyriasi autem parcior, torpidior, atque dilutior, existit, et sanguis simul ac fluidum nerveum largius atque impetuosius in mentulam influere videntur. Hinc priapismus etiam frequentius apud arthriticos, rheumaticos et scorbuticos nascitur, nec raro pariter purgantium acriorum, cantharidum aliorumque mere ac fortiter stimulantium usum sequitur; satyriasis ex adverso sæpius apud homines, qui lascivis cogitationibus nimium indulgent, et interdum quoque apud maniacos observatur. Non parum quoque suppositam causam materiale sic dicta *Chorda venerea* confirmat. Nam licet coles in hoc affectu minime quidem secundum lineam rectam sive in longum extendatur, sed potius arcus instar incurvetur, in clara tamen luce positum est, spasmodicam hanc ac valde doloro-

sam penis contractionem arcuatam unice a vehementibus stimulis, quos illatum, et in cavernosa penis substantia quiescens, miasma acre venereum nervis inprimit, derivandam esse.

### §. VII.

Curatio partim ad *castitatis studium* et *potum victumque tenuem ac temperatum*, partim ad *venæsectionem* et *usum edulcorantium, laxantium et diaphoreticorum* redit. Edulcorantia, diluentia, demulcentia, aliaque passim sub plurium ægritudinum curatione, et fusius inprimis in Capite generali de *Morbis ex acrimonia*, recensita leguntur, nec ignota etiam laxantia et diaphoretica sunt. Notari tamen debet, pulveres nitroso-camphoratos, et decocta purificantia, quæ simul antispasmodica quædam et nervina recipiunt, sese præ multis aliis commendare, et laxantibus quoque, si virus venereum corpus intravit, mercurium dulcem addendum esse. Externe in priapismo et chorda fatus tepidi *emollientes* ad imminuendam rigiditatem nimiam profunt: Cavendum tamen, ne usus eorum nimium protrahatur, et cessanti igitur spasmotonia, quin paralytica quædam relaxatio, succedat.

CAP.



\* \* \* \* \*

## CAP. III.

DE

GONORRHOEA ET POLLVTIONE  
NOCTVRNA.

## §. I.

**G**ONORRHOEA (a γόνη, *genitura* et πέω, *fluo*) vulgo in *benignam* et *virulentam* dividitur. Benigna sive *vera* est involuntarius, frequens, quin fere nonnunquam perpetuus, puri et illibati spermatis effluxus. Datur quoque, præter ordinariam, adhuc alia quædam species benigna, in qua semen solummodo, membro erecto, aut sub difficili saltim ac valde laboriosa alvi deiectione, nunquam autem, membro pendulo, aut citra memoratam vesicularum seminalium compressionem, effluit.

## §. II.

Liquidum feminale, quod in benigna hac specie, invito patiente, emittitur, ordinario, uti dixi, sanum et illibatum, adeoque

acredinis prorsum et coloris peregrini expers est, nec urina etiam sub transitu suo per urethram ullum rosionis sensum excitat. S. effluxus quoque parvus ac saltim periodicus est, et ciborum appetentia viget, corpus minime debilitatur, nec alia singularia pathemata sentiuntur: Secus vero de stillicidio largo, creberrimo aut fere continuo iudicandum erit. Propter nimiam enim spirituosam huius liquidi lacturam, vires admodum deiciuntur, vultus expallescit, oculi concavi fiunt, adpetitus valde imminuitur, languet animus, vigor memoriæ decrescit, et multa alia molesta symptomata, visus mirum hebetudo, vertigo, palpitatio cordis et dorsi atque lumborum dolores superveniunt.

### §. III.

Caussa benigni huius fluoris proxima vel in sola *vesicularum seminalium*, vel in *harum* non minus quam *testium cæterorumque organorum genitalium atonia* consistit, quam frequentes inprimis ac vividæ cogitationes venereæ, lascivæ membrorum genitalium irritationes, intemperantia circa coitum, et sub-

subinde etiam prægressi morbi chronici, nec minus moeror, curæ, studia assidua et similia inducunt. Si atonia memorata solummodo in vesiculis seminalibus reperitur, morbus ut plurimum facilius tollitur; sin iunctim vero ipsi pariter testes simili imbecillitate laborant, et prædicta igitur symptomata, quæ, sola præsentē vesicularum seminalium laxitate, rarius notantur, accedunt, curatio eius multum persæpe negotii medentibus faceffit.

#### §. IV.

Curatio tum *tenui ac temperata diæta*, tum *pharmacis temperantibus, lenioribus nervinis et subadstringentibus* expedienda est. Ex censu igitur alimentorum nimis salsa, aromatica, acria, mellita aliaque dulcia fermentescibilia, spirituosā, decoctum coffeæ, chocoladæ, mustum et similia, quæ stimulant, aut seminis orgasmum excitant, vitari, et loco potus ordinarii aqua simplex frigida, infusum theæ orientalis, serum lactis acidulum, et decocta hordeacea atque avenacea, vel puriora, vel cum radice graminis cocta et nitro dep. ac sale acetosellæ modice imprægnata, adhiberi, ac simul pulveres ex coralliis

rubris, nitro, fale acetosellæ, rad. poeoniae, visco querno et croco martis, vel potiunculae ex iisdem pulverulentis et aquis refrigerantibus, nec minus infusa theiformia et decocta ex rad. anchusæ, caryophyllatae, herba agrimoniae, melissæ citr., flor. anserinae, bellidis sylv., rorismarini, flavedine corticis citri &c., emulsiones ex aqua flor. nymphaeae, boraginis, lactucæ, cichorii, graminis, sem. cannabis, quatuor frigidorum maiorum et minorum, nitro dep. &c., mixturæ ex tinctura violarum, rosarum, papaveris rhoeados, et pauxillo tincturæ martis pomatae aut terræ Iaponicæ, immo morsuli ex saccharo et pulvere corticis Peruviani in usum trahi debent: Nec inutilia quoque sunt *laxantia leniora* ex rhabbaro, sub pulveris forma et citra additamentum identidem exhibito. Externe unguentum comitissæ et epithemata ex herba scordii, rutæ, salviae, maioranae, flor. chamomillae Rom., hyperici, rosarum rubr., et cort. granatorum, cum vino rubro coctis, regioni pubis et interdum ipsi etiam scroto adplicari possunt.

## §. V.

A gonorrhoea benigna POLLVTIO NOCTVRNA, quae apud iuvenes ac viros plethoricos, otiosos ac lauta atque vinosa diaeta utentes per saepe accidit, gradu non minus, quam tempore fluxus differt. In gonorrhoea enim involuntaria feminis excretio diurno - nocturna, in pollutione autem, sicut adiectum vocabulum protinus ostendit, solummodo nocturna est, nec vigilantibus quoque, sed dormientibus sub insomnio venereo supervenit. Nullam prorsus vel non adeo tamen singularem medelam haec fluxio postulat: Si enim rarius contingit, corpori minime nocet, nec ullis igitur remediis indiget; sin crebriori autem recurso suo corpori debilitatem inducat, iustumque gonorrhoeae succedentis metum suscitet, *victu tenui, potu refrigerante aquoso, et paullo largiori nitri solius, vel huius etiam et salis acetosellae usu*, quibus apud plethoricos *venæ sectio periodica* iungenda est, cohiberi debet.

## §. VI.

GONORRHOEA NOTHA, eaque VIRULENTA a), apud nobiliores non minus,

a) Scriptorum aliqui *nothae* pariter gonorrhoeae



minus, quam sequioris sexus homines crebro occurrit, rarissimeque *scorbutica*, sed utplurimum *venerea* est; hinc, intuitu indolis, causae et curationis, a gonorrhoea benigna vere feminali longe recedit. Nam liquidum, quod indefinenter aut per intervalla ex urethra elabitur, ac sano semine nunc spissius paullulum, nunc tenuius ichorosum est, initio flavescit, deinde, nisi tempestiva medela feratur, viridescit, immo aliquando subfuscum plane colorem induit, et tam corruptum atque acre existit, ut urethram valde erodat, et hac igitur ratione vehementi dolori ardenti ac morsicanti, quem patientes post quamcunque inprimis urinae excretionem in urethra, praesertim prope glandem, persentiunt, occasionem praebeat. Silentio caeteroquin hoc loco minime praetermitti debet, liquorem memoratum in virulenta hac specie venerea non semper mere caustico-mucidum, aut caustico-ichorosum, aut putridulo-ulcerosum

*benigna*, quam etiam *catarrhalem* vocant, mentionem faciunt, eamque a sola eminenti prostaticae laxitate derivant; at, rarius hanc speciem medicis obviam fieri, certum est.

sum existere, sed, propter vesicularum feminalium irritationem, subinde etiam, praefertim si glandula prostatica virus venereum copiosius recepit, spermate vero remixtum esse.

## §. VII.

Vix memorata effluentis liquidi virulenti diversitas a gradu morbi differenti atque duratione praecipue dependet. Initio enim, post primum nempe miasmatis venerei sub impuro concubitu introitum, nondum ulcus aut ulcera adsunt, sed glandulae urethrae mucosae, tum minores, tum maiores COUPERI ac LITTRII, quin ipsa prostatica, quibus virus sese largius inprimis insinuare consuevit, copiosum duntaxat, acre atque corruptum humorem seroso-lymphaticum, aequae fere, ac glandulae narium pituitariae in coryza, emittunt, deinde autem, si morbus negligitur, aut effluxus materiae praemature stypticorum usu cohibetur, humores quiescentes, taboque infecti, maiori in dies corruptela depravantur, maioremve fortiuntur acridinem, et dictas igitur glandulas, quin totum hinc inde urethrae tractum  
non

non erodunt tantum, corrodunt atque exulcerant, sed sæpe quoque sæpius unius aut plurium caruncularum genesi occasionem suggerunt. Immo interdum fit, ut illatum virus venereum in ipsa substantia penis cavernosa pertinacius subsistat, et partem eius in ulcus malignum, quod ulterius postmodum serpendo apud alia individua versus urethram, apud alia versus priapi superficiem progreditur, convertat: Vnde minime etiam mirandum est, quod materia ulcerosa non semper per urethram emittatur, sed subinde quoque inter mobilia penis integumenta et substantiam cavernosam prodeat, et facile hac ratione tumidam præputii ac balani, quin totius quandoque mentulæ, inflammationem excitet.

### §. VIII.

Malum recens ac nondum ulcerosum plerumque, cura tamen rite ac tempestive instituta, satis facile tollitur: Sin neglectum vero aut sinistre tractatum inveteraverit, ac valde pridem ulcerosum existat, ulcusque altius inprimis ad ipsam glandulam prostatam penetraverit, persæpe admodum rebelle deprehen-

prehenditur, nec raro fistulam insanabilem, cuius præsentia ex paucò liquore limpido, post perfectam fluxus ulcerosi cessationem sub penis compressione, vel identidem quoque citra illam ex urethra guttatim emanante, cognoscitur, relinquit. Vt nihil dicam de tumore testium inflammatorio aut scirrhoso, de bubonibus seu intumescencia glandularum inguinalium inflammatoria pluribusque aliis symptomatibus venereis et completa lue Gallica, quæ creberrime succedere aut protinus complicari solent, quando virus, cura procrastinata, altius in corpus penetrans, universam humorum massam contaminat, aut humoris excretio, venenato miasmate nondum eiecto, nec ulcere etiam perfecte purificato, adstringentibus (quod delictum medicastri creberrime committunt) sistitur.

### §. IX.

Curando huic morbo medicamenta *cathartica sanguinemque purificantia*, quibus, præmissis tamen præmittendis, modo *travmatica*, modo *roborantia* atque *subadstringentia* iungenda sunt, maxime inserviunt. Ex purgantium classe pilulæ ex extracto catholico

lico aut panchymagogo CROLLII et mercurio dulci, initio melæ et pro re nata sæpius postmodum exhibendæ, sese præ reliquis commendant, inter purificantia autem mixturæ ex tincturis antimonii, succini, ess. lignorum, trifolii fibrini, scordii, pimpinellæ alb., liquore C. C. succinato &c., decoctum saturatius ex rad. glycyrrhizæ, sarsaparillæ, saponariæ, ligno Guaiaco, sassafras et semine foeniculi, morsuli antimoniales KVNCKELLII, et pilulæ ex terebinthina lota, gummi ammoniaco dep., balsamo Peruviano, Tolutano, myrrha genuina, extracto scordii, cardui bened., trifolii fibr., chamomillæ vulg., mercurio dulci, sulphure antimonii aurato, et oleo dest. ligni sassafras, propter sæpius confirmatam energiam suam, præcipue laudari merentur, immo, eminentiori inflammatione præsentente, pulveres ex absorbente quodam, nitro et camphora egregie ut plurimum profunt. Pleraque ex prædictis purificantibus etiam virtutem travmaticam ac roborantem obtinent, unde alia ulterius atque alia huius census recensere supervacaneum duco: Quod subadstringentia vero attinet, quæ admodum caute, nec prius, quam virulentia penitus



penitus extincta et humore parcius rursus effluente, et mitissimo, tenui, ac limpidio reddito, adhibenda sunt, illis crocum martis apertivum STAHLII, corallia rubra, grana chermes, tincturam martis pomatam et corticem Peruvianum maxime accenseo. Externe, nisi forsan complicata gravior glandis, præputii, aut totius priapi inflammatio foris et epithemata *emollientia* postulet, non adeo multa requiruntur remedia, sed sæpius tantum in urethram injecta tepida aqua calcis vivæ, cui interdum modica portio mellis rosarum, tincturæ balsami Peruviani, aut essentia myrrhæ aquosæ, et pauxillum salis ammoniaci misceri possunt, corruptam materiam eluere et ulcus purificare valet. Non penitus quoque, depuratione peracta, et insigni glandularum &c. laxitate superstite, externum sachari saturni usum rejicio, at exigua tamen quantitate istud liquoribus iniiciendis addendum esse arbitror. Si caruncula denique, quæ urinæ et materiæ corruptæ effluxum valde ut plurimum impedit, in urethra enata fuit, quantocyus illa ad placentis lenioribus *athæreticis*, v. g. unguento Aegyptiaco, auxillo mercurii dulcis aut præcipitati rubri

remixto, nec minus pulvere ex radice aristolochiæ rotundæ, tutia pptā, antimonio crudo, et mercurio dulci, recenti tamen amygdalarum oleo humectato paullulum ac temperato, similibusque, quæ apici seu alteri extremitati tenuis candelæ ceracæ illinuntur, absumi debet.

## §. X.

*Gonorrhoea gravior et inveterata scorbutica*, quam supra ad malignas pariter sive virulentas gonorrhoeas retuli, raro, uti pridem monui, occurrit, nec facile etiam, licet a contagio non plane immunis sit, per contagium propagatur, quoniam humor acris atque corruptus venereo miasmate paullo mitior reperitur, et patientes præterea propter universi corporis ægritudinem parum ad concubitum inclinant. An virulenta cæteroque gonorrhoea, venereæ per omnia similis, apud homines sponte nonnunquam, h. e., citra ullam infectionem veneream, nasci possit, sicuti nonnulli defendere, sustinent a), certo nondum adserere audeo,

a) V. *Promptuarium Hamburgense* P. XVII. p. 133  
*sequ. It. F. B. V. LINDERN Speculum veneris cap. 3.*

audeo, sed, dolum potius aut prægressæ infectionis ignorationem ordinario subesse, credo.



## CAP. IV.

DE

## IMPOTENTIA VIRILI.

## §. I.

**I**MPOTENTIA VIRILIS duplex est, altera nimirum *Impotentia coeundi*, altera *Impotentia generandi*. Hæc sæpius liquoris genitalis, illa sæpius mentulæ vitia causas proximas agnoscit: Sæpius tamen, dico, non semper; inter posteriora enim multa occurrunt, quæ non solum congressui decenti, sed ipsi etiam sobolis procreationi impedimento sunt.

## §. II.

Ad vitia *colis* atque *scroti*, quæ coitum vel plane impediunt, vel vario tamen respectu difficillimum, imperfectum, aut adeo

incongruum reddunt, ut semen emitti, aut debite ad minimum immitti nequeat, præter situm mentulæ in loco plane insolito et inconvenientem illius perforationem, deficiens quoque eiusdem erectio, nec minus gravior paraphimosis aut phimosis cum arcta præputii et balani cohæsiōe, aut omnimoda orificii urethræ clausura, nimia itemque præputii angustia naturalis et inde oriens capistratio, vel excedens etiam eiusdem longitudo *a*), tortuositas magna sive curvatura priapi, vel connata, vel spasmo vehementi aut alia læsione induc̃ta, nimia porro

- a*) In Aegypto, Arabia, pluribusque calidioribus Asiæ et Africæ regionibus creberrime insolita prorsus præputii longitudo apud pueros observatur, quæ, testantibus scriptorum nonnullis, persæpe tanta existit, ut penitus ad coitum futurum, nisi circumcidantur, inepti fiant; unde multi etiam, circumcisionem apud gentes hæcæ olim non religioso tantum, sed medico pariter respectu susceptam esse, et hodiernum suscipi, non absque solidis rationibus statuunt. Conf. 10. FRID. BAVERI *Diff. de Causa foecunditatis gentis circumcisæ in circumcissione quarendæ*, §. 18.

porro eiusdem membri crassities aut nimia brevitās, vel ingens atque spasmodica versus abdomen cum magna corrugatione et abbreviatione retractio, ut et grandior oscheocele, hydrocele atque sarcoccele, autior hydrops scroti et plura alia, quæ fusi-  
us apud MARTINVM SCHVRIGIVM a) et singulos *Medicinæ forensis* scriptores videri poterunt, spectant; vitiis *liquoris genitalis* autem, quorum uberior quoque recensio et explicatio in libris memoratis quærenda est, *defectus* maxime, *inertia* nimiaque *aquositas*, et *ulcerosa* aliaque *corruptio* eius recenseri merentur.

### §. III.

Causæ, tum allegatæ variæ conformationis vitiosæ, tum cæterorum quoque coitus regularis impedimentorum, partim ad pravam matris gravidæ imaginationem et multiplices alias embryonis in utero delitescētis læsiones redeunt, nec hoc igitur loco ulteriori explanatione indigent, partim hinc

C c 3 inde

a) In *Spermatologia historico-medica* Cap. 10. p. 451. sequ.



inde sub speciali affectionum prædictarum aliarumque tractatione recensitæ leguntur: Quod reliquas vero attinet, quæ priapo erigendi impotentiam, aut seminis prolifici defectum inducunt, vel huic posteriori corruptam qualitatem conciliant, de iis longum quidem catalogum subiungere possem; verum, ne circa momentum, alibi strictius evolvendum, proluxior sim, atoniam duntaxat aut veram paralyfin membri virilis, inedia itemque diuturnam, moerorem aliasque anxias animi sollicitudines, assidua studia profunda, prægressam libidinis intemperantiam, prægressas evacuationes immodicas, hæmorrhagias v. g., diarrhoeas colliquativas, sudores enormes &c., nec non morbos præsentis aut antecedentes, succos vitales magnopere suffurantes, phthisin nempe, febres malignas, hydropem &c., ut et vulnera capitis, cirsocele, defectum et scirrhosam testium indurationem, irrita ac valde torminosa molimina hæmorrhoidalialia et gonorrhoeam ulceroso-virulentam nominasse sufficiat.

## §. IV.

Ex præmissa ætiologia cuivis facillime patebit, non prognosin tantum, sed medendi quoque methodum, ob maximam causarum diversitatem, mirifice variare, et aliam impotentiae virilis speciem transitoriam, aliam perennem, aliamque rursus curabilem, aliam incurabilem esse. Nam si connata aut adscititia conformationis vitia tanta reperiuntur, ut nulla arte tolli possint, si morbi quoque chronici et rebelles, phthisis v. g. confirmata, hydrops adultior, perfecta testium induratio scirrhusa &c., radicalem vel omnem haud raro medelam respuentes, adsunt, nihil plane sperandum est; secus ex adverso iudicare et reducturæ potentiae spem concipere licet, quando phimosis tantum, paraphimosis, chorda venerea, gonorrhoea virulenta, atonia aut levior mentulae paralyxis, hydrops scroti, herniae, penuria fluidi nervei cæterorumque succorum laudabilium, feminis aquosa aut viscida inertia et morbi similes, qui ope artis medicæ aut chirurgicæ sæpissime iterum sanantur, impotentiam coeundi aut generandi producant.

## §. V.

De curatione impotentiae, quae, tanquam merum duntaxat symptoma, phimosi, paraphimosi, chordae venereae, gonorrhoeae virulentae, herniis, hydropi scrotali aliisque morbis iuncta reperitur, nihil hoc loco afferam, sed illam solummodo, quam causae posteriores, atonia nempe ac levior priapi paralysis, penuria succorum laudabilium et feminis inertia, postulant, quaeque intuitu internorum medicaminum parum differt, breviter exponam. Duplici autem haec ipsa indicatione, *spirituum nempe aliorumque succorum laudabilium restitutione, et roboris in solidis reductione atque augmento* nititur. Primae indicationi non tantum *analeptica alimentosa*, hinc inde saepius dudum recensita, iuscula v. g., ex carne vitulina, gallinarum, caponum, cancrorum fluviatilium &c., cum pineolis, pistaceis, amygdalis dulc. excort., et flavedine corticis citri, mace aliisque mitioribus aromatibus in PAPINI lebetes parata, ova forbilia recentia, lactinia, placenta amygdalinae, panis mellitus, ostreae, cochleae, dactyli carnosissimi, choocolada, vinum dulce Hispanicum aut Canariense &c., sed

*strictius*

*strictius quoque sic dicta aphrodisiaca, quæ*  
 feminis orgasmum intendunt ac modice sti-  
 mulant, cinnamomum v. g., macis, carda-  
 momum minus, nux moschata in India condi-  
 ta, zingiber itidem in India conditum, cro-  
 cus orientalis, electuaria ex syrupo cinna-  
 momi, corticis citri, succo granorum cher-  
 mes, brodio nucis moschatae, et zingiberis  
 cond., speciebus aromat. ros., diaxylaloes,  
 diambrae, diacinnamomi, dianthos, oleo ci-  
 tri Italico, electuarium diasatyriionis, stoma-  
 chicum cum cinnamomo, rotulae stimulant  
 Myns., confectio alkermes et similia dicata  
 sunt; obtinendae alteri autem quævis *robo-*  
*rantia nervina*, tam interna, quam externa,  
 mixturae v. g. concentrationes ex ess. ligni  
 aloes, melissae, cort. citri, aurantiorum, cin-  
 namomi et tinctura martis pomata, pilulae ex  
 gummi galbano dep., myrrha genuina, bal-  
 samo Tolutano et Peruviano, extractio car-  
 di bened., pulvere cinnamomi, croci et  
 oleo dest. rorismarini, caryophyllorum &c.,  
 electuaria ex praedictis syrupis et speciebus  
 aromaticis, morsuli ex saccharo, flavedine  
 corticis citri, cinnamomo, granis chermes et  
 cortice Peruviano, nec minus pro externo

usu *linimenta* ex spiritu formicarum, liliorum convallium, lavendulæ, rorismarini, aqua cephalica imp., aqua mastichina, balsamo vitæ &c., quibus coles æque ac regio pubis subinde inunguntur, inserviunt, Circa interiorum cæteroquin stimulantium usum paucis adhuc notandum venit, modice illa, præsertim apud subiecta macilenta, nec prius quoque, quam sufficienti succorum laudabilium quantitate restituta, exhibenda esse, ne, deficiente materia seminis, priapismum dolorosum, aut miæctum cruentum excitent, vel alio modo corpori noceant.



## C A P. V.

DE

DEFECTV, SVPPRESSIONE ET  
EMANSIONE FLVXVS  
MENSTRVI.

## §. I.

**D**ifferentia quædam DEFECTVM, SVPPRESSIONEM et EMANSIONEM FLVXVS MENSTRVI intercedit: *Defectus*



*Flux* nimirum dicitur, quando apud virginem, quæ menstruum hanc cruoris excretionem per muliebria antea nondum experta est, varia quidem ad illam molimina, dolores nempe tensivi in dorso, osse sacro, regione pubis et abdomine, quibus, irritò naturæ conamine, sese graviora tandem pathemata, vehementiora v. g. ventris tormina, intumescencia atque durities abdominis, nausea atque conatus vomendi, palpitation cordis, respiratio difficilis, cephalalgia, odontalgia, vertigo, pallor faciei, lassitudo omnium membrorum aliaque plura associant, sine optato tamen, uti dictum, excretionis successu oriuntur: *Suppressio* vero audit, quoties apud virginem aut foeminam non gravidam fluxus memoratus, qui antea pluries dudum aut semel ad minimum adfuit, solito tempore erumpere rursus desinit, et post brevius itaque aut longius intervallum symptomata prædicta sequuntur: *Emanatio* denique appellatur, si fluxus hic, vel nonnaturaliter et per novem duntaxat menses apud gravidas, vel naturaliter atque constanter apud foeminas, senio proximas, cessat.

## §. II.

Suppressio non minus, quam defectus fluxus menstrui proxime a *magis minusve refractaria obstructione* oritur, quam arteriolæ uteri seroso-lymphaticæ, quæ sanguinem abundantem ex arteriis strictius ita dictis post sufficientem sui dilatationem recipere, transmittere, et in caveam matricis effundere debent, patiuntur, quamque modo *spasmus insolentior* aut tamen *rebellis*, modo *sanguis crassus, viscidus, mucosus, densus, grumosus* et *similis viciosæ qualitatis humores seroso-lymphatici* efficiunt. Nec reticeri quoque oportet, humorum crassitie *partium solidarum atoniam* sæpissime iunctam esse, eamque multum pariter ad formandam, conservandam, et augendam obstructionem memoratam tam directe, quam indirecte conferre.

## §. III.

Spasmus uteri modo sanguinis ac lymphæ vitiis stipatus est, modo citra illa exoritur, adeoque simplex saltim ac solitarius existit: Hunc terror inprimis et magna aut subitanea abdominis pedumque refrigeratio, illum iracundia gravior, et retentæ aut de-  
nuo

nuo ex corporis superficie retropulsæ et refractarie postmodum in uteri vasculis subsistentes impuritates scorbuticæ, purpuratæ, scabiosæ, rheumaticæ, arthriticæ &c. excitant. Causæ procataceticæ tum atoniæ partium solidarum, tum crassitie, lentoris, ac muciditatis multo adhuc numerosiores sunt, et moeror maxime, curæ, tristitia, vita sedentaria, somnus nimius, defectus potus sufficientis, esculenta crassa, viscida, dyspepta, acida rudiora &c., intemperies aeris humida, crebrior transpirationis cutaneæ suppressio, frequens puerperium, lactatio diuturna, neglecta adiveta venæsectio periodica, abusus sudoriferorum et purgantium fortiorum, diarrhoeæ criticæ intempestive cohibitæ, et febres intermittentes præmaturo adstringentium usu suppressæ accenseri merentur.

#### §. IV.

Obstructio catameniorum, a spasmò duntaxat solitario oriunda, interdum satis facile tollitur: Sin genesin vero suam eminentiori partium solidarum atoniæ, et viscidis aut mucido-acribus humoribus debet, et suppressio præterea valde dudum inveteravit,

vit, ad morbos admodum refractarios spectat, et multas rursus ac varias ægritudines alias, quarum nonnullæ necem patientibus haud raro inferunt, hydropem videlicet, chlorosin, hæmoptysin, vomitum miæctumque cruentum, phthisin pulmonalem, hæcticam, vel subinde etiam epilepsiam, apoplexiam, catarrhum suffocativum &c. producit.

## §. V.

Curatio huius obstructionis, sive defectus audiat sive suppressio, pro indicato distincto causarum genio, differt. Si spasmus enim solitarius citra singularia humorum vitia culpam sustinet, sola sæpius *pediluvia, infessio uterini, semicupia, clysmata emollientia, venæsectio in pede*, et pro interno usu *iussula* avenacea tenuiora, *decocta* tepida hordeacea et avenacea cum radice graminis, althææ &c., *pulveres* ex lap. cancrorum, tartaro solubili, succino et nitro depurato, *electuaria*, parcius tamen exhibita, ex oleo amygdalarum dulcium recentissimo, pulvere rhabbari et pauxillo croci, aliaque mitiora relaxantia et antispasmodica sufficiunt. Eadem quoque, præsentem simul spasmum et biliosam  
acrimonia,

acrimonia, post gravio rem iracundiam in sanguinem translata, adhiberi poterunt, ita tamen, ut emollientia parcius, nitrosa ex adverso aliaque temperantia largius in usum trahantur.

## §. VI.

Aliter rursus medela adornari debet, quando retentæ aut retroactæ impuritates acres aut mucido-acres in uteri mæandris quiescunt, vel atonia partium solidarum eidemque ordinario iuncta crassities, viscositas, densitas, coagulum, grumositas sanguinis obstructionis causæ existunt. In casu enim priori, præter *venæsectionem in pede, laxantia mitiora* et quamplurima *diaphoretica, diuretica, antiscorbutica sanguinemque purificantia* reliqua, interne nimirum decocta et infusa theiformia ex rad. glycyrrhizæ, scorzone-  
ræ, althææ, saponariæ, sarsaparillæ, ligno Guaiaco, sassafras, herba melissæ citr., hederæ terrestri, veronicæ, flor. rorismarini, flavedine cort. citri, et sem. foeniculi, nec minus, expellendi sine, morsuli antimoniales et pulveres ex lap. cancrorum, sale de Seignette, borace Veneta, nitro dep. et camphora  
aut



aut sulphure antimonii aurato optimo, externe vero *pediluvia*, *inseffus uterini*, et *balnea uteri vaporosa balsamica* ex rad. levistici, imperatoriae, herba menthae crispae, roris-marini, abrotani, herba et flor. matricariae, flor. chamomillae Rom. calendulae, baccis lauri, iuniperi, sem. nigellae Romanae &c. profunt: In casu posteriori autem non tantum *venæsectio in pede* et *cathartica*, mercurio dulci largius remixta, aut salsa amara, sed *potentiora* etiam *attenuantia*, *purificantia*, *roborantia*, tandemque, praeparatione nimirum peracta, *emmenagoga validiora*, v. g. pulveres ex salibus mediis, nitro, borace Veneta, succino, cinnamomo, radice irid. Florent., croco orientali, sulphure antimonii aurato &c., pilulae ex gummi ammoniaco, galbano, myrrha genuina, aloe violata, extractis amaris et mercurio dulci, pilulae Becherianae et Stahlianæ, mixturae, ex terra foliata tartari, floribus salis ammoniaci, extr. angelicae, chamomillae vulg., cent. minoris &c. cum vino paratae, posteaque cum essentia succini, croci, rhabbarbari, pimpinellae albae, tinctura antimonii &c. remixtae, infusa vinosa ex rad. angelicae, galangae, diptamni albi, canella alba, cinna-

cinnamomo, flor. rorismarini &c., huiusque commatis plura, nec minus pro externo usu prædicta *balnea uteri vaporosa balsamica*, ut et, eminentiori nempe fibrarum laxitate præfente, *suffimigia* ex gummi anime, elemi, taccamahaca, benzoe, baccis iuniperi, herba sicca rorismarini &c. generaliter commendanda veniunt.

## §. VII.

Circa præmissa cæteroquin probe adhuc notari oportet, *remedia pellentia* non statim initio curationis, sed primis viis debite prius purgatis, debitaque humorum resolutione, edulcoratione, aliave præparatione peracta, exhibenda esse. Idem monitum circa *derivatoriam* pariter *venæsectionem* in *pede* valet, quippe quæ paucis duntaxat diebus ante solennem antea fluxus suppressi eruptionem, vel in defectu post sufficientem demum resolventium usum institui debet. Sed loquor solummodo de venæsectione derivatoria: Nam *evacuatoria*, quæ saltem ad plethoram imminuendam et symptomatum atrocitatem mitigandam necessaria reperitur, initio protinus et ante

pharmacorum calidiorum atque exagitantium usum administrari potest ac debet.



## C A P. VI.

DE

### FLVXV MENSTRVO NIMIO ET ANOMALO.

---

#### §. I.

**F**LVXVS MENSTRVVS duplici respectu NIMIUS dicitur. Primo nimirum, quando sanguis, iusto quidem tempore erumpens, nimia quantitate nimioque impetu excernitur, ac corpori proinde maior aut minor imbecillitas inducitur, et deinde, si fluxus hic, licet quoad menstruum suum reditum itidem regularis sit, nimis diu protrahitur, et hoc pariter modo corpori plus sanguinis, quam citra magnam sui debilitationem amittere potest, detrahitur.

#### §. II.

Imminentem immodicum hunc catameniorum fluxum non tantum varia pathemata,

mata, siccitas v. g., oris, respiratio difficilis, anxietates præcordiales, dolores abdominis, præsertim circa os sacrum, tensivi ac constri-  
ctorii, gravitas artuum, lassitudo totius cor-  
poris, ebullitiones sanguinis, vagæ horripila-  
tiones ac phlogoses &c., præcedunt, sed multa  
etiam eundem, si impetuosior sit aut diutius  
perduret, aut sæpius recurrat, ingens videlicet  
virium deiectio, prostratio adpetitus, pallor fa-  
ciei, vertigo, animi deliquia, dolores peren-  
nes lumborum, abdominis ac pubis, palpita-  
tio cordis &c., sequuntur, immo, malo rebelli  
existente, tandem summa spirandi difficultas,  
tabes corporis universalis, febris lenta et he-  
ctica exitiosa, vel subinde etiam hydrops  
ascites aut leucophlegmatia superveniunt.

### §. III.

Causæ proximæ interdum cum vix ex-  
planatæ suppressionis caussis multa commu-  
nia habent, interdum vero differunt. Apud  
alia enim subiecta *venarum uteri reducentium*,  
aut *viscerum imi ventris obstructio*, apud alia  
*insignior vasculorum excernentium laxitas*, et  
apud alia denique *plethora commota*, aut *sim-  
plex saltim, ast valde simul vehemens cruoris*

*rarefactio* adcusanda est. Nec penitus præterea ignorari debet, *magnam vasorum uteri erosionem* nonnunquam, licet rarius, præcipuam nimii effluxus causam constituere, eamque ut plurimum abortum difficiliorem, vel molæ grandioris exclusionem, vel diuturniorem, nunc totalem, nunc partialem, placenta post partum retentionem ac corruptionem putredinosam subsequi.

#### §. IV.

Generandis commemoratis causis proximioribus, præter ea, quae in antecedente pridem capite inter procatarcticas obstructionis causas relata fuerunt, iracundia inprimis et aliae vehementiores animi commotiones, speculationes venereae vividiores, motus corporis excedens, potulenta spirituosae largius hausta, alimenta, aromatibus calidioribus, aliisque additamentis acribus nimium condita, neglecta adsueta plethorae ventilatio periodica, clysmata atque suppositoria actiora, purgantia, sudorifera et fortiora inprimis emmenagoga, nec non balnea emollientia, frequentius antea, scopo vario, usurpata, nec minus coitus nimius, praegressus partus difficilis



cilis et crebrior abortus famulantur: Vt nihil de iniquatione humorum scorbutico-purpurata dicam, quae haud raro non occasionalis solum, sed efficiens pariter rebellis fluxus immodici causa evadit.

### §. V.

Curatio partim *venæsectione revulsoria* in brachio et *pharmacis temperantibus*, partim *resolventibus* atque *aperitivis* expedienda est. Temperantia, aquea scilicet, acidula, et nitrosa, specialius pridem in *Cap. generali de Hæmorrhagiis* §. 10., et sub plurium aliarum aegritudinum medela recensita occurrunt; ex classe resolventium et aperientium vero illa tantum, quae tuto ac blande operantur, nec ullum sub actione sua sanguinis orgasmum excitant, scilicet nimirum media, cum terreis absorbentibus, radice poeoniae, nitro &c. ad pulveris, vel cum hisce etiam et aquis destillatis atque seminibus quatuor frigidis maioribus aut minoribus ad emulsionis, vel saltem, feminum additione omissa, ad potiunculæ formam redacta, seligenda sunt. Hisce interdum, si atonia nempe atque laxitas vasculorum uteri excernentium causam prae-

cupuam constituit, vel cruoris etiam eruptio nimis impetuosa atque rebellis est, *tonica* quaedam et *adstringentia*, v. g. corallia rubra pptā, species de hyacintho, crocus martis aperitivus STAHLII, tinctura coralliorum, martis pomata &c. addi, vel interponi debent. Monendum tamen, circa adstringentium usum maxima circumspectione opus esse, ne, refractaria forsan imi ventris viscerum obstructione praesente, sanguis, post subitanam fluxus cohibitionem tum egredi amplius tum libere regredi nesciens, gravia pathemata concitet, aut novum magisque periculosum in loco plane incongruo, pulmonibus v. g., ventriculo &c., exitum quaerāt. Cessante fluxu, a praedictorum temperantium et aperientium adsumptione non statim desistendum est, sed illa adhuc aliquamdiu usurpanda et per intervalla leniores quoque pilulae abstergentes ex gummi ammoniaci depurato, et extracto rhabarbari atque chamomillae vulgaris in usum trahendae sunt.

### §. VI.

A fluxu mensium, tam nimio, quam suppresso, FLUXVS eorum ANOMALVS differt,

fert, et ita nuncupatur, 1) quando sanguinis eruptio nullum amplius ordinem servat, sed nunc solito citius, bis scilicet intra menstruum spatium aut tertia saltem hebdomade elapsa, nunc solito tardius, post quintam videlicet aut sextam demum hebdomadem, reddit, et 2), quando sanguis hac vice iusto pariori, altera iusto largiori, et alia rursus sufficienti quantitate excernitur. Causae huius anomaliae, quae partim ex morbis praegressis, partim ex complicatis pathematibus et sanguinis excreti qualitate cognoscendae sunt, cum fluxus nimii et suppressi causis conveniunt, adeoque eandem pariter mendi methodum eademque remedia ad sui sublationem postulant.



## CAP. VII.

DE

### FLVORE ALBO.

#### §. I.

**F**LVOR ALBVS, alias etiam *Gonorrhoea muliebris*, itemque *Leucorrhoea*

D d 4

(a

(α λευκὸν, album et ρέω, fluo) dictus, eff periodica aut plane indefinens humoris serofo-pituitosi, albidi, vel subflavo- aut viridiusculo - albicantis, nunc, instar albuminis ovorum, viscidioris minusque acris, nunc tenuioris magisque erodentis, per muliebria excretio.

## §. II.

Merito hic fluor in *nonnaturalem* atque *perfecte præternaturalem*, et hic rursus in *vulgarem benigniorem* et *gravierem scorbuticum* dividendus est. Nonnaturalis interdum apud foeminas plethoricas, senio dudum proximas, cessanti fluxui sanguinis menstruo succedit, nec perpetuus itaque, nec vagus, nec irregularis, sed menstruus regularis est, et catameniorum vices subire videtur: Præternaturalis ex adverso sive vere morbosus, qui ordinario cum mensium imminutione aut plenaria obstructione coniunctus est, et viduis imprimis, sterilibus, habitusque cachectici, et phlegmatici temperamenti subiectis familiaris deprehenditur, persæpe, apud iuniores æque ac seniores foeminas, partim ab *uteri imbecillitate* et *eminentiori arteriolarum excernentium*

*tium seroso-lymphaticarum nec non glandularum vaginæ laxitate, partim a sanguinis ac lymphæ crassitie et ingenti muciditate, quibus, si scorbuticus existit, copiosa ac magna acrimonia sociata est, proxime oritur.*

### §. III.

Ad causas procatareëticas singula quidem referri possunt, quæ fluxum menstruum minuere, suppressere, aliove modo turbare valent, specialius tamen hoc loco frequens refrigeratio pedum et abdominis, diuturna habitatio in loco humido-frigido, esculenta crassa, viscida, nimium salsa ac fumo indurata, potus parcior, vel etiam nimius liquidorum tepidorum, infusorum v. g. theiformium, decocti coffee, chocoladæ &c., vita sedentaria, moeror, tristitia, aliæque animi sollicitudines diuturnæ, coitus excedens, abusus balneorum emollientium, purgantium fortiorum et emenagogorum, frequens abortus, prægressus partus difficilis, dyscrasia humorum scorbutico-purpurata, et cachexia nominari merentur.



## §. IV.

Fluor albus benignior, præsertim periodicus, propter temperatiorem humoris effluentis indolem, non adeo singularia incommoda parit, difficile nihilominus curatur, et tandem quoque, si patientes diætæ regulas spernant, et succi ideo maiorem successi-ve acredinem contrahant, deterior, et, æque ac gravior scorbuticus, continuus ac valde molestus evadere potest. Nam, humoribus acrioribus redditis, et corrupti liquoris effluxu citra intermissionem accidente, non pudenda solum valdopere eroduntur, et magnus præcipue dolor ardens ac morficans sub lotii excretionem et post eam percipitur, sed, ob nimiam quoque liquidi seroso-lymphatici iacturam, totum corpus adeo debilitatur, ut singula membra insignem lassitudinem sentiant. Accedunt quoque pallor faciei, oculi tristes ac concavi, inappetentia ciborum, dolores pubis, dorsi atque lumborum, inflatio abdominis, intumescencia pedum, et ipsius nonnunquam uteri aut vaginæ prolapsus, coeundi præterea desiderium decrescit, aut penitus extinguatur, et concipiendi potentia minuitur, aut plane perit, im-

mo

no haud raro accidit, ut malum hoc, irrita  
 orfus medela et magis in dies magisque  
 nvalescente humorum corruptione, tandem  
 a cachexiam et hydropem intercutaneum,  
 ut ascitem, aut hecticam atque phthisin pul-  
 monalem transeat.

§. V.

Ad sanandum hunc morbum initio cu-  
 æ ea maxime, quæ corpus probe purgant,  
 et prædicta sanguinis ac lymphæ vitia, mucil-  
 litatem nempe et acrimoniam vulgarem aut  
 corbuticam corrigunt, requiruntur, deinde  
 autem roborantia necessaria sunt. Quare  
 medelæ exordium, si magna scilicet plethora  
 idest, cum *phlebotomia in pede* fieri, postea-  
 que *laxantia* et *cathartica*, v. g. radix ipe-  
 cacoanhæ, rhabarbarum, infusa aquosa ex  
 manna, rhabarbaro, et sale de Seignette, pi-  
 ulæ ex extracto catholico aut panchymago  
 Crollii cum mercurio dulci &c., et, hisce  
 præmissis, ac sæpius per intervalla, si necesse  
 fuerit, interpositis, *attenuantia*, *abstergentia*,  
*temperantia*, et *sanguinem purificantia*, pilu-  
 læ nimirum ex terebinthina lota, gummi gal-  
 bano et ammoniaco depurato, myrrha ge-  
 nuina,

nuina, aloe violata aut rosata, balsamo Toluano et Peruviano, extr. cardui benedicti cent. minoris, trifolii fibrini, scordii, chamemillæ vulgaris, angelicæ, pulvere cort. cascarillæ, croco, sulphure antimonii aurato &c. electuaria ex syrupo de erysimo LOBELII de hyssopo, rob iuniperi, extractis amarum pulvere rhabbari, cascarillæ &c., morsul antimoniales KVNCKELII, tincturæ diffusiores ex extractis amarum, terra foliata tartari et vino, mixturæ concentrationes spirituosæ ex tinctura antimonii, lignorum, scordii, succini, trifolii fibrini, enulæ, pimpinellæ albæ &c., ut et eiusdem virtutis decocta et infusa, tam vinosa, quam aquosa theiformia, alibi sæpius commendata et specialius descripta, in usum trahi debent.

## §. VI.

Depuratione peracta, purificantium usus non penitus quidem cessare debet, iisdem tamen *roborantia* quædam *potentiora* et *subadstringentia*, quorum aliqua dudum mentio in capite antecedente facta fuit, circumspecte addenda aut interponenda sunt. Externe præterea roborandi scopo *suffragio*  
ex

ex succino, gummi elemi, tacamahaca, oli-  
 pano, mastiche, baccis iuniperi, herba roris-  
 narini &c. conveniunt, nec apud ea pariter  
 subiecta, quæ propter continuum materiæ  
 interioris effluxum de magna ac valde dolo-  
 rosa pudendorum erosione conqueruntur,  
*emulcentia*, v. g. unguenta ex oleo infuso  
 liliorum alb., chamomelino, verbasci, muc-  
 agine seminispsyllii &c., epithemata, ex rad.  
 althææ, liliorum alborum, flor. malvæ, sambu-  
 ci, chamomillæ vulgaris &c., cum lacte co-  
 ctis, parata, ac tepide partibus erosis adplicata,  
 illaque huius census plura, negligenda sunt.

## §. VII.

Cum hætenus exposito fluore albo,  
 strictius aut proprie ita dicto, GONOR-  
 RHOEAM VIRVLENTAM VENEREAM,  
 quam multi etiam *Fluorem album malignum*  
 vocant, medicum minime confundere oport-  
 et. Nam hæc posterior unice *conubitu*  
*impuro* contrahitur, et ab *exulceratione va-*  
*ginæ uteri* &c. oritur, adeoque non originis  
 aptum ac causæ intuitu, sed valde pariter  
 quoad genium, symptomata atque curatio-  
 nem a fluore albo vulgari differt, et sequen-  
 tibus

tibus inprimis criteriis dignoscitur. In virulenta nimirum gonorrhoea venerea humor initio statim seroso-ulcerosus, valde causticus et subflavi, subviridis, quin interdum fusci prorsus coloris est, nec unquam, ipsa etiam purgatione menstrua superveniente, promanare desinit, in fluore albo vulgari autem initio et per satis longum subinde tempus solummodo albicans, viscidior, seroso-lymphaticus, erodentisque acredinis expers reperitur, et adveniente ac durante excretionis sanguinis menstrua semper fluere cessat, posteaque redit. In gonorrhoea virulenta præterea pathemata, supra §pho IV. memorata, flori albo nunquam complicantur, sed eorum loco ingens pudendorum erosio, atque exulceratio, inflammatio labiorum, nympharum atque clitoridis, quin tanta nonnunquam orificii vaginæ inflammati constrictio, ut *phimosis muliebris* vocari mereatur, accedunt. De curatione nihil addo, quoniam quoad methodum non minus, quam medicamenta, tam interna, quam externa, virulentæ gonorrhoeæ virilis curationi similis est.

CAP.



\* \* \* \* \*

## CAP. VIII.

DE

PASSIONE HYSTERICA, ET  
FVRORE VTERINO.

## §. I.

PASSIO HYSTERICA, *Malum hysteri-*  
*cum, Hysteralgia* (ab ὕστέρα, uterus et  
 λυέω, doleo) est affectus uteri, mesenterii  
 et partium connexarum spasmodico-dolo-  
 rificus, qui, causæ formalis non minus, quam  
 materialis intuitu, cum passione hypochon-  
 driaca maximam partem convenit, et eadem  
 roinde pathemata, multo tamen utpluri-  
 mum acerbiora, comites adducit a).

## §. II.

Inter symptomata, eaque frequentiora,  
 præter tormina uteri ac ventris inferioris,  
 cru-

a) Scriptorum medicorum permulti nullum pla-  
 ne discrimen inter passionem hystericam et hy-  
 pochondriacam faciunt: At, aliquam omnino  
 differentiam adesse, certo certius est, quoniam

cruciatibus colicis valde ut plurimum similia, obstructio aut segnities alvi, murmura in intestinis seu borborygmi frequentes, cum magno nonnunquam eiulatu coniuncti, dolores dorsi tensivi ac lancinantes, distentio hypochondriorum, profunda umbilici sub terminibus retractio, sensus globi cuiusdam, ex imo ventris versus ventriculum adscendentis, anxietates præcordiales, spasmi cardialgici, inflatio ventriculi, ructus creberrimi, cum rugitu quodam aut vomendi conatu erumpentes, pulsatio cordis fortior aut vera palpitatio, respiratio difficilior et singularis in vertice frigoris sensus militant, nec raro etiam vertigo, tinnitus aurium, cephalalgia gravior, nunc vulgaris latioris ambitus, nunc arctis limitibus circumscripta et sub clavi hysterici nomine nota, nec minus inversio aut rotatio oculorum, strangulatio seu præfoecatio in gutture cum spirandi ac deglutiendi difficultate, singultus rebellis, vomitus actuales, inappetentia vel adpetitus vagus aut plane absurdus, frigus notabile, per spinam dorsi

in adfectu priori uterus semper compatitur, quia morbum primum solus sæpe sustinet.

dorſi primo aſurgens, ac ſeſe protinus per totum corpus diffundens, æſtus corporis ſanguinisque ebullitio, frigus plerumque excipiens, meſenterii atque inteſtinorum in aliquo imi ventris loco in diverſæ magnitudinis globum contractio, impedita, doloroſa, nephritidemque calculoſam mentiens, urinæ excretio, &c. accedunt, immo interdum vomitus cruentus, graviffima animi deliquia, cum pallore faciei cadaveroſo, ſudore frigido, et pulſu vix amplius aut ne vix perceptibili, aut horum loco motus convulſivi in facie et artubus, aut perfectæ epilepſia, aut mentis alienatio cum furore, aut apoplexia, aut catarrhus ſuffocativus aliaque ſuperveniunt, quæ non ſolum ægrotantium ærumnas augment, ſed morbum ſubinde etiam ad exitum funeſtum deducunt.

§. III.

Maxime hoc malum foëminis plethoricis, melancholico-cholericis, vitæ ſedentariæ deditis, et iracundiæ aliisque animi adfectibus valde obnoxiiſ, familiare deprehenditur, ac proxime a vehementi uteri, meſenterii et partium connexarum contractione

*spasmodica* dependet, quæ apud subiecta quamplurima *crassitie*, *viscositati*, *stagnationi*, *adaccumulationi*, ac *stasi cruoris*, indeque nascentibus *vasorum uteri*, *mesenterii*, *hepatis*, *lien*i, *intestinorum* &c. *infarctibus*, quin *plenariis* hinc inde *obstructionibus*, vel apud nonnulla etiam *humoribus acris irritantibus*, nunc in ipsis partium dictarum vasculis sanguiferis atque lymphaticis refractarie subsistentibus, nunc saltem cum crassiori colluvie flatulenta in intestinorum canale stabulantibus, vel interdum denique, apud subiecta videlicet admodum sensibilia, *vehementioribus* tantum *commotionibus patheticis* ortum debet.

#### §. IV.

Numerus causarum procatareticarum, quæ generandis causis proximis, tam formalibus, quam materialibus, directe aut indirecte famulantur, amplissimus quidem est, hoc loco nihilominus vix opus esse videtur, ut singulæ recenseantur, sed potiores saltem, quibus vita sedentaria, alimenta rudiora, viscida, fermentescibilia, acriora, atque flatulenta, defectus potus sufficientis, potulenta nimium spirituosæ, iracundia, terror, crebriores  
cogi-

cogitationes libidinosæ, pedum aut totius corporis refrigeratio, inconueniens abdominis compressio per thoraces arctiores, imminutio, suppressio, aut anomalia, fluxus menstrui segnities, siccitas et obstructio alvi, retentæ aut retroactæ impuritates scorbutico-purpuratæ, scabiosæ, arthriticæ &c., immo subinde certi odores balsamici, v. g. zibethi, moschi, rosarum, ambræ &c., accenseri merentur, nominasse sufficiat.

### §. V.

Prognosis, siue periculum, siue durationem et curationis successum spectes, magnopere inprimis pro differenti causæ materialis sede atque indole variat. Si irritans enim simulque flatulenta materia solummodo in intestinis hæret, dolorosa hæc affectio citius utplurimum atque facilius tollitur, et colica magis, quam vera passio hysterica dicenda est: Sin refractariæ autem uteri, mesenterii, hepatis atque lienis obstructions aut magni infarctus causam primariam constituent, vel acres etiam impuritates vellicantes in ipsis partium dictarum vasculis perti-



nacius subsistant, plus medentibus negotii faceffit, aut sublata tamen facillime recurrit, et hoc posterius quoque apud subiecta valde sensibilia de illa specie, quæ solis animi adfectibus supervenit, ac plus plerumque terroris, quam periculi habet, affirmandum est.

§. VI.

Curatio, sub qua attente inprimis ad negotium menstruum et animi adfectus totamque diætæ conditionem respiciendum est, duplici indicatione generali, primum nempe *insolentioris spasmi dolorifici* et deinde *caussæ efficientis sublatione* aut *mitigatione*, nititur. Ad spasmum doloremque sopiendum *inseffus* maxime *balneaque uteri vaporosa* et *clysmata emollientia*, immo interdum, ad plethoram minuendam sanguinemque spissum ventilandum, *venæsectio in pede*, nec minus ex internorum censu *antispasmodica* et sic dicta *specificæ anthysterica*, v. g. iuscula avenacea tenuiora, cum flor. chamomillæ vulg. aut rad. althææ cocta, liquor anodynus mineralis, aut longe adhuc præstantior spiritus nitri dulcis rite paratus, nunc  
solus,

solus, nunc essentia croci, melissæ, flor. chamomillæ Rom., cort. citri et aurantiorum, castorei, asæ foetidæ &c. modice remixtus, pilulæ itemque ex gummi ammoniaco, galbano, sagapeno, asa foetida, extracto chamomillæ vulg., millefolii, pulvere croci, oleo caieput &c., immo iracundia prægressa, aut notabiliore sanguinis ebullitione præsentente, pulveres et potiunculæ temperantes ac resolventes ex absorbente quodam, nitro, et sale de Seignette aut tartaro solubili, commendanda sunt. Probe tamen circa usum allegatorum medicaminum notari debet, iuscula avenacea, pulveres et potiunculas temperantes et spiritum nitri dulcem solitarium in paroxysmo huius morbi semper tutum invenire locum, reliqua calidiora autem, pilulas nempe et tincturas spirituosas, materia fervida biliosa aut magno sanguinis orgasmo aliove statu calidiori præsentente, vel plane non, vel caute admodum ac dosi valde retracta, exhibenda esse.

§. VII.

Sedato penitus paroxysmo, aut valde et minimum spasmi atque doloris insolentia

mitigata, de causis efficientibus radicaliter tollendis medicum cogitare et in hunc finem ea in usum trahere oportet, quæ humores viscosos attenuant, mixtam et subsistentem acredinem temperant, impuras quisquillas e corpore educunt, et uteri non minus, quam cæterorum viscerum infarctus atque obstructions expediunt. Hisce, quæ pluries dudum in hoc compendio exposita leguntur, congrua diæta iungenda et sedulo imprimis prospiciendum est, ut animi tranquillitas fervetur et inordinati adfectus eius, quantum fieri potest, vitentur.

## §. VIII.

FVROR VTERINVS, græce *Nymphomania* (a *νύμφη*, *nympha* et *μανία*, *furor*), ut et *Hysteromania*, (ab *ὑτέρα*, *uterus* et *μανία*) dictus, est insanum, anxium ac plane nonnunquam insatiabile coeundi desiderium, ab assidua ac vehementi partium genitalium, præsertim clitoridis, irritatione proxime dependens.

## §. IX.

Memorata assidua ac vehemens partium genitalium irritatio ut plurimum quidem a

con-

*continuo largissimoque lymphæ vaginalis, nimium spirituosæ aut acrioris, adfluxu oritur, subinde nihilominus, sicuti observationes testantur, tumida pariter clitoridis inflammatio, quæ veram quandoque Cercosin mentitur, et plerumque cum febrili sanguinis commotione coniuncta reperitur, insanæ huius cupiditatis venereæ causa existit. Occasionem cæteroquin causis hisce, præsertim prioribus, quæ frequentiores sunt, cogitationes libidinosæ, impudica genitalium irritamenta, potus largior spirituosorum, esus crebrior dulcium fermentescibilium et acrium naturæ volatilioris, abusus aphrodisiacorum atque aromatum et similia suggerunt, immo levior humorum dyscrasia scorbutica, passio hypochondriaco-hysterica et fluxus menstrui anomalie e causarum procatacticarum censu non penitus excludendæ sunt.*

### §. X.

*Exstinguendis nimis hisce igniculis venereis, præter remedia moralia, vitiumque tenuem ac potum aqueum refrigerantem, antaphrodisiaca, antorgastica, acidula et instar omnium nitrum depuratum, largissime atque*

frequentius exhibitum, inserviunt, et in certis quoque casibus *venæsectio* et quævis ea, quæ inflammationibus, acrimoniæ humorum scorbuticæ et menstrui fluxus vitiiis medentur, in auxilium vocanda sunt. Vt nihil de *legitimo matrimonio* dicam, quod, malo nondum ad manifestum furorem evecto, virginibus viduisque svaderi potest.



## CAP. IX.

DE

PROLAPSV VTERI ET  
VAGINAE.

## §. I.

**P**ROLAPSVS VTERI, alias etiam *Pro-*  
*cidentia uteri*, et *Hysterocèle* (ab ὤσέρα, uterus, et κήλη, tumor) appellatus, vel *perfectus*, *completus*, *verus*, *externus* est, vel *imperfectus*, *incompletus* ac *saltem internus*. *Perfectus*, qui rarius tamen occurrit, ac penitus, quanquam contra experientia testimonio, a chirurgorum nonnullis negatur, audit, quando  
 uterus



uterus extra genitalium limites prominet, et tumorem carnosum, mobilem ac paullo duriorē, in quo hians orificium cum cervice conspicitur, format: Imperfectus vero dicitur, si uterus solummodo vaginam intrat, et in parte eius anteriori observabilem, præcedente tamen molliorem, tumorem efficit.]

### §. II.

Subinde hæc procidentia cum *uteri inversione*, subinde vero *citra eandem* accidit. Si citra inversionem sit, uterus eodem, quo in corpore hædere consuevit, ordine prolabitur, et cervix cum conspicuo orificio suo locum anteriorem occupat; sin autem cum inversione contingat, fundus uteri per orificium suum, valde tunc temporis patulum, transit, ac citra aperturam in apice ultra genitalia propendet. Posterior hæc species nunquam, nisi statim aut brevi post partum, nascitur, et propendens itaque tumor carnosus sanguinem exsudat.

### §. III.

A prolapsu uteri PROCIDENTIA VAGINAE, quæ longe sæpius observatur,

minusque periculum habet, notabiliter differt, et facile etiam a peritis distinguitur. In prolapsu uteri enim orificium eius cum cervice, uti dictum, in apice tumoris conspici-  
tur, in procidentia vaginæ ex adverso nulla in apice tumoris apertura orbicularis seu foramen regulare in conspectum venit, et tumor præ-  
terea comparative mollior paullulumque ru-  
gosus existit.

§. IV.

Procidentia vaginæ a *sola insigniori tun-  
nicarum huius partis relaxatione*, prolapsus  
uteri imperfectus autem a *simili ligamento-  
rum uteri*, præsertim *latorum*, vitio, et per-  
fectus denique a *violenta prorsus eorundem  
ruptura*, nunc *solitaria*, nunc *simul cum laxa-  
to ruptove circa pelvim perinæo coniuncta*,  
oritur: Quibus substantiæ non minus quam  
vinculorum vitiis ac læsionibus directe aut  
indirecte producendis omnis nîsus corporis  
fortior et vehemens abdominis compressio  
sub ponderum graviorum sublatione, sub sal-  
tu aut lapsu, præsertim retrorsum facto, sub  
scybalorum duriorum excretionem, in partu  
difficili &c., violenta itemque placentæ, ab  
utero nondum penitus solutæ, quin erronea  
ipsum

ipsius uteri extractio, quies debita post partum neglecta, crurumque nimia divaricatio et iactitatio, moles aquarum in abdomine apud asciticas, usus nimius unguentorum ac balneorum ad emolliendam vaginam ultimo mense ante partum, fluor albus diuturnus, status uteri tumido-scirrhosus molesque inde cum pondere aucta, ut et sarcomata grandiora, utero aut vaginæ adnata, partesque memoratas ob pondus suum e situ naturali expellentia, præ reliquis famulantur.

§. V.

Quando adfectus hi adhuc recentes sunt, et a sola tunicarum et vinculorum uteri aut vaginæ relaxatione dependent, perfecte nonnunquam, si patientes debitum præceptis medici obsequium præstent, tolluntur: Sin rupturam vero ligamentorum causam agnoscant, aut diu neglecti fuerint, plenaria curatio in casu priori nunquam, in posteriori non facile speranda est, sed cura saltem palliativa locum habet, et summe etiam necessaria est, ne incommoda, ob partem prolapsam continuo foras propendentem, augeantur, aut ipsa mors subsequatur. Neglecta enim tempestiva repositione, spretisque reliquis  
auxi-

auxiliis, partes prolapsæ non tantum opus conjugale liberiolemque urinæ excretionem et gressum impediunt, sed facile quoque intertriginosæ et ulcerosæ evadunt, tetrumque odorem spirant, vel scirrho etiam aut inflammatione et subsequente gangræna ac sphacelo, post breve tempus lethifero, corripuntur.

## §. VI.

Curatio tribus indicationibus, nimirum *partis prolapsæ repositione, repositæ in situ naturali retentione, et nova tunicarum atque vinculorum correboratione* nititur. Repositio, si procidentia videlicet recens et pars prolapsa adhuc mollior atque sincera est, nunquam diu, propter inflammationis metum, differenda, sed quantocyus, tepido fotu emolliente præmissio, vel etiam citra illum, blandâ digitorum pressione procuranda est: Sin pars prolapsa autem ob negligentiam iam diu foras pependerit, et inflammatio dudum, aut exulceratio, aut alia corruptio accesserit, repositio non statim locum habet, sed prædicta symptomata per adplicata prius fomenta, aut unguenta *discutientia, emollientia, demulcentia,*

*ia*, aliaque congrua remedia, quantum fieri potest, corrigenda sunt.

## §. VII.

Repositione feliciter peracta, ægram aliquamdiu in lecto resupinam, cruribusque paullulum elevatis atque contractis, quin fascia deligatis, decumbere oportet, et protinus quoque, commodo prius *pesso* sive *retinaculo* adplicato, remedia *subadstringentia* ac *roborantia*, et quidem interne, nisi imminens forsan aut præsens fluxus menstruus aut prævia eius suppressio obstet, mixturæ ex essentia traumatica WEDELII, tinctura martis pomata aut cydoniata, ess. balsami Peruviani, cinnamomi &c. externe autem *suffusus* ex gummi tacamahaca, anime, olibano, mastiche, floribus hyperici et granatorum, *fomenta tepida* ex herba alchimillæ, roris-marini, maioranæ, salviæ, flor. hyperici, fol. rosarum rubr. et cort. granatorum, cum vino rubro coctis, nec minus *emplasira*, basi lumborum et inferiori spinæ dorsalis parti imponenda, v. g. emplastrum santalinum, oxycroceum, nervinum, de tacamahaca, quibus exaltandæ virtutis gratia balsamus Peruvianus,



nus, Tolutanus et olea destillata nervina addi poterunt, in usum trahi debent. *Retinacula*, quæ per aliquod saltim tempus, vel etiam, si morbus perfecte amplius curari nequeat, extra lectum constanter in vagina detinenda sunt, quoad formam quidem varia reperiuntur, optimi tamen *circuli* sive *annuli* censentur, qui ex subere aut osse balænæ, cera alba obductis, confecti sunt, quoniam leviores existunt, et sanguinem menstruum libere effluere permittunt. Hisce etiam *peculiare illud instrumentum* addi debet, quod figuram coni detruncati habet, et ex meris circulis ferreis mediocriter crassis in talem figuram coaptatis, constructum est *a*).



## C A P. X.

DE

## STERILITATE MULIEBRI.

## §. I.

**S**TERILITAS MULIEBRIS est impotentia concipiendi apud iustæ ætatis mulieres,

*a)* Plura de hoc instrumento in GOELICKII

lieres, viri sani ac bene constituti consuetudine familiari utentes.

## §. II.

Causæ sterilitatis sive impedimenta conceptionis multa omnino ac varia sunt, et specialius inprimis hoc loco magnus torpor venereus et congressus invitus cum nausæa vel citra ullam tamen appetentiam, ingens orificii uteri interni laxitas, aut distortio, aut fortis a nimia pinguedine compressio, fluor albus diuturnior, suppressio refractaria aut magna anomalia fluxus menstrui, obstructio tubarum Fallopii connata, vel a tumore, aut spasmo, aut inhærente viscida materia dependens, hydrops, tumor scirrhusus et carcinomata uteri, hydrops, scirrhus, aut exulceratio ovariorum, prægressus abusus balnearum, fotuum aliorumque medicaminum adstringentium, cachexia gravior, et morbi hæctici pluresque alii, vires succosque vitales valde suffurantes, immo subinde, uti multi quidem credunt, ovulorum immaturitas nominari.

*Diff. de Artificio novo restituendi præcidentiam uteri veram videri possunt.*

minari merentur, nec illa etiam, quæ congressui omnimode vel magis tamen minusve, ut cercosis, aut nimia clitoridis intumescencia et elongatio, capistratio orificii vaginæ inflammatorio - venerea, nimia vaginæ arctitudo relativa, occlusio uteri connata, aut ab humore admodum viscoso, aut vehementi spasmō induta, prolapsus vaginæ atque uteri &c., obstant, silentio prorsus hoc loco præmittenda sunt. Paucis cæteroquin circa causas relatas adhuc notandum venit, earum nonnullas adeo ut plurimum absconditas esse, ut apud vivas mulieres nunquam, nec semper quoque post mortem, sectione forsan instituta, certo pateant, adeoque sub investigatione unice nonnunquam dubiis coniecturis locum relictum esse.

### §. III.

Prognosis iisdem difficultatibus premittitur, quibus diagnosi causarum quoad partem involuta est, et medicus proinde apud individua nonnulla certo prædicere nequit, an sterilitas adhuc curabilis, an incurabilis existat: Vnde facillime pariter intelligitur, curationem non semper cum effectu et sufficienti

cienti ratione institui posse, sed eandem subinde, quod ingenue fatendum, mere empiricam fieri. Nolo igitur causarum singulas, quas in præcedente §pho adduxi, specialius rursus attingere, quoniam earum nonnullæ, uti hydrops, v. g., scirrhus et exulceratio ovariorum, obstructio tubarum Fallopii &c., vel plane latent, vel etiam, ut graviora uteri carcinomata, insanabiles sunt, aliæ autem, ut fluor albus, fluxus menstrui anomalix, cachexia et varia congressus impedimenta, iam alibi pertractatæ leguntur, sed paullo fufius tantum laxitatis orificii uteri et venerei torporis medelam hoc loco exponam. Prius vitium, quod sæpe causa existit, ut semen præmature et ante auræ foecundantis separationem ex utero rursus effluat, non adeo multa postulat remedia, sed interne, præmisso *laxante rhabarbarino*, medicamenta quædam *nervina* v. g. mixturæ ex ess. cinnamomi, melissæ, cort. citri, aurantiorum, ligni aloes, millefolii, cort. cascarillæ, castorei, succini, tinctura antimonii tartarifata aut acri &c., externe autem *suffimigia*, infundibuli ope ad uterum admissa, ex succino, gummi tacamahaca, elemi, anime, lacca, benzoës,

olibano, mastiche, herba ficcata rorismarini, flor. lavendulæ, baccis iuniperi &c., sufficiunt: Corrigendo torpori venereo autem et maiori concupiscentiæ excitandæ, præter chocoladam, vinum generosum ac dulce Hispanicum aut Hungaricum, et quævis esculenta, copiosum atque laudabilem chylum suppeditantia, sic dicta *aphrodisiaca*, v. g. electuaria ex syrupo cort. citri, cinnamomi, brodio nucis moschatae aut zingiberis in India cond., confectiōe alkermès c. m. et a., electuario diasatyrionis et stomachico cum cinnamomo, speciebus diambrae, dianthos, aromat. rosat., diaxylaloes, diacinnamomi, oleo destill. rorismarini, thymi, caryophyllorum, cinnamomi &c., nec non morsuli aut rotulae ex sacharo, pulvere cardamomi, piperis albi, cubearum, zingiberis, canellæ albæ, rad. galangæ, macis, croci orientalis, granorum chermes &c., rotulae stimulantēs MYNS. et similia, provide tamen ac modice usurpata, inserviunt, immo, *blandas* lumborum atque coxarum *friktiones* cum pannis asperioribus aut teneris scopulis setaceis, nec non *modestas flagellationes* earundem partium cum urticis scopo nonnunquam satisfecisse, scriptores testantur.





## CAP. XI.

DE  
MOLA.

## §. I.

**M**OLAE, quæ subinde apud foeminas loco foetus in utero nascuntur, ac veræ haud raro graviditatis suspicionem movent, vulgo in *veras* seu *strictæ tales* et *spurias* distinguuntur. Molæ veræ sunt massæ fibroso-carneæ, aut fungosæ, ossibus tamen penitus destitutæ, in quibus parvulus et adhuc integer embryo delitescit, aut quædam ad minimum corrupti reliquiæ cernuntur; spuria ex adverso audiunt, quando in massis memoratis nulla prorsus embryonis inclusi vestigia reperiuntur.

## §. II.

Præter molas fibroso-carneas et fungosas, quæ solenniores sunt, interdum quoque *aquoso-membranaceæ spuria*, nec minus

*sanguineæ*, tam *veræ*, quam *spurix*, occurrunt, quarum priores meras vesicas grandiores membranaceas, humore aqueo repletas, sistunt, posteriores vero ex coagulato ac nigricante cruore concretæ inveniuntur. Circa sanguineas hasce necessario cæteroquin adhuc monendum venit, illas, si parvulus embryo ipsis inclusus sit, maiori iure ad abortus, quam veras molas, referendas esse: Nec ignorari quoque oportet, molas, (si vesiculares exceperis, quæ ordinario rotundæ aut subrotundæ sunt), non semper formam eandem, sed modo orbicularem, modo oblongam, modo animali cuidam haud dissimilem, &c. obtinere, ac valde pariter magnitudinis intuitu, quæ modo ovum gallinaceum, modo anserinum, modo caput infantile æquat, quin superat, distinctas esse.

## §. III.

Secundum plerorumque medicorum placita *ovuli foecundatio imperfecta*, a *seminis virilis vitio*, vel *morbosa uteri constitutione*, vel *aliqua etiam ipsius ovuli labe* dependens, solita quidem atque præcipua molæ veræ causa censetur, credo nihilominus, *præmatu-  
ram*

*turam quoque pusilli embryonis mortem unice nonnunquam adcusandam esse, immo credo, subinde, quanquam rarius, apud foeminas virginesque valde libidinosas sub vehementi atque protracto oestro venereo, citra ullum congressum, ovulum maturum ob ovario avelli, et, inde ad cavitatem uteri detrusum, molæ veræ genesi primam occasionem largiri posse. Quod molas spurias vero attinet, illæ plures et a præcedentibus distinctas causas agnoscunt, ac modo *excreſcentiæ cui-dam uteri carnosæ aut fungosæ*, modo *cruori*, post fluxum lochialem aliamve uteri hæmorrhagiam *remanenti* posteaque *coagulato*, modo *relictæ* post partum *placentæ* *portioni*, modo *copiosæ in utero saburræ viscosæ &c.* originem debent.*

#### §. IV.

Initio molæ nulla certa atque distincta sui criteria præbent, sed foeminæ, molam gestantes, cum gravidis eadem prorsus pathemata experiuntur, cessat quoque fluxus menstruus et venter sensim intumescit: Deinde autem, elapsis scilicet quatuor mensibus, aliqua symptomatum disparitas observatur.

Nam, mola præfente, tumor ventris conta-  
 ctu paullo durior eft, et magis, quam apud  
 gravidas, verſus inferiora vergit, pubemque  
 et inguina pondere ſuo fortius ac sæpe cum  
 dolore premit, immo interdum maſſa globo-  
 ſa in uteri et lumborum regione tactu perci-  
 pitur. Poſt quantum præterea menſem, quo  
 fœtus ſeſe identidem abſque gravidæ mole-  
 ſtia movere incipit, vel nullus omnino mo-  
 tus, vel ſaltim tremulus ac palpitans in utero  
 ſentitur, et maſſa ponderoſa, niſi arctius for-  
 ſan uteri lateribus adcreta ſit, pro vario cor-  
 poris motu modo dextrorſum, modo ſini-  
 ſtrorſum provolvitur, totaque in latus, in  
 quod patiens decumbit, delabitur, in mam-  
 mis porro, ſolito apud gravidas tempore, nul-  
 lum lac obſervatur, viresque ſenſim magis  
 deſiciuntur, reſpiratio difficilior evadit, et  
 maiores per intervalla dorſi inguinumque  
 dolores ſuperveniunt. Haud raro nihilomi-  
 nus, ut verum ingenue fatear, et fœminas et  
 medicos ſigna memorata fallunt, præſertim ſi  
 mola et embryo vivus, uti interdum fieri  
 conſuevit, iunctim in utero hæreant, et mo-  
 læ igitur ac veræ graviditatis criteria invi-  
 cem commiſceantur. Durat tunc incerti-  
 tudo

tudo hæc, donec tandem foetus solus, vel simul cum mola, excluditur.

§. V.

Apud subiecta iuniora ac vegeta molæ minores mobilesque facilius, citius, et post paucos plerumque menses a natura, præviis doloribus et hæmorrhagia, eiiciuntur, rarissimeque vel nunquam ultra annum spatium in utero commorantur, apud annosiora vero atque debilitata pertinacius, per duos sæpe pluresve annos, hærent, quin plane nonnunquam, præsertim si utero arctius adnatæ, aut dudum grandiores factæ fuerint, cum iisdem commoriuntur. Quando mola simul cum foetu in utero delitescit, non tantum prædicta symptomata molesta fluxusque uteri heteroclitos excitat, sed foetum quoque, nutrimentum suffurando, debilitat, adeoque ipsius haud raro abortus causa evadit.

§. VI.

Circa curationem molarum medicus cautissime procedere, ac plus sæpe ipsi naturæ, quam arti suæ committere debet. Si clarius enim aut obscurius ex signis adductis



constat, molam simul cum foetu in utero hospitari, expellentia nullum prorsus locum inveniunt, sed consuetum partus tempus tranquilliter expectandum, et, foetu demum excluso, de molæ, subinde in utero remanentis, educatione cogitandum erit: Sin sola autem mola adsit, nec sponte post tertium aut quartum mensem a natura exturbetur, *leniora emmenagoga*, cuius census pilulæ sunt ex gummi sagapeno, ammoniaco, myrrha genuina, aloe violata, extracto cent. minoris, pulvere croci, sulphure antimonii aurato optimo, oleo cinnamomi &c., pilulæ itemque Stahlianæ et Becherianæ, nec minus electuaria ex syrupo de cinnamomo, rob iuniperi, pulvere iridis Flor., rhabarbari, croci orient., succini et sulphure antimonii aurato, mixturæ ex spiritu nitri dulci rite parato, ess. succini, croci, cinnamomi &c., identidem exhiberi, et *balnea quoque uteri emollientia* in auxilium trahi possunt. Nec statim quoque post molæ ejectionem a medicamentorum usu desistendum est, sed aliquamdiu adhuc, ad uterum repurgandum, *laxantia mitiora et blanda purificantia balsamica* adhiberi debent.



## CAP. XII.

## A B O R T V.

## §. I.

**A**BORTVS, a *Partu præcoci* probe discernendus, præmaturam ac violentam foetus nondum vitalis exclusionem denotat, et, propter maximam auxilii medici diversitatem, necessario in *imminentem, fieri-tem et factum* dividendus est.

## §. II.

Primis præcipue graviditatis mensibus, et frequentius quoque apud primiparas, quam apud felices pridem plurium liberorum matres, abortus accidit, eumque imminere hæmorrhagia uteri, initio placida, posteaque magis magisque increfcens, refractaria, colicisque doloribus haud diffimilia, ventris tormina, et subinde etiam, dimidio scilicet gestationis tempore dudum elapso, motus foetus debilis, aut plane iterum cessans, vel in-

sto etiam impetuosior testantur; non prætermitti tamen debet adfectuum animi, læsionum externarum et morborum præcedentium consideratio, quoniam singula hæc multum lucis circa diagnosin causæ proximæ foenerantur, et medicum pariter de periculi magnitudine certiores reddunt.

§. III.

Magna caussarum, abortum directe suscitantium, multitudo atque varietas est, nec sola igitur sanguinis abundantis neglecta subtractio, aut præmatura etiam, iusto crebrior iustoque largior venæsectio, sed gravior quoque iracundia, terror vehemens, adsumpta emetica, purgantia et emmenagoga potentiora, diæta vinosa, sternutatio frequens, vomitus morbosus aut tussis vehementior, sublatio ponderum graviorum, violenta abdominis percussio aut concussio, lapsus, saltus, saltationes, inconueniens pedum divaricatio, dysenteria alique fluxus alvini valde torminosi aut diuturni, vel saltim torminosi ac valde spastici deiiciendi conatus, et clysteres acriores inter illas militant, immo veneris incontinentia, moeror diuturnus, dolor nephriticus,

phriticus, cachexia, fluor albus, phthisis pluresque morbi necessarium embryoni nutrimentum suffurantes, febres acutæ, obstructio aut ruptura funiculi umbilicalis, mors embryonis, ingrati odores candelæ aut ellychnii sebacei extincti, insolita uteri angustia naturalis &c. iisdem accenseri merentur.

#### §. IV.

Abortus persæpe quidem *blanda corporis requie, animi tranquillitate, tempestiva venæsectione revulsoria in brachio et largo nitri aliorumque temperantium usu* præcavetur, apud singula tamen individua hæc procedendi methodus et auxilia commendata minime, ob maximam causarum expositarum diversitatem, sufficiunt, immo venæsectio subinde, magna scilicet sanguinis iactura prægressa, viribusque per morbos antecedentes valde dudum exhaustis, nullum plane locum invenit, sed *aneleptica potius, confortantia, aliaque, quæ morbis complicatis specificè medentur*, necessaria inveniuntur. Nec reticendum quoque erit, in illis casibus, in quibus hæmorrhagia uteri cum torminibus vehementibus perdurat, et nulla amplius foetum retinendi

nendi spes superest, vel foetu iam extincto, (quod factum esse, horror matris sæpius et per brevissima intervalla recurrens, nec minus plenaria motus embryonis cessatio præcipue ostendunt), exclusionem iniecto *clystere paullo acriori*, exhibitis *blandis pellentibus* et *obstetricio auxilio* promovendam esse, ne foemina, enormi cruoris profusione debilitata, in gravia animi deliquia incidat, tandemque succumbat. Facto etiam abortu et hæmorrhagia excedente adhuc continuante, infelix puerpera non statim relinquenda, sed ea, quæ immodico fluxui lochiali vulgo auxiliantur, et quævis alia, quæ viribus refocillandis inserviunt, et reliqua symptomata urgentia mitigant, in usum trahi debent.

\* \* \* \* \*

## C A P. XIII.

DE

### PARTV DIFFICILI ET RETENTIONE PLACENTAE VTERINAE.

#### §. I.

**P**ARTVS DIFFICILIS, græce *Dystocia*, a *δύς*, *difficile*, et *τίκτω*, *pario*, dictus,



dictus, rarius paullo opem medici, stricte talis, sed frequentius obstetricis exercitatae, aut chirurgi, obstetriciae artis debite periti, auxilia, manuum aut instrumentorum ministerio ferenda, postulat, et duplici respectu ita appellatur, nimirum 1), quando exclusio foetus maturi ex utero summe dolorosa est, et deinde 2), quando nimis diu protrahitur.

## §. II.

Causae dystociae vel apud *matrem parturientem*, vel apud *foetum nascendum*, vel apud *obstetricem* quaerendae sunt, immo interdum ad duo simul aut cuncta subiecta nominata redeunt. In *matre parturiente* culpa haeret, si 1) nimis torpide agit, verosque ad partum dolores ex adsueta quadam molitiae nisu decenti adiuvere negligit, 2) si, morbis praegressis valde debilitata, spontanea inspiratione validiori ac diuturniori, indeque pendente uteri compressione, parum auxiliari valet, 3) si veri ac necessarii ad partum dolores vel nimis languidi sunt, vel plane deficiunt, et si 4) denique viae intuitu foetus transituri, propter aetatem immaturam

nisi

nimumque juvenilem, aut nimis provectam, vel propter intumescentiam vaginæ inflammatoriam, vel uteri prolapsum, vel scybala indurata, intestino recto impacta, nimium angustæ sunt. Apud *foetum nascendum* vero vel insolita magnitudo eius, vel vitiosa aut plane monstrosa conformatio, vel situs perversus, vel ingens imbecillitas, aut ipsa mors adcurandæ veniunt, et quod tandem *obstetricem* attinet, illa partum difficilem reddere aut difficultatem augere valet, quando nimis imperita, aut nimis timida, aut nimis audax atque festinans est, gravidamque, natura exclusionem nondum serio moliente, ad præmaturum foetum egerendi conatus adigit, et adeo eam hac ratione debilitat, ut, supervenientibus postmodum genuinis ad partum doloribus, naturæ spontaneo suo nisu amplius succurrere nequeat.

## §. III.

Ex causis præmissis facile, uti mihi quidem videtur, unicuique patebit, an medicus huic vel illi parturienti ex fonte pharmaceutico opitulari possit, an totum potius aut præcipuum tamen auxiliandi negotium ope-

ra

ra manuali aut congruo et circumspccto instrumentorum usu expediendum sit. Auxilia posteriora hoc loco exponere supersedeo, et sciendi cupidos ad Libros, in quibus tota ars obstetricia fusiùs atque seorsim traditur, ablego, circa remedia pharmaceutica autem monere necessum duco, medicamina, quæ nonnunquam ad partum facilitandum postulantur, triplicis generis esse, et alia viis mediate et immediate emolliendis ac lubricandis, alia deficientibus genuinis ac necessariis ad partum doloribus excitandis, torpidisque iugendis, et alia confortandæ debili partuienti inservire. Ad *emollientia* ac *lubricantia*, quæ, partu proxime instante, immo subinde, necessitate nimirum urgente, sub ipso partu difficili adhibentur, clysteres emollientes, balnea uteri vaporosa ex floribus chamomillæ, meliloti, sambuci &c., et unguenta ex oleo infuso liliorum alb., chamomelino &c. ad *pellentia* vero pulveres ex borace veneta, succino ppto, cinnamomo, et croco orientali, spiritus nitri dulcis rite paratus, vel solus, vel essentia croci, aut cinnamomi, ut pimpinellæ modice remixtus, pulvis parientium Off., oleum cinnamomi, ad unam alte-

alteramque guttulam sachari frustulo instillatum, ut et enemata, ex emollientibus et stimulantibus parata, spectant, et *confortantibus* tandem, præter externa quædam balsamica volatilia, naribus admovenda, potiusculæ ex aqua cinnamomi borraginata, melissæ, flor. liliorum convallium, fœniculi, confectioe alkermes completa, et pauxillo, præsertim æstu maiori absente, elæosachari cinnamomi, aut citri Italici, nec minus generosum vinum malvaticum, parciore tamen quantitate vel per se, vel cum intincto pane sacharino oblatum, præ reliquis accenseri merentur.

## §. IV.

Allegata remedia pellentia et confortantia huiusque commatis alia minime pariter utilitate et effectu carent, quando *secundinæ*, post fœtus exclusionem, vel propter arctiorem in aliquo loco adcretionem, vel propter maximam parturientis imbecillitatem ac iusto citius atque omnimode cessantem uteri contractionem, vel propter negligentiam aut imperitiam obstetricis, moras in utero longiores nectunt, et futura sua

cor-

corruptione putredinosa miseræ puerperæ febres putridas aliosque pravorum morbos minantur: Probe tamen circa usum horum pel-  
lentium notandum erit, calidiora, forti du-  
dum uteri hæmorrhagia præsentē, prorsus  
exulare et mitiora duntaxat, pulveres v. g.  
ex borace Veneta, nitro, sale de Seignette  
et pauxillo radicis ari pptæ aut iridis Floren-  
tinæ, nec non infusa theiformia ex radice sa-  
ponariæ, herba melissæ citrariæ, flor. matri-  
cariæ et rorismarini, ut et purum spiritum  
nitri dulcem, cuius egregiam efficaciam plus  
vice simplici in partu difficili et placentiæ re-  
tentione expertus sum, immo externe, nisi  
impetuefiat hæmorrhagia obstet, suffitus ex  
myrrha, succino, gummi benzoïno, herba  
sabinae, rorismarini &c. in auxilium trahi  
debere.

§. V.

Interdum, quod paucis adhuc comme-  
morandum est, sub partu difficili, foetu ni-  
mirum grandiori existente, viisque valde an-  
gustis, foedum vulnus, *Ruptura* nempe *Peri-*  
*nei*, oritur. Vulnus hoc, quod subinde, si  
totalis ruptura facta fuerit, efficit, ut vagina



uteri et intestinum rectum in parte anteriori unum quasi foramen continuum forment, citam medelam exposcit, quæ ita in genere adornanda est, ut labia cruenta, ad tumorem inflammatorium præcavendum, vino temperate calido, in quo butyrum maiale ebullivit, aliquamdiu foveantur, posteaque, citra ullam cunctationem ad se invicem adducta, linteis, emplastro ad hernias aut contra rupturam Off., vel alio etiam conglutinante ex radice consolidæ majoris, mastiche, sanguine draconis, sarcocolla, resina pini, bolo armena, farina volatili, pompholyge et albumine ovorum obductis, et ansulis sive ligamentis, uti moris est, instructis, firmentur, et tertio denique, ut puerpera vulnerata post deligationem per decem aut plures dies quæta, corpore supino cruribusque elevatis et fascia initio constrictis, in lecto decumbat, omniaque alvum obstruente et concoctu difficilia alimenta, nec non tussim, vomitum, aut sterutationem excitantia, maxima cura evitet; quemadmodum hæc et similia in *Libris chirurgicis* cæterisque, qui fusius de *Arte obstetricia* agunt, uberius videnda sunt.



## CAP. XIV.

DE

DOLORIBVS POST PARTVM ET  
FLVXV LOCHIALI, TAM SUP-  
PRESSO, QVAM NIMIO.

---

## §. I.

**A**pu<sup>d</sup> sanas vegetasque primiparas DO-  
LORES POST PARTVM ordinario  
leniores et interdum vix sensibiles, apud  
provec<sup>t</sup>ioris vero ætatis fœminas, quæ plu-  
res pridem fœtus enixæ fuerunt, multo ve-  
hementiores ac diuturniores sunt, quoniam  
paullatina uteri contractio, quæ post fœtus  
atque placentæ exclusionem, ad naturalem  
huic parti magnitudinem restituendam et  
sanguinis lochialis excretionem promoven-  
dam, necessario fieri debet, apud subiecta  
priora, ob maius naturæ robur atque viva-  
citatem, validior atque celerior, apud poste-  
riora autem, ob antea dudum aut sub partu  
difficili contractam imbecillitatem eminen-  
tior, tardior longe atque languidior re-

G g 2

petitur.

peritur. Minime cæteroquin hoc loco ignorari oportet, interdum alias plane causas, quæ irregularem atque spasmodicam uteri partiumque vicinarum contractionem efficiunt, *pertinacem v. g. alvi obstructionem, flatusque, intestinis copiosius incarceratos, vel nimis parcum, aut plane rursus suppressum, aut iusto etiam impetuosiores fluxum lochialem, vel sanguinis excernendi in massas grandiores coagulum, vel frustra placenta in utero relicta, vel abdominis refrigerationem, neglectamque eiusdem ligaturam decentem et similia* dolores hosce, qui in regione hypogastrica et pubis, nec raro etiam in lumbis eorundemque basi atque in dorso præcipue sentiuntur, diuturniores, fortiores ac penitus præternaturales reddere, et adeo nonnunquam intendere, ut veros ad partum dolores atrocitate propemodum superent, et animi deliquia, suffocationem hysterica, aliaque symptomata comites adducant.

## §. II.

Dolores post partum moderati atque ordinarii, h. e., a sola uteri contractione paulatina oriundi, post paucos dies sponte cessant,

fant, et patienter proinde tolerandi sunt, vehementiores ex adverso atque præternaturales, specifica causa explorata, modo *enemate emolliente* et *paregorico*, *iussulisque pingui-*  
*bus* avenæ excorticatæ, gallinarum, carnis vitulinæ &c., modo *carminativis temperatio-*  
*ribus*, exhibito nimirum spiritu nitri dulci solitario, aut essentia flor. chamomillæ Rom., melissæ, cort. citri &c. modice remixto, modo *lenioribus pellentibus* aut *temperantibus*, quæ turbatum fluxum lochialem rursus ad ordinem redigunt, et specialius ex mox sequentibus discenda erunt, mitigari atque compesci debent. Non contemnendi quoque in genere usus *calidi sacculi discutientes* ac *roborantes balsamici* sunt ex radice angelicæ, galangæ, zedoariæ, herba melissæ, abrotani, rorismarini, matricariæ, flor. chamomillæ vulgaris et Romanæ, lavendulæ, sambuci, semine carvi, baccis lauri &c., ventri impositi, immo, *unguenta* ex oleo infuso castorei et chamomelino et oleis destill. carvi, maioranæ, menthæ, macis, succini &c. desideratum quandoque auxilium ferunt.

## §. III.

Post foetus atque placentæ exclusio-  
nem FLVXVS SANGVINIS LOCHIA-  
LIS sequitur, qui, si rite succedit, et in-  
tra iustos quantitatis limites consistit, puer-  
peras, cæteris tamen paribus, et congruo  
inprimis ac temperato régime diætetico  
observato, sospites præstat, nec ullis ideo  
medicamentis turbandus est: sin nimius ve-  
ro evadat, aut iusto parcior sit, aut plane  
rursus supprimatur, tunc promptam medici  
opem postulat, quoniam nimius vires su-  
perstites, sæpe ad animi usque deliquia,  
exhaurit, suppressus vero nimiumque par-  
cus summas anxietates, palpitationes cor-  
dis, et suffocationes hystericas excitat, fe-  
bresque continuas inflammatorias, purpu-  
ratas, petechiales, aliasque periculosas ac  
sæpe funestas accendit, et viam ad nume-  
rosissimas ac varias ægritudines alias, sicuti  
in utraque huius opusculi parte hinc inde  
retuli, sternit. Vt nihil de notabili abdo-  
minis tumore dicam, qui utplurimum rema-  
net, ita, ut tales fœminæ postmodum sem-  
per fere gravidæ esse videantur.

## §. IV.



## §. IV.

Ad causas, quæ proxime aut remote nimium lochiorum fluxum producant, vel eidem tamen occasionem largiuntur, neglecta imprimis apud gravidas valde plethoricas venæ sectio, regimen puerperæ nimis calidam, potus vini, vini adusti, cerevisiæ calidioris, decocti coffee saturatioris &c., esculenta acra, aut calidis aromatibus condita, nimia adsumptio dulcium, tumultuaria ac frequens corporis post partum in lecto iactatio, iracundia, relictum placentæ frustum, eiusdemque tenacius adhærentis avulsio violenta, usus pellentium et exagitantium sub partu difficili largior et similia referenda sunt; inter causas autem fluxus iusto parrioris aut rursus suppressi magna sanguinis crassities, viscositas aut grumositas, refrigeratio pedum et abdominis, potus frigidus, adsumpta alimenta crassa ac viscida, terror et neglecta conveniens ventris post partum ligatura locum præcipuum occupant.

## §. V.

Sub medela sedulo cavendum, ne fluxus nimius præmaturo adstringentium usa

repente cohibeatur, immo, si fieri potest, nec summa urget necessitas, a stypticis potentioribus prorsus abstinendum, et præcipuum potius curationis negotium *animi tranquillitate, corporis quiete, diæta totoque regimine temperato et antergasticis remediis*, emulsionibus v. g. et potiunculis ex aqua dest. cichorii, lactucæ, endiviæ, flor. boraginis nymphææ &c., sem. quatuor frigidis maior. et minoribus, amygdalis dulcibus, coralliis rubris, nitro dep. &c., quarum posterioribus, iubente necessitate, species de hyacintho, vel aliquot grana croci martis aperitivi Stahliani, vel parum tincturæ martis pomatæ aut cydoniatæ addi poterunt, immo nonnunquam in auxilium quoque vocata *venæsectione revulsoria in brachio* expediendum est. In statu contrario, fluxu nimirum iusto parciore aut penitus rursus ac præmature suppresso, *resolventia et leniora pellentia*, v. g. pulveres ex absorbente quodam, borace Veneta, tartaro solubili, sale de Seignette, arcano tartari, nitro, rad. irid. Florent., succino, croco et sulphure antimonii aurato optimo, mixturæ ex spiritu nitri dulci, essentia croci, succini, pimpinellæ albæ &c. pilulæ Becheri atque

Stahliani

Stahlii huiusque census alia conducunt: Nec  
 faciendum pariter, *suffitus uterinos*, capite  
 præcedente §. IV. laudatos, nec minus *ve-*  
*næsectionem in pede*, et *enemata nonnihil acris*  
 multum ad fluxum hunc augendum aut re-  
 vocandum conferre. Circa venæsectionem  
 tamen adhuc monendum duco, illam paullo  
 rarius locum invenire, et apud illas dunta-  
 xat puerperas suadendam esse, quæ tempo-  
 re gestationis phlebotomiam, licet val-  
 de plethoricæ fuerint, penitus  
 neglexerunt.





## SECTIO V.

DE

MORBIS OSSIVM, ARTICVLATIONVM ET ARTIVM.



## CAP. I.

DE

## RHACHITIDE.

## §. I.



**R**HACHITIS, quæ in valde depravata nutritione, eamque subsequente vitiosa, quin fere nonnunquam monstrosa, plerarumque partium solidarum conformatione præcipue consistit, seculo decimo sexto in mediterraneis Britanniae tractibus primum innotuit, deinde vero in Germaniam pariter cæterasque Europæ borealis regiones transit, et nostro ævo apud infantes, quibus propria est, primo ut plurimum

aut

ut secundo ætatis anno, tam sæpe nascitur, et novitatem suam plane amiserit, nec inter anteriores amplius ægritudines referri possit.

## §. II.

Tanta symptomatum huius mali et multitudo et varietas est, ut uberiori omnino descriptione indigeat. Incipiente enim hoc morbo nutritio corporis valde imminuitur, et magis in dies cum viribus decrescit; hinc utis flaccida redditur, et partes carnosæ, si faciem, quæ solito ut plurimum plenior atque oridior est, exceperis, æque, ac apud hellicos, ubi vis extenuantur ac consumuntur, corpus, procedente ætate, exigua saltem incrementa capit, et tantopere languet ac torret, ut pueri etiam adultiores facti, ob summam imbecillitatem, gressus movere et incedere nequeant. Dentes tardius erumpunt, et paullo post eruptionem suam plerumque ligri fiunt, vacillant, et rursus, ac sæpe frustulati, excidunt. Venter multum intumescit, digitoque pressus renititur, caput ad insolitam paullatim atque deformem magnitudinem increscit, frons valde protuberat, suturæ cranij, multum inter se diductæ, tar-



de committuntur, ossa hinc inde mirifice au-  
gescunt, et epiphyfes inprimis prope articu-  
los, præsertim in carpis, et (paullo minori  
tamen incremento) in talis tumidæ evadunt  
atque nodosas protuberantias formant. Si-  
miles tumores ac nodi sub morbi progressu  
etiam in extremitatibus costarum generan-  
tur. Pectus in lateribus deprimitur, in par-  
te anteriori autem attoilitur, et acuminatum  
quasi ac carinatum redditur, respiratio valde  
ut plurimum difficilis evadit, ita ut ipsius  
quandoque suffocationis periculum oriatur,  
et tussis haud raro aliaque pulmonum vicia  
accedunt. Malo sub incunabulis suis negle-  
cto, adeoque magis paullatim magisque in-  
gravescente, spina dorsi distorquetur, et gib-  
bera fiunt, tibiae antrorsum incurvantur, im-  
mo, quanquam multo rarius, fibulae etiam  
et ossa ulnae, humeri, radii ac femoris similia  
malæ conformationis vicia contrahunt, et,  
aucta tandem pravi humoris corruptela at-  
que acredine, sic dicta pædarthrocace nasci-  
tur, febrisque lenta supervenit, quæ, irrita  
quavis medela, carnes viresque superstites  
consumit, et finem morbo exitialem adfert.

## §. III.

Aperto post mortem corpore, glandulæ meseraicæ ac singulæ propemodum uliæ conglobatæ tumidæ, duræ atque scirrhosæ, ossa ex aduerso admodum mollia reperiuntur, ventriculus et intestina longe ultra dimensionem naturalem distenta sunt, et hepar, lien et viscera reliqua tumida, pulmones infarcti, inflati, purulenti, serophulosi ac pleuræ adnati, cerebrum muco passim repletum ac mole mirifice auctum (unde apud ægros hosce maior forsitan pro modo ætatis ingenii acies atque docilitas), et venæ iugulares carotidesque arteriæ solito ampliores cernuntur.

## §. IV.

Quanquam, restantibus recensitis symptomatibus, ossa et reliquæ partes solidæ in hac ægritudine potissimum pati videntur, originalis nihilominus et præcipua postmodum causa efficiens in vitiosis humoribus, præsertim lymphaticis, quærenda est. Hi initio quidem *viscidi saltem ac valde tenaces acidoque largius remixti* sunt, deinde autem, si malum negligitur, *virosam* prorsus *acredinem*

*dinem*, immo passim *scdam* sub diuturniori sua quiete *putrilaginem* contrahunt; unde haud obscurum est, cur nutritio sub ipsis statim mali primordiis decreseat et inæqualis fiat, cur omne corporis robur pereat, et glandulæ ac viscera obstruantur, cur ossa, quibus virosus acerrimusque humor in hoc adfectu præcipue infestus deprehenditur, non tantum insolito et inæquali incremento augescant, sed tandem quoque mollia evadant, ac pessima carie prope articulos corrumpantur, et cur reliqua denique pathemata, quæ, æque ac memoratorum quamplurima, PLATNERVS perspicue ac solide explicuit a), oriantur.

§. V.

- a) „Ex his omnibus autem, in *Instit. chirurg.*  
 „§. 1070., scribit, manifestum fieri arbitror, suc-  
 „cum illum, quo omne corpus, et ossa etiam,  
 „ali debent, in his ex crudo vitiatoque chylo  
 „confectum corrumpi. Ossa igitur, quæ omni  
 „cæteroquin acido liquantur, molliora fiunt et  
 „intumescunt, et, quia caput ex ossibus com-  
 „ponitur, illud etiam, pro modo reliqui cor-  
 „poris, plurimum augescit, ita ut eius mole  
 „spina non parum prematur. Huius vertebræ,  
 „quæ mediæ perforatæ sunt, si intumescunt, et

## §. V.

Præter expositam pravam humorum  
 qualitatem, cuius genesi et incremento lac  
 matris aut nutricis crassum, vel ad præcipi-  
 tationem citamque acescentiam admodum  
 proclive, crebriores itemque potiones no-  
 turnæ acescentes aut sacharo edulcoratae,  
 vultes nimium pingues ac glutinosae, aliaque  
 sculenta cruda, crassa, ac pro tenera infan-  
 is ætate iusto valentiora, repletio ventriculi  
 nimia

„a capite premuntur, medullam premunt cē-  
 „rebro commissam, nec non nervos, qui ab hac  
 „per tenuia cava utrinque inter duos processus  
 „pervia educuntur. Cum vero hi nervi ad  
 „musclos potissimum pertineant, hi naturali  
 „robore defecti emacrescunt. Igitur, dum ossa  
 „increscunt et tumidiora fiunt, ossium vērō  
 „vincula, vel sic dicta ligamenta, etiam infirma  
 „sunt, muscoli breviores atque extenuati ossa  
 „adducunt et inflectunt. Hoc primum in spi-  
 „na incidit, quæ in variam partem inclinata  
 „gibberis non unam speciem ostendit. Etiam  
 „a pectoralibus musculis et serrato antico ma-  
 „iori pectus, ipsumque sternum, multum pro-  
 „iicitur, a musculis, abdominis pectus inferiora  
 „versus adducitur, et in dorso gibber nascitur,  
 „vel κύφωσις. &c. &c.

nimia, neglecta corporis mundities, verminosa colluvies in intestinis, dispositio parentum, praesertim matris, ad scorbutum aut cachexiam, et similia multum favent, magna pariter *systematis nervosi cæterarumque partium solidarum atonia*, et saepe etiam *venarum ac glandularum meseraicarum*, nec non *hepatis, lienis, pancreatis &c. obstructions* et *indurationes* in hoc morbo considerandae veniunt. Nam licet solidorum imbecillitas potissimum quoque partem deficienti nutritioni succedat, frequenti nihilominus experientia comprobatur, infantes, a parentibus imbecilibus, aut diuturna aegritudine varia magnopere debilitatis, genitos, crebro in hunc morbum incidere, et connatam igitur dudumque praeexistentem imbecillitatem symbolum suum ad mali ortum, nisi semper, saepius tamen, conferre. Nec ultimo etiam ignorandum est, subinde leviores parentum aut nutricis infectionem veneream concurrere, virusque, ad tenellos translatum, praesentem pridem humorum corruptionem rhachiticam adeo exaltare, ut paedarthrocace deterior cito nascatur.



## §. VI.

Raro quidem hic affectus mortem patientibus per se adfert, persæpe nihilominus in tabem corporis, exulcerationem pulmonum aliorumque viscerum, et exitialem hydropem ascitem degenerat. Valde cæteroque refractarius est, et, si ante annum quintum non tollitur, aut rebelles dudum viscerum ac glandularum obstructions et indurationes adsunt, nunquam postea perfecte curatur, sed patientes, nisi eos interdum citius interimat, per totum reliquum vitæ spatium valetudinarios reddit. Quo citius etiam post nativitatem oritur, eo ut plurimum pertinacior atque periculosior existit, quoniam infanti maior adhuc imbecillitas naturalis est, et maior pariter dispositionis in iterum contractæ suspicio nascitur. Solvitur interdum, si nondum invaluerit, diarrhoea spontanea, raro sudoribus, et subinde etiam pruritus et scabies eidem supervenientes melalem egregie adjuvant.

## §. VII.

Plus plerumque *victus bonus et con-*  
*veniens in genere regimen diætetikum,* quam  
 Tom. II. H h de-

decantata specifica aliorumque remediorum farrago, ad curandum hunc morbum valent, non negligi tamen debent, quæ necessaria iudicantur, et partim ex *evacuantium*, *attenuantium*, *temperantium*, ac *purificantium*, partim ex *roborantium* classe desumenda sunt. Respectu diætæ esculenta levia, expepta, sicciora, non pingua, mitioribus aromatis nonnihil condita, et sæpius atque minori quantitate ingesta, nec minus aer fuscus ac moderate calidus, vestitus mundus et fuscus, frequens corporis motus, gestatione, uestione in rheda et blanda concussione procurandus &c., conveniunt, ex prædictorum vero medicaminum censu *lenia emetica* et *iterata laxantia* ex radice ipecacoanhæ et rhabarbaro, pulveres deinde ex lapidibus cancrorum, radice iridis Florentinæ, rhabarbaro, sale de Seignette, tartaro solubili, nitro, floribus salis ammoniaci martialibus, succino, croco orientali, millepedibus pptis, granis chermes, croco martis aperitivo Stahlîi, ente veneris Boylaei &c., morsuli (apud ægros paullo dudum adultiores) ex sacharo, cardamomo minori, semine fantonico, rhabarbaro et mercurio dulci, mixturæ ex

tin.

tinctura antimonii tartarifata et acri, succini,  
 pimpinellæ albæ, tinctura veneris Hel-  
 vetii, martis pomata, cydoniata, hellebo-  
 rata, et decocta ex radice saponariæ, ru-  
 biæ tinctorum, curcumæ, ligno Guaiaco,  
 foliis tussilaginis, et floribus rorismarini (quæ  
 omnia, si infans rhachiticus adhuc uberibus  
 alitur, nutrix pariter adsumere potest ac de-  
 bet) præ reliquis laudari merentur. Ad-  
 mitto etiam ac suadeo crebriores, blandas,  
 nec ultra levem ruborem continuandas, ab-  
 dominis, spinæ dorsalis et partium in artubus  
 nondum tumidarum *frictiones* cum pannis  
 calidis, aromatum fumo aut halitu spontaneo  
 imbutis, admitto pariter *fonticulos*, *vesicato-*  
*ria* iterato adplicata, *enemata abstergentia*,  
 et balnea tepida, ex formicis, sacco inclu-  
 sis, et speciebus balsamico - aromaticis pa-  
 rata; cathartica fortiora ex adverso ut  
 et pharmaca nimium spirituosâ adprobare  
 nequeo.





## CAP. II.

DE

## GIBBERE ET SPINA BIFIDA.

## §. I.

**G**IBBER sive *Gibbus* in genere præternaturalem spinæ dorsalis inflexionem ac vertebrarum distortionem denotat, et tres rursus species, nimirum *Cyphosin*, *Lordosin*, et *Scoliasin* sub se comprehendit. *Cyphosis*, (a *κύπτω*, *inclino*) *Cyrtoza*, *Cyrtoxis* (a *κύρτω*, *incurvo*) dicitur, quando spina dorso attollitur et in partem posteriorem curva est. *Lordosis* (a *λорδύω*, *in anteriora curvo*) audit, quando spina dorso cum maiori aut minori pectoris prominentia ita antrosum incurvatur, ut cavitas quasi lunatica in dorso oriatur, et *Scoliasis* (a *σκολιόω*, *intorqueo*) denique appellatur, si spina dorso tortuoso flexu in hoc vel illud latus distorquetur. Cum ultima hac specie sæpissime sedes scapularum irregularis coniuncta est, ita ut altera emineat, altera depressior sit, immo interdum

terdum fit, ut idem dislocationis vitium in coxendicis quoque ossibus simul nascatur.

## §. II.

Præter rhachitidem, quæ, uti in antecedentibus pridem dictum fuit, frequens gibborum causa existit, apud infantes tenellos puerosque, ab imbecilibus inprimis parentibus genitos, quævis violentiæ, spinæ dorsali ictu, casu, motu vehementi, et contorsione aut reclinacione corporis inconcinna illatae, in censum causarum veniunt. Nec raro etiam accidit, ut crebrior ac diuturna corporis inter cubandum, sedendum, legendum, scribendum et sub variis aliis exercitiis atque laboribus incurvatio aut inflexio in latus alterutrum, ut et apud paullo adultiores sublatio ponderum cum nisu valentiori, aut gestatio corporum gravium, quæ ex cervice, uti merces v. g. portatiles venumque inter eundum oberrandumque expositæ, pendent, huic vel illi gibberis speciei occasionem praebeant: Vt nihil de musculorum, in altero dorsi latere debilium ac fere nonnunquam paralytico-

H h 3

rum,



rum, in altero rigidorum, inaequali actione et reactione, nec quicquam pariter de largiori humorum lymphaticorum ad vertebrae affluxu atque decubitu dicam, quo ligamenta ac cartilagines adeo infirmari possunt, ut connectendi munere debite amplius perfungi nequeant.

### §. III.

Apud adultos gibbera, in aetate priorem teneriori nata, nullam amplius medellam admittunt, apud infantes vero puerosque inter initia interdum feliciter rursus atque perfecte curantur, aut plus tamen minusve emendantur. Quare nunquam cum auxilio cunctandum, sed, specie ac causis exploratis, aptis fasciis, aptisque thoracibus, de quibus saepe laudati PLATNERI *Dissertatio, Lipsiae 1735. edita*, attente inprimis legi meretur, mature succurrendum est. Non negligi quoque debet, si rhachitica aliaque humorum pravitas concurrat, aut sola culpam gerat, internorum *purificantium* ac *roborantium* usus, immo vertebrae distortis, per fascias atque thoraces ad situm atque connectionem naturalem reductis paullulumque prius

prius firmatis, *unguenta confortantia* ex unguento nervino Off. aut comitissae, cui oleum n. is moschatae, macis, baccarum lauri expressum, nec minus balsamus Peruvianus, pulvis croci, castorei, terrae Iaponicae et olea destillata maioranae, menthae, lavendulae, roris marini &c. addi poterunt, adhibenda sunt.

#### §. IV.

A gibberosis dorsi protuberantiis singularis ac rarior illa tumorum species magnitudine non minus, quam forma et origine longe discrepat, quae SPINA BIFIDA appellatur, et hydrocephalo interno ut plurimum iuncta reperitur. Nascitur enim hic tumor apud tenellos infantes vel dudum in utero, vel primis post nativitatem mensibus, quando, oborto hydrocephalo interno, humor lymphaticus, ventriculos cerebri valde inundans, viam sibi per foramen cranii magnum ad medullam spinalem parat, et ulterius postmodum descendens, sensimque in aliquo spinae dorsalis aut lumbaris loco accumulatus, unam aut plures vertebrae, quae apud embryones, atque pusillos infantes ad-

huc ex tribus officulis, interiecta cartilagine connexis, constant, in parte posteriori, ubi deinde sub corporis incremento sic dicti processus spinoli ex cartilagine generantur, pressione sua diducit, et cutem postea pro diversa copia sua et aperturæ magnitudine magis minusve attollit. Nonnunquam, si tumor nempe in regione spinæ lumbari exoritur, ob nervos compressos paralytica pedum imbecillitas cum crurum curvitate complicata cernitur. Notabile quoque est, intumescentiam capitis hydropicam, spinæ tumore scalpello inciso et humore effuso, confestim minui, vulnere autem rursus consolidato, magis denuo incrementum accipere a) Malum cæteroquin incurabile est, et, licet humor quidem incisionis ope ex tumore, uti dictum, educi queat, inde nullum verum tamen atque sufficiens auxilium, propter hydrocephali interni societatem, expectandum est, sed patientes tantummodo citius extinguuntur.

CAP.

a) Conf. PLATNERI *Instit. chirurg.* §. 747.  
p. 472.





## CAP. III.

DI  
**SPINA VENTOSA ET**  
**PARONYCHIA.**

---

## §. I.

**S**PINA VENTOSA, *Ventositas spinæ, Pædarthrocace* (α πᾶσις, puer, ἀρθρον, membrum, et κακόν, malum) est sphacelosa ac cariiosa ossis in spongiosa plerumque circa articulos substantia, rarius in duriori diaphysi, corruptio, a causa interna, ab acerri-  
 ma nimirum atque putrida medulla ulcerosa, proxime oriunda, et dolore primum magno, eumque subsequente conspicuo tumore molli œdematoso, in foedum ulcus sinuosum apertum tandem, degenerante, stipata.

## §. II.

Differt spina ventosa a *vulgari ossium Carie*; Haec enim ordinario, sine locorum discrimine, in externa ossium superficie sua primordia habet, et praegressam periosteï

H h 5

externi

externi carnisque ac cutis incumbenti's exulcerationem sequitur, illa autem, sicuti dudum ex definitione constat, corruptelam ulcerosam medullæ causam agnoscit, et, ex interiori ossis affecti cavitate foras tendens, incumbentes partes musculofo - membrana-ceas postea demum corrodit atque exulcerat. Nonnulli etiam discrimen inter Pædarthrocacem et Spinam ventosam faciunt, ac priorem, rhachitidi utplurimum iunctam, a succis tantum impuris, cum sanguine ac lymphâ ad substantiæ ossium spongiosæ cavernulas delatis, oriri, et ante ulceris genesis doloris plane expertem esse, posteriorem ex adverso medullæ, in maioribus ossium fistulis latitantis, corruptionem sequi, et initio statim et adhuc magis sub incremento suo dolorem primo obtusum, deinde vehementem pungitivum atque mordacem concitare, perhibent. Verum enim vero differentia indicata non adeo magni momenti esse videtur, nec apud quævis etiam utriusque affectus subiecta occurrit: Facile interim, si synonymia displicet, pati possum, ut spina ventosa, apud rhachiticos superveniens, strictius pædarthrocace appelletur.



## §. III.

Aliae spinæ ventosæ incipientis ac non-  
um manifestæ, alia rursus prodituræ ac ma-  
ifestæ signa atque symptomata sunt; qua-  
e tres quoque eiusdem gradus apte con-  
itui posse, arbitrør. Sub primo nimirum  
radu, quando medulla, haud ita pridem  
orrupta, ac tota adhuc in maiori ossis fistu-  
a delitescens, periosteum internum mitius  
antum urit, rodit ac vellicat, externe nec  
olor nec tumor adest, sed dolor saltim ob-  
usus, fixus tamen, continuus, nulli remedio  
externo cedens, et sub exercitio motuque  
corporis increfcens, in membri affecti medi-  
ullo percipitur. Accedente secundo gra-  
du, et medulla putrida prorsus atque acerri-  
na facta, periosteum internum valde inflam-  
natur et exulceratur, substantia ossea cor-  
oditur, os intumescit, et partes membrana-  
ceo-musculosæ, ossi carioso incumbentes,  
cum dolore maximo et spinæ infixæ instar  
pungente, sensim sese in conspicuum tumo-  
rem œdematosum attollere incipiunt; cui  
tandem, malo ad tertium summumque gra-  
dum evecto, pessimaque sanie largius ex osse  
penitus corrupto ad musculos et membra-  
nam

nam adiposam penetrante, cacoethicum ulcus sinuosum, quod in partibus magis carnosissimas plures nonnunquam cuniculos agit, iungitur. Nec prætermittendum denique erit sub gradu secundo, nisi semper, plerumque tamen, febrem lentam complicari, eamque sub tertio gradu in hecticam degenerare et totum itaque corpus contabescere.

#### §. IV.

Prædicta principalis ac proxima spinæ ventosæ causa materialis, *putrida* nimirum atque *caustica medullæ oleosæ corruptela ulceroſa*, sponte et citra alterius causæ concursus vix aut ne vix nascitur, sed plagis contusioni, fracturæ, profundiori fissuræ, similibusque ossium læsionibus externis, et longe adhuc sæpius hæreditariæ, connatæ aut postea demum contractæ dyscrasiæ humorum circulantium scorbuticæ et rhachiticæ, inquinatiōi itemque venereæ, salivationi mercuriali in eadem lue præmaturæ suppressæ, aut incongrue etiam contra rhachitidem et scorbutum adhibitæ, nec minus retentæ aut retroactæ materiæ impuræ scabiosæ, arthriticæ atque exanthematicæ, præfertim

tim variolosæ, genesin suam primamque  
iginem debet: Immo summe probabile  
est, istam pariter impuritatem humorum spe-  
ficam, quæ plerosque plieae Polonicæ can-  
datos diu nonnunquam atque mirifice ve-  
nit, et post varia tandem ac prava sympto-  
mata apud nonnullos per capillos extrudi-  
tur, memoratæ medullæ corruptioni reten-  
tione sua aut retropulsione occasionem  
habere.

## §. V.

Parum plerumque boni in hoc morbo  
promittere licet, quoniam primordia eius in  
intimo ossium meditullio abscondita latent,  
malum increscens vero sensimque ex latibu-  
s suis erumpens, ob pessimum suum ge-  
nium, omnem persæpe medelam respuit.  
Si uberior interim prognosis formari debet,  
ad morbi gradum et primam originem re-  
spiciendum erit. Nam spina ventosa re-  
uens, adhuc perfecte latens, intra primi gra-  
dus limites consistens, et a causis externis  
aut leviori saltim humorum vicio orta, inter-  
dum *bona diæta* et *remediorum purifican-*  
*tium* usu tollitur, adultior autem reddita exi-  
tumque

tumque iam iam moliens, et a gravi humo-  
rum depravatione scorbutica, rhachitica, ve-  
nerica &c. oriunda, vix amplius aut ne vi-  
curatur, sed tandem in manifestam, exulce-  
ratam, et quodammodo cancrofam degene-  
rat, quæ nullam prorsus sanationis spem re-  
linquit, ac totum, quod superest, auxilium  
a deplorabili saltem membri affecti *exstir-  
patione chirurgica* expectat.

## §. VI.

Remedia externa, fomenta v. g., un-  
guenta, emplastra, sacculi, frictiones &c.  
quæ ad sanandum primum gradum a quibus-  
dam commendantur, sub mali primordiis  
plane irrita sunt, et initio igitur, urgente in-  
flammatione et doloris atrocitate, *tenui tan-  
tum victu, potulentis diluentibus ac refrige-  
rantibus, venæsectione, temperantibus nitrifis,  
et laxantibus tamarindatis atque mannito-  
rhabarbarinis*, deinde vero, remittente ni-  
mirum inflammationis et sociati doloris ve-  
hementia, *activis purificantibus et antiputre-  
dinosi naturæ succurrendum et saturatoria  
inprimis largiusque hausta decocta ligno-  
rum, nec minus morsuli antimonialis Kun-  
ckelii*.

*bellii*, mixturæ ex tinctura antimonii, ligno-  
 um, succini, myrrhæ, aloes, balsami Peru-  
 iani, scordii &c., ut et pilulæ ex gummi  
 moniaco, asa foetida, balsamo Tolutano,  
 oe violata, myrrha genuina, extracto scor-  
 ii, trifolii fibrini, mace, et sulphure antimo-  
 ii aurato optimo in auxilium trahenda sunt.  
 Non sperno etiam, præmissis hisce, præser-  
 m si corrupta materia, in ampliori ossis fi-  
 ula delitescens, exitum moliri incipit, *fo-*  
*uenta vinosa* ex ligno sassafras, guaiaco, her-  
 a salviæ, scordii, rorismarini et floribus  
 hamomillæ Romanæ, admitto pariter *fri-*  
*ctiones leniores*, nec etiam, adparentibus *fri-*  
 cet exortæ dudum cariei ossis aut inci-  
 pientis exulcerationis criteriis, *tempestivam*  
*partis tumidæ incisionem* reprobendam duco.  
 Nam quo citius os cariosum redditum denu-  
 latur, aut prima erumpentis pridem mate-  
 riæ ulcerosæ scaturigo detegitur, eo citius  
 etiam os cariosum terebra perforari, et ciu-  
 tica putridaque sanies educi, adeoque in ca-  
 u utroque liquida detergentia, antiputredi-  
 nosa et traumatica ex decocto radicis ari-  
 stolochiæ rotundæ, herba agrimonix, flor.  
 hyperici &c., cum melle rosarum, essentia  
 succini,



fuccini, myrrhæ, aloes, balsami Peruviani &c. iniici, aliove modo adplicari, et reliqua etiam remedia externa, quæ cariei et ulceri opitulari creduntur, adhiberi possunt.

## §. VII.

PARONYCHIA, Παρωνυχία (α παρὰ, iuxta et ὄνυξ, unguis), barbare etiam *Panaritium* adpellata, est valde dolorosa, nunc tumida simul, nunc minime tumida, inflammatio subcutanea quæ in apice digiti manus nascitur, et, solidioris notitiæ gratia, merito ad quatuor species, quoad humoris virulenti sedem non minus, quam doloris ferociam magis minusve distinctas, redigenda est. Prima nimirum atque mitissima species vocari debet, quando mali sedes solummodo sub cute in tunica adiposa est, et conspicuus itaque tumor, cum modico rubore et tolerabiliore dolore, in parte apicis digiti nuda carnosa oritur. Altera species est, inflammatio sub ungue hæret, eidemque, contra conspicuum tamen tumorem ac ruborem dolor, præcedente multo acerbior, qui sæpe febrem vehementem, immo simul delirium excitat, omnemque aegro somnum eripit.

eripit, iungitur. Tertia species, cum praecedente intuitu quidem doloris atrocissimi caeterorumque symptomatum convenit, nec ullum quoque in apice digiti tumorem aut ruborem ostendit, sedem tamen adhuc profundiorē habet, et humor acris atque inflammans sub periosteo delitescit, et quarta denique tres priores non tantum ferocia superat, sed quoad nonnulla pariter pathemata complicata magis minusve ab illis recedit. Nam humor causticus atque corruptus in vagina haeret, quae tendines musculorum, digitos moventium, praesertim communium quorundam, sublimis nempe sive perforati, profundi sive perforantis et extensoris quatuor digitorum, cingit; hinc inflammatio maxima cum febre oritur, nec digitus solum, sed tota pariter manus, totumque brachium cum dolore acerbissimo ac summo periculo intumescunt.

### §. VIII.

Interdum causa huius mali antecedens nice ad varia sanguinis, ac lymphæ vitia, et accidentalem humoris impuri atque acerrimi cubicum ac stasim in expositis diversis digito-

*rum locis* redit, interdum vero *laesiones externæ*, profundior v. g. punctura cum acu aut festuca, aut alio corpore acuto, contusiones, repentina digiti, diu in aqua calida detenti aut alia ratione valde calefacti, in aquam frigidam immissio &c., stasi humorum praedictae occasionem largiuntur. Negari tamen circa posteriores hasce causas nequit, humorum pravitatem ut plurimum colludere, nec facile sub perfecta sanguinis ac lymphae sinceritate ominosam eiusmodi stasim inflammatoriam a solis causis externis metuentam esse.

### §. IX.

Periculi magnitudinem in hoc affectu, nec minus feliciorum aut minus felicem curationem species, gradus, atque duratio mali praecipue determinant. Prima enim et secunda species, praesertim adhuc valde recentes, adhibitis congruis topicis, nonnumquam discutiuntur iterum, aut in salutarem suppurationem vertuntur, ita tamen, ut in secunda unguis abscedat. Tertia species deteriorum plerumque eventum habet, dum humor acerrimus, sub periosteo quiescens

facile

facile, nisi citissime evocetur, subiectum os adgreditur, et adeo intra breve tempus corrumpit, ut totum eximi debeat, et quarta tandem species tam præceps atque periculosa reperitur, ut, neglecta medela promptissima, gangrænam suscitet, quæ mox totam manum totumque brachium occupat, et ægrum in magnum vitæ discrimen deducit.

### §. X.

Raro quidem, uti dictum, paronychia, si primam et secundam speciem, in quibus discussio paullo sæpius obtinetur, quodammodo exceperis, discussione tollitur, et rarius adhuc quiescens humor virulentus in bonum pus vertitur, initio tamen medentem tentare aliquid, et, *venæsectione* simul atque *internis remediis temperantibus, diluentibus atque diaphoreticis* in auxilium vocatis, *valida discutientia* aut *maturantia* externa adplicare, a cura regulari haud alienum erit. Discutiendi scopo a chirurgiæ scriptoribus diuturnior digiti affecti immersio in aquam subfervidam aut spiritum vini camphoratum, nec minus adplicatio cataplasmatibus ex herba scordii, hyssopi, hyoscyami et allio cum lacte coctis, additis-

li 2

que

que postmodum croco et theriaca, ut et ad-  
 plicatio emplastri de galbano crocati MYNS.  
 aut saponati BARBETTE, camphora et  
 croco largius remixti, præ reliquis laudan-  
 tur; ad maturantia autem quævis cataplas-  
 mata, fomenta et emplastra emollientia re-  
 ferri possunt. Adparente geniti puris crite-  
 rio, *incisio* cito instituenda, ut materia ocys-  
 sime educatur: Sin nulla vero discussio aut  
 suppuratio, quæ nunquam, ob maioris peri-  
 culi metum, diu exspectandæ sunt, sequa-  
 tur, ad methodicam et pro humoris sede va-  
 riantem *incisionem chirurgicam*, quam PLAT-  
 NERVUS a), alique fusius descripserunt, sine  
 cunctatione confugiendum erit.

\* \* \* \* \*

## C A P. I V.

DE

### CREPITV, EMOLLITIONE ET INSOLITA FRAGILITATE OSSIVM.

#### §. I.

CREPITVS OSSIVM, qui apud ægros  
 nonnullos sub motu membrorum in ar-  
 ticulatio-

a) In Inst. chirurgicæ §. 149. sequ.



ticulationibus percipitur, raro, quantum mihi quidem constat, morbus simplex ac solitarius, sed plerumque gravioris scorbuti, et interdum quoque luis venereæ et rhachitidis symptoma est. Duplicem agnoscit causam proximam: Nunc enim a sola glandularum mucilaginearum Haaveri obstructione refractaria, eidemque necessario succedente synoviae lubricantis penuria aut plenario defectu, nunc vero a seiunctis epiphysibus oritur, quæ, ab acerrimo humore erosæ, ab ossium summitatibus penitus secedunt, adeoque sub motu articulationum cum strepitu colliduntur; quemadmodum istud anno 1699. Lutetiae Parisiorum, cum pessima ibidem scorbuti species, pestilentiae propemodum instar, stragem ederet, iteratae cadaverum sectiones, a *Dn. PONPARTIO* in nosocomiis susceptæ, clare docuerunt. Cariosa hæc corruptio tunc temporis non tantum articulationes artuum, sed ipsum quoque sternum occupabat, et sub respiratione proinde cartilagines costarum prorsus seiunctæ debilem pariter strepitum excitabant a). Apud plerosque

I i 3

a) Vid. *Memoires de l'Acad. Royal. des Sciences*  
ann. 1699.

rosque præterea ægros, truculento hoc morbo correptos, insignis *Genuum Vacillatio cum gressu valde titubante* symptomatibus reliquis sociata reperiiebatur, quæ similem ligamentorum læsionem similemque, vel rectius, eandem prorsus causam materialem supponebat. Observante enim laudato POUPARTIO, loco temperatæ synoviae mucilagineæ, in genuum articulatione liquor tenuis, subviridis, acerrimus, stagnabat, ligamenta erant erosa atque corrosa, et ossa, alias contigua, longe ab invicem distabant.

## §. II.

Species crepitus ossium posterior, ab erosio nempe atque avulsis ossium epiphyysibus oriundus, malum desperatum est, nec medicamentis unquam perfecte rursus tollitur, in priori autem, qui glandularum duntaxat articularium obstructionem et synoviae defectum supponit, medicamenta *nutrientia, humectantia, attenuantia et purificantia* ut plurimum, præsertim apud homines, in veteriori adhuc ætate constitutos, desideratum auxilium ferunt. Ad priora, præter diluen-  
tia

tia aquea vulgaria, aquæ soteriæ minerales temperatiores, Selteranæ nimirum et Antonianæ, cum lacte mixtæ, nec non quævis alimenta, quæ succum nutritium tenuem atque laudabilem copiose largiuntur, præcipue spectant; posterioribus autem falsa incidentia, medicata infusa theiformia, eaque saturatiora, ex radice saponariæ, cichorii, sarsaparillæ, ligno Guaiaco, herba hederæ terrestri, marrubii albi, floribus hepaticæ nob. &c., tincturæ itemque temperatiores, ex terra foliata tartari, tartaro solubili, floribus salis ammoniaci, extr. centaurii minoris, chamomillæ vulgaris, trifolii fibrini &c. cum vino paratæ, et tinctura antimonii aut metallorum modice postmodum remixtæ, aliaque huius commatis accenseri merentur, immo, absente humorum lymphaticorum penuria universali, et sola tantum eorum spissitudine et impuritate peccante, *laxantia* pariter ex manna et rhabarbaro, ex salibus amaris, aut gummi ammoniaco dep. atque mercurio dulci, et subinde etiam potentiora sanguinem purificantia proficua non minus, quam necessaria inveniuntur.

## §. III.

Rara etiam, et hoc pariter loco notatu dignissima, ægritudinum species ingens ac mira prorsus OSSIUM EMOLLITIO est, quæ interdum tanta reperitur, ut ossa in corpore fulcrorum munere debite amplius perfungi nequeant, sed, ceræ propemodum instar, flectantur, et musculorum postea actione et corporis pondere incurvescant a). Rarius hoc quoque ossium vitium inter morbos simplices ac solitarios militat, sed, æque ac præcedens articulorum crepitus, scorbuto et adhuc sæpius rhachitidi sese comitem adiungit, et proxime atque præcipue, uti Dominus NAVIER in peculiari libello, ante paucos annos edito b), experimentis quibusdam

a) Exempla singularis huius ossium emolliitionis in *Commentariis Academiæ Regiæ scientiarum Parisinæ* ann. 1722. It. in IACOBI SPONII *Itinerario* P. 2. p. 71. et passim in pluribus medicorum ac chirurgorum scriptis, quæ specialius allegare supersedeo, recensita inveniuntur.

b) *Observations historiques et pratiques sur l'amollissement des os en general et particulièrement sur celui qui a été observé dans la femme Supiot.*

dam chymicis, indeque deductis ratiociniis  
 fusius demonstrare annisus est, ab *acido subtili*,  
*attenuato, et valde penetrante ac caustico*,  
*per universam humorum massam largissime*  
*disseminato, partemque ossium terream corro-*  
*dente ac solvente a)* oritur: Præcipue, in-  
 quam, non unice; nam, habita morbi prima-  
 rii, rhachitidis nempe et scorbuti, ratione,  
 statui omnino debet, putridam quoque me-  
 dullæ et substantiæ ossium gelatinosæ cor-  
 ruptionem interdum concurrere, et, conglu-  
 tinante igitur principio magis minusve de-  
 structo, partium terrearum cohæsiõnem,  
 hinc inde plus etiam minusve destrui.

Li 5

§. IV.

- a) Circa argumentum hoc aliquam pariter lu-  
 cem sic dictum Gramen Norwegiæ ossifragum  
 accendere videtur. Prodit hæc graminis spe-  
 cies initio veris, et recentia, tenera ac mollia  
 folia eius acido succo valde abundant; hinc iu-  
 menta, fœni siccioris pertæsa, avido eorum esu  
 morbum, qui partim ad nutritionis defectum  
 et ingentem ligamentorum imbecillitatem, par-  
 tim ad aliquam ossium emollitionem redit, et  
 optime rursus exhibitis ossibus animantium dis-  
 fractis aut pulverisatis curatur, sibi contrahunt,



## §. IV.

Præter remedia, in antecedentibus contra rhachitidem commendata, et omnimodam quoque ab acidis nimiumque falsis abstinentiam, *antacida* pharmaca in hoc affectu maxime prodesse consueverunt. Non intelligo tamen sola terreæ absorbentia, quorum virtus antacida ultra primæ culinæ limites nunquam extenditur, sed simul etiam alcalia salina, cuius census sunt tinctura tartari, metallorum, antimonii acris et tartarifata; quippe quæ ad remotissimos intimosque corporis recessus penetrant, et acidum causticum, ubicunque stabulans, extinguunt.


## §. V.

A præternaturali ossium emollitione insolita eorum FRAGILITAS, quam, leviori tantum vi illata, haud raro ipsa fractura sequitur *a*), intuitu ætiologiæ non adeo longe

*a*) Vid. WILH. HULD. WALDSCHMIDT *Diatriba de Fracturis ossium sine violenta causa externa.* It. SAM. SCHAARSCHMIDTS *Medicinische und Chirurgische Nachrichten, Erster Theil* p. 294. *sequ.*

ge recedere videtur. Pro meo enim  
 licio caussa praecipua vel ad *conglutinantis*  
*stantiae gelatinosae corruptionem putrido-*  
*erosam*, vel saltem ad *succi nutritii*, aut *me-*  
*llae oleosae defectum* redit, qui nasci solet,  
 ando canales ossium exilissimi, ob succi  
 bilis crassitiem, aut paullatinum apud senes  
 alitum, penitus obstruuntur. Priores  
 ussae quoad agendi nocendique modum  
 is dudum ex antecedentibus manifestae  
 nt, circa postremam vero adhuc notan-  
 m venit, medullam oleosam ossa non nu-  
 re quidem, sensim nihilominus et quoad  
 quam partem sese ex cavernis suis in soli-  
 oris substantiae ossae interstitia insinuare,  
 humectando glutinosam gelatinae consi-  
 entiam conservare, adeoque in propatulo  
 se, sub penuria aut plenario huius unguen-  
 defectu memoratam gelatinam paullatim  
 idam prorsus et quodammodo friabilem  
 radere, nec debite amplius firmam ossium  
 ompagem conservare posse.





## CAP. V.

DE

## ARTHRITIDE.

## §. I.

**A**RTHRITIS (ab ἄρθρον, *articulus*) est adfectio articulorum valde dolorificum cum tumore et rigore, ac vulgo, quod in limine statim necessario prænотandum venit in *vagam* et *fixam* dividitur. Vaga, quam nonnulli etiam *planetica* vocant, est, quando dolor superveniens non semper eandem articulationem, sed modo hanc, modo illam invadit, et, post breviorē aut diuturniorē inhæsiōnem atque torturam, ex alia in aliam transit. Fixa ex adverso dicitur, si dolor sub quovis periodico reditu suo semper eundem articulum occupat, et unice in eo per totum durationis tempus sævit suam exercet. Multas hæc posterior species, *Podagram* nempe, *Chiragram*, *Gonagram*, *Coxagram* sive *Malum ischiadicum*, *Rachisagram*, *Kleisagram*, *Omogram*, *Pechyagram*

am, *Trachelogram* et *Siagonagram*, quæ nime tamen indole ac caussis, sed sede tum seu doloris subiecto, sicuti ex græcarum nominum origine patet, ab invicem ferunt, sub se comprehendit.

## §. II.

Adfectus arthritici, vertigine ut plurimum, dolore capitis gravativo, inquietudine, torpore corporis, lassitudine membrorum, segnitie aut obstructione alvi, et aliqua petitus imminutione, vel insolita nonnunquam voracitate præcedentibus, circa vernali plerumque et autumnale æquinoctium, tum dispositos adoriuntur, et iisdem paucis anni temporibus insultus suos sive paroxysmos repetunt. Superveniunt ordinati cum rigore, horrore et singulari quodam fabricationis sensu in futuro torturæ subiecto, deinde dolor paullatim increfcit, tandemque, cum insigni atque splendente circa articulationem rubore ac summe sensibilis tumore, ardens, pungens, ostocopus acutissimus evadit, et parti, quam semel occupavit, per aliquot hebdomades pertinacissime inhæret, vel subinde etiam, quod in arthritide

thritide vaga fieri supra pridem dictum fuit ex alio articulo ad alium atque alium progreditur. Ex memorato tumore, supra circa articulum dolentem exorto, interdum si aperitur, liquor serosus, crassus, lactei prope modum coloris, effluit, et eidem quoque tumori, qui initio plerumque colorem pallide duntaxat rubentem obtinet, subinde minores aut latiores maculae, coeruleo nigricantes, aut obscure rubrae insident, quae sponte nonnunquam in ulceramali moris abeunt.

### §. III.

Dolori atque tumori varia alia iunguntur pathemata, febricula v. g. anomala, cum pulsu celeri et inaequali, nec minus summa inquietudo et animi impatientia, vigiliae, pavores in somno, sitis, et motus in parte affecta abolitio, cui, si insultus vehemens ac diuturnus fuerit, aut eundem articulum saepius iterato cruciatu affecerit, aridura et ligamentorum contractura succedunt. Alvus durante paroxysmo, plerumque adstricta, urina intense atque obscure rubra, cum sedimento tartareo-salino splendente, appetitus

nunc



nunc regularis, nunc paullulum imminutus, nunc iusto auetior, et habitus corporis non-nihil emaciatum sunt. Pleraque horum symptomatum et vehementes inprimis dolores, qui essentiam morbi constituunt, ordinario versus noctem incrementa capiunt, et ægrum usque ad solis exortum crudelissime torquent, deinde vero remittunt, et per diem tolerabilia sunt. Subinde sub torturæ huius arthriticæ decursu hinc inde in cute maculæ scorbuticæ prodeunt, et alia pariter symptomata scorbutica notantur; hinc medici talem arthritidem *scorbuticam* vocant.

#### §. IV.

Proxime quidem dolores arthritici a *largo materiæ crassæ, viscidæ atque acris*, per universam humorum circulantium massam antea disseminatæ, *decubitu ad articulos et refractaria* inprimis *in vasculis tunicarum ac carniū incumbentium ac circumiacentium stasi*, oriuntur, haud spernendum nihilominus discrimen circa naturam specificam atque mobilitatem huius impuritatis occurrit. In recentiori ac calida arthritide enim recrementitia hæc materia *paullo tenuior, mobilior, mucido-*

*mutido - salino - sulphurea*, nunc *bili acriori*, nunc *impuritati scorbutico - purpuratae* analogæ, et cruori magis, quam lymphæ immersa est; in frigida ex adverso et inveterata lymphæ magis serosisque humoribus, quam cruori strictius tali, inhæret, ac *multo crassior, viscidior, fixior, acido - tartarea*, adeoque tophis articulorum generandis aptissima, reperitur; hinc in recentioribus quoque adfectibus arthriticis sub paroxysmorum rēditu atque vigore non febrilis tantum sanguinis ebullitio, sed rubor etiam et ardor in parte tumida atque dolente longe maior, quam in frigidis inveteratis, observatur. Citius præterea paroxysmi in arthritide calida, ob promptiorem materiæ subsistentis exhalationem criticam, decurrunt, nec facile, nisi patientes variis forsan erroribus diæteticis, aut medentes incongrua medela et obviscantium inprimis ac reprimentium adplicatione occasionem præbeant, rigidam affecti articuli contracturam relinquunt.

## §. V.

Longe rarius adfectus arthritici, præsertim *fixi*, apud sequioris, quam nobilioris sexus

Sexus homines generantur, ac modo dispositionem hæreditariam supponunt, modo citra eam, apud sanguinei maxime et sanguineo - cholericis temperamenti subiecta, per varias tantum causas procatarcticas, quæ regularem se - et excretionum libertatem turbant, humores circulantes spissos, mucidos atque acres reddunt, et valde inprimis systema nervosum debilitant, inducuntur. Procatarcticae hæ causæ numerosissimæ sunt, præ reliquis nihilosecius libidinis intemperantia, otium nimium, crapula frequens, largior vini, tum acido - tartarei, tum valde etiam spirituosæ potatio, nec non alimenta crassa, viscida, fumo indurata, et nimis salsa nimiumque aromatibus calidioribus condita, iracundia crebrior, mœror, curæ, profundæ ac diuturnæ meditationes, frequens corporis, præsertim æstuantis aut dudum cacoehymici, refrigeratio, neglecta plethoræ ventilatio, defectus, suppressio et anomalix fluxus menstrui et hæmorrhoidalis, febres quartanæ intempestive suppressæ aliove modo finire tractatæ, inveterata passio hypochondriaca, rheumatismus gravior atque rebellis, et magna ad concretionem calculosam dispositio

tio hæreditaria illis accenseri merentur. Nec ullum præterea dubium est, quin morbus hic subinde etiam per *contagium*, mediante scilicet concubitu, accubitu, sudore, aut saliva atque lacte nutricum &c., in corpora sana transplantetur.

## §. VI.

Arthritis, sive sit vaga, sive fixa, nunquam per se mortem patienti adfert, nec facile etiam paroxysmi, statis inprimis temporibus redeunt, ultra diem quadragesimum protrahuntur, sed intra hoc tempus, si morbus rite tractetur, et patiens congruæ diætæ regulas observet, sensim mitescunt, ac paulatina impuritatis subsistentis resolutione et exhalatione, nec minus diuresi critica ac valde olentibus sudoribus acidis, urinosi &c., immo interdum fluxu hæmorrhoidali penitus rursus solvuntur. Secus iudicandum et pessima mala, apoplexia v. g., lethargus, paraplegia, cæcitas, catarrhus suffocativus, inflammationes et refractariæ obstructions viscerum, spasmus ventriculi vehementissimus, atque rebellis, colica atrocissima, cum insequente utplurimum membrorum paralyfi,  
hy-

hydrops, rigiditas ligamentorum atque tendinum, contractura movendique impotentia affectorum articulorum, et plures aliæ ominosæ, tandemque exitiales, ægritudines, metuenda sunt, si, patientis aut medicastrî culpa, copiosa ac crassa humorum recrementa mucido-salino-terrea in corpore retinentur, aut præsens dudum salutaris actus secretorio-excretorius, iracundia, terrore, refrigeratione, imprudenti externorum obvi-  
 ficientium ac reprimentium adplicatione, alio-  
 ve modo ita rursus turbatur atque supprimi-  
 tur, ut non solum impuritates, critice pridem  
 ad articulos depositæ, sed istæ pariter, quæ  
 iam iam exitum per poros totius peripheriæ  
 moliantur, ad interiora retrocedere cogan-  
 tur. Haud parum quoque, si quæstio de ra-  
 dicalis curationis successu incidit, præsagia in  
 hoc morbo differunt, quoniam ætas patientis  
 atque vivendi ratio, nec minus gradus atque  
 duratio mali iudicia medentis mirifice alterant.  
 Nam malum recens, idemque mitius simul  
 ac citra ullam dispositionem hæreditariam le-  
 vioribus tantum delictis diæteticis contra-  
 ctum, apud subiecta adhuc iuniora ac vegeta,  
 si exactissima eorum diætæ ad rationalem



medelam accedat, penitus nonnunquam tollitur, vel tantopere ad minimum mitigatur, ut paroxysmi recurrentes facillime tolerari queant, inveteratum ex adverso, gravius, hæreditarium, præsertim si patientes iam valde imbecilles fenesque sint, aut salutaribus præceptis diæteticis, sicuti sæpissime, non sine medentis indignatione, fieri solet, debitum obsequium præstare recusent, nunquam, optimis etiam adhibitis remediis, radicitus extirpatur; nec ulla pariter tophis pridem in articulationibus genitis nodisque apparentibus, aut eminentiori dudum articulorum contractura exorta, sanitatis recuperandæ spes superest.

### §. VII.

Alia arthritidis in paroxysmo, alia rursus extra eum curatio est. In paroxysmo, mature tamen præmissa *potiuncula laxante mannato-rhabarbarina*, *animi tranquillitas*, *patientia*, *regimen moderate calidum*, *victus potusque tenuis ac temperatus*, et *blanda diaphoretica atque diluentia interna*, *temperantibus et leniter incidentibus* remixta, infusa nimirum theiformia ex radice glycyrrhæ,

rhizæ, cichorii, farsaparillæ, saponariæ, thea orientali, herba melissæ citr., teucriti veri, hederæ terrestres, veronicæ, betonicæ, chamædryos nobilis, floribus rorismarini, semine foeniculi, flavedine cort. citri et pauxillo ligni sassafras, potiunculæ ex aqua flor. acaciæ, tilia, primulæ veris, scordii, melissæ, foeniculi, cinnamomi borraginata, lap. cancrorum, terra foliata tartari, sale de Seignette, nitro dep., et pulvere cascarillæ, aut paucis granis sulphuris antimonii aurati optimi, et eiusdem quoque virtutis pulveres præstantissima pro meo iudicio tutissimaque existunt auxilia; idque certius, si externe, reiectis ac sedulo vitatis topicis quibusvis, unguinosis, emplasticis, spirituosiss, narcoticis, aliisque decantatissimis quidem, ast parum securis specificis, sola tantum *velamenta mollia plumacea* aut *pilosa*, vel in frigido etiam statu *sacculi balsamici* ex floribus chamomillæ Romanæ atque vulgaris, sambuci, meliloti, calendulæ, herba abrotani, melissæ, rorismarini, semine nigellæ Rom., dauci vulgaris et Cretici, baccis iuniperi et croco orientali, quæ minime reprimunt aut obstruunt, sed summe potius necessariæ exhalationis liber-

tatem conservant ac promovent, adhibentur. Admitto præterea, si alvus adstricta est, *enemata emollientia*, nec *methodicam* etiam in statu frigidiori *moxæ Chinenfis adplicationem* improbo a); an ista autem in calidiori pariter magisque inflammatorio statu cum eadem securitate et utilitate imponi possit, rationibus quibusdam commotus, adhuc dubito, et unice igitur expertis diiudicandum relinquo.

### §. VIII.

Cessante paroxysmo viribusque non-nihil restitutis, per totum induciarum tempus ægrum diætam exactissimam observare, medentem vero de evellendis mali adhuc sanabilis radicibus cogitare, et in hunc igitur finem ea, quæ *massam humorum attenuant atque purificant*, et *imbecilles maxime partes nervosas aliasque solidas*, quarum eminens atonia præcipua ut plurimum atque origina-

lis

a) Plura de hoc remedio in BLANCKARDTI et Dn. TEMPLE Tract. de Moxa, in KAEMPFERi Amœnitat. exot. p. 552. sequ., et Miscell. A. N. C. G. Dec. II. ann. 4. Obs. 1. videri possunt.

lis morbi caussa est, *rursus confortant*, in usum trahere oportet. Remedia, primæ indicationi dicata, pro discrepante humorum vitio ac morbi duratione, paullulum differunt. In arthritide enim recentiori, calidiori, bilioso-plethorica, præter *periodicam venæsectionem* et *scarificationem*, lenioris potiunculæ laxantes ex manna, rhabbarbaro, terra foliata tartari, sale de SEIGNETTE, cremore tartari &c., pulveres ex terreis absorbentibus, salibus mediis, nitro, succino, sacharo lactis, hermodactylis, radice iridis Florentinæ et sulphure antimonii aurato optimo, infusa theiformia, in paroxysmo pridem commendata, electuaria ex syrupo de erysimo LOBELII, de hyssopo, extracto angelicæ, chamomillæ vulgaris, pulvere rhabbarbari, seminis fœniculi, asellorum præp. &c., serum lactis dulce, et aquæ minerales soteriæ Selteranæ aut Antonianæ, vel per se, vel cum lacte haustæ, præcipue conveniunt, nec subinde etiam, si alvus videlicet valde constipata est, aut conspicui nodi hæmorrhoidales exoriuntur, *clysterum* atque *hirudinum adplicatio* negligi debet. In arthritide frigidiori, magisque mucido-

serosa et acido-tartarea cum venæsectione  
cautius mercandum, et potentiora potius hu-  
morum purificantia et attenuantia, satura-  
tiora, v. g. decocta lignorum, largiori per  
aliquot hebdomades quantitate haurienda,  
morsuli antimoniales KVNCKELII, pilu-  
læ polychrestæ BECHERI atque STAHL-  
II, pilulæ ex gummi ammoniaco dep.,  
galbano, sagapeno, asa foetida, extracto car-  
dii benedicti, cent. minoris, balsamo Peru-  
viano ac Tolutano, mercurio dulci et sul-  
phure antimonii aurato, pulveres ex terreis  
antacidis, salibus mediis, floribus salis ammo-  
niaci simpl., rad. ari ppt., cascarilla, croco  
orientali, succino, regulo antimonii medici-  
nali, lumbricis terrestribus pptis &c., mixtu-  
ræ concentratæ, parcius tamen exhibendæ,  
ex tinctura metallorum, antimonii tartarifata,  
essentia melissæ, gentianæ rubræ, pimpinel-  
læ albæ, et spiritu bezoardico BVSSII, nec  
minus usus thermarum Carolinarum, tam  
internus, quam externus, in auxilium vo-  
canda sunt.

### §. IX.

Emendata paullulum vitiosa humorum  
qualitate, in utraque arthritidis specie præ-  
dictis



dictis remediis validiora *roborantia* iungi et interponi debent, cuius census v. g. sunt, cortex Peruvianus selectior, cum saccharo et pulverisato foeniculi semine ad morsulorum formam redactus, tinctura granorum chermes, cum liquore anodyno minerali aut optimo spiritu nitri dulci parata, electuaria ex syrupo mastichino, de stoechade, cinnamomi, cort. aurantiorum, rob iuniperi, extracto millefolii, oascarillæ, pulvere visci quercini, granorum chermes, croci orientalis &c., confectio alkermes completa et incompleta, nec minus acidulæ Pyrmontanæ et eiusdem virtutis aliæ. Externe in arthritide frigidiori mucido-lymphatica, post prævias *frictiones* leniores, *linimenta spirituosæ* ex spiritu formicarum, fuliginis, lumbricorum terrestr., liliorum convallium, lavendulæ, rorismarini, spiritu vini crocato, essentia castorei &c., nec minus *balnea formicarum* cum herbis nervinis balsamicis et *thermæ* pariter *minerales* Carolinæ, Töplicenses, Emsenses &c. tutum quandoque locum inveniunt, in calidiori bilioso-plethorica autem linimenta spirituosæ nocent, et, præter sacculos balsamicos nervinos, thermas et

balnea formicarum, vix aliud remedium  
secure adplicari potest.



## C A P. VI.

DE

### R H E V M A T I S M O.

---

#### §. I.

**R** H E V M A T I S M V S (*α ρέω, fluo*) est va-  
gabundus affectus spasmodico-dolori-  
ficus, qui ut plurimum quidem artuum mu-  
sculos, articulationibus interiectos, torquet,  
inde ad alias nihilominus capitis, pectoris et  
abdominis partes sæpissime transit, ac huic  
vel illi diutius aut brevius inhærens, morbos  
multos ac varios, non nomine tantum, sed  
subinde etiam genio atque atrocitate sym-  
ptomatum valde discrepantes, vertiginem v.g.,  
cephalalgiam, hemicraniam, susurrum aurium,  
otalgiam, obauditionem, respirationem diffi-  
cilem, hæmoptysin, tussis rebelles, phthisin  
pulmonalem haud raro post se trahentes,  
pleu-

pleuritidem spuriam, palpitationem cordis, tormina ventris &c., provocat.

## §. II.

Dolores artuum rheumatici cruciatus arthriticos valde nonnunquam æmulantur, unde attente etiam, ne confusio oriatur, ad differentiæ criteria respiciendum est. Dolores rheumatici nimirum ordinario musculos eorundemque involucra membranacea adfligunt, nec adeo diu quoque in loco uno eodemque commorantur, sed motu vago ex parte alia ad aliam transcurrunt, ita tamen, ut facillime rursus ad illud membrum, cui antea sæpius dudum infesti fuerunt, revertantur. Raro præterea atrociores lacerantes ac lancinantes evadunt, sed plerumque tolerabiliores gravativi, pressorii, atque tensivi sunt, cum insoliti ut plurimum frigoris sensu, absque conspicuo tumore et rubore: Arthritici ex adverso in ipsis ossium articulationibus et circa eas sedem figunt, tyrannidemque longe maiorem ac diuturniorem urendo, pungendo, lacerando ac quasi rumpendo ac contundendo exercent, et incumbentium ac circumiacentium partium

moli-

mollium tumorem et ruborem comites habent. Minime cæteroquin negari potest magnam hic affinitatem subesse, et dolores rheumaticos sæpe arthriticos antecedere, nec raro penitus tandem in illos commutari, vel adeo tamen cum iis colludere, ut perfecte amplius distingui nequeant.

### §. III.

Circa determinandam causam rheumatismi materialem scriptores medici in partes abeunt, et alii eum unice ab acerrimo humore seroso-lymphatico derivant *a*), alii, iique pauciores, sanguinem inflammantem tenacissimaque pituita mirifice refertum, primario adcusant *b*). Quod me attinet, nec

*a*) Conf. BAGLIVVS in *Operib.* p. m. 116. et 10. ALLEN in *Synopsi Vniuersæ Med. pract.* cap. 9. Art. 36.

*b*) „Cum utraque hæc morbi species, sic in *Opusculis suis Sect. V. Cap. 5. p. m. 260. de rheumatismo et lumbagine loquitur*, ab inflammatione „videatur oriri, quod tum iam dicta Phænomena, tum præsertim sanguinis venæsectione educti color, utpote qui Pleuriticorum

nec horum, nec illorum sententiæ simpliciter subscribere possum, sed utramque potius, diversis temporibus et in diversis subiectis, admittendam esse censeo. Probe præterea notandum erit, humorem peccantem in serosis etiam atque lymphaticis adfectibus rheumaticis non semper eandem, sed satis quoque diversam qualitatem obtinere, ac modo *valde tenuem, muriaticum, acerrimumque* esse, modo *tenacem admodum salino-mucosum*, adeoque spasmos dolorificos nunc solo hostili stimulo, nunc vellicatione inimica et pertinacissima insimul inhæssione atque obstructione suscitare. Quare istos quoque prudentius acturos existimo, qui rheumatismum in *frigidum seroso-lymphaticum ac validum sanguineum* distinguunt, et hunc, quem frequentes plerumque ac vehementes sanguinis universi ebullitiones, febrilibus commotionibus valde analogæ, quin vera nonnunquam febris comitantur, a *cruore* abunde

„sanguini tam est similis, quam ovum ovo,  
 „neque quisquam reperiatur, qui hos inflammatione laborare, vel quidem dubitaverit &c.



*abundante, bilioso ac valde simul spisso, illon  
vero, qui catarrhos quodammodo æmula  
tur, a mucidis a) et acribus, falsis, urin  
sis b), et subinde etiam acido-tartareis quis  
quiliis, latici seroso atque lymphatico co  
piose immersis, deducunt.*

## §. IV

a) CAROLVS DRELINCVRTIVS acres muc  
dosque humores seroso-lymphaticos apud  
rheumaticos sub stasi diuturna interdum e va  
sculis ruptis aut exesīs plane exundare, et in  
musculorum superficie, uti hoc aliquando in  
homine, gravi rheumatismo tandem extincto  
observavit, gelatinæ instar, in crassam densam  
que massam concreescere testatur. Vid. GO  
DOFR. BERGERI *Diff. de Rheumatismo* §. 19.

b) CVILHELMVS MVS GRAVE, qui humorum  
lentorem in rheumatismo magis quoque ab  
acri sale albalico, quam acido, fieri arbitratur,  
serum rheumaticorum syrupo violarum viri  
dem colorem inducere, et post mercurii sub  
limati, in aqua soluti, miscelam, sedimentum  
albissimum deponere, immo eandem mercurii  
solutionem, pelliculæ, sanguini innatanti, ad  
aliquot guttulas affusam, superficiem eius albi  
dam reddere, in *Diff. de Arthritide symptoma  
tica* Cap. 2, articul. 4, p. 7, refert.

## §. IV.

Præter indicatam causam materiale[m] attente etiam ad complicatam *partium solidarum* et *nervosi* inprimis *systematis imbecillitatem* respiciendum est, quippe quæ generandæ, retinendæ, adeoque magis in dies magisque coacervandæ impuritati humorum acri ac mucidæ admodum famulatur: Quandoquidem inde primaria etiam petenda erit ratio, cur subiecta, teneriori ac sensibiliore fibrarum textura prædita, cuius census v. g. cholericæ sunt, itemque sanguineæ et sanguineo-cholericæ, præ reliquis rheumatismi insultibus obnoxia inveniantur; immo inde pariter ratio manifesta redditur, cur homines, abusu veneris, laboribus nimis, hæmorrhagiis immodicis, nimis frequenti purgantium atque sudoriferorum usu, meditationibus profundis, curis, crebriori terrore et iracundia, aliisque animi adfectibus exorbitantibus debilitati, præsertim senio propinquante, rheumaticos cruciatus frequentius experiantur, et eorum quoque exacerbationem autumnali inprimis ac vernatempore, quin imminente ac superveniente

niente quacunque propemodum tempestatibus mutatione, magis persentiant.

§. V.

Causis procatarcticis recensitis suumque symbolum indirecte tantum ad materiae rheumaticae genesin, adaccumulationem, facilioremque decubitum conferentibus, nunc istae pariter, quae dicta strictius et propiori magisque immediato effectu praestant, impropvida nimirum ac repentina corporis, praesertim diurno aut nocturno tempore aestuantis, refrigeratio, esculenta nimium salsa, viscida, concoctu difficilia, potulenta spirituosae, iusto largius hausta, defectus potus sufficientis, vita sedentaria, febres intermittentes praemature cohibitae, diarrhoeae criticae imprudenter suppressae, purpura scorbutica retroacta et defectus aut suppressio fluxus menstrui atque haemorrhoidalis iungendae veniunt. Postremae hae et inter hasce rursus fluxus menstrui et haemorrhoidalis obstructions et anomaliae attentam inprimis considerationem merentur, quoniam, sicuti istud FRIDERICVS HOFFMANNVS suo pariter testimonio con-

confirmat a), adfectibus rheumaticis et arthriticis producendis præ omnibus fere aliis causis occasionalibus aptissimæ reperiuntur.

## §. VI.

In iunioribus, maiori adhuc partium robore pollentibus, adfectus rheumatici facilius tolluntur, in ætate provectioribus autem, ad senectam dudum inclinantibus, ac valde pridem debilitatis, radicalem curationem, præsertim si per moras diuturniores ac sæpius iteratam invasionem iam valde invaluerint, rarissime vel nunquam admittunt, sed, identidem sub tempestatum mutatione et patheticis animi commotionibus, aut commisso alio levissimo errore diætetico recurrentes, per totum reliquum vitæ decursum patientes mirifice vexant, aut tandem in venos dolores arthricos degenerant. Solvantur plerumque blanda diaphoresi aut foris nonnunquam sudore, vel copioso ac critico impuratum tartareo-salino-mucidarum cum urina secessu, vel macularum quoque,

Tom. II.

L1

pustu-

a) In Med. System. T. IV. p. 435.

pustularum aliarumque efflorescentiarum purpuratarum eruptione, immo, si calidioris sanguineæ indolis sint, hæmorrhagia narium apud subiecta iuniora, et fluxus hæmorrhoidalis apud seniores superveniens, eosdem haud raro perfecte abigunt, aut valde tamen mitigant. Nec tacendum denique, coryzam et largam materiæ mucidæ acrioris expectorationem in hoc morbo locum inter naturæ auxilia tueri, et crebriores insultus eius egregie avertere.

### §. VII.

Curando huic morbo singula, quæ *resolvendo, temperando, depurando ac roborando* operantur, inserviunt, non promiscue tamen adhibenda, sed pro differenti causæ materialis indole, quæ, uti ex præcedentibus constat, vel calidior bilioso-sanguinea, vel magis frigida muriatico-mucido-serosa est, modo hæc, modo illa seligenda erunt. SYDENHAMIVS aliique medici satis celebres largam ac crebro repetitam *phlebotomiam* optimum atque commune deprædicant remedium, attamen assensum meum ipsis simpliciter ac citra limitationem largiri nequeo.

Nam



Nam, licet quidem verissimum sit, quod phlebotomia in rheumatismo sanguineo, præsertim si fluxus menstrui et hæmorrhoidalis anomalix apud subiecta plethorica præcipuam illi occasionem suggerant, insigne levamen adferat, viamque reliquæ curationi pandat, simul nihilominus frequenti observatione comprobatum est, eandem parum vel nihil auxilii in rheumatismo frigido, ubi latex seroso-lymphaticus magna muciditate et acrimonia peccat, præstare, sed sæpius administratam solidas partes robore suo magis privare, adeoque ægri statum certius deteriores, quam meliorem reddere. Quare pro meo etiam iudicio tutius erit, ut medicus curationem rheumatismi calidi sanguinei cum larga *venæsectione*, frigidi ex adverso sive seroso-lymphatici medelam cum blanda ventris purgatione, per mannato-rhabarbarina aliaque leniora *laxantia* procuranda, exordiat, et postea pariter remedia hæc congruo tempore identidem repetat, quo in casu priori sanguis abundans imminuatur, spissus, densus, ad coagulum pronissimus, ventiletur, et impetuosæ congestiones eius versus partem dolentem avertantur, in casu posteriori autem non tan-

tum faburra impura, in prima culina stabulans fomitemque continuum præbens, sed sensim quoque aliqua materiæ acris ac mucidæ portio ex ipsis vasculis seroso-lymphaticis per glandulas intestinales subtrahatur.

### §. VIII.

Subinde in statu calido sanguineo præter venæsectionem, pro partis aut partium adfectarum situ, modo in brachio, modo in pede instituendam, etiam *scarificatio*, itemque, si manifestæ nimirum hæmorrhoides cæcæ urgeant, *hirudinum adplicatio* utilissima reperitur, deinde autem *diluentia*, *demulcentia*, *temperata resolventia* et *antorgastica*, cum *lenioribus diaphoreticis* mixta, v. g. ferum lactis, cremore tartari aut pulpa tamarindorum præcipitati, decocta ex hordeo, avena, radice glycyrrhizæ, scorzoneræ, graminis arvensis, cichorii, taraxaci, ligno sassafras, semine fœniculi &c., nec minus pulveres ex absorbentibus terreis, nistro dep., sale de Seignette, acetosellæ et cort. cascarillæ, ut et potiunculæ et emulsiones ex aqua flor. acaciæ, tilizæ, sambuci, endiviæ, amygdalis dulci-

dulcibus, feminibus quatuor frigidis maioribus et minoribus, semine cardui benedicti, cardui Mariæ, et memoratis pulverulentis paratæ, maxime conveniunt, immo mixturæ concentratiores ex spiritu nitri dulci, essentia melissæ, cort. citri, succini &c. non contemnendum quandoque auxilium ferunt, si parcius exhibeantur, et usus eorum per intervalla tantum præcedentium usui interponatur.

### §. IX.

Adductorum pharmacorum singula in rheumatismo frigido itidem quidem tutum inveniunt locum, tollendæ tamen humorum muciditati et acrimoniæ minime sufficiunt, sed, præmisso *purgante* aut *leniemetico*, (quod posterius GVILIELMVS MVS GRAVE valde commendat) paullo potentiora etiam *attenuantia*, *diuretica* et *diaphoretica*, ut et validiora quædam *edulcorantia* in usum trahenda sunt. Prioribus essentiam pimpinellæ albæ, corticis aurant., gentianæ rubræ, trifolii fibrini, scordii, millefolii, asæ foetidæ &c., extractum cardui benedicti, cent. mino-

ris, fumarizæ, chamomillæ vulgaris &c., gummi ammoniacum dep., liquorem cornu cervi fuccinatum et similia accenseo; ad posteriora autem aquas Soterias minerales Antonianas, Selteranas, Schwalbacenses, Spadanas, Egranas, quin ipsas quandoque Pyrmontanas, itemque lac recens coctum et cum aqua Selterana aut infuso theæ orientalis tempore matutino largius haustum, referri posse, arbitror. Nec silentio etiam prætermitti debet, *roborantia austeriusculo-amara*, quorum præcipua rhabarbarum æstimo et genuinum corticem Peruvianum, optatum curationis successum egregie pariter promovere, præsertim, si, prava demum humorum qualitate paulisper emendata, adhibeantur, et prius creberrima inprimis, eaque paulatina, manducatione adsumatur. Externe in rheumatismo calido, præter *blandum calorem* et *lenissimas* nonnunquam *fritiones*, nihil plane commendandum duco, in frigido ex adverso *calefacti sacculi balsamici* ex herba menthæ, maioranæ, rorismarini, floribus chamomillæ Romanæ et vulgaris, baccis juniperi, semine nigellæ Rom., avena tosta, croco orientali et camphora, et interdum

dum quoque *linimenta* ex spiritu vini  
camphorato et crocato, spiritu cornu  
cervi, formicarum, liliorum convall., aqua  
Anhaltina, cephalica imperatoris, essen-  
tia castorei &c., immo *balnea formica-*  
*rum* cum herbis nervinis admitti  
possunt.





## SECTIO VI.

DE

MORBIS HABITVS  
CVTANEI.

✱ ✱ ✱ ✱ ✱ ✱ ✱ ✱ ✱ ✱ ✱ ✱ ✱ ✱ ✱ ✱

CAP. I.

DE

LEVCOPHLEGMATIA, CACHEXIA  
ET OEDEIMATE ARTVVM.

§. I.



LEVCOPHLEGMATIA;  
 a λευκόν, *album* et φλέγμα,  
*pituita* sic dicta, est tumor  
 universi corporis externi  
 pallidus, mollis atque œde-  
 matosus, qui foveas digito impressas aliquam-  
 diu retinet, et proxime a valde viscido, te-  
 naci ac fere pultaceo humore seroso-lym-  
 phatico, in cellulis panniculi adiposi coa-  
 cervato ac subsistente, oritur.

§. II.

## §. II.

Medicorum nonnulli hunc adfectum etiam *Anasarca* a), nec non *Hydropem intercutaneum* vocant: Attamen, plus omnino minusve discriminis leucophlegmatiam, anasarca et hydropem intercutaneum stricte talem intercedere, extra dubium positum esse, reor. Pro meo enim iudicio *leucophlegmatia* est, quando copiosus humor pituitosus solas panniculi adiposi cellulas occupat; *anasarca* autem, *σάρπις*, *hyposarca* &c. appellari

L 1 5

pellari

- a) Vocabulum *Anasarca* ex *ἀνα*, *per*, et *σάρξ*, caro componitur, hinc indeclinabile est; „Con-  
 „sulere in eo tironibus artis volui, IO. HEN-  
 „RICVS SCHVLZIVS in *Prefatione*, BLAN-  
 „CARDI *Lexico medico premissa*, inquit, quibus  
 „huiusmodi libri maxime scribuntur. Horum  
 „in gratiam annotatur ad *Anasarca*, quod sit  
 „Græcum ex duabus partibus orationis con-  
 „flatum, quarum posterior est casu quarto;  
 „quodque declinari non debeat. Visus mihi  
 „sum observasse, quod etiam viri hic impin-  
 „gant, et aliqui τὸ *anasarca* adiectivum femi-  
 „ninum rati, deinde perpetuo hydropem ex  
 „masculinorum classe ad feminina transtule-  
 „runt &c.

pellari meretur, quoties leucophlegmatia maiorem ambitum acquirit, et magna humoris pituitoso-lymphatici moles non tantum in adiposis panniculi subcutanei cavernulis, sed in cellulosa pariter tunica, musculos, priori integumento substratos, tum foris cingente, tum ipsam quoque eorum substantiam intrante fibrasque motrices involvente, quiescit, et *hydropis* denique *intercutanei* *proprie* ac *stricte talis* nominationem accipit et accipere debet, si humor tenuior et maximam partem aquosus, in iisdem receptaculis subcutaneis cellulosis ingenti copia collectus ac rursus ad sanguinem remeare nesciens, tumorem habitus cutanei, non mollem tamen laxumque, ut in speciebus præcedentibus, sed splendentem, renitentem, ac fere nonnunquam ad metum usque crepaturæ invalescentem, producit.

### §. III.

Varia symptomata alia prædictæ habitus cutanei intumescentiæ sese comites adiungere consueverunt, ac tota vel potior tamen semiologiæ pars ad sequentia redit: Color vultus magis, quam partium superfi-

ciei

ciei reliquarum, defoedatur, et ex pallido tandem in plumbeum, immo viridiusculum aliquando, flavescentem luridumque mutatur; fieri tamen interdum solet, ut genæ pallidæ, æstu volatico identidem exorto, fallaci rubedine tingantur. Oculi tristes sunt, palpebræ inflatæ attolluntur, et labia solito pallidiora, quin paullulum subinde livida, evadunt. Animus torpet, nec ullam cupidinem ad meditationes et consueta munia obseunda, nec decentem quoque ad illa habitudinem habet, et quævis corporis membra insignem gravitatem ac lassitudinem sentiunt. Adest continua somnolentia, somnus tamen interruptus ac turbulentus est, nec ægrum reficit, sed magis potius debilitat. Respiratio, præsertim sub motu corporis paullo citatiori et acclivium adscensu, admodum difficilis fit, adpetitus ciborum vagus et magis plerumque minusve deiectus, pulsus arteriarum languidus, urina pauca modo subturbi- da, modo tenuis aquosa, sublivida, aut pallida saltim flavedine, ad virorem nonnihil inclinante, tincta, et alvina denique excretio valde irregularis, nunc scilicet iusto segnior, nunc vero iusto crebrior ac lienterica deprehenduntur.

San-

Sanguis vena emissus colorem naturali longe pallidiorem obtinet, et fero mucoso admodum scatet; hinc calor naturalis adeo decrescit, ut ægri sæpe in calefacto etiam conclavi de frigoris sensu conquerantur, et corpus externum sub contactu pariter frigidius, quam apud sanos, reperiatur, si ista tempora exceperis, quibus non adeo rari in hoc morbo æstus volatici exoriuntur. Post pastum creberrime gravitas ventriculi, tensiones ac flatulenta pathemata sentiuntur, immo commemoratis identidem dolores capitis et vertiginosæ perturbationes, anxietates præcordiorum, et molestissimus pressioni, constrictionis atque duritiæ sensus internus sub umbilico, aut in hypochondriis, præsertim dextro, accedunt,

## §. IV.

Valde cum leucophlegmatia ac parum discrepantē anasarca sic dicta *CACHEXIA*, præprimis adultior, quoad pleraque, tam semiotica, quam ætiologica momenta, convenit, et facillimus quoque huius, si magis in dies magisque invalescat, in leucophlegmatiam et anasarca transitus est, unde haud raro  
etiam



iam a negligentioribus aut ignaris practicis  
 rores circa symbolizantium horum affe-  
 um diagnofin ac veram denominationem  
 mittuntur, qui facile tamen evitari pot-  
 unt, fi ægritudinum memoratarum sympto-  
 ata nonnulla, et differens inprimis habitus  
 cutanei conditio rite perpendantur, ac mu-  
 o conferantur. Nam licet apud cachecti-  
 s aliqua pariter habitus cutanei inflatio fi-  
 intumefcentia pallida, mollis, laxa ac pen-  
 la obfervetur, comparative tamen multo  
 ec ipfa levior, et nusquam perfæpe, nifi in  
 ltu tantum ac palpebris perfecte conſpi-  
 a eſt, nec ulla etiam digiti impreſſi veſti-  
 t five foveolæ, quod præcipuum differen-  
 e criterium exiſtit, remanent, ſed pars præſ-  
 mox iterum, paullo languidius tamen,  
 am apud ſanos, reſurgit, ſi ſummum mor-  
 grādum exceperis, ſub quo utplurimum  
 pedibus et ſubinde etiam in manibus  
 lematofi quidquam accedere, atque  
 us leucophlegmatix adventum præſa-  
 e conſuevit.

#### §. V.

Maius adhuc diſcrimen circa cauſam  
 itus cutanei tumidiuſculi ac tumidi proxi-  
 mam

mam atque formalem occurrit: In cachexia nimirum lymphæ viscida in ipsis vasculis suis adcumulatur, ac nondum penitus quiescit, sed tardum adhuc languidumque circuitum exercet, in leucophlegmatia vero, anasarca et hydrope intercutaneo humor, nunc longe viscidior, quam in cachexia, nunc tenuior saltem aquosus, in panniculi adiposi receptaculis et tela muscutorum cellulosa largissime colligitur, et perfecte, ob denegatum regressum ad sanguinem, subsistit: „Est vero, „PLATNERVS *scribit a)*, quædam differentia. Tumor, qui, digito pressus, mox iterum consergit, significat, humorem suum adhuc receptaculis vasisque lymphaticis contineri, si autem tumor mollior est, et qui digito pressus cedit, ita, ut circumfluens etiam humor id, quod non premitur, attollat, et sinus impressus diu maneat, is ostendit, rupta esse illa receptacula et humorem in adipis cellulas esse emissum, qui casu multo asperior est &c.

§. VI

a) In *Instit. Chirurgia rat.* §. 733.

## §. VI.

Non confundi quoque debet leucophlegmatia cum CHLOROSI, quippe quæ ad infimum cachexiæ gradum pertinet, et locum quasi medium inter dispositionem cachecticam et veram cachexiam occupare videtur. Virginibus hic affectus, excedente fluxu menstruo, vel, quod longe sæpius observatur, eiusdem obstructione refractaria laborantibus, familiaris est, et præsentiam suam tetro vultus colore, eoque pallido et nonnihil tandem virescente ac flavescente, nec minus frequenti cordis palpitatione, respiratione sub acclivium adscensu et motu citiori admodum difficili, languore animi, tristi oculorum lumine, et magna membrorum omnium, præsertim pedum, gravitate ac lassitudine præcipue manifestat, nulla tamen ante cachexiæ adventum, in quam neglecta aut male tractata ut plurimum degenerare solet, habitus cutanei inflatio conspicitur, sed facies, manus, quin totum quandoque corpus, nonnihil potius macrescunt; idque eo magis, si, cura procrastinata aut plane irrita, loco cachexiæ phthisica metamorphosis immineat, ac iam iam accedere incipiat.

## §. VII.

## §. VII.

Oritur in panniculi adiposi et telæ muscularum cellulosa cavernulis communicantibus antea memorata laticis seroso-lymphatici, tum viscidioris, tum tenuioris, *ad accumulatio præternaturalis*, ceu causa leucophlegmatiae similiumque affectuum proxima, a *vascularum resorbentium ac reducentium*, quin simul subinde a *minimarum venarum sanguiferarum* obstructione rebelli, et hæc rursus magnam partium solidarum in toto corpore atoniam, flacciditatem ac valde torpidam contractionem, nec minus nimiam feri in sanguine abundantiam, partiumque ex adverso oleoso-inflammabilium penuriam atque depressionem et ingentem præcipue cruoris non minus, quam lymphæ lentorem atque muciditatem causas agnoscit: Nec inordinatus quoque minusve sufficiens secretionum successus, nec prava pariter succorum alibilium in ventriculo et intestinis præparatio, nec viscerum denique, præsertim hepatis atque lienis, oppletiones, infarctus, obstructiones aliaque vitia ex censu causarum excludenda sunt, quippe quæ prima haud raro harum atque similium ægritu-

egritudinum chronicarum fundamenta ster-  
unt, et magis easdem magisque augment.

### §. VIII.

Apud subiecta macilenta, sicciora, cho-  
lerica et cholericò-melancholica memorati  
defectus hydropici rarius generantur, sed  
emperamenti saltim sanguineo-phlegmatici  
omnibus, laxa partium solidarum textura  
ræditis, familiares sunt, et sæpius quoque  
eminæ, male inprimis menstruatae, quam  
iri, iisdem corripiuntur. Causæ cætero-  
uin antecedentes, quæ dispositionem in-  
tum deducunt, multæ omnino ac variæ  
sunt, iisdemque potissimum habitatio in loco  
humido-frigidiusculo, uliginoso, palustri,  
interiturna itemque aeris intemperies frigidi-  
usculo-nebulosa ac pluviosa, esculenta ni-  
um viscida, mucosa, concoctu difficilia,  
mumque oleosa ac pingua, ingurgitatio  
equens vini adusti aliorumque potulento-  
um spirituosorum, somnus nimius, vita otio-  
ac sedentaria, mœror, tristitia, ac curæ  
aviores, libidinis intemperantia, crebrior  
sensibilis transpirationis et sudoris suppres-  
sio, neglecta plethoræ ventilatio periodica.



per phlebotomiam et scarificationem, defectus, anomaliae, suppressio et nimius quoque fluxus mensium atque haemorrhoidum, diuturnus, continuus, ac largior fluor albus, abusus balneorum emollientium, febres intermittentes, et diarrhoeae criticae, per styptica remedia praemature atque imprudenter cohibitae, arthritis retrograda, scabies retroacta, obstructio venae portae, inveterata ac valde exacerbata passio hypochondriaca et hysterica, immodicae et adhuc magis diu continuantes sanguinis profusiones, aliaque plura, quae tonum partium solidarum deiicere, humoribus spissitudinem, muciditatem, et crassitiem quasi pultaceam inducere, et viscera imi ventris ac glandulosa lymphæ colatoria obstruere possunt, accenseri merentur. Nec reticendum quoque erit, ingluviem pariter et pravam huic succedentem chymificationem primam huic morbo occasionem suggerere.

§. IX.

Militant leucophlegmatia et reliquæ hydropis intercutanei species inter morbos chronicos, rebelles et curatu difficillimos, hinc

hinc parum fausta in illis præfagia locum habent, sed plerique, iisdem correpti, præsertim si annosiores dudum, senescentes ac senes existant, extinguuntur. Nam, irrita, medela, hydrops abdominis utricularis sive ascites, nisi forsân præcesserit pridem, propter complicatam plerumque refractariam imi ventris viscerum obstructionem, iungitur, et gravior febris lenta, tandemque catarrhus suffocativus, aut lethargus et apoplexia, quæ patientem vita spoliant, superveniunt. Tumore quidem adolescente, interdum hinc inde in cute, præsertim in cruribus ac brachiis, latiores quædam maculæ rubentes atque pruriginoso-ardentes generantur, quæ aliquando nonnihil ulcerosæ fiunt, et copiosum humorem tenuem, virentem ac valde acrem serosum emittunt, attamen rarissime constans inde atque perfectum auxilium expectandum est, quoniam prior habitus cutanei inflatio, licet identidem sub hoc stillicidio paullulum decrescat, facile, ob superstitem vasculorum reducentium obstructionem ac viscerum labem, revertitur. Vt nihil de humorum acredine dicam, quæ, accidente spontaneo hoc stillicidio, valde du-

dum exaltata viscerumque integritati sub stagnatione sua ac stasi infensissima est, et sua igitur rosione haud raro interna ulcuscula excitat.

### §. X.

Curatio quatuor indicationibus, tempestiva nimirum quiescentis liquidi mucido-ferosi eductione, humorum omnium attenuatione, obstructorum viscerum ac glandularum reclusionem, et nova rursus partium solidarum corroboracione nititur. Ad evacuantia, primæ indicationi dicata, *Jaxantia* quidem, *diuretica* et *diaphoretica*, alibi contra hydropem abdominis commendata, referri possunt, maxima tamen fiducia in matura ac rite suscepta *Paracentesi*, quæ, experientia teste, maiorem persæpe opem in hydrope intercutaneo, quam ascite, tulit, collocanda erit. Testem hoc loco RICHARDUM MEAD adducam, qui in Opusculo, cui Titulus, *Monita et Præcepta medica*, ita pag. 73. de hoc auxilio differit: „Sed ad „curationes horum morborum veniendum est. „In leucophlegmatia incisio in tibiæ parte „interiore fieri debet, duobus super talum „digitis,

„digitis, ita ut vulnus ad cellulofam mem-  
 „branam nec ultra penetret, quo per dies  
 „aliquot frequens humor feratur; crus au-  
 „tem interea foveri oportet decocto her-  
 „barum emollientium et calidarum, adiecto  
 „*spiritu vinofo*, cui addita fit *camphora*.  
 „Hanc medicinam non tantum in hac morbi  
 „specie, fed et in ipfo afcite multum pro-  
 „fuiſſe, quin et interdum fanafſe, multoties  
 „expertus ſum; profluente per multos dies  
 „tanta liquoris copia, ut fidem ſuperet. Ca-  
 „vendum autem eſt, non in ea tantum inci-  
 „ſione, fed et in omnibus, quæ in quacun-  
 „que corporis parte aquæ educendæ cauſa  
 „ſiunt, ne nimis inde exhauriantur vires;  
 „quas æque proſternit humor ita emiſſus,  
 „ac ſi ſanguinis ipſius tantumdem efflue-  
 „ret &c., Paracentefi, ſeu potius ſingu-  
 „lari integumentorum incifioni, et prædictis  
 „evacuantibus internis hoc loco calor quoque  
 „hypocauſti, foci, furni, ſolis, arenæ &c. addi  
 „merentur. Nam licet hoc auxilii genus  
 „non adeo magnam quidem opem præſtet,  
 „plus tamen minusve ad moleſem humoris  
 „coacervati ac quieſcentis minuendam con-  
 „ſeſſe valet.

## §. XI.

Medicamenta, ad obtinendam secundam et tertiam indicationem apta ac necessaria, ex *incidentium, abstergentium, diseutientium, stimulantium*, quin *evacuantium* quorundam classibus desumuntur, et præ multis aliis pulveres maxime ex absorbente quodam terreo, salibus neutris, radice ireos Flor., ari ppta, curcumæ, croco orientali, coccionella, asellis pptis, succino ac regulo antimonii medicinali, nec non decocta saturatiora ex radice angelicæ, saponariæ, pimpinellæ albæ, fol. trifolii fibrini, ligno Guaiaco, nephritico, floribus salviæ, rorismarini, et flavedine cort. citri, infusa vinosa ex rad. galangæ, gentianæ rubræ, angelicæ, ari, pimpinellæ albæ, rhabarbaro, fol. senæ, maro vero, chenopodio ambrosioide, nasturtio vulgari hortensi et Indico recenti, cort. ligni Guaiaci, ligno santalo flavo, sem. sinapi, santónico, cardamomo minori &c., pilulæ ex gummi ammoniaco dep., galbano, sagapeno, asa foetida, aloe violata aut rosata, myrrha genuina, extr. cent. minoris, cardui bened., scordii, aliisque amaris, terra foliata tartari, floribus salis ammoniaci simplicibus aut mar-

tialibus



tialibus solutione parata, posteaque tincturis spirituosiss, tinctura v. g. tartarifata aut acris antimonii, metallorum, pimpinellæ albæ, scordii, rhabarbari, nec non liquore cornu cervi succinato, aut spiritu bezoardico BVS-SII remixtæ, morsuli antimoniales KVNCKELII, aqua calcis vivæ, et plura alia, virtute recensitis analoga, commendanda veniunt.

## §. XII.

Pharmacis laudatis aliquamdiu usurpatis, *evacuantiâ cathartica, laxantiâ*, quin ipsa interdum *emetica* ex rad. ipecacoanhæ, mechoacannæ albæ, rhabarbari, fol. fennæ, extracto catholico, panchymagogo CROLLII, sale amaro Sedlizenfi et Ebshamensi &c. identidem interponi, et deinde, resolutione nimirum et evacuatione humorum nonnihil peracta, *roborantiâ potentiora*, cuius census v. g. sunt morsuli ex granis chermes, cortice Peruviano, semine cinæ, fœniculi et sacharo, electuaria ex syrupo mastichino, speciebus diaxylaloes, dianthos, diacinnamomi, extracto corticis Peruviani, pulvere granorum chermes, et croco martis aperitivo

Stahlii aut sulphurato, et mixturæ vinosæ antea laudatæ, cum tinctura martis pomata aut cydoniata combinatæ, iungi debent. Circa ordinem tamen ac methodum paucis adhuc monendum venit, initio, præmissis per octiduum solis pulveribus digestivis, ad primas vias repurgandas lene emeticum aut purgans exhibendum et deinde demum validiora attenuantia, purificantia et quævis commendata reliqua, ordine prædicto et sub exactissimo diætæ congruæ atque harmoniæ regimine, in usum trahenda esse.

## §. XIII.

Ab externis remediis parum auxilii in hac ægritudine expectandum est, possunt tamen, internis per notabile dudum tempus usurpatis, tum discutiendi, tum roborandi fine, *suffimigia balsamica* ex gummi tacamahaca, anime, elemi, lacca, benzoe, iuniperi, maïtiche, herba rorismarini ficcata &c., nec minus *balnea calida sicca* et *lenissima frictiones* cum pannis calefactis, camphoræ et aromatum exhalationibus probe imbutis, admitti.

## §. XIV.

## §. XIV.

Quod leucophlegmatia et anasarca in toto corpore sunt, id OEDEMA in artubus est, unde circa ætiologiam quoque levis untaxat differentia notanda venit. Leucophlegmatia nimirum et anasarca semper, præter causas intumescentiæ proximas, pernacem viscerum obstructionem supponunt, edema autem *simplex* ac *solitarium*, ab oedemate *symptomatico* in cachexia adultiori, hydropo &c. probe discernendum, a particulari tantum lymphæ valde crassæ ac mucidæ stagnatione in vasculis et largo simul in cellulis panniculi adiposi decubitu ac maiori ibidem aut minori quiete, et particulari pariter solidarum partium atonia oritur, immo interdum sola femorum compressio tensoria ab equitatione, aut strictior crurum infra aut supra genua ligatura, aut diuturna in qua refrigeratio, aut uteri moles apud gravidas et huius commatis plura, quæ plus saltem minusve liberum lymphæ circuitum atque regressum impediunt, tumorem oedematofum, præsertim apud subiecta habitus phlegmatici, ac paullo dudum annosiora, in pedibus generant.

M m 5

§. XV.

## §. XV.

Tumores œdematosi plerumque, ut antea dictum fuit, artus extremos et potissimum pedes occupant, et ordinario etiam indolentes, pallidi, molles et contactu frigidi sunt, foveolasque, digito impressas, diu retinent; subinde nihilominus, tametsi paulo rarius, fieri solet, ut in iis apud subiecta valde cacochymica et scorbutica passim latissimæ maculæ rubræ, lividæ, quin ex fusco prorsus aut nigro colore coerulescentes, cum ardore quodam et identidem superveniente subtili dolore pungente, nascantur, quæ interdum totum ferme tumorem obducunt, et plana de indole œdematis deteriori testimonia præbent. Nec penitus etiam hoc loco prætereundum est, tumores hosce, in pedibus cruribusque exortos, interdum sub ambulatione et situ corporis erecto semper incrementum accipere, noctu autem sub decubitu situque corporis declivi paullulum rursus decrescere. Immo, prælagii gratia haud ignorari oportet, œdemata pedum idiopathica ac solitaria, præsertim a solis causis externis, contusione v. g., compressione, refrigeratione humida &c. producta, facilius curari, nec facile, nisi for

far

repellentia externa applicentur, ultra ge-  
 a progredi, symptomatica ex aduerso, a  
 cerum scilicet imi ventris infarctu et ob-  
 uctione &c. pendentia, non tantum diffi-  
 lime profligari, sed persæpe etiam, nunc  
 leriori tamen, nunc tardiori progressu, ad  
 domen adscendere, et tandem in ipsum  
 dropem degenerare.


### §. XVI.

Cura interna cum cachexiæ et leuco-  
 legmætiæ curatione maximam partem con-  
 nit: Quod externa vero auxilia attinet,  
 is *leniores* maxime *frictiones* cum pannis  
 defactis, tum sibi relictis, tum halitu sicco  
 mphoræ, croci et aliorum aromatum pro-  
 e imprægnatis, nec minus *sacculi sicci-bal-*  
*mici discutientes* ac simul *roborantes* ex rad.  
 peratoriaræ, angelicæ, zedoariæ, galangæ,  
 erba maioranæ, thymi, serpilli, origani, ro-  
 smarini, menthæ, flor. chamomillæ Rom.,  
 lyviæ, lavendulæ, hyssopi, sem. nigellæ  
 om., apii palustris et hortensis, fœniculi,  
 rvi, baccis iuniperi, lauri, croco orientali,  
 pauxillo camphoræ, ut et *suffimigia* ex  
 ccino, gummi anime, elemi, tacamahaca,  
 ala



asa foetida, sagapeno &c. accenseri merentur. Notari tamen adhuc debet, externa remedia, si oedema artuum vitio viscerum imi ventris et caussis generatim internis primam originem suam debeat, non initio statim, sed congruis demum internis per aliquod tempus præmissis, adplicanda esse. Nonnulli etiam thermas, et roborandi pariter scopo decocta vinosa ex raphano, chelidonio maiori, sedo vermiculari murario, foliis bardanæ ac petasitis commendant: Verum enim vero, horum et similium usus valde, pro meo iudicio, ambiguus est, et adstringentia imprimis, emplastica, pingua, unguenta, linimenta spirituosæ calidiora, camphora sacculis discutientibus iusto largius addita balnea humida balsamica vulgaria, itemque vitriolico - martialia aut aluminosa, et plura huius census obviscantia aut reprimentia alia plerumque nocent, et oedematofam materiam ad interiora repellunt, ubi pro differenti decubitu suo mala postmodum variataque rebellia, asthma v. g. periculosum a facili in catarrhum suffocativum degenerans insignes præcordiorum anxietates, tumorem hepatis atque lienis, hydropem ascitem &c. suscitatur.

citat. Vt nihil de apoplexia pituitosa et ad-  
tibus soporosis dicam, qui, teste experien-  
cedema artuum retroactum nonnunquam  
quuntur, nec raro necem patientibus in-  
runt.



## C A P. I I.

DE

## I C T E R O.

## §. I.

CTERVVS, quem scriptores medici etiam  
*Auriginem, Morbum regium, Morbum ar-*  
*atum et arcuatum* appellant a), est colo-  
s rubello-albidi naturalis in vultu et uni-  
erso tandem corporis habitu cutaneo in  
avum aut fusco-nigricantem defoedatio;  
nc ordinario etiam in *flavum* et *nigrum*  
viditur.

## §. II.

e) Plura de variis hisce appellationibus ea-  
rundemque probabili aut saltim putatitia ori-  
gine in IO. HENRICI SCHVLZII *Disserta-*  
*zione de Ictero* videri possunt.

## §. II.

A vero ictero flavo probe levis illi *Adfectus icterodes*, qui apud infantes recens natos observatur, et, meconio excreto, magisque densata epidermide, post paucos dierumque dies sponte rursus disparet, distinguendus est, nec ista etiam *Flavedo*, qua cutis persæpe apud homines post prægressos morbos diuturniores, post moerorem itemque et inedia[m] gravio[re]m tincta cernitur cum illo confundi debet; quippe quæ, propter succorum alibilium atque humectantium defectum, singulari tantum cutis atque cuticulæ exsiccationi tribuenda est, adeoque citra ullum bilis concursum nascitur.

## §. III.

Icteritia coloris naturalis defœdatur primum ordinario in tunica oculorum albiginea, et paullo post in fronte pariter, genis ac collo conspicua evadit, deinde vero latius paulatim per totum vultum totumque habitum corporis cutaneum diffunditur, immixta tingens materia biliosa universam humorum massam inficit, et altius nonnunquam in interiorum partium solidarum compagem penetrat.

at; hinc urina saturato colore croceo-rubente, aut croceo-fusco, aut croceo-nigriante tingitur, suamque flavedinem linteis immersis inducit, sanguis, vena emissus, præsertim supernatans pars serosa, valde flavebit, et interdum quoque, sub morbi scilicet iuturnitate ac gradu maiori, saliva, quinosæ ossa similem colorem induunt, qui posterioribus tam refractarie postmodum inæret, ut post mortem quoque, sceleto foris inde composito, perfecte rursus in iis dari nequeat. In iëtero nigro color cutis obscure fuscus, aut luridus, aut fusco-nigricans est, et in flavo etiam, quod addere excessum duco, ingrata flavedo plerumque d obsoletum simul virorem vergit.

#### §. IV.

Interdum hic morbus lente obrepit, interdum subito nascitur, et plerumque, præcurrente horrore aliquo, cum insigni corporis lassitudine accedit, quam protinus, aut post breve saltem intervallum, molestas, contans, atque fixus pressioni, tensionis, strituræ et intercurrentis quandoque puncturæ sensus sub costis spuris in hypochondrio  
dex-

dextro, aut rectius in latere abdominis dextro prope scrobiculum cordis sequitur, cui deinde magna præcordiorum anxietas, respiratio difficilis, torpor, tædium et inquietudo animi, somnus, præfente licet insolita ad eum proclivitate, turbulentus atque interruptus, perpetua in ore amarities, languor adpetitus ciborum, gravitatis sensus in ventriculo post alimentorum adsumptionem, fastidium incessus, decubitus molestus et ingens persæpe post corporis in lecto incalescentiam in cute pruritus, et subinde etiam febriacula obscura lentescens iunguntur. Corpus præterea difficillime sudat, et excretio alvina nonnihil mutabilis ac varia est: Nunc enim, et quidem frequentius, magna alvus segnitie laborat, et excrementa pallida, dura, straminei coloris, tardius, ægre, nec sine adhibito maiori egerendi conatu, excluduntur, nunc vero, licet longe rarius, maior alvi laxitas supervenit, et stercoꝝ viscosa, crudis nonnunquam esculentorum reliquiis mixta, exeunt, immo interdum excrementa biliosa excluduntur, quæ bonis tamen criteriis accensenda sunt, et ductus choledochi obstructionem vel saltim imperfectam esse, vel



el denuo referari, aut dudum referatam  
fle, testantur.

§. V.

Icterus vel *idiopathicus*, vel *symptoma-*  
*ticus* est: Hic critice haud raro febribus bi-  
osis aliisque morbis, in quibus magna bilis fer-  
idæ quantitas cum succis reliquis ex cana-  
e intestinorum per vasa lactea ad sanguinem  
elata fuit, succedere consuevit, nec adeo  
liu itaque perdurat, sed intra paucos utplu-  
imum dies iterum evanescit; ille autem a  
*ile*, propter excretionem eius in duodenum  
vel omnimode, vel plus tamen minusve co-  
ibitam, *ex turgidis ductibus suis copiose rur-*  
*us per poros acinorum hepatis secretorios ad*  
*sanguinem venæ portarum regurgitante, ori-*  
*ur.* Scio quidem, scriptorum plerosque  
magis in hoc morbo ad impeditam bilis se-  
cretionem, ab hepatis et acinorum imprimis  
tque vasculorum adducentium obstructione  
pendentem, respicere, ac modo sanguinis  
viscositatem atque crassitiem, modo scirrho-  
tatem hepatis, modo spasmodicam capsulæ  
Glissonianæ stricturam a) &c., adcusare; at  
Tom. II. N n scio

a) V. IO. HENR. SCHVLZIVS l. c.

scio etiam, opiniones hasce sufficienti carere fundamento, quoniam ante secretionem in sanguine venæ portæ nondum perfecta, multo minus amara bilis, quæ vera tamen iæteri causa iudicatur, adest *b*): Quibus accedit, quod ipsa etiam bilis hepatica, recentius secreta, pallide tantum flavescens ac valde fluida, temperata, et nulla prorsus, vel lenissima saltem ac vix perceptibili amaritie prædita sit, et sub diuturniori demum quiete sua in cystide, aut obstructis ductibus chole-  
dochis notissimam atque ingentem consistentiæ, coloris, saporis, atque temperiei mutationem subeat.

### §. VI.

Prædicta *ductus choledochi obstructio*, ceu unicum pro mea sententia et proximum bilis excernendæ impedimentum, a pluribus quidem causis, apud individua persæpe absconditis, produci potest, experientia nihilominus teste, *calculus cysticus*, inde vel fortuito, vel sub iracundia graviore, aut vehementiori emeticorum atque purgantium, præsertim

a) Conf. *Acta Medicorum Edinburgensium Vol. I. Edit. Germ. p. 399. sequ.*

tim drasticorum, actione, vel interdum quoque sub convulsionum aut paroxysmorum febrilium insolentia, immo sub forti corporis concussione vulgari, in ductum choledochum excussus atque incarceratus, causa eiusdem frequentissima est, et huic deinde *vehemens constrictione spasmodica*, a venenis saturninis aliisque a), vel a potentioribus quoque medicamentis stypticis eidem canali subito aut successive inducta, nec minus, quamquam longe rarius, *ingens bilis inertia* et *emplastica* propemodum *viscositas*, cui generandae obstructio lienis, defectus et suppressio fluxus menstrui, febres intermittentes praemature cohibitae, prava alimentorum in ventriculo digestio, nimia adsumptio viscidorum et abusus acidorum praeter reliquis famulantur, iungi debent. Praecipue igitur hae causae ex praegressis cognoscendae sunt, et circa primam et secundam adhuc

N n 2

paucis

- a) De singulari illo ictero, qui nonnunquam viperarum et animalium rabidorum mor sui succedit, plura in saepius allegata SCHVLZII *Dissertatione de Ictero* §. 21., nec non in RICHARDI MEAD *Monitis et Praeceptis medicis* p. m. 89. videri possunt.

paucis duntaxat commemorandum duco, utramque apud homines cholericis temperamenti, in ætate iuvenili aut vegeta virili adhuc constitutos, crebrius exoriri, et, calculo anguloso atque acuto e cystide protruso fortiusque ductui choledochi impacto, dolorem sub scrobiculo cordis aut prope eundem non tantum stringentem atque pressorium, sed per vices valde pariter pungentem existere.

## §. VII.

Prognosis, si durationem et curationis successum spectes, mirifice variat. Sanavi multos, in quibus prægressa vehemens iracundia, eidemque protinus sine dubio succedens calculi fellei minoris aut mediocris magnitudinis in ductum choledochum protrusio et temporaria incarcerationio icteri causæ fuerunt, intra septem, octo, decem, quatuordecim dies. Habui rursus alios, quorum cura perfecta aliquot menses, aut integrum semestre, quin annum fere spatium postulavit. Dependent hæc unice vel tamen primario a causæ obstruentis indole ac magnitudine, et in genere igitur tenendum erit, i&c.

icterum, a calculo felleo minori ortum, facile ut plurimum et intra breve tempus profligari, reliquas vero species, quæ calculo grandiori aut spasmo refractario, a saturninis similibusque stypticis potentioribus inducto, aut ingenti sanguinis ac bilis inertis viscositati natales debent, tardius plerumque tolli ac multum persæpe negotii medentibus facessere, præsertim, si patientes dudum seniores sint, aut reliqua simul imi ventris viscera obstructionem patiantur, aut icterus flavus in deteriorem pridem magisque refractarium icterum nigrum a) degeneraverit. Salutis cæteroquin rediturae criteria sunt, quando anxietas præcordiorum et strictura circa scrobiculum cordis penitus cessant, simulque cutis flavedo, non repente tamen, sed sensim sensimque pallidior redditur, et excrementa alvina, restituta regulari alvi libertate, naturalem rursus colorem suum ac consistentiam

N n 3

tiam

- a) Icterus niger a flavo solo tantum gradu differre videtur, ac tunc demum nasci consuevit, quando bilis admodum viscida largius in tubulis capillaribus subsistit, et, cum multis partibus terreis paullatim mixta, nonnihil quasi exliccata et indurescere incipit.



tiam recuperant; funestus ex adverso eventus plerumque metuendus est, si fortior febris lenta cum universi corporis contabescencia, aut ascites cum vel sine pedum tumore, aut asthma gravissimum superveniat.

### §. VIII.

Icterus flavus, recens, post iracundiam graviolem a propulso et leviter impacto calculo felleo, vel a fervida tantum bile eidemque iuncto spasma vehementiori exortus, pauca omnino remedia, quod iterata experientia edoctus scio, ad sui curationem postulat, et feliciter persæpe, si animi tranquillitas, victus tenuis, temperatus, mucilagineus, et omnimoda a spirituosiss, acris, aromaticis, abstinentia accedant, *temperantibus* quibusdam, *demulcentibus*, *moderate emollientibus* aliisque *mitioribus antispasmodicis* tollitur. Eminent inter illa pulveres ex lapidibus cancrorum citratis, tartaro solubili et nitro depurato, potiunculæ et emulsiones ex iisdem pulverulentis et aquis refrigerantibus endiviæ, lactucae, cichorii, rad, graminis, flor. nymphaeæ, borraginis &c., seminibusque, si forma emulsionis placet, quatuor  
frigi;

frigidis maioribus et minoribus, amygdalis dulcibus &c., decocta hordeacea et avenacea cum radice althææ, graminis arvensis, malvæ, scorzoneræ, et tussilaginis, serum lactis modice acidulum, iuscula avenacea tenuiora, cum radice althææ, aut floribus chamomillæ vulgaris cocta, clysmata emollientia, et similis virtutis balnea, nec non unguenta, epithemata ac fomenta, loco abdominis dolenti adplicata; immo interdum, spasmus videlicet admodum refractario existente, interpositus quoque ac parcius spermatis ceti et olei amygdalarum dulcium recentissimi usus internus conducit.

### §. IX.

In specie altera, a stypticis potentioribus excitata, recensita remedia pharmaceutica, si curæ initio nitrum et salia neutra exceperis, itidem conveniunt, simul tamen *alcalia* quædam, *oleosis* maritata, aliaque, quæ vulgo contra colicam saturninam commendantur, in auxilium vocanda sunt, et in tertia denique singula reperiuntur proficua, quæ mucositates primæ culinæ abstergunt, inertiam bilis corrigunt, chymificationis ac

chylicationis negotium ad ordinem iustumque vigorem reducunt, sanguinem atque lympham attenuant, et viscera imi ventris infarcta et obstrueta aperiunt; cuius census præ reliquis sunt infusa laxantia aquosa ex rhabarbaro, arcano tartari, sale de SEIGNETTE, tartaro solubili, sale Ebshamensi, Sedlitzensi atque thermarum Carolinarum, pulveres ex absorbente quodam terreo, salibus mediis, rad. curcumæ, iridis Florent., regulo antimonii medicinali, cascarilla, pilulæ ex gummi ammoniaco dep., extr. cardui bened., cent. minoris, fumariæ, chamomillæ vulg., trifolii fibrini, scordii, aloe violata, mercurio dulci et sulphure antimonii aurato optimo, electuaria ex syrupo quinque radicum aperientium, cardui bened., de erysimo LOBELII, vix memoratis extractis amaris, pulvere rhabbarbari, curcumæ, rad. ari pptæ, sem. cinæ &c., mixturæ vinoso-spirituosæ ex liquore terræ foliatæ tartari vinoso, extractis amaris, et solutioni postmodum additis, tincturis et essentis antimonii, metallorum, rhabbarbari, gentianæ rubræ, absinthii, rad. pimpinellæ albæ &c., infusa vinosa ex radice diptamni albi, curcumæ, rhabarbaro, herba

erba marrubii albi, flor. hepaticæ nob., sum-  
mit. cent. minoris, cort. aurantiorum. ligno  
ephritico et sic porro.



## CAP. III.

DE

## VARIIS CVTIS MACVLIS.

## §. I.

**A**d maculas, rarius in cute aut frequen-  
tius nascentes, EPHELIDES inprimis,  
LENTIGINES, MACVLAE HEPATI-  
CAE, MATRICALES, SCORBVticae,  
et ECCHYOMATA spectant. *Epheli-*  
*des*, quæ maculæ flavæ sunt, aut subfuscæ,  
aut luteo-fuscæ diversæ magnitudinis atque  
figuræ, in vultu maxime, circa nasum, in  
fronte ac genis, nec minus in collo et dorso  
manuum erumpunt, et cholericæ tempera-  
menti subiectis, quæ bile abundant, præci-  
pue familiares reperiuntur. Natales suos  
*oleoso illi unguento* debent, quod ex glandu-  
lis sebaceis, passim inter cutem et epidermi-  
dem sitis, largiori apud subiecta memorata

quantitate se - et excernitur, et hinc inde igitur, per areas quasi maiores et minores, valde adcumulatum, calore, præprimis solari exsiccatur; unde ratio etiam patet, cur maculæ hæc autumnæ ac hyemæ pallidæ evadant, et apud individua nonnulla maximam partem evanescant, redeunte autem calore vernali et excrementiis humorum partibus copiosius rursus ad peripheriam translatis, denuo prodeant pristinumque colorem saturationem adipiscantur. Si maculæ parvæ sunt, et lenticularum formam ac magnitudinem obtinent, strictius Lentigines appellantur: Sunt tamen medicorum multi, qui vocabula Ephelides et Lentigines mera synonyma constituere, et unum idemque cutis vitium denotare arbitrantur.

## §. II.

Ad abigendas maculas hæc a scriptoribus varia quidem commendantur remedia, ast dolendum, quod voto ac spei rarissime vel nunquam perfecte satisfaciant, idque eo minus, quando dispositio hæreditaria, quæ sæpissime adesse observatur, concurrit, aut aeris liberioris et radiorum solarium actio  
evitari



vitari nequit: Experiri nihilominus licet, uid *frequentes lotiones* cum sapone Veneto, ut aqua tepida, oleo tartari per deliquium modice imprægnata, aut lacte virginum, exinctura benzoës, aquæ frigidæ simplici aut rosarum instillata, parando, efficiant. Apud gravidas, quod addendum duco, etiam latiores quædam maculæ luteæ aut subfusco-flavescentes occurrunt, quæ itidem a practicis Ephelides vocantur; verum enim vero, alium hæ ipsæ originem habent, et citra ullum auxilium medicum sponte rursus atque perfectæ post partum disparent.

### §. III.

Ab ephelidibus latioribus *Maculæ hepatica* sese notabiliter distinguunt. Plerumque enim palmæ latitudinem consequuntur, et obscuriori colore fusco, ad hepatis colorem nonnihil accedente, vel brunneo-nigricante, cum aliqua cutis asperitate squamosa aut furfuracea, gaudent. Rarius præterea in facie, sed in pectore potius, dorso, inguinibus, et pectine, sine temporum anni discrimine, emergunt, et per incerta postmodum intervalla evanescunt ac renascuntur. **Vi-  
tium**

tium bilis non minus, quam sanguinis hic subesse, verosimillimum existit; hinc *lenia* etiam *laxantia*, *diluentia*, ac *mitiora sanguinem purificantia* ad sui curationem præcipue postulant.

#### §. IV.

*Maculae matricales ad naevos*, eosque maculosos, spectant. Nævi enim, quod breviter hoc loco inferendum censeo, duplicis generis sunt, et eorum alii meras maculas regulares aut irregulares, rubri, lividi, coeruleo-nigricantis &c. coloris, alii vero corpora eminentia sive excrescentias atque tubercula diversæ magnitudinis, nunc indefinitæ, nunc definitæ figuræ, fraga v. g., cerassa, myrtillos, fructus mori &c., forma sua magis minusve æmulantia, sistunt, quæ magnitudinem suam vel constanter retinent, vel aliquantulum, per intervalla mutant, h. e., increscunt atque decrescunt. Origo eorum in utero nondum quidem satis clara est, præcipuam nihilominus culpam, data occasione varia, ad vividiorē matris perterritæ, aut nimium ad hoc vel illud obiectum attentæ phantasiā subinde redundare, extra omne dubium positum esse, credo.

#### §. V.

## §. V.

Nævi eminentiores, tenuiori radice præditi, interdum *ligatura* cum filo lineo aut sericeo feliciter tolluntur, reliqui autem, sive int eminentes sive plani maculosi, medicaminum energiam penitus plerumque eluunt. Nolo igitur singula, quæ auxiliari creduntur, hoc loco adducere, silentio tamen penitus præterire nequeo, *frictionem* cum *sativa* ieiuni hominis, nunc sola, nunc *camphora* manducata nonnihil imprægnata, *loturam* temque, crebrius repetitam, cum decocto *ideritidis*, *rutæ*, *hyssopi*, *abrotani* &c., vel cum mixtura ex aqua *fragorum*, *figilli Salomonis*, *caryophyllatæ*, *succo corticis viridis nucum iuglandium* et *bile bovina inspissata*, aut *sale ammoniaco*, aut *elixirio proprietatis Paracelsi sine acido*, et similia passim in scriptis medicorum commendari. Notandum tamen erit, mature hæc remedia nec adeo diu post *nativitatem* adhibenda esse, dum noto notius est, quod *nævi*, initio adhuc curabiles, nulla amplius arte, si inveteraverint, abigi queant.

## §. VI.

## §. VI.

De *Maculis scorbuticis* multa hoc loco proponere supersedeo, quoniam inter mera morbi alterius, scorbuti nempe, symptomata, alibi recensita, militant: Quod *Sugillationes* vero seu *Ecchymomata* attinet, illa in genere variæ quidem magnitudinis atque figuræ maculas lividas, vel obscure rubras, vel atro-rubentes, a sanguine extravasato inque telam cutis cellulosam effuso oriundas, denotant, intuitu nihilominus causæ exundationis cruoris proximæ notabiliter differunt, et eorum alia, quæ frequentius obvia sunt, et strictius *sugillationes* vocantur, *plagis* gravioribus, *contusionibus*, *similibusque violentiis externis* subitanæ genese debent, alia ex adverso *vasculorum sanguiferorum rupturam*, a sola causâ interna, a refractaria v. g. canalium obstructione, aut vehementi eorum ac subitanea post corporis æstuantis refrigerationem constrictione, aut magna cruoris rarefactione &c. productam, sequuntur, et adeo nonnunquam multiplicantur, ut passim, exanthematum fere instar, in universo habitu cutaneo in conspectum veniant. In *Actis Aca-*  
*demie*

*miae Electoralis Moguntinae a)* et hinc inde  
 iam in aliis scriptis medicis singularia quæ-  
 am universalis huius ecchymosis exempla  
 occurrunt, immo mihi ipsi in praxi bis quo-  
 tie hunc morbum, apud puerum nempe  
 ptem annorum, et apud virginem sexage-  
 nariam, observare contigit. Apud postero-  
 rem hanc patientem, quæ continua simul ac  
 alde dolosa febre laborabat, maculæ nu-  
 merosissimæ, obulo partim maiores, par-  
 tim minores, rotundæ, subtumidæ, ob-  
 ure rubræ ac paullulum nigricantes erant,  
 et ad mortem usque, quæ sexto morbi  
 die superveniebat, sine ulla mutatione per-  
 tebant, apud puerum vero, itidem  
 febre leviori correptum, post aliquot dies,  
 colore rubro prius in lividum mutato,  
 sensim rursus sensimque, cum paullatino sani-  
 tatis reditu, disparebant.

## §. VII.

Medicamenta externa nullum in ori-  
 nis internæ ecchymosi locum inveniunt,  
 et totum curationis negotium *antorgasti-*  
*cis,*

a) Tom. I. no, 28. p. 335. sequ.



*eis, resolventibus, temperatis aperientibus,* aliisque internis, pro diverso complicati morbi primarii ac causæ genio seligendis, expediendum est. Contraria methodus apud externæ originis ecchymomata valet; quippe quæ nulla remedia interna, sed solummodo *topica discutientia*, v. g. epithemata ac linimenta ex aqua catapultarum, aut mastichina, spiritu vini crocato et camphorato, spiritu rosmarini &c., sacculos balsamicos ex herba thymi, hyssopi, fatureiæ, maioranæ, flor. lavedulæ, chamomillæ Rom., baccis iuniperi, sem. nigellæ Rom., foeniculi, apii &c., vel sibi relictis, vel spiritu vini crocato et camphorato humectatis, et huius commatis alia ad sui curationem postulant, immo interdum nullo prorsus ad ea abigenda remedio opus est, quoniam sponte tandem evanescere consueverunt.





## CAP. IV.

DE  
SCABIE.

## §. I.

SCABIES, græce *Ψάρα* et *Ψωρίασις* dicta, defœdationem habitus cutanei magis minusve ulcerosam et pustulosam denotat, ac valde pro diversa humorum corruptela et differenti pariter ulcerum atque efflorescentiarum conditione discrepat; unde generatim quoque in *benignam* et *malignam* dividitur. Benigna vel *humida* rursus, vel *secca* est; maligna autem plures species, *Herpetem* nempe *ferinum* sive *exedentem*, *Lichenem Græcorum* sive *Impetiginem Plinii*, *Lepraem Græcorum* et *Arabum*, nec non *Scabiem scorbuticam* et *veneream* sub se comprehendit. Circa binas postremas tamen species notari debet, rectius illas, ob plurimum pessimorum pathematum concursum et gravem totius corporis afflictionem, morbis universalibus, Sectione demum sequente

pertractandis, quam meris adfectibus scabiosis, accenferi.

§. II.

In scabie humida benigna, quæ subiectis temperamenti sanguinei et sanguineo-phlegmatici, habitu corporis humidiori ac spongiosiori præditis, præcipue familiaris reperitur, per universum corporis ambitum, capite excepto, conspicuæ pustulæ maiores et minores, materia saniosa refertæ, et in aperta postmodum ulcuscula, aut crustas siccas abeuntes, cum aliqua circa basin rubedine inflammatoria, efflorescunt. Primum plerumque et maiori numero in manibus prodeunt, deinde verò paullatim in reliquis etiam corporis partibus externis nascuntur, et patientem mirifice, præsertim tempore nocturno, pruritu suo, morificatione et ardore vexant, nunquam tamen ad subiectas partes adiposo-carneas alte penetrant, nec ulas ideo cicatrices, nisi patiens nimia forsitan aut rudiori scalptione cum unguibus ulcera profundiora excitet, post exsiccationem suam et crustarum decidentiam in cute relinquunt.

§. III.

## §. III.

In *scabie sicca*, apud homines temperamenti *choleric*i, *melancholic*i, et *cholericomelancholic*i, habitus corporis *siccioris*, frequentius obvia, exiguae duntaxat ac valde *pruriginosae* pustulae *miliares*, paucio humore *acri seroso-mucido*, aut plane nonnunquam *limpido aquoso* repletae, vel mera interdum *tubercula sicca*, *rubentia* et suo pariter *pruritu* admodum *molesta*, quae tandem in *parvas crustas* mutantur, *erumpunt*; unde *sicca* etiam *species*, licet magis persaepe *refractaria* magisque *ingenti et continua prurigne* *inensa* sit, quam *praecedens humida*, non adeo *magnam cuti deformitatem* adfert. Nulla caeteroquin *febris*, nec alia *symptomata* notatu digna *scabiei iuncta* *inveniuntur*, sed *patiens*, si *eruptio rite succedat*, et quaevis *vitentur repellentia*, quoad *reliqua sanus* est.

## §. IV.

HERPES, Ἑρπης, sive *Serpigo*, et LICHEN GRAECORVM sive *Impetigo Plinii* *cognatae scabiei*, ut plurimum *malignioris*, *species* sunt, et prior, a CELSO etiam

*Ignis sacer* nuncupatus, in *miliarem* rursus et *exedentem* distinguitur. Miliaris nimirum audit, si pustulae parvae, milii semina magnitudine circiter æquantes et arctius sibi-met invicem aggregatae, quin fere nonnunquam continuæ, limitesque suos serpendo magis in dies magisque proferentes, in summa cute, cum ingenti prurigine aridaque asperitate tumidiuscula et pallidiori rubedine inflammatoria, exsurgunt, quæ tandem, sponte aut sub scalptione ac frictione ruptæ, in squamulas albicantes furfuraceas mutantur. Exedens vero sive ἑρπης ἐξιδιόμενος dicitur, quando cum prædictis incommodis cutisque mutationibus et maiori adhuc inflammatione, cui persaepe febricula iungitur, pustulae maiores rotundae, immo interdum annulares, liquore sanioso-aqueo acerrimo turgidae, accumulatim efflorescunt, quae non solum tamen cutim obsident, sed altius descendunt, ac sensim in ulcuscula serpentia degenerantes, carnes quoque subiectas corro-dunt, nec raro, ad ossa usque, depascuntur. Si bullulae seu pustulae prædictae rumpuntur, non teneras squamulas furfuraceas, ut præcedentes pustulae, sed crassiores potius cru-



crustulas relinquunt. Posterior haec species admodum maligna est, et difficillime curatur. Cum herpete miliari *Lichen* maximam partem convenit, et in eo tantum differre videtur, quod per areas magis distinctas, non stationarias tamen, sed itidem serpentes et furfuracea materia largius ut plurimum obstitas, nascatur. Lichenes caeteroquin et Herpes, quod adhuc subiungendum arbitror, nulli quidem habitus cutanei parti parcunt, frequentius tamen in facie ac mento generantur. De *Lepra* nihil hoc loco addo, sed seorsim de ea in Capite subsequente acturus ero.

### §. V.

Causa cuiuscunque scabiei primaria ad copiosas sanguinis ac lymphæ impuritates viscido acres redit, quae, critice a natura ad habitum cutaneum expulsa, pro diversa copia sua atque specifica indole, et pro diversa pariter acrimoniae ac corruptelae gradu, nunc mitiorem, benigniorem, minusque refractariam, nunc deteriorem magisque rebellem atque malignam cutis defœdationem ulerosam producant. Silentio praeterea mi-

nime hoc loco premi oportet, prima impuritatum seminia per saepe in ventriculo et intestinis latitare, ac, sensim inde ad humores circulates transeuntia, depravationi eorum novum atque continuum fomitem suggerere.

### §. VI.

Nulla quidem aetas, nullus sexus, nullum temperamentum perfecta intuitu scabiosae defœdationis immunitate gaudet, benigniores tamen species frequentius in aetate puerili observantur, et hae aequae, atque reliquae omnes modo per vestes, lectos, accubitus, contactum, utensilia, uno verbo, per contagium, quod in nullo sane morbo alio, si febres pestilenciales et variolas exceperis, maius reperitur, in corpora sana transplantantur, modo sponte citra ullum praegressum contagium, ex genita pridem prava humorum colluvie nascuntur, cui directe corpori aut indirecte ingenerandae nebulosae maxime aut constans in locis maritimis, uliginosis, palustribus intemperies aeris frigidiusculo-humida, ingluvies itemque, nimius ac iusto frequentior ciborum viscidorum ac pinguium, leguminum ac salsamentorum usus

usus, vita otiosa, neglecta corporis mundities, crebrior transpirationis cutaneae suppressio, et praetermissa plethorae per adfuetam scarificationem aut venaesectionem ventilatio famulantur.

### §. VII.

Præfagia in adfectibus scabiosis magno-pere variant, ac partim a duratione eorum, partim a discrepante ulcerum, pustularum, cæterarumque efflorescentiarum qualitate et benigniori inprimis aut maligniori materiae peccantis genio dependent. In genere enim facilius scabies benigna, quam ferina, benigna humida, quam sicca benigna, et superficialia, contagio recentissime demum contracta, quam inveterata et altius pridem radicata, profligatur: Immo, ætas patientis et diversa anni tempora haud parum ad prognoseos varietatem conferunt. Experientia quippe satis comprobatum est, scabiei curationem longe citius plerumque atque felicius tempore vernali atque æstivo, quam autumnali ac hyemali, quo omnis haud raro medicatio frustranea reperitur, succedere; nec ignotum quoque est, subiecta puerilia

ac iuvenilia ordinario longe facilius, . quam virilia ac senilia, molesta hac cutis defecatione liberari.

### §. VIII.

Quanquam generatim in scabie quacunque interne *laxantia*, *cathartica*, et *sanguinem purificantia* convenient, alia tamen in humida, alia in sicca eligenda sunt. In humida nimirum completa primum cathartica et potentiora deinde sanguinem purificantia, pilulæ v. g. ex extracto catholico aut panchymagogo CROLLII et mercurio dulci, tincturæ e liquore terræ foliatæ tartari vinoso et vix memoratis extractis &c., mixturæ concentratiores ex tinctura antimonii tartarificata aut acri, metallorum, succini, ess. lignorum, helenii, trifolii fibrini, scordii, rad. pimpinellæ albæ, liquore C. C. succinato &c., pilulæ ex gummi ammoniaco dep., sagapeno, aloe violata aut rosata, balsamo Tolutano et Peruviano, extr. scordii, cardui bened., trifolii fibr., cent. minoris, mercurio dulci, sulphure antimonii aurato optimo &c., morsuli antimoniales KVNCKELII, nec non decocta et infusa theiformia ex rad. saponariæ,

riæ, pimpinellæ albæ, farsaparillæ, carlinæ, petasitis, fol. trifolii fibrini, ligno Guajaco, assafras, nephritico conveniunt; in sicca ex adverso potentiora cathartica et calidiora sudorifera nocent, et mitiora tantum, sub diffusiori maxime forma liquida propinanda, infusa videlicet aquosa mannato-rhabarbarina aut tamarindata, decoctum foliorum sennæ, pilulæ STAHLII, BECHERI &c., decocta ex rad. glycyrrhizæ, polypodii, cichorii, saponariæ, petasitidis, herba chamædryos, teucrii veri, hederæ terrestres, flor. hepaticæ nob., ligno Guaiaco, assafras, sem. sceniculi, flaved. cort. citri &c., electuaria e syrupo de erysimo LOBELII, scordii, rob iuniperi, extr. angelicæ, chamomillæ vulg., cardui bened., pulvere rhabarbari et cascariellæ, tincturæ vinosæ ex balsamicis et amaris extractis et similia in usum trahenda, imo hisce nonnunquam serum lactis, cum succis plantarum antiscorbuticarum recentium mixtum, aut cum ipsis plantis infusum, ut et mitiores aquæ minerales soteriæ interponenda sunt.



## §. IX.

Circa usum externorum summa cautione opus est, ac sedulo inprimis omnia repellentia, quæ, uti unguenta ex oleo lini, aut alio oleo crasso unguinoso et sulphure minerali, cerussa plumbi &c., poros cutaneos obviscant, aut fibras tubulosque constringunt, adeoque ulteriorem materiæ peccantis exclusionem impediunt, aut motum tonicum fibrarum plane invertunt, vitari debent, quoniam imprudenti eiusmodi retropulsioni asthmata rebellia, angustia præcordiorum, cardialgiæ, œdemata membrorum, anasarca, convulsiones, febres variæ anomalæ, pertinacissimæ viscerum obstructions et innumeri alii morbi, quorum curatio plerumque difficillima, quin plane nonnunquam, ob materiæ retroactæ crassitiem et refractariam inhaesionem, impossibilis existit, succedere consueverunt. Admitto omnino pauca et quidem in scabie sicca *balnea tantum abstergentia et aperitiva* ex floribus chamomillæ vulgaris, meliloti, herba hyssopi, herba ac floribus serpilli, origani, saponariæ, sem. nigellæ Rom., sacculo incluso, formicis, itidem cum quisquiliis suis sacco inclusis, nec non  
ther-

ermas naturales &c., in scabie humida autem *unguenta demulcentia* et *balsamica* ex leo ovorum recenti, hyperici et liquamie myrrhæ, ut et unguentum enulatum, cum pulvere myrrhæ et balsamo Peruviano modice remixtum, quæ minime tantum ubivis atque promiscue, sed iis duntaxat locis illinenda sunt, in quibus ruptæ pustulæ maiores, deteriores, aut plane confluentes ulcera aperta manantia produxerunt.



## CAP. V.

DE

## LEPRA.

## §. I.

In scriptis medicorum duplicis LEPRÆ, nimirum *Lepræ Græcorum* et *Lepræ Arabum* mentio fit. *Lepræ Græcorum* seu *Impetiginis* CELSI sequentia criteria sunt: Nascentur in cute, et initio quidem in brachiis maxime, cruribus et circa cubitos ac genua, tuber-

tubercula ac pustulæ, pruriginosæ admodum et valde infimul morficantes atque urentes squamulisque albicantibus, aut lividis, aut albidis - rubellis tectæ, quæ ablatae, aut sponte decedentes mox ex emanante ichore corrupto atque acerrimo regenerantur. Non subsistunt quoque efflorescentiæ memoratæ in primis eruptionis locis, sed certo respectu proserpunt, sensimque pustulis prioribus novæ sese adiungunt, ita ut tandem magna habitus cutanei spatia malignis hisce tuberculis, pustulis, albidisque squamulis obducta cernantur.

## §. II.

*Lepra Arabum*, alias etiam *Elephantiasis Græcorum*, *Leontiasis*, *Tyrias* ac *Morbus Phœnicus* nuncupata, præcedente Lepra Græcorum multo rursus deterior est, ac iure corporis universi cancer vocari meretur. Cutis enim in horrendo, summe contagioso et incurabili hoc morbo colorem lividum, aut flavescens, aut rubro-nigricans obtinet, simulque densa admodum, aspera, ac valde rugosa est. Inter rugas hæc fissuræ atque ulcera foetidissima ichorosa, cum labiis tumidis

midis atque callofis, et hinc inde etiam tucula livido - rubentia, aut flavescentia, obilia et indolentia nascuntur. Similia tucula et ulcera cacoethica etiam circa radium linguæ, in palato, faucibus aliisque oris partibus generantur, nec dubium est, quin interna pariter viscera passim exulceratione erripiantur. In fronte duræ nodositates, rubus haud dissimiles, protuberant, et circa pedesque horrendum in modum intumescunt, ita ut pedes elephantorum crassitie opemodum atque rugositate æmulentur. Est præterea magna spirandi difficultas, in voce admodum rauca, membra omnia nimiam gravitatem ac lassitudinem sentiunt, halitus oris magnopere foetet, immo et sanguis foetidus atque nigrescens deprehenditur.

### §. III.

Lepra vera atque perfecta in Europa servatur rarissime, in Asiæ autem et Africæ regionibus quibusdam frequentius occurrit, et olim Aegypti, Palæstinæ atque Phœciæ incolis valde infesta fuit. Lepra Aram universalem non minus, quam maximam

nam humorum omnium corruptionem maximamque acredinem corrosivam supponit hinc nunquam etiam tollitur, sed miseri patientes hæctica tandem febre, teterrimisque ulceribus internis et externis extinguuntur. Lepra Græcorum paullo mitioris indolis est et subinde igitur, nisi hæreditaria aut pridem inveterata existat, felicem medelam admittit. Facillime cæteroquin utraque specie contagio vario propagatur, et utriusque etiam genesi siccior fervidiorque aeris constitutio et alimenta putrida ac putrido-salsa præ reliquis favent.

#### §. IV.

In lepra Arabum, sicuti satis dudum ex antecedentibus constat, præstantissima etiam medicamenta desiderato effectu carent contra lepram Græcorum vero *cathartica mercurialia, viperina, antimoniata, decoctum ligni atque corticis ulmi cum vino albo, decocta saturatissima lignorum*, præsertim *lignum Guaiaci*, et quævis validiora sanguinem purificantia, interposito tamen usu largo *sereni lactis dulcis solitarii*, aut cum plantarum antiscorbuticarum succis expressis mixti, multum



tum quandoque valent, immo *acidulas minerales*, et ipsam subinde *salivationem mercurialem*, nec minus *thermas naturales* profuisse, scriptores medici testantur. RICHARDVS

MEAD magnopere etiam tincturam cantharidum laudat, immo eam omnibus aliis lepræ remediis præfert: „Compertum habeo, inquit o), non aliud dari adversus foedum, hunc morbum præstantius remedium tinctura cantharidum, qualis in *Pharmacopœia Londinensi* proponitur. Hæc eius vis insigni illi virtuti urinam movendi, qua pol- lent ista infecta, debetur. Magnus enim est renes inter et cutis glandulas consensus, ita ut humores in has delati per illos facile viam inveniant, et urinæ profluvio expurgentur; contra vero, ubi renes diutius officio suo quacunque de causa defuerint, urinosus liquor per cutis meatus interdum transudat. Interponenda tamen per vices erunt medicamenta eius generis cathartica, quæ crassis et acribus humoribus foras eiciendis sunt maxime accommodata.

§. V.

a) Vid. *Eius Medica sacra sive Comment. de Morbis insignioribus, qui in Bibliis memorantur* Cap. 2. p. 19. sequ.

## §. V.

Ad leprosos affectus vulgo etiam VITILIGO, quæ in magis minusve maligna cutis defœdatione maculosa consistit, refertur. CORNELIVS CELSVS *Lib. V. de Medicina* p. m. 364. tres rursus eiusdem species, quæ *Alphos* sive *Alphus*, *Melas* et *Leuce* audiunt, constituit, ac breviter, quanquam, uti mihi quidem videtur, paullulum obscure descripsit: „*Ἀλφός*, inquit, vocatur, ubi color albus est, fere subasper et non continuus, ut quædam quasi guttæ dispersæ esse videantur, interdum etiam latius et cum quibusdam intermissionibus serpit. *Μέλας* colore ab hoc differt, quia niger est, et umbræ similis, caetera eadem sunt. *Λεύκη* habet quiddam simile *alphi*, sed magis albidula est, et altius descendit; in eaque albi pili sunt et lanugini similes. Omnia hæc serpunt: sed in aliis celerius, in aliis tardius. *Alphos* et *Melas* in quibusdam variis temporibus oriuntur, et desinunt. *Leuce*, quem occupavit, non facile dimittit. Priora curationem non difficillimam recipiunt: Ultimum vix unquam sanescit; ac si quid ei vitio demptum est, tamen non ex toto

„toto sanus redditur. Vtrum autem ali-  
 „quod horum sanabile sit, an non; experi-  
 „mento facile colligitur. Incidi enim cutis  
 „debet, aut acu pungi, si sanguis exit, quod  
 „fere fit in duobus prioribus, remedio locus  
 „est: si humor albidus, sanari non potest.  
 „Itaque ab hoc quidem abstinendum est &c.  
 In leuce, quod addendum duco, maculae al-  
 bae, acu punctae aut incisae, non sentiunt, et  
 carnes igitur subiectae certo respectu emor-  
 tuae videntur. In duabus prioribus specie-  
 bus, quae adhuc curabiles sunt, quaevis reme-  
 dia interna, contra lepram Graecorum com-  
 mendata, locum inveniunt.

\* \* \* \* \*

## C A P. VI.

DE

FVRVNCVLO, EPINYCTIDIBVS,  
 PHLYCTAENIS, SVDAMINIBVS,  
 SIRONIBVS, ESSERE, ATQVE  
 INTERTRIGINE.

### §. I.

**F**VRVNCVLVS est tumor inflammato-  
 rius apostematodes, elatus, acutus, val-

Tom. II.

P p

de

de durus ac dolens, nucem myristicam aut ovum columbinum, immo dimidium subinde ovum gallinaceum magnitudine æquans. Generatur a sanguine, ex rupta quadam arteriola effuso, ac sponte et intra breve tempus in suppurationem abit; hinc medicamentis non admodum quidem opus habet, præstat nihilominus, eidem *emollientia* quædam, v. g. emplastrum de gummi ammoniaco, vel diachylon simplex aut compositum, vel cataplasma ex melle et farina secalina, vel caricam dissectam, in lacte calido prius emolli- tam, imponi, ut dolor leniatur, et maturatio citius contingat. Quando, maturatione facta, cacumen albidum seu pustula sponte rumpitur, aut instrumento aperitur, pus crassum, sanguine remixtum, exit, remanet tamen aliqua durities, unde emolliendi scopo emplastrum diachylon compositum aut aliud simile aliquamdiu post plenariam puris expressionem adplicari oportet. De *Anthraxe* sive *Carbunculo*, qui maligna furunculi species est, hoc loco nihil addo, sed in sequentibus demum, Capite nimirum de *Peste*, scitu de eo necessaria exponam.

## §. II.

EPINYCTIDES sunt pustulæ parvæ, valde urentes ac prurientes, humore acri repletæ, coloris albidî aut sublividi, quin paullulum quandoque ex livido-nigricantis. Nascuntur indiscriminatim in corporis superficie, et noctu inprimis prurigine sua atque ardore patientes excruciant. Si aperiuntur, saniem emittuat, et subinde igitur, si rudior atque frequentior fricatio cum unguibus accedit, in scabiem serpiginosam degenerant; unde humorum quoque emendatio per consueta sanguinem purificantia mipime supervacanea est.

## §. III.

Cum epinyctidibus PHLYCTAENAE, *Phlyctenes*, *Papulæ* multa quidem communia habent, prouident tamen præcipue circa carpos manuum et inter digitos, et humor prætereâ, quem vesiculæ albidæ, pruriginosæ ac valde urentes continent, paullo limpidior, tenuior, magisque ferofus est, quam in epinyctidibus. Intra breve plerumque tempus, acri inprimis humore effuso, exsiccantur, vel subinde etiam, data occasione externa, in sca-



biem transeunt. Parum quoque ab hisce ac præcedentibus sic dicta *SUDAMINA*, *Hydroa*, *Papulæ sudoris* recedunt. Sunt enim tubercula pustulosa, milii granis haud dissimilia ac magis minusve prurientia, quæ tempore valde calido æstivo sub nimio corporis exercitio, apud iuniora imprimis subiecta, temperamento sanguineo-cholericæ prædita, in collo, pectore, scapulis, brachiis, femoribus et frequentius adhuc circa pudenda et anum, a *retentis acrioribus ac viscidioribus sudoris particulis* exoriuntur, ac cutem exasperant. Non patiuntur humorum purificantia calidiora, sed temperata saltem *diluentia*, decocta nimirum hordeacea et avenacea, serum lactis, aquam simplicem et temperatas aquas minerales Selteranas, Antonianas &c. cum lacte, vel etiam puras ad sui præsevationem ac curationem desiderant. Nonnulli descriptas Sudoris papulas etiam *Ecze-mata* appellant, ast minus recte: Hæc posteriora enim pustulas rubicundas ac valde fervidas denotant, et magnopere igitur a Sudaminibus differunt.

## §. IV.

**SIRONES** sive *Chirones* sunt pustulæ valde pruriginosæ, quæ tempore æstivo in volis manuum, inter digitos, et in plantis pedum emergunt, et unice a *minutis vermiculis*, germanice *Reitläuse* dictis, excitantur. Vulgo ad enecandos vermiculos hosce pustulasque abigendas loturæ et inunctiones mercuriales commendantur; at cura, me sentiente, expeditior est, quando vermis, in pustula latitans, acu effoditur.

## §. V.

A recensitis levioribus adfectibus cutis pustulosis nonnihil rursus **ESSERE**, *Spra*, *Sare* discrepant. Non pustulæ enim sunt, sed tubereula parva, duriuscula, nunc albida prorsus, nunc pallide rubentia, quæ subito plerumque in universo habitu cutaneo cum insigni pruritu exsurgunt, non aliter, ac si patiens apum aut culicum aut vesparum aculeis compunctus, vel urticis percussus fuisset. Ortum suum ab *acrioribus humoribus serosis* trahunt, ac sponte iterum, citra ullam ichoris aut alterius humoris effusionem, evanescent, nec ullam quoque in cute asperitatem

relinquunt. Non indigent igitur medicatione, possunt tamen, præservandi ad minimum gratia, mitiora quædam *laxantia*, *edulcorantia* *sanguinemque purificantia* in usum vocari.


## §. VI.

INTERTRIGO sive *Darsis* est cutanea excoriatio, seu potius epidermidis arrosio atque abrasio cum rubore et dolore. Apud infantes tenellos, fasciis adhuc involutos, hoc vitium circa pudenda et anum inter femora, nec minus in coxis et sub axillis frequentissime nascitur, suamque originem, præsentem inprimis connata humorum acrimonia, *lotio acriori* et *acido sudori* debet; apud adultos vero paullo rarius occurrit, et *violentiori ut plurimum attritu* sub equitatione diuturna inter femora producit, vel subinde etiam apud ægros, sub diuturno corporis decubitu supino, in dorso et natibus ab *affricu* et *sudore acriori* oritur.

## §. VII.

Ad sanandum hoc cutis vitium, decenti simul in vestitu munditie observata, sola plerumque

rumque *exsiccantia* ac *demulcentia externa*,  
 inspersi v. g. pulveres ex cerussa plumbi,  
 lacte lunæ, pulvere lycopodii, foliis rosa-  
 rum rubrarum et myrrha, oleum ovorum  
 myrrhatum recens, mucilago seminis psyllii  
 et cydoniorum, sebum cervinum, unguen-  
 tum dialthææ, de minio simplex, ad ambu-  
 sta, de lithargyrio et alabastrinum, lotiones  
 cum decocto radicis liliorum alborum, et  
 florum verbasci &c. sufficiunt; subinde ta-  
 men, si acidum videlicet apud infantes in pri-  
 ma culina nimium abundet, infanti et nutri-  
 ci *absorbentia* quædam *terrea* aliaque *antaci-*  
*da* exhiberi possunt.



## CAP. VII.

DE

NATTA, VERRVCIS, CLAVIS PE-  
 DVM, ET GANGLIIS.

## §. I.

**N**ATTA, vel *Nata* est tumor car-  
 noso-adiposus, magnus, mollis, indo-  
 lens et coloris peregrini expers. Pertinet

P p 4

ad

ad steatomata, et plerumque in dorso, rarius in humero et aliis corporis locis, excrefcit, tantamque subinde magnitudinem, etiamfi a tenuiori saltim radice pendeat, confequitur, ut aliquot libras pondere, et cucurbitam minorem aut melonem magnitudine æquet. Medicamenta ad difcutiendum hunc tumorem nihil valent, fed unice illa *Sectione chirurgica* tollitur.

## §. II.

VERRUCÆ, quæ apud cuiuscunque ætatis homines identidem in quavis corporis externi loco, maxime autem in facie, et adhuc sæpius in dorfo digitorum ac manuum e cute erumpunt, ficciores, afperiores, duriores, quin penitus nonnunquam callofæ excrefcentiæ minores funt, ac vulgo in *feffiles* et *penfiles* dividuntur. Hæ, quæ etiam *Acrochordones* appellantur, ad cutem tenues, fupra latiores exiftunt, et ideo pendere videntur; illæ ex adverfo bafin latiore habent, ac fenfim in tenuius et obtufum cacumen definunt. Dantur tamen inter hæc pofteriores, quæ figuram cylindraceam verticemque planum obtinent, ita ut chordæ

cras.



crassioris segmento haud dissimiles adpareant. Ex *læsis tumidisque* aut *arefactis nervorum papillulis* succrescere creduntur, hinc facile post ablationem, nisi radicitus ex stirpatae fuerint, renascuntur. Si sponte rursus, quodd interdum fieri solet, disparere recusant, medicamentis *cathæreticis* et *adurentibus*, vel *ligatura cum filo lineo* aut *sericeo*, aut *pilo equino*, vel *sectione cum forfice*, aut *rasione cum scalpello* tolluntur. Ligatura et sectio cum forfice apud verrucas pensiles commode in usum trahuntur, ratio autem et sectio cum scalpello, nec minus cathæretica, quibus succus chelidonii et esulæ, oleum tartari per deliquium, saturatior solutio salis ammoniaci aquosa, lapis infernalis, immo potentiora caustica et corrosiva adnumerantur, magis apud verrucas sessiles locum inveniunt. Notari tamen debet, ante corrodentium adplicationem emplastrum, foramine instructum, verrucæ circumponendum esse, ne partes adiacentes lædantur; nec ignorari quoque oportet, ante rasionem et exsectionem cum scalpello, verrucam imposito emplastro ex gummi ammoniaco, cum oleo lini malaxato, aut alio eiusdem virtu-

tis remedio prius emolliendam, et, peracta etiam exsectione, radices superstites adhibito mitiori cathæretico penitus absumentas esse.

### §. III.

CLAVI PEDVM, in digitis maxime et latere pedis externo nascentes, verrucis adhuc deteriores sunt, quoniam radiculam suam persæpe ad periosteum usque et digitorum tendines demittunt, et patienti non tantum inter eundem, sed alio etiam tempore, imminente inprimis tempestatis mutatione, ingentem dolorem urentem ac pungentem pariunt. Oriuntur ab humore aqueo-gelatinoso, ex compressis ruptisque vasculis cutis et subinde etiam periosteï atque vaginæ tendinum lymphaticis emanante, ac sensim postea in corpus durum concrecente. Arctiorum plerumque calceorum compressionem causam antecedentem agnoscunt, subinde tamen etiam sponte ac citra manifestam læsionem externam generantur. Raro absque auxilio medico-chirurgico abeunt, sed partim pediluviis aliisque pharmacis emollientibus, partim sectione tollendi sunt.

sunt. Emollientia, cuius census hoc loco sunt cera viridis aut rubra, gummi ammoniacum solum aut cum oleo lini malaxatum, emplastrum de cicuta, de hyoscyamo, de galbano crocatum MYNS. &c., primum imponuntur, deinde emollitum tuberculum eminens callosum scalpello raditur, aut provide excinditur et radicula etiam, si fieri potest, penitus evellitur: Cavendum tamen, ne periosteum ac tendines iusto profundiori sectione lædantur, et periculosa igitur inflammatio, quæ teste experientia nonnunquam in gangrænam abit, exsurgat. Post primam excisionem usus pediluviorum, adplicatio emplastrorum emollientium, ratio et provida sectio, aut evulsio pluries repeti debent, donec tuberculum, facillime alias renascens, perfecte eradicatum sit.

#### §. IV.

GANGLION sive *Ganglium*, cuius in *prima* dudum *Parte*, *Sett. I. cap. 9. §. 3.* aliqua mentio facta fuit, tumorem latiore, durum, callosum ac fere cartilagineum, cuti concolorem, dolorisque ordinario exper-

tem,

tem, sistit, et frequentius inprimis circa carpos, tarfos, in lateribus, dorso et digitis manuum ac pedum ex *humore tendinum mucilagineo*, post vasculorum quorundam rupturam *in vaginam effuso*, posteaque, albuminis ovorum calore paullulum coacti instar, *concreto*, nascitur. Si recens est, *frequenti fricatione cum digito*, et *imposita valentiusque adstricta lamina plumbea* persæpe dissolvitur iterum, immo interdum sponte discutitur. Commendantur quoque *emplastra* quædam et *linimenta*, v. g. emplastrum de gummi ammoniaco, diachylon compositum, diaphoreticum M Y N S I C H T I, de ranis V I G O N I S cum mercurio, oleum lumbricorum terrestrium, scorpio-num &c., ast parum plerumque hæc pharmaca efficiunt, et, irritis igitur prioribus auxiliis, ad circumspectam et methodicam *exsectionem* confugiendum erit.





## CAP. VIII.

DE

MEMBRIS ADVSTIS AC FRIGORE  
LAESIS.

## §. I.

**N**on vulgaris tantum ignis gliscens atque flammans, sed etiam, sicuti omnibus notissimum est, pulvis pyrius accensus, aqua fervida, oleum fervidum, liquefactæ pinguedines ferventes, metalla liquefacta &c. partes corporis graviter quidem adurunt, alia tamen præ aliis, pro diversa indole sua, diversa gravitate specifica, diversa fusibilitate &c., violentiorem actionem exercent, et pinguedines v. g. atque olea fervida magis, quam aqua ebulliens, et magis rursus metalla liquefacta, quam olea, lædunt; cuius discriminis rationes physicæ ex BOERHAVII *Chemia a)* discendæ sunt.

## §. II.

Dantur tres *Adustionis*-sive *Ambustionis* gradus. In primo gradu cutis valde rubet,

a) *Part. I. p. m. 620. sequ.*



rubet, et cum pruritu quodam ac salientis puncturæ sensu dolet, nullæ tamen pustulæ oriuntur, nec epidermis quoque abscedit; hinc *ocysissima immersio in aquam calidam, admotio ad ignem, applicatio decocti nigri chirurgorum cum vino, aut sacculi vinosi ex floribus chamomillæ vulgaris et Romanæ, aut cataplasmatibus ex cepis, cum sale et paucosapone in mortario tritis, ulteriorem noxam avertunt, doloremque atque ruborem abigunt.* Idem auxilium etiam acetum acerrimum, atramentum, vitriolum, aqua solutum, acetum, cum lithargyrio decoctum, aqua sclopetaria, spiritus vini, cum multa aqua mixtus, et solutio salis culinaris, cum aceto, aut vino rubro, aut spiritu vini facta, atque linteolo, æque ac præcedentia, imposita, præstant.

### §. III.

In gradu secundo pars læsa subito et cum magno rubore inflatur, dolor ardens simulque pungens acerbissimus est, ac protinus pustulæ elewantur; quare nulla etiam acria, nulla spirituosæ locum amplius inveniunt, sed sola *emollientia ac demulcentia tepida,*

*pida*, cataplasmata nimirum ex radicibus, herbis, floribus &c. mucilagineis et mucilagineo-oleosis, cum aqua coctis, mucilago seminis psyllii et cydoniorum, albumen ovorum, emulsiones ex seminibus quatuor frigidis maioribus et minoribus, cepæ, cum butyro nondum salito frixæ, posteaque in pulvem contritæ, oleum ovorum recens, nec minus unguenta ex oleo infuso rosarum, liliorum alb., chamomelino, et vitello ovorum, unguentum basilicum, nutritum, ad ambusta, dialthææ &c., adplicanda sunt. Si pustulæ maiores ac deteriores sunt, cutisque valde arida atque contracta, pus moveri oportet, cui scopo obtinendo cataplasmata et unguenta magis, quam reliqua inserviunt.

#### §. IV.

In gradu tertio ac summo cutis sub corporis adurentis adhæsione confestim nigra aut livida evadit, oritur crusta sicca, dura ac nigricans, et pars adusta, acu aut scalpello puncta, vel obtusum duntaxat, vel nullum amplius sensum habet. In casu priori mox venturi sphaceli metus est, in posteriori

riori autem, ubi sensus ad os usque extinctus est, perfectam necrosin dudum adesse, constat. Adversus mitiorem hanc speciem singula, alibi a) ad avertendam gangrænam et sphacelam imminentem commendata, et maxime quidem epithemata ac cataplasmata emollientia et similia, quæ suppurationem valide promovent, ac citiorem escharæ separationem adjuvant, multum valent. Nam quo citius emortua pars suppuratione a viva separatur, et quo citius etiam, eschara ablata, ulceri aperto opem ferre licet, eo certius quoque felix curatio speranda est. In statu deteriori ac penitus sphaceloso, ad usum eorum, quæ in *Prima Parte loco vix citato* exposita leguntur, confugiendum erit.

#### §. V.

Quemadmodum corporum adurentium effectus et ambustionis gradus differunt, sic notabile etiam discrimen apud læsiones, quas gelu vehementius membris infert, deprehenditur. Si frigus pedes, manus, aliaque membra non adeo valenter infestavit, nec læsio igitur altius infra cutem penetravit, sed lymphatici tantum humores in fistulis

mino.

a) *Tom. I. Sect. 1. Cap. 2.*

minoribus, minime autem sanguis, condensati fuerunt, sic dicti **PERNIONES** oriuntur, qui patienti non tantum ardore, pruritu intolerabili, et remissiori dolore pungente haud leves cruciatus pariunt, sed sæpe etiam, si neglecti fuerint, aut sinistre tractati, pustulis primum afficiuntur, posteaque penitus exulcerantur. Facile præterea mala memorata, etiam si, iusta medela adhibita, (quæ, ulcere tamen exorto, diutius ut plurimum protrahitur, ac paullo difficilis est), perfecte sublata videantur, sub inæquali ac varia tempestate, et facilius adhuc atque certius hyeme, nisi partis affectæ inunctione cum oleo petrae aut terebinthinæ, olei raparum miscela nonnihil temperato, avertantur, post novam ac saltim mediocrem refrigerationem redeunt.

## §. VI.

Maiorem frigoris sævitiem maiores quoque totius corporis aut membrorum quorundam noxæ sequuntur, nec raro ideo it, ut protinus in membris, gelu valde rigentibus, uberrima pustularum generatio, excoiatio, exulceratio, inflammatio gangrænosa,

vasculorum, tum lymphaticorum, tum sanguiferorum, a congelatis aut valde tamen coagulatis humoribus pertinaciter obstructorum, ruptura, adeoque præceps sphacelatio oriantur: Vt nihil de sopore atque funesta apoplexia dicam, quæ creberrime succedere solent, quando, diutius durante severiori frigoris actione, circuitus humorum in membris rigentibus penitus cohibetur, et sanguis itaque cum latice seroso-lymphatico ubertim ad cerebrum et reliqua viscera interna compellitur.

### §. VII.

Auxilium apud ægros hosce, præsertim si frigoris violentia maior fuerit, et detrimenta inde orta insigniora reperiantur, nunquam protrahendum, sed omnis cura eo confestim dirigenda est, ut in membris gelu rigentibus calor naturalis, et cum eo circuli humorum libertas quantocyus, absque pernicioso tamen saltu, ac tantum gradatim, revocentur. Necesse itaque est, ut membra, sævissimo frigore læsa, illico in cubiculo temperate calido aut saltem tepido, nive operiantur, aut in aquam frigidam, nondum  
tamen



tamen congelatam, aliquamdiu immergan-  
 tur. Corpora enim hæc, licet ipsa valde  
 frigida sint, plus tamen caloris, quam mem-  
 bra gelata, in se continent, ac sensim ideo  
 humores congelatos solvunt, sensimque ad  
 circulum redigunt. Facta hac regelatione,  
 frictiones, si nondum scilicet pustulæ enatæ  
 fuerint, cum pannis nonnihil calefactis adhi-  
 beri, et patienti vinum generosum aut cali-  
 da cerevisia, aromatibus condita, nec non  
 alexipharmaca quædam ac sudorifera propi-  
 nari, simulque membra læsa ac totum corpus  
 vestibus aut pellibus tegi debent, ut sudor  
 eliciatur. Notari cæteroquin oportet, fri-  
 ctiones, pustulis pridem enatis, nullum, uti  
 dudum monui, locum invenire, sed contri-  
 tas rapas congelatas, si suppetant, et deinde,  
 calore paullatim reducto, demulcentia, in si-  
 mili casu contra ambusta commendata, adpli-  
 canda esse. Sensu denique ac vita in mem-  
 bro affecto penitus et ad os usque extinctis,  
 omne, quod restat, auxilium, ad tempesti-  
 vam *amputationem* redit, quam ut plurimum  
 tamen mors sequitur.





## SECTIO VII.

DE

FEBRIBVS CAETERISQVE MORBIS  
VNIVERSALIBVS.

## CAP. I.

DE

FEBRE EPHEMERA ET  
LACTARIA.

## §. I.



FEBRIS EPHEMERA sive *Dia-*  
*ria* est febrium benignarum  
mitissima, quæ nunquam peri-  
culum adfert, nec unquam et-  
iam ultra diem noctemque  
protrahitur, sed intra duodecim ordinario  
aut sedecim horas cum leni sudore critico  
ad finem decurrit.

## §. II.

## §. II.

Symptomata remissiora ac regularia sunt. Incipit enim cum levi horrore, quem deinde æstus moderatus cum aliqua inquietudine ac leniori et facile tolerabili capitis dolore sequitur. Causam ordinario *transpirationem cutaneam* agnoscit, calidiori inprimis tempore post motum diuturniorem aut fortiora corporis exercitia magis minusve *suppressam*, hinc critica etiam sudatiuncula, post brevem, uti pridem dictum fuit, durationem, sponte rursus solvitur.

## §. III.


Auxilio medici, ob benignum mitemque genium suum, vix unquam aut ne vix indiget, possunt tamen, si medico aut patienti tutius videtur, *temperantia* quædam ac *leniora diaphoretica*, pulveres v. g. ex absorbente quodam, nitro depurato aliisque salibus mediis, et paucis cascarillæ granis, vel potiunculæ ex aquis diapnoicis et vix memoratis pulverulentis, nec minus infusum theæ orientalis aut melissæ citrariæ, decoctum hordeaceum aut avenaceum et similia in usum trahi, ut sudor ad minimum citius erumpat.

## §. IV.

## §. IV.

Cum febre ephemera FEBRIS LACTARIA valde convenit, præterquam, quod diutius, quam præcedens, perduret; unde quibusdam etiam *Ephemera plurium dierum* audit. Sub prima lactis secretionem uberiori, adeoque tertio, quarto, aut quinto post partum die, puerperas cum horrore et subsequente æstu moderato invadit, et tertio ut plurimum hanc scenam repetit, deinde vero, si regimen temperate calidum, quod criticam sudationem blande adjuvat, observetur, et turbulentus ideo sanguinis motus paulatim cesset, sponte pariter desinit. Quare non adeo multa medicamenta requiruntur, sed, præter victum potumque temperatum, infusa theæ orientalis, veronicæ, betonicæ, aut melissæ citrariæ, et prædicta aliaque temperantia ac diaphoretica, rite inprimis succedente fluxu lochiali, sufficiunt.





## CAP. II.

DE

FEBRE CATARRHALI ET  
RHEVMATICA.

## §. I.

**F**EBRIS CATARRHALIS seu *Veterum*  
*Quotidiana continua* est febris remit-  
 tens, largiori plerumque materiae mucido-  
 acris per emunctoria glandulosa excretionem  
 aut copioso ad minimum ad glandulas decu-  
 bitu, adeoque gravedine aut coryza, vel  
 rheumate oculorum sive epiphora humida,  
 vel diarrhoea, vel tussi, vel angina spuria  
 atque raucedine, vel intumescencia amygdalarum,  
 aut parotidum, aut glandularum  
 maxillarium &c., stipata.

## §. II.

Accedit ordinario circa vesperam cum  
 frigore, per dimidium plerumque aut inte-  
 gram horam, immo diutius nonnunquam,  
 cum somnolenta capitis temulentia, languo-  
 re corporis, livore unguium, et singulari in



spina dorsali tensionis ac formicationis sensu, citra manifestam tamen horripilationem, perdurante, deinde æstus remissior, cum aliqua præcordiorum angustia, inquietudine, cephalalgia gravativa, siti exigua et interdum fere nulla, sequitur, qui per aliquot horas et tamdiu adfligit, donec sudor erumpens febris et plerorumque symptomatum remissionem adferat. Peracta critica hac excretionem, febris, nondum penitus quidem, sicuti ex remanente corporis languore, lassitudine membrorum, adpetitu imminuto, temulentia capitis, pulsu celeriori, et urina saturate aurantii coloris cognoscitur, cessat, per maximam nihilominus diei partem tam mitis existit, ut vix amplius adesse videatur: Verum enim vero, approximante rursus tempore vespertino, novus quasi paroxysmus supervenit, et, prægresso iterum frigore, æstus, catarrhus complicatus et quævis reliqua symptomata denuo exacerbantur, scenamque pristinam, usque ad sudoris eruptionem, ludunt. Pluries postmodum memoratæ exacerbationes ac remissiones alternantes repetuntur, donec febris plene tandem planeque desinat.

## §. III.

Febris catarrhalis in *benignam* et *malignam* distinguitur: Prior, si rite tractetur. vitæ periculo vacat, et, prædicto modo decurrens, vel sola repetita sudatione critica vel hac et complicata simul excretionem quadam mucido-acri serosa, intra octiduum et post paucas nonnunquam exacerbationes ac remissiones, certo iterum solvitur; posterior ex aduerso, in qua deterior plerumque impuritas exanthematica purpurata, immo petechialis subest, et horror itaque, æstus, anxietas præcordialis, lassitudo membrorum ac quævis pathemata reliqua fortiora reperiuntur, maioris momenti existit, et multos persæpe homines cuiuscunque ætatis, sexus ac vitæ generis, nunc citius et ante diem septimum, nunc serius et subinde, decem pridem, quatuordecim, imo viginti diebus elapsis, extinguit; præsertim, si exanthemata debite prodire recusent, aut denuo post expulsionem retrocedant.

## §. IV.

Ordinario hæc febres sub crebriori tempestatum vicissitudine, et post repentinam

inprimis tempestatis calidioris mutationem in frigidam aut frigidiusculo-humidam oriuntur, ac sæpe ideo sæpius epidemice grassantur, benignæ tamen tempore autumnali, malignæ vernali frequentiores sunt, suosque natales *subito imminutæ transpirationi cutaneæ et retentis ideo copiosis recrementis humorum mucido-acribus* præcipue debent, ita tamen, ut in benignis crassior tantum mucus vulgaris, particulis salinis parcius remixtus, in malignis ex aduerso materia mucida magis corrupta, ad putredinem inclinans, et deterioribus quiscuilibet acribus largissime referta, peccet. In benignis præterea causis hisce *eminetior ut plurimum partium solidarum relaxatio*, ab aeris humiditate exsuperante inducta, accedit; unde eo minus quoque mirandum erit, quod organorum pellementium pressio, et humorum proinde conquassatio, attenuatio ac depuratio valde imminuantur, et sensim hac ratione mucis viscidioris moles in sanguine et lymphâ increseat.

§. V.

Curatio in febre catarrhali benigna, eo maxime dirigenda est, ut humores mucidi per

per *diluentia*, *incidentia*, et *abstergentia* attenuentur, et transpirationis cutaneæ libertas per *diaphoretica* et *temperate calidum regimen externum* denuo restituatur. Attenuantia diaphoreticis vulgo quidem præmittuntur, aut usui eorum interponuntur, commode tamen etiam, et cum meliori persæpe effectu, cum illis misceri, et præ reliquis itaque pulveres ex absorbente quodam, salibus neutris vulgaribus, nitro depurato, radice irid. Florent., ari pptæ, cascarilla, croco orientali, et sulphure antimonii aurato optimo, potiunculæ ex iisdem pharmacis et aquis diapnoicis flor. acaciæ, scordii, melissæ, fœniculi, cinnamomi boraginata &c., infusa theiformia ex rad. glycyrrhizæ, sarsaparillæ, cichorii, scorzonæræ, saponariæ, pimpinellæ albæ, herba hederæ terrestr., veronicæ, chamædryos nob., betonicæ, melissæ citr., flor. rorismarini, ligno sassafras, flavedine cort. citri, sem. fœniculi &c., electuaria ex syrupo de hyssopo, de erysimo LOBELII, scordii, melissæ, extr. angelicæ, trifolii fibr., scordii, chamomillæ vulg., pulvere rhabarbari, rad. ari pptæ, irid. Florent, croci orientalis et cascarillæ, aut sulphure antimonii aurato

aurato, mixturæ spirituosæ (si caloris nempe gradus et ægri temperamentum permittant) ex ess. lignorum, scordii, trifolii fibrini, helonii, angelicæ, succini, pimpinellæ albæ, liquore C. C. succinato, spiritu bezoardico BVSSII, salis ammoniaci anisato, vel harum loco mitiores tincturæ vinosæ ex liquore terræ foliatæ tartari et extractis laudatis in usum vocari possunt. Non negligi quoque debent, quæ complicato catarrho specialius medentur, et mucido-acrium impuritatum excretionem adiuvant. Allegata remedia in febre catarrhali maligna itidem quidem locum inveniunt, calidiora tamen spirituosæ exagitantia, quæ morbum facile exasperant, caute admodum et refracta saltim dosi exhibenda, quin sæpius plane reicienda sunt, præsertim, si æstus intensior sit, aut recrudescunt purpurata et petechialia in massa humorum hæreant.

## §. VI.

FEBRIS RHEVMATICA, cuius rarissime in scriptis medicorum mentio fit, quoad multa febre catarrhali analoga est, quoad nonnulla ab illa recedit. Catarrhali enim



enim benigna ut plurimum gravior reperi-  
tur, et magnos ordinario dolores dorsi, ar-  
tuum, aliarumque partium vagabundos pe-  
dissequas habet. Exacerbationes præterea  
atque remissiones eius magis irregulares  
sunt, et priores cum præeunte exiguo sal-  
tim et interdum vix notabili frigore, nec so-  
lum quoque circa vesperam, sed persæpe  
alio pariter diei tempore redeunt, nec facile,  
si tussim vehementem atque rebellem exce-  
peris, catarrhum comitem adducunt. De-  
finit interdum post paucos dies, interdum  
vero ad duas hebdomades, quin ultra, cum  
adpetitus viriumque deiectione ac vario  
corporis cruciatu, protrahitur. Ortum suum  
*valde mucidæ humorum, præsertim seroso-  
lymphaticorum, dyscrosiæ et largius immixtis  
recrementis acribus scorbutico-purpuratis* de-  
bet, hinc optime etiam repetita sudatione  
critica, aut exanthematum purpuratorum  
eruptione tollitur. Calidiora cæteroquin  
remedia et validiora expellentia minime pa-  
titur, sed *diluentia tantum, resolventia, tem-  
perantia et mitiora diaphoretica*, ptisanas  
nempe, infusa theiformia ex speciebus tem-  
peratioribus, serum lactis, potiunculas resol-  
ventes

ventes et diapnoicas antea laudatas, emul-  
siones ex aquis iisdem, pulverulentis falso-  
nitrosis, amygdalis dulcibus, sem. 4. frigidis  
maior. et minor., sem. cardui benedicti, car-  
dium Mariæ &c., quibus interdum prædicta  
etiam electuaria et mixturæ vinosæ interpo-  
ni poterunt, ad sui curationem postulat.  
*Venæsectio*, præsentē dudum perfectā febre  
rheumatica aut catarrhali, nunquam condu-  
cit, immo in catarrhalibus purpuratis atque  
petechizantibus malignis ut plurimum morti-  
fera est, ante ipsius autem febris benignioris,  
præsertim rheumaticæ, accessum, apud sub-  
iecta plethorica valde interdum proficua de-  
prehenditur.



## CAP. III.

DE

## FEBRE BILIOSA.

## §. I.

**F**EBRIS BILIOSA, *strictè sic dicta*, est  
febris continua, quæ citra singularem  
plerumque horripilationem præcurrentem,  
cum æstu mediocri variisque aliis sympto-  
ma-

matibus, uberius postmodum recensendis, accedit, et unice a bile copiosa ac fervida, in duodeno præcipue stabulante sensimque ad sanguinis massam abeunte, producitur.

## §. II.

Non confundenda est febris biliosa stricte ita dicta cum *febre biliosa ardente*, quippe quæ, licet æque quidem, ac illa, a bile oriatur, quoad symptomata tamen et magis pariter minusve quoad causas a priori differt. In febre biliosa ardente enim copiosa saburra fervida biliosa, tota propemodum mole sua et uno quasi actu ad sanguinem translata, per integram eius massam dispersa, altiusque humoribus sinceris immersa est, æstus totius corporis, dolor capitis, sitis ad summum adscendunt gradum, cutis siccissima, urina valde rubra, pulsus celerissimus, vigiliæ pertinaces deprehenduntur, iisdemque gravius ordinario delirium, nec raro etiam, propter complicatam cruoris densitatem, huius vel illius partis inflammatio iungitur. Aliter rursus, præsertim intuitu connexorum pathematum, cum febre biliosa stricte tali comparatum est: Calor febrilis nempe multo mitior, quam in præcedente, observatur, cutis

humid-

humidiuscula est, quin sæpius, materia hali-  
tuosa per intervalla copiosius prodeunte,  
valde madida redditur, urina non adeo emi-  
nentem rubedinem ostendit, crassa tamen  
existit et post moram aliquam turbida eva-  
dit, multumque recrementi mucidi ad fun-  
dum deponit, præsertim si cum bile multæ  
etiam impuritates viscidæ ex intestinis ad  
sanguinem transeunt, pulsus celeritas et ve-  
hementia intra mediocritatis limites consi-  
stunt, dolor capitis saltem obtusus, cum ma-  
gna nihilominus temulentia et leviori quo-  
que vertigine coniunctus reperitur, somnus,  
etiamsi haud exigua utplurimum ad eum  
propensio adsit, paucissimus est, appetitus  
esulentorum prorsus plerumque deficit, et  
sitis quoque parum urget. Hisce, ceu præ-  
cipua huius febris signa pathognomonica,  
accedunt continuus amaritiei sensus in ore,  
et creberrime etiam, quando bilis scilicet ex  
parte in ventriculum usque propulsa fuit,  
conatus vomendi, quin ipsi vomitus actua-  
les, nec minus anxietates circa ventriculum  
et ardor dolorificus in hypochondrio dextro  
sub costis spuriiis, qui adeo plerumque per  
consensum extenditur versus superiora, et  
tanto-

tantopere partes vicinas adficit, ut æger molestissimas tensiones ac constrictiones, immo subinde vehementes puncturas in dorso ac pectore, quæ postremæ aliquam respirationis difficultatem inducunt, et ipsos dolores pleuriticos aliquando mentiuntur, persentiat.

### §. III.

Causa materialis præcipue, uti in limine pridem dictum fuit, in duodeno latet, ac nulla sane alia est, nisi *copiosa ac fervida saburra biliosa*, nunc *solitaria prorsus*, nunc *mucidis impuritatibus*, ante bilis cysticæ adventum paullatim collectis, *plus minusve remixta*. Defertur autem biliosa hæc materia ad duodenum, quando cystis fellea sub graviore iracundia violentius constringitur, et contentum itaque liquidum, præternaturaliter simul rarescens, largiori quantitate et cum impetu per consuetum canalem, effluere cogitur; hinc præ reliquis etiam homines cholericæ temperamenti, qui bile abundant, et valde præterea, ob sensibilitatem ac mobilitatem fibrarum eminentiorem, ad frequentes ac vehementes animi excandescen-



tias proclives sunt, febri huic aliisque morbis biliosis obnoxii reperiuntur.

§. IV.

Superveniente diarrhoea mucido-bilioſa ſponte ut plurimum hæc febris ſolvitur, aut valde ad minimum vehementia eius infringitur, et licet quidem materia peccans, per univerſam humorum circulantium maſſam iam diſſeminata, penitus hac ratione auferri nequeat, præcipua tamen moles, quæ in inteſtinis ſtabulatur, et continuum præcedenti fomitem præbet, eliminatur, ita, ut natura iſtud, quod in ſanguine reſtat, faciliori deinceps negotio ſubigere et auctiori diaphoreſi aut completo ſudore, vel metaſtaſi quadam, quæ temporariam cutis flavedinem iſteritiam producit, exterminare valeat. Subinde criticæ huic excretioni vomitus quoque iungitur, ſi aliqua nimirum bilis portio vehementi cysſidis æque ac duodeni motu ſpasmodico in ventriculi cavitatem propulſa fuit, immo interdum vomitus crebriores absque ulla diarrhoea ſuperveniunt, quæ excretionis tamen modus priori longe inferior ac ſaltem ſemicriticus æſtimandus eſt.

quo

quoniam tota materiae peccantis moles, in prima culina delitescens, neutiquam excluditur, et pertinacissima igitur alvi obstipatio cum variarum partium spasmis utplurimum perseverat. Hisce accedit, quod sanguis vehementi sub vomitu repetito ventriculi ac viscerum connexorum motu magis exagitur, et ventriculo non minus, quam toti corpori maior debilitas inducatur.

### §. V.

Quando igitur alvi obstructio mature tollitur, et recrementa biliosa primis statim diebus eiiciuntur, febris exorta illico notabiliter mitescere et post paucos plerumque dies penitus remittere consuevit, Contrarium observatur, si spasmodica intestinorum affectio refractaria excernendae materiae causticae tempestivum exitum praeccludit. Si quidem acres fervidaeque hae quisquiliae, ob moram longiorem, non tantum maiori quantitate ex intestinis ad sanguinem transmittuntur, ibidemque febriles igniculos sovent, magisque fuscitant, sed, quoad partem quoque intestinorum tunicis pertinacius adhaerentes, eas adeo arrodunt, ut nonnunquam, praeter

alia symptomata periculosa, ventriculi, intestinorum, quin ipsius hepatis, inflammationes, quæ facile mortem inferunt, sequantur: Nec silentio etiam prætermittendum erit, febrem hanc, diutius scilicet impuritate biliosa in corpore retenta, sensimque acriori red-dita, persæpe in lentam, vix amplius postmodum curabilem, et, breviori ideo aut longiori intervallo interiecto, plerumque funestam, degenerare.

#### §. VI.

Ex hætenus recensitis facile, uti credo, practicus rationalis, quid agendum circa medelam, quid omittendum, perspiciet, totamque huius febris curationem ita adornandam esse, mecum fatebitur, ut fervida saburra biliosa cito emendetur ac præparetur, tunicae intestinorum et partium connexarum spasmo correptæ aliquantulum relaxentur, et emendata impuritas blande atque mature, antequam maiori copia ad sanguinem tendat, aut diuturniori sua in- et adhæsione parietes intestinorum gravius erodat, per alvum educatur. Primæ indicationi *temperata pariter resolventia ac diluentia* egregie  
infer-

inserviunt. Inter priora nitroſa, v. g. nitrum depuratum ac tabulatum, nec minus acidulâ, v. g. ſal acetofellæ, cremor tartari, magiſterium hepat. rubr. Dresdenſe, ſuccus citri, aqua dilutus &c., reliquis palmam præripiunt; ad poſteriora autem decocta hordeacea et avenacea cum radice graminis arvenſis et raſura C. C., ſerum lactis acidulum, cum pulpa tamarindorum aut tartari cremore paratum, et potiunculæ atque emulſiones ex aquis refrigerantibus, ex aqua nimirum cichorii, lactucæ, graminis, endiviæ, flor. boraginis, nymphææ &c., et amygdalis dulcibus, ſeminibus quatuor frigidis maioribus et minoribus, ſemine cannabis et nitro depurato ſpectant.

## §. VII.

Medicamenta, ſecundæ indicationi dicata, ex claſſe *emollientium unguinoſo-oleoſæ* et *mucilagineæ naturæ* deſumuntur, iisdemque maxime hoc loco ſperma ceti, oleum amygdalarum dulcium recentiffime expreſſum, iuſcula avenacea tenuiora, cum radice althææ et floribus chamomillæ vulgaris cocta, et oleo memorato aut butyro nondum

R r 3

ſalito

salito ac recentissimo nonnihil pingua red-  
 dita, nec minus enemata emollientia, iterato  
 nonnunquam iniecta, accensenda veniunt.  
 Hisce, ut tertiæ pariter indicationi satisfiat,  
*lenia laxantia rhabarbarina* aut *mannato-*  
*rhabarbarina cum cremore tartari* interponi,  
 vel, quod præstat, protinus iungi debent.  
 Laxantia, inquam, leniora: Quod poten-  
 tiora enim cathartica et emetica, quibus im-  
 prudentes tamen medicastri haud raro utun-  
 tur, attinet, illa prorsus exulari oportet, quo-  
 niam in hac febre et morbis quibusvis reli-  
 quis, post iracundiam a bile valde commota  
 ortis, perniciosissima sunt, et, magna adhuc  
 fibrarum strictura præsentē, exhibita, insana-  
 bilem persæpe, sicuti fufius in *Dissertatione*  
*de Febre biliosa* exposui, ventriculi et intesti-  
 norum atoniam, vel earundem partium in-  
 flammationem, post breve utplurimum tem-  
 pus exitialem, producunt. „Nihil frequen-  
 „tius, FRID. HOEFMANNVS *scribit a)*,  
 „in praxi occurrit, quam ab ira inflamma-  
 „tionem pati ventriculum et intestina, eam-  
 „que cumprimis lethalem fieri, si mox po-  
 „tus

a) In *Med. Syst.* Tom. II. P. 2. cap. 1. §. 14.



„tus frigidus paullo avidius superingeratur,  
 „vel purgans, vel emeticum propinetur, ad  
 „bilem ab ira, ut vulgo putant, commotam  
 „e ventriculi sinu exturbandam - - - ,  
 „adeoque cane et angue peius vitanda in  
 „adfectibus et symptomatibus, ab ira pro-  
 „ductis, omnia purgantia drastica et eme-  
 „tica.„ Nonnulli *venæsectionem* in hac fe-  
 bre penitus quoque dissuadent, at, subinde  
 illam, quando biliosa nimirum febris homi-  
 nem valde plethoricum corripit, vel hepa-  
 tis, aut ventriculi, aut intestinorum inflam-  
 matio imminet, vel dudum iuncta deprehen-  
 ditur, omnino necessariam existere, arbitror.



## CAP. IV.

DE  
 CAUSO SIVE FEBRE ARDENTE  
 STRICTE SIC DICTA.

## §. I.

CAVSYS (α καίω, ure), sive *Febris Ar-*  
*dens strictè ita dicta*, est febris conti-  
 nua valde acuta, cum æstu corporis inten-  
 Rr 4 fissimo,

fissimo, pulsu celerrimo, siti inexplebili, et pluribus symptomatibus aliis, eminentiorem sanguinis phlogosin arguentibus, coniuncta.

## §. II.

Sub prima morbi accessione horrores duntaxat brevis atque levissimus percipitur, quem protinus ingens universi corporis æstus, magis paullatim magisque, citra ullam remissionem, ad summum usque gradum increpescens, excipit, cū sese dolor capitis acerbissimus, sitis fere inextinguibilis, respiratio anxiosa, sublimis, anhelosa, anxietas præcordialis, vigilie pertinaces, inquietudo maxima, et plerumque etiam vehemens delirium iungunt. Pulsus, sicuti antea pridem dictum fuit, durus ac velocissimus est, cutis arida et contactu calidissima, lingua retorrida subfusco flavescens aut nigricans, alvus refractarie obstructa atque siccissima, urina flammea, appetitus esculentorum plane deiectus, et vires quoque corporis valde prostratæ reperiuntur, immo hisce haud raro angina vera, aut peripnevmonia, aut aliarum partium inflammatio accedit.

## §. III.

## §. III.

Frequentius febris ardens homines sexus nobilioris, ætatis iuvenilis ac vegetæ virilis, temperamenti biliosi cholerici et cholerico-sanguinei, habitu corporis macilento fibrisque siccioribus ac sensibilibus præditos, quam alterius ætatis ac temperamenti subiecta, corripit, ac merito in *simplicem, biliosam et inflammatoriam* distinguenda est. Simplex ab *ingenti cruoris, fervidis recrementis salino-sulphureis remixti, densitate et maxima seri diluentis ac contemperantis penuria* oritur. Biliosa *idem consistentiæ vitium et copiosam insimul ac valde exaltatam impuritatem biliosam*, universæ cruoris massæ altius immerfam, causas præcipuas agnoscit, et inflammatoria denique *sola subortæ cuiusdam inflammationis societate* a binis prioribus discernitur.

## §. IV.

Ad causas procatacticas iracundia gravior, subitanea sudoris aut largioris tantum transpirationis cutaneæ post magnam corporis sub motu et exercitiis incalescentiam suppressio, diuturna intemperies aeris siccæ

valde æstiosa, ingurgitatio nimia potulentorum spirituosorum, esus frequentior ciborum sale nimium et aromatibus conditorum abusus purgantium ac sudoriferorum et quævis alia, quæ corpus sero nimium depauperare et magnam ideo densitatem magnamque ad coagulum proclivitatem cruori inducere, vel subtilem duntaxat, penetrantem, fervidamque impuritatem humoribus copiose inferre, aut dudum præsentem subito intendere valent, referenda sunt. Nec ignorari quoque oportet, febrem intermittentem tertianam, eamque sanguineo lymphaticam, per sæpe, si adhibitis medicamentis calidioribus aliove modo sinistre tractetur, in febrem ardentem continuam degenerare, immo haustum potulenti gelidi post prægressum vehementem corporis motum, intuitu febris ardentis inflammatoriæ, eminentem inter causas occasionales locum occupare.

§. V.

Nunquam hæc febris, propter maximam vehementiam suam, ultra octiduum protrahitur, sed septimo ut plurimum die,

si

si faustum scilicet eventum sortiatur, diuresi critica ac largo sudore, vel interdum quoque hæmorrhagia narium, vel rarius adhuc ictero critico, post paucos dies sponte rursus abeunte, solvitur: Sin verò exitialem sortiatur eventum, æger citius plerumque, sopore aut convulsione superveniente, extinguitur. Maius autem periculum adesse, vitæque ægri in ancipiti versari, constat, si pulsus antea velocissimus quidem, regularis tamen atque robustus, irregularis ac debilis redditur, si urina, initio crassa ac flammea, tenuis aquosa evadit, et delirium cum agrypnia, anxietate præcordiali et spirandi difficultate magis in dies magisque intenditur, vel sitis aut dolor capitis absque æstus remissione subito conticescit, si extrema frigent, interna uruntur, aut gravior partis cuiusdam, præsertim nobilioris, cerebri v. g. atque meningum, pulmonis &c., inflammatio supervenit.


## §. VI.

Initium curæ cum *venæsectione larga* et interdum *repetita* fieri debet, deinde vero, vitæ omni-  
bus potulentis ac medica-  
mentis



mentis spirituosius aliisque exagitantibus, sola *diluentia* ac *temperantia* in usum trahenda sunt: Cuius census sunt aqua simplex pura ac levis, tum sibi relicta, tum leviter nitro, sale acetosellæ, aut succo citri, limoniorum, aut clysto antimonii sulphurato, aut spiritu aceti imprægnata, decocta hordeacea et avenacea cum radice graminis arvensis, taraxaci, scorzonæræ, passulis minoribus, et rasura C. C., serum lactis, cremore tartari aut pulpa tamarindorum præcipitati, potiunculæ ex aqua endiviæ, lactucæ, cichorii, flor. anagallidis purpureæ, boraginis, nymphææ &c., nitro depurato, largius addito, aliisque salibus mediis, cremore tartari, sale acetosellæ, et syrupo acetositatis citri, cerafor. nigr., ribium, sem. papaveris albi &c., emulsionem ex aquis iisdem, salibus neutris, nitro, amygdalis dulcibus, et sem. quatuor frigidis maioribus ac minoribus. Præter interna hæc magnopere etiam ad alvum laxandam et humectandam *enemata emollientia* conducunt, nec penitus pariter *epithemata sicca frontalia* ex mica panis siliginei, probe fermentati, decrepitato sale culinari, nitro et baccis iuniperi reicienda sunt: Quod humida

mida autem ac simul actu frigida attinet, illorum adplicationem plane dissuadendam esse arbitror, quoniam transpirationis libertatem facile sufflaminant, ac retropellendo cephalalgiam augent, aut ipsi nonnunquam partium internarum inflammationi occasionem largiuntur.



## CAP. V.

DE

## FEBRE SYNOCHA BENIGNA.

## §. I.

**F**EBRIS SYNOCHA BENIGNA sive *simplex* est febris remittens, h. e., cum intensione crebriori ac remissione alternante decurrens, febre diaria gravior quidem ac diuturnior, periculi tamen, si rite tractetur, expers, et post septimum plerumque, aut citius nonnunquam post diem quartum, rursus desinens.

## §. II.

Subiectis plethoricis, succi plenis, habitu corporis carnosio-spongioso præditis, ætatis

ætatis iuuenilis ac vegetæ virilis, temperamenti sanguinei et cholero - sanguinei, maxime hæc febris familiaris reperitur, et citratum horrorem, vel cum brevissimo tantum ac vix sensibili frigore dispositos adoritur, cui mox æstus mediocris, cum pulsu celeri ac magno sive pleno, dolore capitis, vertigine, tinnitu aurium crebriori, siti moderata, adpetitus imminutione, anxia pectoris op-pletionione, et difficiliore respiratione succedit. Facies, quod diagnoseos gratia probe hoc loco notandum venit, tumidiuscula atque rubore suffusa cernitur, oculi paullulum rubri sunt, et palpebræ nonnihil inflatæ adparent, cutis ad contactum mollis atque humidiuscula est, et urina pellucida rubicunda vel subinde etiam pallidior aurantii tantum coloris deprehenditur.

### §. III.

Præcipue hæc febris a sanguine abundante, impuritatibus viscido - acribus vulgaribus, vel subinde etiam mucido - biliosis inquinato, oritur, et a quibusdam ideo, nec inepte, *Febris plethorica* vocatur. Occasionem genesi eius apud disposita dudum subie-

cta

Et plethorica præ reliquis iracundia, terror, et gravior corporis refrigeratio indeque protinus oriunda transpirationis cutaneæ suppressio præbent, nec ignorari quoque oportet, neglectam venæsectionem periodicam, obstructionem fluxus menstrui, lochialis et hæmorrhoidalis, potulenta spirituosæ largius hausta, exercitia corporis fortiora, vigiliæ diuturnas, dolores acerbiores et partum difficilem nonnunquam inter causas antecedentes militare.

#### §. IV.

Periculo prorsus, uti supra pridem dictum fuit, synocha benigna, si rite tractetur, vacat, et septimo plerumque die, aliquando etiam citius, sudatione ac diuresi critica, aut simili, apud iuniora imprimis subiecta, narium hæmorrhagia superveniente, ad finem perducitur. Secus iudicandum, si, medela incongrua aut perversa patientis diæta deterior reddita, in febrem ardentem aut inflammatoriam, peripneumoniam v. g., pleuritidem &c., degeneret, vel hinc inde etiam in cute exanthemata nonnulla,

nulla, quæ peioris ut plurimum acrimonia præsentiam produnt, in conspectum veniant.

§. V.

Præmissa *tempestiva, larga, et interdum repetita venæsectione*, quæ præcipuum in hoc morbo remedium est, *attenuantia, temperantia ac diluentia*, potiunculæ nimirum, emulsiones, pulveres, ac potulenta, contra febrem ardentem commendata, et *lenioribus duntaxat diaphoreticis*, pulvere v. g. cascarillæ, radicis ireos Flor., succino ppto, spiritu nitri dulci, essentia theriacali, angelicæ &c. modice remixta, conducunt, non neglectis iuxta *clysteribus emollientibus*, si alvus nempe pertinacius obstructa sit, aut pectoris oppressiones, tinnitus aurium, et vertiginosa capitis affectio nimium urgeant.



CAP. VI.

DE

FEBRE SYNOCHA PVTRIDA.

§. I.

**F**EBRIS SYNOCHA PVTRIDA est febris continua, præcedente synocha benigna



gna multo gravior atque periculofior, nec raro plane maligna intra feptem plerumque aut quatuordecim dies, citra exacerbatorem ac remiffionem alternantem, ad finem decurrens.

## §. II.

Sine ullo ut plurimum frigore accedit, et fpecies mitior feu comparative benignior valde cum febre fynocha fimplici convenit, præterquam, quod pleraque fymptomata vehementiora fint, nec ullas remiffiones et exacerbationes reciprocas habeant; in fpecie maligna autem, præter reliqua pathemata, deteriora quædam magisque ominofa fymptomata, ingens videlicet ac fubitanea virium proft ratio, magna vigoris animi et adpetitus deiection, eminentiores anxietates præcordiales, et pulfus frequens notantur, immo interdum animi deliquia, quæ maioris malignitatis indices funt, identidem imminant, aut plane fuperveniunt.

## §. III.

Dependet differentia memorata a diverfa cauffæ materialis indole: In fynocha

Tom. II.

S s

enim

enim putrida benigniori nocivum *miasma viscido-acre*, cum sanguine spissiori et subinde simul abundante remixtum, solummodo ad putredinem inclinat, nondum tamen perfecte putridum est, in synocha autem maligna istud corruptela urinoso-putrida, penitus dudum depravatum et altius præterea atque maiori copia humoribus sinceris immersum est.

## §. IV.

Propter memoratam causæ materialis diversitatem prognosis pariter, periculi non minus, quam durationis &c. intuitu, differt. Nam synocha putrida benignior, rite tamen tractata, plerumque die septimo aut decimo quarto, vel largo sudore aut diuresi critica, vel hæmorrhagia narium, vel exanthematum eruptione, feliciter solvitur; putrida maligna ex adverso persæpe intra triduum aut quatrimum necem patienti infert, et licet subinde quidem diutius, ad diem scilicet septimum, decimum quartum, immo vigesimum primum protrahatur, periculo tamen nondum caret, sed cito interdum et præter omnem opinionem funesta evadit. In ma  
ior

iori autem periculo patientem versari, exiguanque amplius sanitatis recuperandæ spem superesse, anxia spirandi difficultas, magis magisque increscens, animi deliquia, motus convulsiui, delirium grauius, urina aquea, pulsus intermittens, sopor, hæmorrhagia aut diarrhoea symptomatica, angina, risus Sardonius, oculi torui, parotides, ad suppurationem non venientes, exanthemata mox erumpentia, mox iterum retrocedentia, sudores frigidi et similia testantur.

## §. V.

In synocha putrida benigniori *venæsectio tempestiua*, h. e., primis statim diebus administrata, interdum apud subiecta valde plethorica locum inuenit, in putrida maligna autem semper nocentissima est, mortemque, vires prosteruendo, accelerat: Nec tuta pariter emetica sunt, initio morbi, magna nauſea præſente, a quibusdam commendata, sed præcipua potius medela a *diluentibus*, *temperantibus* et *antiputredinosis* acidulis exspectanda est, quibus mature tamen, præsertim in synocha maligna, in qua natura, ob vitium prostrationem, parum amplius opitulari

potest, *actiua diaphoretica et bezoardica balsamica* aliaque, nec minus *roborantia* atque *cardiaca*, essentia v. g. *theriacalis*, *scordii*, *serpentariae Virginianae*, *succini*, *angelicae*, *myrrhae aquosa*, *mixtura simplex*, *tinctura alexipharmaca STAHLII*, *liquor anodynus mineralis*, *spiritus nitri dulcis*, *crocus orientalis*, *camphora*, *cascarilla*, *fulphur antimonii auratum* *tertia praecepit.*, *theriaca*, *fuccinum*, *confectio alkermes*, vel *pulvis saltem* aut *succus granorum chermes*, nec minus *ex vehiculis atque excipientibus aqueis* *aqua destillata melissae*, *foeniculi*, *cinnamomi*, *borraginata*, *paralyseos*, *liliorum convallium* &c. addi debent, ut *perniciosum miasma putridum* non solum *tempestive emendetur*, sed *quantocyus etiam corpore eiciatur*.

\* \* \* \* \*

## CAP. VII.

DE

### FEBRIBVS EXANTHEMATICIS PURPURATIS.

#### §. I.

**A**d FEBRES EXANTHEMATICAS  
PURPURATAS non tantum *Pur*  
*pur*

*pura febrilis rubra, proprie talis, sed etiam, sub Purpuræ scilicet albæ nomine, Febres miliares, vesiculares, lenticulares; perlatae et urticatae, seu febres improprie duntaxat et abusive purpuratae dictæ, referuntur.* In febre purpurata rubra seu purpura vera ac proprie tali papulæ seu pustulæ rubræ, acriori humore repletæ, aut duriuscula tantum ac sicciora eiusdem coloris tubercula urentia, in reliquis vero, prævia tamen levi et evanida quadam cutis rubedine, vel parva saltim tubercula albicantia, milii semina forma ac magnitudine referentia, vel vesiculæ, limpido humore caustico turgidæ, vel noduli eminentes, perlis, aut lentibus, aut tuberculis, urticarum contactu excitatis, simillimi, in pectore primum ac collo, deinde autem in reliquo pariter corpore, cum pruritu et punctura intercutanea erumpunt, quæ paullatina contenti humoris fervidi exhalatione sensim sensimque et post paucos dies, cum aliqua ut plurimum cuticulæ desquamatione, exsiccantur.

## §. II.

Memorata exanthematum eruptio plerumque die quarto post febris ortum in-



cipit, et pro diversa materiæ heterogeneæ copia, per plures postmodum aut pauciores dies continuat, donec omnis, quæ adfuit, *impuritas sanguinis ac lymphæ viscido-acris*, ceu unica febris suscitatae causa materialis, segregata et salutari hac metastasi ad cutem expulsa fuerit. Non promiscue tamen et universaliter dicta accipienda sunt: Nam sæpe sæpius fieri solet, ut exanthemata difficillime ac die demum septimo, undecimo, decimo quarto, quin adhuc serius, et die plane incerto, vel tantum incomplete prodeant, vel, malo pariter aut peiori adhuc omine, post primam expulsionem subito rursus retroagantur, et febris insolentiam, ac quævis complicata pathemata reliqua, post primam expulsionem protinus ordinario remittentia, iterum reducant.

### §. III.

Febris, more aliarum febrium continuarum, cum maiori aut minori horrore accedit, deinde æstus, magis paullatim magisque increfcens, vel subinde etiam cum frigore identidem intercurfante alterans, sequitur, et huic, pro benigniori aut maligniori  
materiæ

materiae exanthematicae indole, mitiora aut graviora pathemata, anxietates nimirum praecordiales, tensiones ac pressiones in dorso, constriction pectoris, spirandi difficultas, tussicula sicca, vigiliae, dolor capitis, inquietudo, phantasiae perturbatio, immo interdum delirium gravius, motus artuum subsultorio-convulsivi, pavores inter dormiendum, morficatio ventriculi &c., sese comites adiungunt, quae singula tamen, decenti, uti antea dictum, metastasi facta, cum magno aestus febrilis decremento mitescere, partim penitus evanescere solent. Alvus ordinario per plures dies clausa est, pulsus ante exanthematum eruptionem velox, et plerumque nonnihil irregularis tensivus atque ferrinus deprehenditur, post sufficientem vero eruptionem a celeritate sua confestim remittit, ac rursus regularis redditur, urina nunc aurantio saltem, nunc saturatiori colore rubro tincta cernitur, atque, felici eveniente ad cutem metastasi, matura praecipitatione sua bonae pariter coctionis signum praebet, et cutis denique interdum siccior, interdum, quod melius est, madida reperitur, immo haud raro cum eu-

phoria fortes ac foetidi sudores simul cum exanthematibus erumpunt.

#### §. IV.

Febres purpuratæ frequentius quidem homines iuniores, otiosos, laute viventes, plethoricos, temperamento sanguineo et cholericò-sanguineo, habitu corporis spongiosiori præditos, fæminas itemque hystericas et puerperas invadunt, subinde nihilominus, præsertim si vernali, uti crebrius fieri solet, vel alio etiam tempore epidemice grassantur, nulli ætati, sexui, ac temperamento parcunt, sed præsertim eminentiori aeris vitio, ac valde simul adiuvante facili contagio, communem stragem edunt, ita tamen, ut purpura alba tunc temporis semper periculosior magisque lethifera, quam rubra deprehendatur. Scio quidem, vulgo purpuram albam quovis tempore et apud quævis subiecta æstimari deteriore; at scio etiam, opinionem hanc experientiæ refragari. Nam ipse plus simplici vice observavi, purpuram albam, præsertim urticatam, adeo fuisse mitem atque benignam, ut nullus plane periculi metus subnasci potuerit.

## §. V.

Caussa materialis ex ipsis cutis efflorescentiis sive propulsis exanthematibus clare innotescit, nec ulla alia est, nisi *copiosa impuritas acris scorbutica, eaque resoluta magis ac volatilior reddita, et cum tenuiori saltem mucō remixta*. Notari tamen debet, in febribus huius census malignis causticum hoc fermentum valde ad corruptionem putredinosam inclinare, et in purpura rubra maxime cruori, in alba autem non huic tantum, sed universæ etiam massæ seroso-lymphaticæ largius immersum esse; unde ratio etiam præcipue petenda videtur, cur in priori pustulæ aut tubercula rubra, in posteriori vero pustulæ, vesiculæ aut tubercula albicantia in cute efflorescant.

## §. VI.

Memoratae impuritati acri ingenerandæ, adcumulandæ et exaltandæ, præter multa alia, quæ specialius hoc loco adducere nolo, constitutio aeris calida et humida, verno inprimis tempore frigidaë siccaë aut humidaë hyemali subito succedens, frequentes

tempestatum vicissitudines, gravior ac repetita, præsertim apud subiecta cacochymico-scorbutica, corporis sudantis refrigeratio, esus nimius ciborum acrium, salforum atque acidorum, potus intemperantior decocti Coffee, alimenta crassa ac dyspepta, vita sedentaria, evacuationes sanguinis naturales suppressæ, neglecta adsueta venæsectio et scarificatio, sudatio fortior atque crebrior tempore sicco ac valde æstuante æstivo, et pareior nihilofecius potulentorum diluentium ac contemperantium adsumtio, regimen nimis calidum et incongruus usus sudoriferorum aliorumque pharmacorum exagitantium, præsertim apud puerperas, nec non rheumatum ac febrium catarrhalium per sola propemodum refrigerantia curatio &c. directe aut indirecte famulantur. Non prætermitti quoque oportet contagium, quod, uti ex præcedentibus pridem constat, sæpe causa existit, ut exanthematici hi morbi, si malignioris genii sint, ex uno corpore ægroto in plura sana deriventur.

## §. VII.

Benignæ febres purpuratæ nullum, si decens regimen diæteticum observetur, ac  
con-



congrua medela accedat, vitæ periculum adferunt, malignæ contra simulque epidemice grassantes multos interdum homines intra breve nonnunquam tempus extinguunt. Periculum autem adesse, morbumque facile exitialem fore, constat, quando exanthemata tempestive atque complete, febre licet fortiori existente, exire recusant, aut expulsa sine causâ manifesta, vel data etiam occasione per refrigerationem aut terrorem, denuo retroagantur, ac summas rursus anxietates præcordiales, spasmos ventriculi cardialgicos, ardorem ventriculi cum perpetua nausea et conatu vomendi, singultum, respirationem difficilem, ac penitus quandoque suffocatoriam, vel anginam veram, aut peripneumoniam, aut pleuritidem, vel diarrhoeam spumido-aquosam, vel sæpius recurrentes artuum motus convulsivos et similia provocant, si post copiosam tuberculorum, vésicularum &c. eruptionem nulla febris cæterorumque symptomatum remissio sequitur, si denique pustulæ seu vesiculæ tam denso agmine in cute eleventur, ut confluant, aut distinctæ etiam insolitam prorsus magnitudinem adquirunt. Ad mala quoque signa pro-

prognostica omnimoda lotii suppressio, aut parcissima tamen ac difficillima excretio, nec minus urina pauca aquosa cum insequente delirio, et adhuc magis urina constanter pellucida, citrina, et sanorum urinæ similima, pertinent.

## §. VIII.

Præter purpuram acutam febrilem adhuc alia creberrime occurrit, quæ nullam febrem pedistequam habet, ac vulgo *chronica scorbutica*, vel etiam simpliciter *scorbutica* dicitur. Plerumque hæc ipsa rubra, rarius alba est, et multa commoda non minus, quam incommoda patientibus adfert. Nam, si pustulæ aut tubercula identidem ad cutem extruduntur, et cum iusta pariter mora, ad plenariam nempe humoris caustici exhalationem usque, persistunt, corpus a variis morbis liberatur: Sin acris ex adverso ac copiosa hæc impuritas purpurato-scorbutica ad cutem prodire recuset, aut cito rursus post translationem ad interiora retrogrediatur, varia pathemata molestissima, vertiginem v. g., cephalalgiam, tussim rebellem, respirationem difficilem, constrictionem pectoris, palpitationem

tionem cordis, spasmos ventriculi et intesti-  
norum, insultus hystericos, anomalias fluxus  
menstrui atque hæmorrhoidalis, dolores ar-  
tuum rheumaticos et plures alios adfectus  
morbosos producit.

### §. IX.

In purpura rubra febrili *venæsectio*, pri-  
mis statim diebus adeoque ante ullam adhuc  
exanthematum eruptionem administrata,  
apud subiecta valde plethorica interdum con-  
ducit, in alba autem nunquam locum habet,  
sed totum curationis negotium *diluentibus*,  
*demulcentibus*, *temperantibus* et lenioribus  
*diaphoreticis* expediendum est, quibus de-  
cocta inprimis hordeacea et avenacea cum  
rad. scorzonæræ, cichorii, taraxaci, tussilagi-  
nis, rasura cornu cervi &c., infusa theifor-  
mia ex radicibus memoratis, herba veroni-  
cæ, betonicæ, teucrii veri, chamædryos  
nob., thea orientali et flavedine corticis ci-  
tri, potiunculæ ex aqua destill. flor. acaciæ,  
cerafor. nigr., endiviæ, scordii &c., lap.  
cancrorum, nitro, arcano dupl., sale mira-  
bili Glauberi, radice ireos Florent., et syru-  
po cort. citri vel aurantiorum, emulsionem

ex aquis iisdem, amygdalis dulcibus, feminibus quatuor frigidis mai. et minoribus, semine cardui mariæ, cardui benedicti, et prædictis pulverulentis &c. accensentur. Hisce, si exanthemata debite prodire, aut, prout decet, in cute persistere renuant, *vesicantia* brachiis, furis &c. adplicari et *potentiora quædam expellentia*, pulvis v. g. cascariillæ, aut sulphur antimonii auratum tertiæ præcipit. parva quantitate addi, vel pulveres etiam ex absorbente quodam, nitro et camphora, immo subinde mixtura simplex, aut essentia theriacalis, aut scordii aut angelicæ cum pauxillo liquoris anodyni mineralis maritata, interponi debent. Sunt quidem inter medicos, qui expellentia paulo potentiora plane reprobant; at scio etiam, iterata experientia convictus, interdum sine horum adminiculo nullam prorsus exanthematum, præsertim in febribus huius census malignis, eruptionem expectandam esse.

## §. X.

Laudata remedia in purpura chronica scorbutica itidem quidem conveniunt, rarissime

sime tamen sola corrigendis et eliminandis crassioribus quisquillis acribus sufficiunt, sed plura *edulcorantia*, *purificantia* et *validiora expellentia*, ut et *specifica antiscorbutica*, aquæ nimirum foteriæ minérales, serum lactis sibi relictum, aut cum succis plantarum acrium remixtum, infusa theiformia ex rad. glycyrrhizæ, saponariæ, pimpinellæ albae, sarsaparillæ, herba hederæ terrestr., ligno Guaiaco, iuniperi, sem. foeniculi &c., electuaria ex syrupo de erysimo Lobelii, extracto trifolii fibr., scordii, angelicæ, rob iuniperi, rhabarbaro, pulvere radicis ari ppt., sulphure antimonii aurato &c. aliaque, in capite de *Scorbuto* recensita, requiruntur, nec leniora etiam infusa *laxantia* manna-to-rhabarbarina, initio non minus, quam postea pariter per vices usurpata, utilitate carent, quoniam prima haud raro dyscrasie humorum scorbutico - purpuratæ causa materialis in primis viis latet. Quod *venæsectionem periodicam* vero attinet, illa apud subiecta plethorica solummodo locum habet.







## CAP. VIII.

## FEBRE PETECHIALI.

## §. I.

**F**EBRIS PETECHIALIS est febris exanthematica valde contagiosa, nunc peracuta, nunc acutissima, ut plurimum maligna, adeoque periculosa admodum ac gravibus symptomatibus, subitanea nimirum virium prostratione, plenaria adpetitus deiectione, anxietate praecordiali, spirandi difficultate, pulsu frequenti, et saepe etiam agonia aut delirio &c., stipata.

## §. II.

Indiscriminatim hic morbus, praesertim si ob pravam aeris constitutionem epidemice grassatur, cuiuscunque aetatis, sexus ac temperamenti homines, frequentius tamen atque facilius sanguineos, cholericosanguineos, plethoricos et puerperas, quibus lochia non debite fluunt, aut denuo  
sup-

supprimuntur, adoritur. Maculae, quibus a reliquis febribus exanthematicis discernitur, quaeque, praecedentibus ordinario doloribus dorsi lancinantibus et ingenti capitis gravitate, quarto, vel interdum septimo demum die, immo tardius quandoque, die videlicet nono, undecimo, decimo quarto, incute, ac primo quidem in dorso et pectore, deinde in universi corporis superficie erumpunt, obuli plerumque magnitudinem roseumque colorem obtinent, nec unquam super cutem attolluntur; hinc pulicum moribus valde similes sunt, praeterquam, quod nullum in centro foraminulum habeant, ac digito pressae paullulum evanescent, pressione autem cessante mox redeant. Non confundi quoque debent cum maculis scorbuticis; quippe quae in musculosis artuum partibus praecipue nascuntur, nec ardentes sunt, nec saturate rubrae, ut maculae petechiales, sed pruriginosae, pallide rubentes, humidiusculae, et praecedentibus quoque multo atiores.

### §. III.

Causa materialis, quae febrem hanc accendit, ac *valde acrem et magis sinualem* *Tom. II.* *Tt* *nusuo*

*nusve putridam indolem urinoso-sulphuream* obtinet, apud alia subiecta corpori per solum contagium infertur, apud alia, adæquatis causis procatarcticis accedentibus, sensim in sanguine generatur. Favent autem pessimi huius fermenti genesi diuturna aeris constitutio humida ac tepida, repentina, vere adventante, tempestatis humido-frigidæ aut frigidiusculæ in humido-calidam mutatio, exhalationes putridæ in locis palustribus, fluminum exundationes tempore calido æstivo, alimenta crassa, viscida atque corrupta, potus aquarum putridarum, subitanea sudoris et fluxus lothialis suppressio, ira ac terror, immo febres purpuratæ et catarrhales sinistra tractatæ subinde inter causas antecedentes et obstetricantes locum occupant.

#### §. IV.

Febres petechiales, sive magis sive minus malignæ existant, semper admodum periculosæ sunt, et plerosque, quos corripunt, intra breve tempus, nisi maculæ tempestive cum febris cæterorumque symptomatum remissione prodeant, et debite etiam, retentæ aliquamdiu colore roseo, nec subito postmodum

dum, sed paulatim pallescente, in cute persistant, iugulare solent. Gravius cæteroquin periculum summa statim sub prima febris invasione virium atque adpetitus prostratio, animi deliquia, convulsiones, respiratio anxiosa, omnimoda animi deiectio, vigiliæ contumacissimæ, delirium, pulsus frequens et intermittens, vomitus materiæ cuiusdam subcruentæ ac nigricantis, diarrhoea aut ipsa quandoque dysenteria superveniens, incontinentia urinæ et frequens macularum retrocessio indicant, quin omnem prorsus vitæ servandæ spem tollunt, si maculæ antea rubræ violaceum colorem induant, aut statim eodem colore tinctæ erumpant. Pessimum quoque est, sicuti sub purpuræ tractatione dudum retuli, quando retenta aut retroacta exanthemata ad collum aut pectus decumbunt, et anginam aut aphthas malignas aut peripnevmoniam &c. provocant.

### §. V.

Curatio, si venæsectionem, quæ nunquam in febribus petechialibus et petechizantibus malignis conducit, exceperis, cum

purpuræ malignæ febrilis medela convenit, simul tamen utile atque necessarium reperitur, ut remediis ibi commendatis *acidula* pariter pharmaca, succus v. g, citri et limoniorum, clyssus antimonii sulphuratus, sal acetosellæ &c. addantur, quoniam materia acris in hac febre maximam partem alcalico - urinosa indolis est, ac maiorem dudum putredinis corruptelam subiit. Non cunctandum quoque cum camphoræ similiumque heroicorum expellentium additione, aut vesicantium adplicatione, si maculæ, identidem in cute adparentes, propter magnam naturæ imbecillitatem, ex pulsu admodum debili cognoscendam, perfecte efflorescere nequeunt, aut rursus quoque retrocedere minantur.



## CAP. IX.

DE

FEBRE HUNGARICA SIVE  
CASTRENSI.

## §. I.

**F**EBRIS HUNGARICA sive *Castrensis*  
est febris acuta, maligna, plerumque epidemica



demica, valde contagiosa, et quoad nonnulla symptomata causo atque phrenitidi, quoad alia febris petechiali et catarrhali malignæ, excepta tamen catarrhi societate, analoga.

## §. II.

In castris militum, præsertim in Hungaria, persæpe grassatur, magnamque subinde hominum stragem edit. Cum horripilatione et insigni ut plurimum capitis dolore scenam suam exorditur, horripilationi æstus ingens, cum cephalalgiae incremento, siti intolerabili et eminenti circa serobiculum cordis ardore, succedit, et hisce deinde siticitas continua et aliqua intumescencia linguæ, vigiliæ contumacissimæ, deliria gravia et plerumque furiosa, deiectio plenaria adpetitus, adstrictio alvi, nec raro etiam narium hæmorrhagiæ, diarrhoeæ vulgares et cruentæ, vomitus, inflammatio faucium, intumescencia parotidum inflammatoria, paralyses &c., non singula tamen posteriora apud unum eundemque patientem, sed apud plura individua et diversis temporibus, sese iungunt. Vasa capitis ac colli sanguifera ordinario admodum turgida sunt, oculi fulgent, pulsus

fortior, quam in aliis febribus malignis, reperitur, et pleraque symptomata, quod addendum, circa vesperam exacerbantur.

§. III.

Quando haec febris, quae ordinario mensibus calidis æstivis, Iunio nempe, Iulio et Augusto, rarius alio anni tempore, exoritur, per *contagium*, uti creberrime fieri solet, propagatur, nulli aetati, sexui ac temperamento parcit: Sin *subtile* autem, *mobile* atque *putridulo-causticum fermentum* sensim sine ullo contagio in humoribus nascitur, subiecta plethorica magis, quam alia, eidem obnoxia deprehenduntur. Non sponte tamen memoratum miasma nocivum in sanguine generatur, sed varia diætæ vitia, et frequens inprimis aut subitanea corporis aestuantis ac sudantis refrigeratio, nec minus potus aquarum putridarum stagnantium, et aer humido-calidus, putridisque exhalationibus inquinatus, genesi eius occasionem largiuntur; unde minime etiam mirandum est, quod febris hæc militibus, in castris commorantibus, maxime infesta reperiatur,

§. IV.

## §. IV.

Periculo nunquam penitus caret, et saepius fere funestum, quam felicem eventum sortitur. Si cum perfecta symptomatum mitiorum harmonia decurrit, sanitatis recuperandae spem facit, et die septimo ut plurimum aut decimo quarto, sudore critico ac simili diuresi, vel subinde etiam largiori narium haemorrhagia, solvitur; insequente autem lethifero exitu, citius plerumque terminatur. Gravius caeteroquin periculum adesse, et prognosin valde ancipitem fore, iudicandum erit, si narium haemorrhagia extra dies criticos accidit, aut sanguis nimis parca quantitate erumpit, si petechiae adparent, vel dysenteria aut angina supervenit, si interni denique praecordiorum ardores constanter perdurant, ac magis paulatim magisque incrementum exortam ventriculi aut diaphragmatis inflammationem produnt.

## §. V.

Apud subiecta plethorica, quibus ipsa natura haud raro in hoc morbo larga, uti dictum, narium haemorrhagia auxiliatur, *phle-*

*botomia*, primis statim diebus administrata, plerumque proficua existit, apud reliqua ex aduerso, præsertim si initio protinus manifesta malignitatis criteria adsint, nunquam institui debet, sed curationis negotium *diluentibus* maxime, *temperantibus*, atque *diaphoreticis*, sub purpuræ rubræ febrilis et febris petechialis curatione recensitis, expedientum erit. Non negligi quoque debet regimen externum temperate calidum, nec illa pariter omittenda sunt, quæ exortis symptomatibus urgentibus, anginæ, v. g., dysentericiæ &c., specialius medentur.



## C A P. X.

DE  
FEBRE SCARLATINA.

## §. I.

**F**EBRIS SCARLATINA est febris continua, acuta, exanthematica, latioribus maculis rubris sese prodens, ac febre morbillosa symptomatum vehementia nunc mitior paullulum, nunc plane eidem æqualis.

## §. II.

## §. II.

Infestat maxime infantes, et frequentius autumnii initio ac tempore verno, cum epidemica haud raro invasione, oritur. Incipit cum leni horrore, quem æstus mediocris sequitur, siti moderata, adpetitus ac virium deiectione, oppletione pectoris, respiratione difficili, tussicula sicca, gravitate capitis vertiginosa aut vehementiori dolore et plerumque pariter faucium ardore stipatus. Die quarto facies intumescit, et maculæ intense rubræ, in vultu primum ac collo, posteaque in toto corpore prodeunt, quæ vulgo *Rubeolæ* vocantur, et initio quidem parvæ sunt, deinde vero latiores sensim ac latiores evadunt, et adeo persæpe coalescunt, ut facies ac tota corporis superficies, panni scarlatini instar, saturato rubore suffusa cernatur. Maculæ hæc, si adhuc distinctæ sint, morbillis quodammodo similes reperiuntur, multo tamen latiores atque diffformes existunt, nec adeo etiam super cutem, ut morbilli, eminent. Passim præterea, præsertim in vultu ac circa mentum, corpuscula quædam sicca ac candida furfuracea vel subflavo - albicantia miliaria, quæ posteriora sæpissime etiam in



ore, lingua ac faucibus in conspectum veniunt, iisdem insident. Per duos circiter vel tres dies macularum rubedo perdurat, deinde paullatim disparet, vultusque detumescit iterum, et cuticula hinc inde desquamatur. Praëticorum nonnulli, quibus calculum meum adicere nullus dubito, inter perfectam veramque febrem scarlatinam et rubeolas discrimen quoddam faciunt, ac morbum hunc tunc saltem febrem scarlatinam appellant, quando, mox confluentibus maculis, rubedo eminens per universi corporis superficiem diffunditur, et tota ideo cutis leviter inflammata existit, rubeolarum vero aut febris rubeolosæ nomine eundem designandum esse arbitrantur, quoties maculae tantum distinctæ efflorescunt.

### §. III.

Proxime hic morbus ab *exaltata* et *specificâ* prorsus *sanguinis impuritate acri*, cuius genesi et augmento vitiosa aeris qualitas, refrigeratio corporis et apud adultos quoque naturalium evacuationum sanguinearum anomaliae præ reliquis favent, oritur. Valde mobilis atque volatilis memorata materia hete-

heterogenea salino-sulphurea est, hinc rubeolosa etiam febris facile per contagium propagatur: Quod autem, uti aliqui opinantur, cum morbillorum fermento conveniat, minime videtur probabile, quoniam, experientia teste, rubeolæ variolas et morbillos interdum præcedunt, interdum vero interiecto modico temporis intervallo, sequuntur.

#### §. IV.

Perfecta febris scarlatina ut plurimum quidem rubeolis distinctis periculosior est, persæpe nihilominus morbus uterque, si heterogenea materia mature atque perfecte ad cutem prodeat, et maculæ inde enatæ debite persistant, intra octiduum feliciter finitur: Secus iudicandum et funestus exitus metuendus erit, quando exanthemata solummodo imperfecte erumpunt, vel sub prima statim eruptione, aut post retrocessionem suam fauces et organa, deglutitioni ac respirationi dicata, occupant, et inflammationes harum partium, vel etiam, peccante materia altius ad interiora retroacta, diarrhoeam producant. Optimus enim solutionis mo-  
dus

dus est, si acria recrementa partim exhalatio-  
 ne paulatina per maculas, partim blanda dia-  
 phoresi e corpore proscribuntur, immo suf-  
 ficiens narium hæmorrhagia ante eruptio-  
 nem, vel sub initio eruptionis contingens,  
 apud subiecta valde plethorica plerumque  
 salutaris deprehenditur.

§. V.

Curatio cum mox subsequente vario-  
 larum ac morbillorum medela maximam par-  
 tem convenit; et hoc igitur loco paucis so-  
 lummodo monuisse sufficiat, *regimen exter-  
 num temperate calidum, potulenta gelatinoso-  
 ac mucilagineo-aquea, blanda infusa theifor-  
 mia* ex radice scorzonerae, cichorii, taraxaci,  
 herba veronicae, betonicae &c., semine foe-  
 niculi, flavedine corticis citri &c., nec mi-  
 nus *potiunculas ex temperantibus atque lenis-  
 simis diaphoreticis* optimum præstare auxi-  
 lium, calidiora ex adverso nociva esse. Ab-  
 stineri quoque oportet ab enematum usu,  
 etiamsi alvus ebullitionis et eruptionis tem-  
 pore per plures dies clausa fuerit. Quod  
*venæsectionem* vero attinet, illa apud subiecta  
 adulta valde plethorica multum quandoque  
 si

si initio protinus administretur, ad felicem morbi decursum confert, apud infantes vero nullum locum habet.

\*\*\*\*\*

## C A P. X I.

### VARIOLIS ET MORBILLIS.

---

#### §. I.

**V**ARIOLAE vulgo in *veras* sive *exquisitas* et *nothas* sive *spurias*, & hæc rursus in *sicciores*, *duriusculas*, *acutas* (*Stein-Pocken*, *Spitz-Pocken*), et *halituofo-aquosas* (*Wind- und Wasser-Pocken*), illæ autem in *distinctas*, *confluentes*, *benignas* et *malignas* distinguuntur. Variolæ veræ, quæ semper cum febre magis minusve acuta produnt, sunt pustulæ fervidæ rubicundæ, vel rectius, tubercula rubra urentia, extra cutem, pili circiter disseci magnitudine, prorumpentia, mox suppurantia et in pustulas subrotundas, primum albidas, deinde flavescentes, abeuntia; spuria ex adverso, sicuti ex ipsa pridem denominatione patet, vel duri-

uscula,

uscula, acuminata, leviter inflammata, nec unquam igitur perfecte suppurantia tubercula, vel vesiculas saltim, pise nunc maiores, nunc minores, nunc plane æquales, limpidoque humore, quem ruptæ effundunt, turgidas, sistunt, et cum leviori ut plurimum, et subinde vix notabili febricula erumpunt.

### §. II.

Quatuor distincta decursus tempora in variolis veris, nimirum *tempus ebullitionis, eruptionis, suppurationis et exsiccationis*, notanda veniunt. Tempus ebullitionis, quam plerumque tussicula sicca, tormina ventris, dolores dorsi, cephalalgia, et subinde etiam vomitus et narium hæmorrhagia præcurrunt, usque ad diem quartum protrahitur, eoque durante, febris, vel mitior saltim ac plane benigna, vel acuta gravior, vel deterior maligna, æstu corporis, sensim incremente, pulsu pleno, veloci, simulque interdum tensivo, obstructione alvi, dolore capitis, siti, halitu oris acriusculo et urinoso-putrido, deiectione adpetitus, rubore ac maiori nonnunquam aut minori vultus intumescencia, vigiliis &c. stipata, ægrum adfligit, immo hisce

haud



haud raro, si impuritas copiosa, aut acrior magisque corrupta in sanguine hæret, vel libere atque mature ad cutem exire nescit, deliria pariter, convulsiones epilepticæ, anxietates præcordiales, oppletio pectoris et magna spirandi difficultas, sese comites adiungunt. Die quarto, rarius tertio, stigmata rotunda, rubra ac valde urentia in vultu ac passim quoque in reliquo corpore erumpunt, et hæc intra breve postmodum tempus in tubercula adfurgunt, quæ celeriter suppurando in subrotundas albidasque pustulas mutantur. Continuat hæc eruptio usque ad diem septimum, quo universalis suppuratio incipit, et ulterius ad diem circiter undecimum perdurat. Post diem undecimum pustulæ omnes flavescent ac sensim, aliæ tamen pro maturiori sua aut tardiori eruptione ac suppuratione citius, aliæ tardius, in crustas nigricantes et paullatim postea decidentes, exsiccantur. Die octavo aut nono, quod minime pariter ignorari oportet, alvus, per integrum eruptionis tempus salutariter clausa, sponte ut plurimum ac critica persæpe diarhoea solvitur, quæ corruptam et nonnihil purulentam saburram, in intestinis colle-

ctam,

Etiam, educit, et hac igitur ratione non tantum patienti insigne levamen adfert, sed febrem quoque, die undecimo aut duodecimo haud raro cum novo periculo recurrentem, avertit.

### §. III.

Variolæ in nostris regionibus inter communes ac sæpe funestos infantum morbos militant, et rarius proinde apud adultos nascuntur, in Africa autem, præsertim inter gentes Nigritarum ac Caffrorum, in India orientali, insulis Caribientibus, pluribusque Americæ regionibus maritimis, cuiuscunque ætatis homines invadunt, ac multos creberime extinguunt. Rarius sparsim exoriantur, sed epidemice utplurimum, verno imprimis tempore et sub initium autumnii, grassantur, et alio tempore *benignæ, paucæ, distinctæ*, alio *copiosæ, confluentes, malignæ* sunt. Ratio cæteroquin nondum manifesta est, cur morbus hic adeo communis existat, ut vix hominum centesimius illum effugiat, nec satis quoque patet, cur corrodentia hæc exanthemata faciei imprimis infensa sint. Innotuerunt quidem circa prius momentum  
variæ

variae medicorum opiniones, at harum singularae pro meo iudicio ita comparatae sunt, ut perfectum assensum vix aut ne vix mereantur.

#### §. IV.

Causa variolarum materialis intuitu specificæ suæ indolis exacte quidem determinari nequit, certe tamen certius est, illam plerumque *copiosam*, ac semper *valde acrem* viscido-salinam esse, et proxime etiam in variolis malignis ad *naturam urinoso-putridam* accedere. Delitescit hæc impuritas vel in solo sanguine, vel apud alia subiecta partim in sanguine, partim in prima culina generatur; hinc, præter humido-tepidam aliamque vitiosam aeris constitutionem, addephagia etiam ac iusto frequentior ciborum viscidorum et fermentantium esus, nec minus verminosa in intestinis colluvies, multum ad primos natales, aut ulterius tamen eiusdem augmentum confert. Probabile quoque videtur, nulla prorsus minera variolosa in corpore præexistente, *contagium*, cuius ope variolæ sæpius atque facilius, quam plerique morbi exanthematici reliqui, propagantur, non facile metuendam esse.

## §. V.

Prognosis in nullo propemodum morbo alio magis, quam in varioloso, variat, dum periculi non minus, quam exitus salutaris aut funesti præfagia non tantum ab indole, eruptione ac suppuratione variolarum, sed a bono pariter aut malo symptomatum genio, a regimine diætetico et ab accidentalibus quibusdam circumstantiis aliis dependent. Variolæ enim spurix periculo penitus carent, nec facile etiam vitæ discrimen pertimescendum erit, si variolæ veræ die quarto cum mitioribus ac regularibus symptomatibus prodeant, et tempestive postmodum in pustulas distinctas, eminentiores, ac debite, citra febris auctioris recursum, citra largos sudores, citra retrogressionem, ac citra diarrhoeam torminosam, suppurantes, eleventur. Deteriores ex adverso sunt variolæ confluentes, diffuentes, ac sessiles, et maius quoque minusve vitæ periculum imminere certum est, quando variolæ cum intensiori æstu febrili, delirio et convulsionibus epilepticis eruptionem moliuntur, aut dudum expulsæ cum insequentibus symptomatibus iisdem, vel inflammatione faucium vel

urinæ

urinæ suppressione et diarrhoea vehementi ac valde torminosa spumido-aquosa retrocedunt. Sinistri quoque, immo pessimi iudicii est, quando in variolarum interstitiis petechiæ simul aut exanthemata miliaria in conspectum veniunt, vel areolæ circa pustulas variolarum pallescunt, aut plane nigrescunt, quando in cacumine pustularum foveolæ nascuntur, aut præmature subsidentes pustulæ integræ dehiscunt, ac loco puris stigma sanguineo-nigricans exhibent.

## §. VI.

Medicamentorum, præsertim expellentium multitudo in variolis plus nocet, quam defectus eorum, ac tutius igitur ipsi naturæ pars curæ potior committitur. Teste enim experientia variolæ benignæ, si regimen duntaxat temperate calidum et sufficiens liquidorum modice temperantium ac demulcentium potus accedant, felicissime ordinario ac citra imminentis periculi metum ad finem decurrunt; malignæ ex adverso, adhibitis etiam pharmacis multis ac variis, necem patientibus sæpissime inferunt. Dicta

U u 2

rum



rum usum in hoc morbo plane damnarem, sed parciolem solummodo ac congruam eorum adhibitionem commendo, et nonnulla remedia mitiora, quæ naturam in opere suo blande adiuuant, et mitigandis inprimis aut plane tollendis symptomatibus ominosis inserviunt, omnino proficua fore arbitror. Refero ad illa *decocta subtepida* ex hordeo, avena, rasura cornu cervi, eboris, radice scorzonerae, cichorii, taraxaci, tussilaginis, caricis, ac semine fœniculi, *infusa theiformia* ex thea orientali, herba veronicae, betonicae, teucrii veri, chama dryos nob. melissae et flavedine corticis citri, *potiunculas* ex aqua destill. flor. acaciae, endiviae, cerasorum nigr., cichorii, fœniculi, cinnamomi borraginata, lapidibus cancerorum, conchis pptis, nitro deputato, pauxillo croci orientalis et syrupo acetositis citri, immo interdum, cum maxima tamen apud individua distinctione et circumspeditione, *clysmata, venæsectionem et validiora* quædam *antiputredinosa et expellentia*, tincturam v. g. myrrhæ genuinae aquosam, aquam picis liquidæ a), et cam-

a) Plura de magna huius aquæ in variolis efficacia in GEORGII BERCKLEY Tractatu de

camphoram, oleo amygdalarum dulcium par-  
 va quantitate mixtam, huc referre nullus dubi-  
 to. Remedia diluentia, temperantia atque lenif-  
 sima diaphoretica non tantum initio, sed per  
 totum quoque morbi decursum conducunt,  
 quoniam expellendam materiam exanthema-  
 ticam præparant, viasque referant, et trans-  
 lationem impuritatis ad cutem blande pro-  
 movent. Clysmata, ex lacte, aut sero lactis,  
 aut radicibus, herbis ac floribus emollienti-  
 bus parata, et imminente demum morbo va-  
 rioloso, aut initio ebullitionis febrilis iniecta,  
 saburram corruptam ex intestinis crassis edu-  
 cunt, et aliquam igitur fomitis, in prima cu-  
 lina latitantis, partem subtrahunt: Venæ-  
 sectio apud adultiora tantum subiecta, eaque  
 valde plethorica, locum invenit, ac multum,  
 si, natura nempe nullam adhuc exanthema-  
 tum eruptionem moliente, adeoque sub pri-  
 ma statim febris accessione administretur, ad  
 futuræ inflammationis in cute æstusque præ-  
 sentis insolentiam minuendam, ad faciliorem

U u 3 vario-

*Aqua picis liquidæ, ex lingua Anglicana sub ti-  
 tulo George Berkeleyys Nachricht von Theerwasser  
 in vernaculam nostram translato, videri pos-  
 sunt.*

variolarum expulsionem, atque avertendas faucium ac viscerum inflammationes confert a), et potentiora tandem expellentia, minori tamen dosi, parcius, et cum subiunctis diluentibus tepidis exhibita, necessaria inveniuntur, quando natura nimis languida atque debilitata variolas, decenti licet præparatione prægressa, vel plane non, vel iusto tamen tempore ad cutem extrudere nequit.

### §. VII.

Auxiliis chirurgico - pharmaceuticis, quæ hætenus enarravi, quæque communibus maxime indicationibus curativis dicata sunt, illa etiam, quæ periculosioribus symptomatibus, faucium scilicet inflammationi, convulsionibus, tum primam eruptionem variolarum antecedentibus ac comitantibus, tum retrocessionem earum sequentibus, nec minus vehementioribus ventris torminibus et diarrhoeæ exorbitanti atque incongruæ specialius.

- a) Conferri hoc loco merentur, quæ de utilitate ac necessitate huius remedii in celebr. TRALLERII *Tractatu ger. vom Blutlaßen in Blattern*, nec minus in *Satyris Medicorum Silesiacorum* dicta sunt.

cialius medentur, aut oculorum læsiones avertunt, aut alvum iusto diutius adstrictam solvunt, subinde iungenda veniunt. Contra imminentem nimirum aut iam præsentem faucium inflammationem *diaclysmata*, *gargarismata*, *injectiones* et *linimenta*, ex iusculis avenaceis, cum caricis decoctis, aut pauxillo olei amygdalarum dulc. recentissimi et nitri pulverisati remixtis, vel etiam ex decocto hordei atque ficuum, additoque postmodum syrupo mororum aut rubi idæi &c. paranda, in usum trahi debent. Convulsiones remediis plane peculiaribus sedari nequeunt, sed antea commendata pharmaca interna, quæ acriorem impuritatem exanthematicam temperant, et maturam inprimis eiusdem expulsionem ad cutem adiuvant, ulterius exhibenda erunt. Oculis adhuc apertis *extersio, identidem repetita*, cum spongia molli, liquore, ex lacte muliebri aut vaccino recenti, aqua rosarum et tinctura croci aquosa mixto, nonnihil imprægnata, interdum opitulatur, clausis vero nihil prorsus ad moveri, tutissimum est. Alvus iusto diutius obstructa optime *blanda enemate emolliente* et subinde etiam, ad finem nempe variola-

rum maturatione decurrente, et sic dicta febre secundaria sub exsiccationis initio superueniente, *laxante mitiori* ex solo rhabarbaro, aut hoc et mercurio dulci rite præparato recluditur, et contra ventris denique tormenta, vehementiori aut plane intempestiva diarrhoea plerumque stipata, *essentia theriacalis*, vel per se dosi minori exhibita, vel potiunculis temperantibus addita, optatum quandoque auxilium adfert.

#### §. VIII.

Expositæ hætenus variolarum curationi nunc multa pariter de *Transplantatione* illarum *vulgaris* et plura adhuc de notissima hodie et in Anglia imprimis celebratissima earundem *Infectione* sive *Inoculatione* subiungere possem; verum enim vero, quam numerosissima pridem schediasmata, dissertationes atque tractatus, in quibus operatio posterior quoad variam administrandi methodum aliaque circa eam scitu necessaria uberime descripta est, in lucem prodierint, de utraque memet hoc loco pauca tantum afferre consultius duco. Transplantatio vulgaris *Emtionis* nomen habet, et ita peragitur: Paren-  
tes



tes obulos quosdam minores probe lotos  
 pustulis ægri cuiusdam, variolis distinctis at-  
 que benignis correpti, imponunt, et aliquam-  
 diu, ut madore purulento, vel activo ad mi-  
 nimum halitu inficiantur, super illas relin-  
 quunt, deinde pueri sani brachio aut pedi,  
 pectori et aliis locis alligant, ut fermentum  
 volatile variolosum venas bibulas subeat, sen-  
 simque humoribus misceatur. Successus  
 non semper quidem exspectationi respondet,  
 persæpe tamen variolæ paucæ atque beni-  
 gnæ cum micioribus symptomatibus prod-  
 eunt. Infitio sive inoculatio, strictius sic dicta,  
 non tantum apud infantes, sed etiam apud  
 adultos iuniores, qui a morbo varioloso pe-  
 nitus in infantia sua ac puericia immunes fue-  
 runt, locum invenit, apud infantes tamen  
 nunquam tempore lactationis, nec ante ab-  
 solutam quoque dentitionem, sed, superato  
 demum quarto ætatis anno, suscipi debet.  
 Necesse præterea est, ut infantes æque at-  
 que adulti, sustinendæ variolarum transplan-  
 tationi destinati, ante ipsam infitionem per-  
 fecte sani ac vegeti existant, ut victu tenui  
 aliquamdiu ac simplici, ex vegetabili magis,  
 quam animali regno desumendo, utantur, et

bis ad minimum leni cathartico, infuso v. g. aquoso ex manna et rhabarbaro, vel ex manna ac foliis sennæ purgentur, ne præsens forsan in prima culina impuritatum colluvies pravis postmodum symptomatibus occasionem præbeat: Immo venæsectio apud adultiores ac valde plethoricos, die ultimo aut penultimo ante inoculationem administrata, ut plurimum utilissima, quin plane nonnunquam necessaria, reperitur. Præmissa hac corporis præparatione, ipsa insitio secundum *Domini RANBY* descriptionem *a)*, sequenti modo, qui mihi optimus videtur, instituitur: Primo nimirum apud ægrum, variolis benignis laborantem, circa decimum circiter aut undecimum morbi diem, pustula bene matura, in brachio inprimis aut femore nata, aperitur, et filum crassiusculum ex linteo carpto contortum, effluente materia purulenta probe imbuitur. Filum hoc in pyxide, optime claudenda, ad variolarum candidatum deferitur, et frustum eius proportionatum levissimo cutis vulnuscule, pollicaris

*a)* Vid. *Allgemeines Magazin der Natur, Kunst und Wissenschaften*, achter Theil p. 360. sequ.

ris circiter longitudinis, in utroque brachio, et eo quidem in loco, ubi fonticuli excitari solent, cum lanceola facto, immittitur; quo facto, turunda ex linteo carpto, circum circa emplastro quodam digestivo obducta, filo superimponitur, et hæc rursus vulgari emplastro et circumvoluto linteamine contegitur. Relinquuntur hæc per quatuordecim circiter horas, deinde filum pure imprægnatum removetur, et prædicta saltim turunda et emplastrum, quæ quotidie tamen renovanda sunt, ulterius adplicantur. Peracta insitione, præter identidem exhibitum pulverem e lapidibus cancrorum, vel ex hisce et pauxillo nitri depurati, tum ante, tum post eruptionem variolarum, quæ, teste Autore laudato, plerumque circa diem septimum accidit, nulla amplius remedia alia necessaria sunt, sed præcipuum negotium, observata tamen supra dudum commendata diæta tenui ac simplici, naturæ committendum, et alvus solummodo adstricta leni interdum clysmate aperienda est; quemadmodum plura de hisce et reliquis, ad inoculationis actum spectantibus, loco allegato, et in aliis quoque scriptis,

ptis, de variolarum insitione seorsim editis, videnda sunt.

§. IX.

Cum variolis MORBILLI quoad multa conveniunt, quoad alia quædam magis minusve ab iisdem differunt. Exanthemata enim maculosa, quæ expelluntur ad cutem, non abeunt in suppurationem, nec quatuor etiam hic morbus, sed tria saltem decursus tempora, tempus nimirum ebullitionis, eruptionis et exhalationis sive exsiccationis habet. Tempore ebullitionis, quod itidem ad quartum usque diem extenditur, eadem, paullo tamen ut plurimum mitiora, symptomata, quæ instante variolarum eruptione observantur, continuus nempe sensimque increscens æstus febrilis, dolor capitis gravativus, tussicula sicca, inappetentia ciborum, sitis, obstructio alvi, aut diarrhoea, vomitus, oppletio pectoris cum respiratione impeditiori, perpetua, inanis tamen, ad somnum propensio, gravitas oculorum cum aliqua palpebrarum intumescencia, et acris hæud raro humoris ex oculis atque naribus stillicidio &c., patientem excruciant. Die quarto, quinto, sexto,

sexto, ad septimum usque, maculae rubrae, planae, perexilis latiores, et super cutis superficiem paullulum eminentes, in vultu, manibus, pectore, ac reliquo corpore erumpunt, et symptomata praedicta, rite videlicet atque complete expulsionis actu succedente, partim cessant, partim mitescunt. Maculae haec non adeo diu in cute persistunt, sed post diem sextum invisibilis exhalationis beneficio paulatim cum aliquo pruritu exarescunt, ita ut plerumque die octavo in facie, nono in reliquis corporis partibus, penitus dispereant. Absoluta humoris acris subtilis etque volatilis exhalatione et exsiccatione, sub qua, aequae ac in variolis, persaepe feris, tussis, spirandi difficultas, &c., nonnihil rursus augentur, cuticula siccescit peritus, et furfuracea desquamatio scenam feliciter claudit.


#### §. X.

Morbilli ad contagiosos quoque et lenniores pariter infantum morbos spectant, variolis tamen, si rite tractentur, minus ut plurimum periculosi sunt; ut plurimum, inquam: Non semper enim sporadicique benigni existunt, sed interdum quoque,



que, præsertim si epidemice grassantur, maligni deprehenduntur, ac multos extinguunt. Aegre ordinario hi posteriores ad cures prodeunt, vel expulsi facile iterum ad interiora recedunt, et, præter varia alia symptomata gravia, vehementes plerumque anxietates præcordiales, spirandi difficultatem, magnam virium prostrationem et intemperantiam fortemque diarrhoeam comites adducunt. Discriminis ratio in discrepante causæ materialis indole quærenda est: quippe quæ in morbillis benignis lymphæ magis quam cruori immersa hæret, et *subtili* tantum *acredine* peccat, in malignis vero cruorem pariter valde inquinat, nec *acris* saltem sed simul quoque *putridula* esse videtur. De curatione multa rursus subiungere supervacuum duco, quoniam a variolarum medeliquoad indicationes potiores et remedia minime recedit.





## CAP. XII.

DE

## SVDORE ANGLICANO.

## §. I.

**S**VDOR ANGLICANVS sive *Anglicus*, alias etiam *Febris pestilentialis contagiosa unius diei*, itemque *Ephamera maligna* dictus, est febris acutissima, summe maligna, valde contagiosa, ipsi pesti quoad sævitiem quidem pessimumque genium analoga, sine carbunculorum tamen, bubonum aliorumque exanthematum eruptione, intra tempus brevissimum, cum continuo ac vehementi sudore, ad finem, sæpius exitialem, quam salutarem, decurrens.

## §. II.

In Anglia terribilis hic morbus anno 1483., vel, uti alii referunt, 1485. primum exortus est, et quinque postmodum aliis vicibus, interiectis tamen plurium annorum intervallis, æstivo ut plurimum tempore, rediit.

diit, tantamque hominum stragem, præsertim anno 1517., effecit, ut in pagis oppidisque quamplurimis, quæ intravit, tertia, immo dimidia, incolarum pars extincta fuerit. Transiit quoque aliquoties ex Anglia in Belgii, Galliae et Germaniae partem, ob paullo minorem tamen atrocitatem in regionibus hisce pauciores homines, quam in Anglia, trucidavit. Notatu præterea dignum est, vitæ lautioris et iuvenilis ac vegetæ ætatis virilis homines hoc morbo præcipue correptos fuisse, infantes ex adverso, senes ac pauperes in eundem rarius incidisse.

### §. III.

Sudor, qui subinde tamen magis halituosus, quam aquosusprehenditur, cum ipsa statim febre incipit, et citra ullam quoque intermissionem ad morbi finem usque perdurat: Non solus cæteroquein accedit, sed varia gravia et maligna pathemata, ingens videlicet et subitaneus virium lapsus, insignes anxietates præcordiales, cardiogramos, palpitatio cordis maxima, respiratio velox et anhelosa, dolor capitis, delirium, calor exurens internus, sius inexplabilis, præcep-

præceps et magna virium deiectio, propensio ad lipothymias et summus animi languor eum comitantur. Pulsus, æque ac in reliquis febribus malignis, celer, debilis et inæqualis est, alvus obstructione laborat, nec quicquam pariter urinæ, sudatione perseverante, excernitur.

#### §. IV.

Paucissimi, hoc morbo prehensi, sicuti in limine pridem dictum fuit, evadunt, et totus quoque morbus, qui pro mea sententia a *subtili, mobilissimo, penetrante ac dissolvente sale urinoso* oritur, nunquam ultra diem tertium protrahitur, sed plerumque intra viginti quatuor horas, immo interdum, post paucas horas, præsertim si ægri impatientes aeris frigidiusculi admissione, aut aliqua corporis denudatione eruptionem sudoris, quo pene nonnunquam diffluunt, nonnihil saltem sufflaminant, necem infert. Nam sudor, licet enormis sit, viresque celeriter absumat, criticus existit, nec supprimendus itaque, sed externo potius regimine, et ipsis quandoque *diaphoreticis lenioribus*, quibus ad vires conservandas parcior usus *confortantium*, conse-

Etionis v. g. alkermes, aquæ cinnamomi borraginatae, aut melissæ, pauxillo succi granorum chermes remixtæ, vini generosi &c., interponi debet, promovendus est. „Post ægro-  
 „tantium, IO. ALLEN, *præeuntibus aliis,*  
 „*scribit a)*, plurima experimenta et obser-  
 „vationes, a iuvantibus et lædentibus factas,  
 „ita usu venit, ut remedium unicuique prom-  
 „tissimum inventum sit, quod huiusmodi est.  
 „Si quis interdiu sudore corripitur, cum  
 „vestitu protinus cubatum eat; si nocte, tum  
 „quiescat, nec se a loco moveat usque ad 24  
 „horas exactas; interim ita se stragulis one-  
 „ret, quo non provocetur sudor, sed sua  
 „sponte molliter stillet, cibi nihil capiat, si  
 „tamdiu famem tolerare possit; neque plus  
 „portionis consuetæ, ac calefactæ hauriat,  
 „quam modice satis sit ad sitim extinguen-  
 „dam; inter hanc curationem imprimis ca-  
 „veat, ne manum quidem aut pedem suum re-  
 „frigerandi recreandique causa extra stragula  
 „proferat, quod facere lethale est. Ad-  
 „dunt alii, toto isto nycthemeri spatio a som-  
 „no prorsus abstinendum esse.

CAP.

a) *Lib. sapius citato p. m. 84.*



## CAP. XIII.

DE

## PESTE.

## §. I.

**P**ESTIS est febrium malignarum pessima et adeo insuper contagiosa, ut mediante agilissimo halitu virulento non tantum sub arctiori cum infectis consuetudine in corpora sana, absque ætatis, sexus, temperamenti ac vitæ generis discrimine, transeat, sed per vestes quoque ac merces, præsertim pilosas, per utensilia, aliaque, quæ halitum memoratum in poros suos receperunt *a*), ad loca dissita gentesque valde interdum remotas propagetur, et subito sæpius adventum suum communi invasione ac plerorumque correptorum interneccione prodat.

X x 2

§. II.

- a) Exempla singularia in BOYLEI *Tract. de Mira effluviornm efficacia* et in pluribus aliis scriptis videri possunt.

## §. II.

Symptomata huius morbi exitialis merito in *communis*, h. e., in aliis quoque morbis febrilibus sæpissime obvia, et *propria*, soli pesti necessario foedere iuncta, dividenda sunt. Ad illa, præter consueta febrium malignarum pathemata, repentinam scilicet maximamque virium prostrationem, languorem animi atque deiectionem ingentem, insignes anxietates præcordiales, ac pulsus velocem quidem, ast valde simul debilem, multa adhuc alia, quæ in eodem tamen subiecto rarissime, vel rectius nunquam, coniunctim adsunt, cephalalgia nimirum, vertigo, vigiliæ, delirium phreniticum, aut levior saltim mentis aberratio, lapsus memoriæ, visus turbulentus, palpitatio et angor cordis, respiratio laboriosa, siccitas linguæ, vomitus, singultus, diarrhoea, immo dysenteria, hæmorrhagia narium, mictus cruentus, sputum cruentum, eruptio fluxus menstrui, dolores hypochondriorum, lumborum, aliarumve partium, æstus corporis, plerumque mitis, rarius intensior, sitis, nunc magna, nunc modica, nunc plane nulla, animi deliquia, inflammatio faucium anginodes, urina, modo tenuis, aquosa

bis ac

ac paullulum turbida, instar urinæ iumentorum, modo sanorum urinæ simillima &c. referri possunt: Ad hæc autem, propria videlicet, *anthraces* sive carbunculi, *bubones*, *parotides* ac *vibices* spectant. Subinde quidem petechiæ simul prodeunt, ast signis pestis characteristicis sive pathognomonicis accenseri nequeunt, sed prædicti tantum carbones et gangrænosi aut gangrænoso-sphacelosi glandularum tumores, licet interdum ob maximam naturæ succumbentis imbecillitatem non extrudantur, veræ pestilentiae indices ac testes sunt a).

X x 3

§. III.

- a) „Quemadmodum, RICHARDVS READ in  
 „Oper. med. Tom. II. Diff. de peste p. 4. inquit,  
 „in variolis pustulis in cute excitatis corpus exo-  
 „neratur, ita in peste noxii humores aut in tu-  
 „mores glandularum eiciuntur, in parotides bu-  
 „bones similesque, aut in carbunculos in quacun-  
 „que corporis parte pronatos. Hæc adeo hu-  
 „ius morbi specifica signa certa sunt, ut alte-  
 „rutrum semper adsit: nisi forte, nimis mali-  
 „gnus morbus cum est, aut nimis fractæ vires,  
 „æger ante occumbit, quam tempus est talis de-  
 „positionis, nempe morbida materia, quæ  
 „emittenda per tumores externos erat, in cor-  
 „reptis visceribus gangrænas excitante. Hinc

## §. III.

*Anthrax, carbunculus, carbo* est furunculus summe malignus, valde durus, ex atro rubens ac lividus, qui dolorem acerbissimum ac prunæ instar urentem excitat, nec unquam in peste ad salutarem suppurationem, sed citissime potius in gangrænam et sphacellosam corruptionem tendit. Multis plerumque vesiculis parvis, igneis, acerrimisque obsitus cernitur, immo interdum totus unica vesica magna tegitur. In quacunque corporis parte emergit, semper tamen deterior est, qui in parte tendinea, quam musculosa, nascitur. Cum carbunculis sic dictæ *Vibices*, in partibus ut plurimum musculosis erumpentes, quoad duritiem, colorem, ardorem, dolorem et maximam citissimamque ad necrosin inclinationem conveniunt, ac sola tantum forma oblonga et paullo minori pariter ele-

„fit, ut utique contingat, neque tumores glan-  
 „dularum, neque carbones apparere; quemad-  
 „modum mala interdum variolarum species, te-  
 „neris in corporibus, ante eruptionem pustula-  
 „rum fatum concitat, aut *diarrhoea*, aut *hemor-*  
 „*rhagia*, aut alio malo eorum, quæ solet supe-  
 „rans malignitas inducere, &c.

elevatione distinctæ inveniuntur: Quod *Parotides* vero atque *Bubones* attinet, illi duros, summe dolorosos, pessimosque tumores glandularum parotidum, inguinalium et subaxillarium inflammatorios sistunt, qui subinde, æque ac præcedentes carbunculi ac vibices, in gangrænam ac sphacelum, subinde autem in suppurationem ulcerosam, quam, facta apertura, ichoris acerrimi effluxus sequitur, abeunt. Paucis cæteroquin adhuc venit notandum, tumores glandularum inguinalium proprie, subaxillarium vero saltem improprie et abusive bubones appellari.

#### §. IV.

Quanquam pestis, considerata simultaneousa, promiscua, atque veloci multorum hominum invasione, ad epidemios morbos iure referenda sit, nunquam tamen, quod collectæ medicorum observationes abunde confirmant, in regionibus Europæis, ut alii morbi epidemii, ex communi aeris, potus, aut esculentorum vitio oritur, multo minus metum graviolem, penitus scilicet absente contagio, in censum causarum eius accersere licet, sed unice illa ex Africa, et frequentius



quidem ex Aegypto et Aethiopia, venit, et aliorum per *contagium* identidem translata, facile postmodum, neglecta inprimis tempestiva, congrua et publica prophylaxi, ulterius serpit, et ab homine ad hominem, ab urbe ad urbem progreditur. Volentibus interim libentissime largiar, *pravam aeris constitutionem*, et *corruptam alimentorum qualitatem*, immo *terrorem* ac *metam maiorem* in nostris quoque regionibus non tantum ad *miasma pestilentielle* aliunde adductum facilius recipiendum et exaltandum, sed ad exitialem quoque hanc luem latius ac citius diffundendam multum conferre. Notum enim est, pestem, hyeme sicca ac gelida adventante, utplurimum a saevitie sua paullulum remittere, vere autem humido atque subcalido redeunte, magis rursus exacerbari: Docuit etiam frequens observatio, homines plethoricos et meticulosos peste facilius plerumque, quam fortis atque intrepidi animi subiecta, corripì.

## §. V.

Virulentissimum fermentum pestilentielle, quod sese ex aere inquinato in sanorum

rum corpora invisibili inprimis inhalatione et inspiratione insinuat, vel subinde etiam cum deglutita saliva, cui facile adhærescit, ingreditur, totamque postea systasin ac mixtionem sanguinis, lymphæ et fluidi nervei intra tempus brevissimum penitus corrumpit, *subtile admodum, mobilissimum, volatile, penetrans, acerrimum putridumve oleoso-urinofum* est; et in Aegypto, Aethiopia et aliis quibusdam Africæ tractibus, ubi pestis endemia reperitur, et per intervalla igitur mitescere paullulum, et atrocius rursus sævire consuevit, partim ingenti intemperiei aeris calidæ ac humidæ, partim copiosis corporum putrescentium exhalationibus, sub tanto aeris fervore ad summam subtilitatem et causticam prorsus acrimoniam perductis, genesin suam debet; quemadmodum RICHARDVS MEAD egregie hæc omnia sequentibus, quæ integra igitur, non obstante prolixitate, huc transferre consultum duxi, exposuit: „Postquam, *inquit a)*, ostendi, hunc morbum specie ab aliis omnibus distingui, et „originem ex sola *Africa* trahere; proximo  
X x 5 „loco

a) L. c. p. 22. sequ.

„loco dispicienda est caussa, cur hæc sola  
 „regio, non item aliæ, hoc malo fertilis sit.  
 „Itaque considerata sunt, quæ sibi propria  
 „hæc regio habet, ea enim probabiliter cre-  
 „di possunt idonea producendo morbo.  
 „Quare breviter, quantum ad scopum meum  
 „opus est, narrabo, quis status sit urbis *Grand*  
 „*Cairo* in *Egypto* et *Aethiopia*, magnorum  
 „pestis seminariorum, narrant enim peregri-  
 „natores, magis, quam reliquam *Africam*,  
 „has duas regiones infestari. *Grand Cairo*  
 „urbs abundat vasto incolarum numero,  
 „quorum longe maxima pars pauperes for-  
 „didam vitam agunt; plateæ angustæ sunt:  
 „posita est in arenosa planitie ad radicem  
 „montis, qui cum ventos detineat aerem  
 „temperaturos, huius suffocans est calor.  
 „Mediam transit magnus *canalis*, quem ex-  
 „undans *Nilus* aquis suis replet, paullatim  
 „deinde, decrescente amne siccandum. Huc  
 „omnes omnia sordium genera, cadavera,  
 „&c. coniiciunt, unde ortus foetor, et limus  
 „modis non ferendis offendunt a). Quæ  
 „cum ita sint, constanter omnibus annis pestis  
 „incolas

a) Vid. le Brun Voyage au Levant c. 38.

„invadit, non ante compescenda, quam exun-  
 „dantes *Nili* aquæ fordium hos cumulos  
 „eluunt, adiuvantibus etiam ventis frigidio-  
 „ribus eodem tempore spirare solitis, quibus  
 „aer purus redditur. In *Aethiopia* immensa  
 „illa *Locustarum* agmina, quæ interdum fa-  
 „mem producunt, consumtis omnibus fru-  
 „ctibus, nisi a ventis omnes in mare aspor-  
 „tentur, novam regioni calamitatem indu-  
 „cere observantur mortui putrescentes, *peste*  
 „incensa a); putredinem enim auget enor-  
 „mis *intemperies cæli* harum regionum, quas  
 „certo anni tempore violentissimæ *pluviae*  
 „per tres aut quatuor continuos menses in-  
 „undant b). Sigillatim observatum lego,  
 „tum solere impetum *pestem* facere, cum in  
 „fervidos *Iulii et Augusti c)* calores *pluviae*  
 „incidunt, sive *Lucretii* verbis cum terra est

*Intempestivis pluviisque et solibus ista d).*

„Com-

a) V. Ludolf *Hist. Aethiop.* L. I. c. 13. et D.  
*August. de Civ. Dei* L. III. c. ult.

b) V. Ludolf *Hist. Aethiop.* L. I. c. 5. et *Com-*  
*ment.*

c) I. Leo *Hist. Afric.* L. I.

d) *Ibid.* L. VI. v. 1100.

„Comparantem porro hanc de *intemperie*  
„*cæli Aethiopici* observationem, cum medi-  
„corum *Arabicorum* a) in vicinia istarum  
„regionum viventium effato, induci *pestem*  
„*intempestivis humoribus*, caloribus cum ven-  
„tis nullis, crediderim, plene edoceri caus-  
„sam huius morbi. Equidem ex collatis  
„omnibus his observationibus colligo, oriri  
„a perpetuo in his regionibus *putredinis* fo-  
„mite, auctæ pravo aeris statu, quem de-  
„scripsi, maxime a putrescentibus animalium  
„partibus. Manifestum est, facile anima-  
„lium partes mutari in aptissimum huius  
„morbi fomitem, quod in unoquoque ægro  
„videri potest, eius enim omnes humores  
„corrupti *inficiunt* alios. Probabile est, in  
„statum his humoribus similem converti pu-  
„tredine, et mala tempestate, in fervida ca-  
„loribus *Africa* posse volatiles partes, qui-  
„bus animalia abundant: nam etiam sub  
„frigidiorē nostro cælo videre eas est *acri-*  
„*monia* maiori præditas, quam plerumque  
„est putrescentium corporum, maiusque pe-  
„riculum positis intra sphaeram suarum vi-  
„rium

a) Rhas. et Avicenna.



rium intentare; quemadmodum in pernicioſa iſta et prope venenata ſanie corruptorum cadaverum, quorum alio loco exemplum memoratu digniſſimum dedi a), et dare plurima poſſem, maxime corporum *hydropicorum* et *tumorum cancroſorum*. Immo etiam periculofos morbos videmus noſtro ſub *ſeptentrione* natos a putredine animali, etſi malignitate veræ *peſtis* cedentes; ſæpe enim tales febres oriuntur locis, in quæ magna hominum vis arcte compellitur, quemadmodum in urbium *obſidionibus*, *carceribus* et *caſtris* &c.

## §. VI.

Prognofin fuſius hoc loco attingere ſupervacaneum iudico, quoniam abunde pridem ex antecedentibus conſtat, peſtem non tantum morbum ſæviffimum eſſe, et correptorum quamplurimos trucidare, ſed velociſſimo etiam curſu ad finem tendere, ac morituros itaque ordinario intra dies pauciſſimos, immo ſæpius intra diem aut noctem extingui. Sudores largi initio ſtatim, iun-

Sta

a) *Expoſ. Vener.*

Et inprimis alvi suppressione, supervenientes, nec minus bubones aut carbunculi tempestive atque perfecte erumpentes, morbum hunc subinde feliciter solvunt: Non credendum tamen, ægrum bubone aut carbunculo exorto, in certissimæ pridem securitatis portu esse, dum eventus a bona aut mala bubonis et carbunculi indole dependet. Nam si carbunculus ab integro, pure inter utrumque moto, separatur, et bubo pariter ad suppurationem venit, vitæ ulterius protrahendæ spes adest; sin gangrænosi autem hi tumores post genesin suam cito emoriuntur, et putredo deinde celeriter ad partes circumiacentes atque subiectas proserpit, patiens certissime moritur. Parum quoque boni magna virium prostratio in principio morbi, animi deliquia, sopores, sternutationes, delirium, hæmorrhagia narium, sputum cruentum, motus membrorum tremulus, palpitatio cordis, raucedo, dolor in gutture, anhelitus foetens, vomitus, diarrhoea, et urina discolor portendunt, immo angina, pleuritis, peripnevmonia, excretio sanguinis per alvum aut urinæ vias, fluxus menstruus, maculae petechiales lividae,

vidae, et pulsus intermittens aegrum certo pariter interitum indicant.

## §. VII.

Medicamentorum multiplex farrago contra vim pestis nihil valet; hinc, reiecta prorsus venæsectione, reiectis vomitoriis et catharticis, pauca potius, eaque selecta et heroica, *antiputredinosa*, *sûdorifera* et *bezoardica*, in usum trahi, præstat. Prætermittendo multa, quæ vulgo laudantur, et præ reliquis saltim *acidula* quædam, limonadas v. g., ex succo citri, aut limoniorum, aqua simpliciter et saccharo paratas, acetum porro rutaceum, calendulatum, bezoardicum, et prophylacticum, aqua pariter magis minusve dilutum, spiritum aceti, potiunculis miscendum, et spiritum salis dulcem, nec minus ex *balsamicorum* et *bezoardicorum* classe essentiam cecini, angelicæ, serpentariæ Virginianæ, scordii, myrrhæ, theriacalem, camphoram, sulphur antimonii auratum tertiæ præc., theriacam commendabo, quoniam eximia eorum virtus frequenti dudum usu abunde comprobata fuit. Multum quoque *suffumigari*, sæpius tamen die nocteque reiteranda, ex

ex sacharo, succino, gummi iuniperi, elemi, anime, lacca, baccis iuniperi, floribus siccis lavendulæ &c. profunt, nec interdum *vesicatoria* etiam sua laude defraudanda erunt. Quo exorti pariter ac nondum emortui carbunculi et glandularum colli, aut parotidum, aut subaxillarium aut inguinalium tumores inflammatorii ad salutarem, si fieri potest, suppurationem deducantur, congrua quædam medicamina *emollientia* ac *maturantia* adplicari debent; cuius census v. g. sunt epithemata et cataplasmata ex caricis, cæpis sub cineribus assatis, allio, radice althææ, floribus sambuci, farina seminis lini, fœni Græci, melle, theriaca Andromachi &c., nec non emplastra, v. g. diachylon simplex et cum gummatibus, oxycroceum, de galbano crocatum M Y N S., de gummi ammoniaco, magneticum ANGLI SALAE et similia. Notari tamen adhuc oportet, bubones, præsertim prope aures et in collo, melius ordinaria *emollientia*, quam potentiora *maturantia* et *attrahentia*, perferre, et tempestive etiam pure genito incidendos esse, ut materia acerrima debite effluere queat.

## §. VIII.

Cura medicorum tempore pestis non tantum ad sanandos dudum infectos, sed etiam ad sanos præservandos, et ulteriorem atrocissimi huius morbi propagationem avertendam dirigi debet. Plurimum autem, præter *tempestivam* atque *prudentem* *infectorum*, *susceptorum* ac *sanorum separationem*, de qua sæpe laudatus RICHARDVS MEAD præ reliquis legi meretur *a)*, ad obtinendum hunc scopum 1) *bona diæta*, 2) *masficatoria* ex rad. angelicæ, serpentariæ Virg., flavedine corticis citri, cinnamomi, myrrha genuina &c., 3) *crebriora suffragigia* ex speciebus antea allegatis, 4) *usus moderatus fumi tabaci*, 5) *amuleta* ex camphora et fragrantibus aromaticis, et 6) *parcior per intervalla* aceti prophylactici, theriacæ, aut alterius medicamenti alexipharmaci *adsumentio* faciunt, præsertim si aer frequentius simul venietur, et decens in vestitu, cubiculo et ordinario habitationis loco mundities accedat.

CAP.

a) L. 2.





## C A P. X I V.

DE

## FEBRIBVS LENTIS ET HECTICIS.

## §. I.

**F**EBRES LENTAE et HECTICAE sunt febres continuæ diuturnæ, sæpius symptomatice, quam essentielles, solo duntaxat vehementiæ gradu ab invicem distinctæ. In hecticis enim æstus præternaturalis atque exurens vehementior est, minusque remittens, cum maiori pulsus celeritate, tempore nocturno sudores pingues colliquativi erumpunt, urina valde rubra, cui persæpe guttulæ oleosæ aut pinguis cuticulæ frustula innatant, excernitur, nutritio corporis plane cessat, et vires proinde carnesque intra modicum temporis spatium adeo consumuntur, ut æger vix amplius ossibus hæreat, et totum corpus eius sceletum simillimum evadat; in lentis vero æstus multo remissior est, magisque, per incerta tamen intervalla, mitescit, debilitantes sudores nocturni vel prorsus

prorsus absunt, vel rarius tamen superveniunt, nec adeo præterea pingues, quam præcedentes perfecte colliquativi, reperiuntur, in urina rubicunda nihil oleosi cernitur, corpus, adpetitu non penitus deiecto, aliqua adhuc nutritione fruitur, nec vires igitur habitusque carnosus tam cito ac sensibilibiter, sed tardius, decrescunt. Frequenti cæteroquin ac fere quotidiana observatione comprobatur, febres lentas, nisi tempestitiva ac congrua medela feratur, facillime in hæcticas degenerare.

## §. II.

Aëstus præternaturalis, quod minime pariter ignorari oportet, in lentis non minus quam hæcticis febribus post pastum inprimis et circa vesperam sensibilibiora sua incrementa habet, et in facie maxime ac volis manuum percipitur, unde etiam fit, ut eo tempore genæ ac totus quandoque vultus fallaci rubore suffundantur. Adpetitus esculentorum vagus est, ac modo viget, modo languet, modo, præsertim in hæctica, plane prostermitur, sitis vero naturali ac regulari ut plurimum fortior est. Alvus nunc segnitie et

siccitate, quin perfecta interdum obstructio-  
ne laborat, nunc autem lubrica est, et apud  
hecticos consummatos plerumque etiam exi-  
tiales diarrhoeæ colliquativæ superveniunt.  
Somnus interdum bonus esse videtur, parum  
tamen patientem recreat, interdum vero de-  
ficit, aut turbulentus est. Animus magis  
paullatim magisque irrequietus redditur, et  
magna imprimis in eo proclivitas ad iracun-  
diam oritur. Symptomatibus hisce ac præ-  
cedentibus sese pro causarum ac partis præ-  
cipue affectæ diversitate plura adhuc alia pa-  
themata, et frequentius quidem, exulceratio-  
ne scilicet pulmonum præsentē, tussis fere  
continua ulcerosa, atque insignis et quotidie  
propemodum increscens respirandi difficul-  
tas, vel etiam, præcipua nimirum morbi caus-  
sa in ventre infimo eiusdemque visceribus  
latitante, abdominis intumescencia atque  
durities comites adiungunt.

### §. III.

Creberrime quidem febres lentæ et  
hecticæ colliquativæ, præsertim posteriores,  
a *pulmonum*, aut *iecoris*, *lienis*, *renum*, *vesicæ*,  
aut *alterius partis internæ nobilioris exulce-*  
*ratione*,

*ratione, et continuo exinde materiae saniosae ad sanguinem affluxu oriuntur, haud raro nihilominus refractarias pariter viscerum memoratorum, vel pancreatis, vasorum lacteorum et glandularum meseraicarum obstructions, nec minus scorbutum inveteratum, luem veneream et praemature in ea cohibitam salivationem, ruptas vomicas pulmonum, empyema pectoris, cancrum clausum et apertum mammarum aliarumque partium, lepram, scabiem retroactam, imminentem aut rursus turbatam plicam Polonicam, spinam ventosam, hydropem pectoris et abdominis varium, nec non fluorem album, diarrhoeas criticas, aut febres intermittentes intempestive suppressas, et adsumta venena saturnina causas agnoscunt, immo interdum coeliacæ diuturnæ, hæmorrhagiis immodicis, lactationi infantum crebriori nimiumque protractæ, excessibus venereis &c. succedunt: Vnde protinus etiam ac clare unumquemque cogniturum spero, in febribus hisce non semper alimenti necessarii defectum, vel magnam seri contemperantis penuriam, et ulcerosam, aut valde tamen acrem, subtilem ac dissolventem impuritatem salino-inflammabilem, tum*

massæ humorum universæ altius immersam, tum nervis hinc inde tenacissime adhærentem atque infixam, totam ætiologiam absolvere, sed apud diversos huius census ægro-  
tantes ad plures atque distinctas causas, tam proximas, quam paullo remotiores, sedulo respiciendum esse.

#### §. IV.

Perfectæ febres hæcticæ nunquam, lentæ autem subinde curantur, generalis tamen prognosis circa has posteriores propter maximam causarum diversitatem formari nequit, sed scitu in hac parte necessaria ex pluribus capitibus, in quibus causarum allegatarum quamplurimæ seorsim et sub propriis suis titulis pertractatæ fuerunt, discenda sunt. Idem quoque de potiori curationis parte monendum venit: De parte, inquam, potiori; sunt enim remedia quædam, quæ in quacunque febre lenta et hætica proficua iudicantur, vel citra ullum tamen ægri detrimentum in usum trahi possunt. Spectant autem ad ea non tantum *alimenta ordinaria*, sed etiam *pharmaca temperatæ gelatinosæ, mucilagineæ et aqueo-oleosæ indolis*, v. g. iuscula saturatiora



tiora carnis vitulinae et pullorum cum pineolis, pistaceis et amygdalis dulcibus excorticatis, iuscula ex milio, oryza, fagopyro Polonico, turundis vermicularibus Norimbergensibus, avena et hordeo excorticatis, gelatinae cornu cervi et eboris, miva cydoniorum, decocta hordeacea et avenacea cum radice scorzonerae, tussilaginis, graminis arvensis, passulis minoribus, flavedine corticis citri, et rasura cornu cervi, serum lactis dulce, lac asininum et caprinum a), aquae Selteranae cum lacte, emulsiones ex aquis refrigerantibus, amygdalis dulcibus et seminibus quatuor frigidis maioribus ac minoribus, succus radicum dauci sativi, succus cucumerum recentium, probe tamen depuratus et saccharo canto nonnihil edulcoratus, &c. Hisce etiam ad eminentem partium solidarum atoniam corrigendam *roborantia temperatiora*, v. g. cortex Peruvianus, modice et sub forma varia usurpatus, essentia myrrhae genuinae aquosa, confectio alkermes sine moscho et ambra, pilulae ex balsamo Tolutano, extracto melissae, angelicae, cardui benedicti, et pulvere granorum cherries &c., addi merentur,

rentur, nec frequentiora etiam *suffragia* ex balsamicis utilitate carent.

\*\*\*\*\*

## C A P. X V.

DE

### FEBRIBVS INTERMITTENTIBVS.

#### §. I.

**F**EBRES INTERMITTENTES, h. e. per certos atque perfecte distinctos paroxysmos redeunt, nec indefinenter itaque, sed post longiora demum aut breviora intervalla patientem adfligentes, pro statutoque citiori, aut tardiori paroxysmi recursum et differenti quietis interiectæ diuturnitate, vel *quotidianæ*, vel *tertianæ*, vel *quartanæ*, rarissime *quintanæ* audiunt, et quum paroxysmi pariter, ratione reditus, durationis atque decursus, apud alios eundem semper ordinem servant, apud alios admodum dissimiles accedant, irregulares rursus et irregulares distinguuntur: Nec silentio etiam divisio earum in *simplices* et *duplicatas* sive *duplices*, quæ eodem scilicet die duplicem paroxysmum habent,

bent, vel ex duabus febribus intermittentibus compositæ sunt, nec minus in *stomachales* et *sanguineo - lymphaticas* prætermittenda est. Postrema hæc distinctio maiorem præ reliquis considerationem meretur; quare eandem futuræ quoque tractationi fundamenti loco substernere consultum duco.

## §. II.

Febres intermittentes *stomachales* sive vulgares passim, citra causam communem, unum saltem alterumve subiectum corripunt, et notabiliter quoque a *sanguineo - lymphaticis*, quae sæpe sæpius epidemice grassari solent, nec immerito igitur etiam epidemicæ adpellantur, intuitu originis, indolis, symptomatum ac sedis causæ materialis, distinctæ reperiuntur. Symptomatum historia in prioribus sequens est: Sub prima febris invasione et cuiuscunque etiam novi paroxysmi accessu, cuius adventum, præter inquietudinem et lassitudinem membrorum, frequentes pandiculationes et oscitationes, vel obtusi ad minimum dorsi et partium musculo - membranacearum dolores tensivi ac gravativi præsagunt, in universo habitu cu-

taneo notabilis accidit constrictio, ita ut superficies ubique pallida evadat, et innumera tubercula in conspectum veniant: Transpiratio cutanea, cum plerisque se- et excretionibus reliquis, protinus supprimitur, aut valde tamen minuitur, cruor e vasculis peripheriæ minoribus cum impetu quodam ad interiora corporis ac vasa viscerum maiora reprimatur, ibidemque plus iusto accumulat, respiratio fit paullo difficilior, cor vel prorsus palpitatur, vel vehementius tamen et cum aliquo angore pulsat, cerebrum turbatur, et æger haud raro tympani quasi pulsus in capite sentit, ciborum fastidium, quin sæpius nausea, conatus vomendi et ipse vomitus actualis superveniunt, salivæ scaturigines exsiccantur, et lingua igitur cum tota oris cavitate arida fit, dentes plerumque strident, et frigus molestissimum, nunc maiori, nunc minori horripilatione stipatum, totum corpus repente percurrit, nec lecti unquam aut fornacis calore profligatur, donec, interiecto breviori aut longiori tempore, ipse æstus febrilis, cum cephalalgiae augmento, accedat, et ita pristinam mutet tragoediam, ut patiens sese e frigida zona in torridam trans-

translatum esse existimet. Præternaturalis hic æstus per duas, tres, quatuor, quinque, immo plures horas perdurat, usque dum sudor superveniens paroxysmum sensim sensimque solvat. Urina, præsertim sub paroxysmi vigore vel paullo post eundem excreta, ordinario rubelli coloris est, et, in quiete aliquamdiu relicta, fit turbida, muridumque aut mucido-lateritium sedimentum deponit.

### §. III.

Memorati frigoris eidemque succedentis caloris præternaturalis vehementia atque duratio, pro febrium specie et differentiæ causæ materialis copia, tenacitate atque natura, admodum variant. In febre tertiana, quæ febres continuas magis, quam reliquæ intermittentium species, æmulatur, frigus præcurrens plerumque, si solitaria nempe et perfecte vulgaris existat, remissius est et brevioris durationis, æstus insequens autem comparative intensior et adeo interdum perinax, ut ægrum per quinque, sex, septem, et plures horas, quin integrum diem aut integram noctem excruciet. In febre quarta-

na



na statum, priori quoad frigus et æstus fere contrarium, h. e., algorem diuturniorem, per quatuor, quinque, pluresve horas quandoque perseverantem, æstus vero comparative brevioris observamus, et in quotidiana denique horripilatio non minus quam æstus intra mediocritatis terminos consistunt, ita ut frigus remissius atque brevioris durationis, quam in quartana, paullo fortius autem atque diuturnius, quam in tertiana, æstus ex adverso vehementior ac diuturnior, quam in quartana, existant: Quæ ita tamen nequaquam intelligenda erunt, ac si nulla prorsus in hoc passu exceptio apud subiecta diversa locum inveniret, sed quæ dicta fuerunt, cum frequentiori observationi sint consentanea, vulgaris saltem regulæ loco, adeoque singularibus nonnunquam exemplis limitandæ, ponenda veniunt.

#### §. IV.

Non reticendum quoque erit, circa reliqua etiam pathemata, frigori et insequentis æstui complicata, subinde discriminis quicquam animadverti, immo creberrime alia symptomata, in antecedentibus nondum allegata

gata, sese recensitis comites adiungere.  
 æpissime nimirum sub accessione atque vi-  
 ore horripilationis aut algoris, præsertim  
 febre tertiana, vomitus biliosi, insignes  
 anxietates præcordiorum, leviores lipothy-  
 iæ, dolores pectoris tensivi cum spirandi  
 difficultate, et artuum aliarumque partium  
 contractiones, concussiones atque dolores  
 asmodici superveniunt, quæ, si vomitum  
 animi deliquium exceperis, remittere  
 orsumque cessare recusant, donec calor ac-  
 dit, et corpus æstuans sudore aut leni ta-  
 en madore perfundi incipit.

### §. V.

Haud obscure ex hætenus commemo-  
 is, maxime autem ex vehementi horripi-  
 one et repentina ac fere momentanea ex-  
 ationis cutaneæ et excretionis salivalis  
 pressione aut imminutione, nec minus ex  
 eri solitoque impetuosiori, nec raro si-  
 l irregulari, arteriarum pulsu, causa mo-  
 febrilis proxima atque formalis, univer-  
 nempe, eaque fortis generis nervoso-  
 nbranacei contractio innotescit. Oritur  
 , quamprimum copiosa, crassa, viscida,  
 acris,

*acris, impuritas febrilis*, heterogenei et nocivi fermenti instar, per universam humorum massam disseminata, in tubulis capillaribus stagnare, quiescere, eosdemque et alia vascula minora obstruere, premere et nervearum imprimis canalium tunicam iteratis stimulis hostilibus vexare incipit. Prima autem heterogeneæ huius materiæ collectio ac generis apud ægros, vulgari scilicet febre intermittente laborantes, semper in sic dictis primis viis, ventriculo videlicet et intestinis quaerenda est, et inde demum, non uno tamen impetu, sed sensim et per vices, ad sanguinem cæterosque humores circulantes transmittitur. Continuo quippe ventriculi et intestinorum tenuium motu peristaltico pars alia post aliam resolvitur, portio resoluta partim sola, partim succo alibili mixta, ad sanguinem transit, et adfluxus hic diebus intercalaribus, citra sensibiles motuum naturalium turbas, tamdiu perdurat, donec translatae materiæ impuræ moles, paullatim aucta prædicto modo vario novam iterum partium solidarum contractionem velociorem ac fortio rem, novumque paroxysmum febrilem excitare valeat.

## §. VI.

Ratio, cur alia febris intermittens quovis die, alia die tertio, et alia demum die quarto recurrat, vel suum potius paroxysmum repetat, in clara quidem luce nondum posita est, maxime nihilominus in febribus intermittentibus vulgaribus sive stomachalibus ad discrepantem resolvendæ ac transferendæ materiæ febrilis indolem, præcipuamque sedem primordiale, nec minus ad maiorem vel minorem ventriculi et intestinorum atoniam, in morbis hisce causæ materiali arcto ut plurimum foedere iunctam, redundare videtur. Nam copiosa, crassa, ac viscida saburra, primam culinam obsidens, in febre quartana, quæ præ reliquis refractaria reperitur, tenacissima est, acido rudi coagulante sæpius referta, et difficillimæ igitur resolutionis; in febre tertiana autem longe tenuior ac solubilior, corruptis tamen partibus biliosis valde remixta, et in quotidiana denique acido - mucida aut bilioso - acidopituitosa tenuissima et maximæ comparative solubilitatis deprehenditur: Hinc tantum huius fermenti impuri, quantum producendo novo paroxysmo sufficit, in quotidiana intra bre-

brevissimum tempus ventriculi et intestinorum calore ac motu peristaltico attenuatur, fluidumque factum ad massam humorum sensim deducitur. Hisce accedit, quod atonia partium, chymificationi inservientium, in quartana plerumque maxima, in tertiana autem et quotidiana relative minor existat, et ventriculi proinde atque intestinorum actio in priori comparative languidior, in posterioribus fortior inveniatur.

#### §. VII.

Prædictæ causæ febrium intermittentium primariæ, impura nempe materia acido-pituitosa, aut pituitoso-biliofa, aut acido-biliofo-mucida, ut et maior vel minor ventriculi et intestinorum atonia nunquam sponte nascuntur, sed natales suos variis causis procatarëticis debent, quarum præcipuæ atque frequentiores sunt alimenta crassa, viscida, muria condita, vel fumo aut aere exsiccata et indurata, iusto inprimis copiosius ac crebrius adsumta, itemque terror, moeror, curæ, meditationes profundæ nimiumque protractæ, vita sedentaria et maxime iracundia gravior, præsertim paullo ante pastum,

sub



sub pastu, et statim post eundem superveniens. Notandum tamen, iracundiam magis tertianæ, reliqua autem magis quotidiana et quartanæ genesi favere, et caussarum quoque memoratarum aliam præ alia producendæ feбри intermittenti aptiorem existere.

### §. VIII.

De prognosi generali, propter differentiam febrium intermittentium specificam, et discrepantem inprimis causæ materialis genium, multa hoc loco addere supersedeo, et dixisse saltem sufficiat, febres hæc, etiamsi nonnunquam satis rebelles sint, et ægrorum non minus, quam medentium patientiam per multas haud raro hebdomades, multosque menses magnopere exercent, vitæ tamen periculo vacare, si patientes scilicet decens præscriptis diætæ regulis obsequium præbent, et medicus pariter curationem provide constituat. Contrarium etenim evenire, magisque immorigeros aut impatientes in febres alios, febre graviores, quorum uberior in sequentibus fiet mentio, facillime, si motus febrilis, præsertim tempore autumnali,

nali, intempestive cohibetur, præcipitari, frequens experientia testatur.

### §. IX.

Perspecta causa harum febrium materiali, ceu potissima turbarum in corpore genitrice, genuina quoque medendi methodus statim manifesta evadet, et practicus rationalis protinus videbit, totam curandi rationem in eo versari, ut 1) *saburra mucido-acris aut mucido biliosa, in primis viis coacervata, per congrua et adæquata remedia resolvatur ac temperetur*, 2) *præparata ac mobilis reddita per superiora postmodum aut inferiora educatur*, 3) *viscera imi ventris, simul haud raro in febribus hisce obstructa, aperiantur*, et 4) *solidis denique partibus, præsertim primæ succi alibilis præparationi inservientibus, robur amissum denuo restituatur*.

### §. X.

Ad pharmaca, quæ primæ et simul quoque tertiæ indicationi satisfaciunt, præter notissima *terrea antacida*, modica reliquis quantitate addenda, *salina incidentia mediæ naturæ*, v. g. *sal digestivum Sylvii*, *sal*

sal de Seignette, arcanum dupl., tartarus solubilis et tartarifatus, terra foliata tartari, sal Ebshamense, Sedlizenſe et Carolinarum, et flores ſalis ammoniaci ſimplices, nec minus ſic dicta *ſalia fixa*, ex herba abſinthii, fumariae, cardui benedicti, centaurii minoris et trifolii fibrini incineratione et elixiviatione parata, referri merentur. Egregie pariter allegatorum actionem mucidæque ſaburræ resolutionem adiuvant mercurialia, acria, amara, baſſamica et aromatica, v. g. mercurius dulcis rite pptus, radix ari, pimpinellæ albæ, ſcillæ, iridis Florentinæ, zedoariæ, galangæ, aniſum ſtellatum, ſemen ſantonicum, cuminum Aethiopicum, crocus orientalis, cortex caſcarillæ, cinnamomum, ſuccinum &c., ſub forma congrua uſurpata, nec minus mixturæ calidiores ex eſſ. abſinthii comp., diptamni albi, gentianæ rubræ, trifolii fibrini, millefolii, meliſſæ, flor. chamomillæ Rom., cort. citri, aurantiorum, caſcarillæ, gummi ammoniaci, benzoës &c., vel etiam temperatiores ex terra foliata tartari, aut floribus ſalis ammoniaci, aut tartaro ſolubili, et extracto angelicæ, cardui bened., cordii, cent. minor., fumariae, trifolii fibrini,

chamomillæ vulg., ligni Guaiaci &c., cum vino Rhenano aut Mosellano paratæ, ut et pilulæ ex gummi ammoniaco depurato, et vix memoratis extractis amaris, nec minus electuaria et infusa vinosa eiusdem cum præcedentibus naturæ atque virtutis. Silentio etiam minime hoc loco *nitrosa* et *acidula*, v. g. nitrum depuratum, cremor tartari, spiritus nitri ac salis dulcis &c. prætermittenda sunt; quippe quæ in febribus tertianis, ubi mixta impuritas biliosa simul temperari debet, necessaria reperiuntur: Vt nihil de ipso paroxysmo febrili dicam, in quo nulla calidiora, sed, præter temperata ac leniter diaphnoica diluentia, pulveres tantum ac potiunculæ ex absorbentibus, nitro, et aliis salibus neutris locum inveniunt.

## §. XI.

Peracta sufficienti præparatione, quæ pro saburrae febrilis copia, tenacitate, et acrimonia differenti, nunc citius, nunc tardius absolvitur, de evacuatione, cui tempore alio *emetica*, alio *cathartica* aut saltem *laxantia* melius inserviunt, cogitandum, posteaque labefactatum chymificationis et chyli-  
ficationis

ficationis negotium per *roborantia* ad pristinam integritatem reducendum est. Plurima horum roborantium ad amara, aromatica, balsamica, subadstringentia, quin fortius adstringentia pertinent, et maximam pridem partem in antecedente paragrapho allegata fuerunt, quare iteratam eorum recensitionem superfluum esse satisque futurum existimo, si nonnulla saltem de cortice Peruviano, ceu febrifugo celebratissimo, adiecerim. Duplici hic cortex principio activo, eoque fixo, altero scilicet terreo-resinoso, altero gummoso-terreo instructus reperitur. Principia haec tam arte invicem mixta sunt, ut alterum ab altero perfecte purum separari nequeat; quod parum tamen referre videtur, quum vires medicae in substantia utraque lateant. Substantia resinoso-terrea mixtionem maiori copia ingreditur, et separata saporem amaricantem ac valde austerum obtinet, hinc gummea etiam, quae remissiori stypticitate et paullo fortiori ex adverso amaritiae pollet, virtute adstrictoria superior, abstergente autem ac vulgari roborante inferior est. Admixtas hasce vires abstergentes, roborantes et satis valide adstringentes specifica virtus



antifebrills unice redit. Nam, cum magna ventriculi et intestinorum atonia, quod ex praemissis dudum constat, causae materiali ut plurimum complicata sit, et in vulgaribus quoque febribus intermittentibus causa existat praecipua, ita ut, reſeratis etiam viscerum obstructionibus subinde connexis, et resoluta pariter ac prorsus educta saburra olim genita, novae quotidie impuritates febriles generentur, et paroxysmi ideo iterum iterumque statò tempore recurrant, potentioribus quoque remediis, quae non solum abstergendo et sensim sensimque roborando, ut amara et aromatica, sed valide simul ad- et constringendo, ut cortex Peruvianus, operantur, nonnunquam opus est.

## §. XII.

A febribus intermittentibus stomachalibus, haecenus quoad genium, causas et curationem breviter expositis, *Febres sanguineo-lymphaticae*, quae, uti supra pridem dictum fuit, crebro epidemice grassantur, et vernali imprimis tempore et adhuc saepius exeunte aestate et initio autumnì exoriri consueverunt, quoad multa recedunt. Non nascun-

nascentur enim a cruditatibus, sensim in prima culina collectis, aut citius interdum, graviore commisso delicto diaetetico, genitis, sed universali potius *sanguinis et lymphæ muciditati ac spissitudini*, cui *copiosæ ut plurimum quisquilæ acres scorbutico-purpuratæ*, nec raro etiam *obstructiones viscerum ac magna partium solidarum atonia* iunctæ reperiuntur, suos natales debent; hinc iisdem subinde etiam febricula continua lentescens, quæ, cessante paroxysmo, scenam suam ludere viresque patienti suffurari pergit, sese comitem adiungit, aut æstus, prægresso brevi ac moderato frigori succedens, tam fortis ac diuturnus est, ut novi paroxysmi recursus, propter brevissimam duntaxat interiectam quietem, vix annotari queat, ac tota igitur febris intermittens continuæ non adeo dissimilis videatur. Interdum tamen dico, non semper: Nam alio tempore et apud alia subiecta horripilatio, æstus et reliqua symptomata, a symptomatibus, quæ vulgares febres intermittentes comitantur, parum, tum ordinis, tum vehementiæ, atque durationis intuitu, discrepant, et medicus proinde prorsum incertus foret, an eiusmodi fe-

bris intermittens, siue quotidianæ, siue tertianæ, siue quartanæ typum observet, sanguineo-lymphaticis, an vero stomachalibus accensenda esset, nisi morbi frequentia, et maior ut plurimum ac citior virium deiectio febris sanguineo-lymphaticæ præsentiam quodammodo ostenderent. Quemadmodum plura de hisce ac præcedentibus in Dissertatione nostra, *de Febrium intermittentium vulgarium et epidemicarum differentia* anno 1751. habita, videri poterunt.

### §. XIII.

Ad producendam sensimque humoribus ingenerandam prædictam dyscrasiam mucidam et acrem scorbutico-purpuratam varii errores diætetici, circa quantitatem, qualitatem et modum adsumendi alimentorum commissi, nec minus iracundia, terror, mœror, curæ, meditationes nimix, vita sedentaria, neglecta adsueta venæsectio periodica et similia suum quidem symbolum conferre possunt, maxima nihilominus culpa ad vitiosam atmosphæræ constitutionem et diuturnam inprimis aut frequentem aeris intemperiem humidam, simulque frigidam aut frigidi-

gidiusculam, et repentinas atque creberri-  
mas tempestatis siccae ac calidae in frigidam  
et humidam, vel humidam etiam, nebulo-  
sam, pluviosam, simulque tepidam, mutatio-  
nes redundat, Caveat tamen medicus cir-  
cumspectus, ne totam semper rationem in  
praesente duntaxat aut proxime praegressa  
aeris conditione quaerat. Nam altius omni-  
no sive e longinquo prima corruptelae origo  
saepissime petenda, nec momentanea sem-  
per, sed paullatina indicatae dyscrasiae gene-  
sis aestimanda est.

#### §. XIV.

Febres intermittentes sanguineo-lym-  
phaticae per se quidem patientibus, congrua  
scilicet observata diæta et prudenti acceden-  
te medela, rarissime necem inferunt, ut plu-  
rimum tamen, praesertim tempore autumnali  
supervenientes, valde rebelles a) ac diutur-

Zz 5

næ

- c) BERNARDVS RAMAZZINVS, qui in *Operi-  
bus* suis multa notatu dignissima de febribus  
intermittentibus epidemicis proposuit, indo-  
lem hanc refractariam &c. suo pariter suffragio  
confirmavit: „Nam cæterum, p. 127. scribit,  
„nunquam visæ contumaciores febres ad reci-

næ sunt, et sublatae etiam facillime iterum revertuntur. Nimum cæteroquin rigorose dicta neutiquam accipienda erunt: Nam experientia iterata me edocuit, ægros, febre eiusmodi tempore æstivo correptos, sanitatem subinde, post aliquot saltem pulverum resolventium usum, expectatione citius recuperasse, nec ullam quoque recidivam postea expertos esse.

### §. XV.

Curandi ratio in febribus hisce eo potissimum redit, ut humores crassi, mucidi, tenaces resolvantur, et mixtæ altiusque succis naturalibus immersæ quisquiliæ acres salinæ

„divandum magis pronæ, et quæ magis Medi-  
 „corum industriam eluderent; siquidem nec  
 „repetitæ phlebotomiæ, nec purgationes, nec  
 „mille alexipharmaca, quæ pleno gutture, tan-  
 „quam manus Deorum, receptariorum Chorus  
 „adeo celebrat, quicquam profuere. Immo  
 „observatum, citius ac tutius restitutos, quibus  
 „nec sanguis detractus, nec purgantia exhibi-  
 „ta, nec ullum aliud remedii genus administra-  
 „tum, toto salutis negotio Naturæ morborum  
 „Medicatrici commissio &c.



linæ scorbutico - purpuratæ contemperentur, posteaque blande, sensim, et per apta organa, una cum resolutis copiosis partibus mucidis, eiiciantur; unde generatim quoque medicamenta *incidentia, abstergentia, diluentia, leniora diaphoretica ac diuretica et temperata roborantia* commendanda veniunt: Cuius census v. g. sunt pulveres ex absorbente quodam, nitro depurato, salibus mediis, rad. iridis Florentinæ, ari ppta, croco orientali, cascarilla, sulphure antimonii aurato optimo &c., potiunculæ ex aquis destillatis diapnoicis et vix memoratis pulverulentis, mixturæ leniores, ex terra foliata tartari, extracto chamomillæ vulgaris, angelicæ, scordii, centaurei minoris &c. cum vino paratæ, tum sibi relictæ, tum etiam tincturæ rhabarbari, essentia gummi ammoniaci, pimpinellæ albæ &c. miscela potentiores redditæ, electuaria ex syrupo florum persicorum, corticis citri, aurantium, extractis amaris, pulvere rhabarbari, rad. iridis Florent., ari, cascarillæ &c., pilulæ ex gummi ammoniaco depurato, extracto trifolii fibrini, cardui benedicti, ligni Guaiaci, mercurio dulci rite ppto, sulphure antimonii aurato tertiæ præc., &c., infusa theiformia

mia ex herba melissae citrariae, veronicae, flavedine corticis citri, sem. foeniculi &c., ut et, loco potus ordinarii, praesertim durante calore febrili, ptisanæ ex hordeo, avena, rasura cornu cervi, radice graminis arvensis, scorzoneræ, glycyrrhizae &c. Circa laudata caeteroquin remedia probe adhuc notandum est, amara, balsamica, acria et quaevis calidiora parcius ac provide, praesertim initio morbi aut febricula lentefcente complicata, incidentibus falsis, diluentibus et temperantibus nitosis, quae semper atque per totum morbi decursum tuto exhiberi possunt, addenda aut interponenda, quin penitus ab usu eorum in ipso paroxysmo abstinendum esse, ne aestus nimium increseat.

### §. XVI.

Praeter laudata varia remedia praeparantia et evacuantia, ut plurimum quoque *lenia laxantia* ex manna, rhabarbaro, foliis sennae &c. conducunt; quod *phlebotomiam* vero attinet, illa, praesente dudum febre intermittente epidemica, nihil emolumenti praestat, sed vires magis deiecit, et salutare excretionem, quas natura per poros cutis, vias

vias urinarias et subinde etiam per alvum molitur, nonnihil turbat: Sin ante febris autem accessionem apud subiecta plethorica administrata fuerit, utilitate non penitus caruisse, exempla docuerunt. Rarius quoque in febribus hisce *cortex Peruvianus* et sic dicta *febrifuga* reliqua, quae potissimum adstringendo operantur, locum inveniunt, dum magis plerumque nocent, quam profunt. Consentientem in hac parte antea allegatum RAMAZZINVM habeo, qui de Peruviani corticis usu in febribus intermittentibus epidemicis sequentia proposuit a): „Maior pars Medentium apud nostrates, ut vulgi calumniis et assiduis aegrorum querimoniis se subducerent, in hac tempestate ad Peruviani Corticis sacram Anchoram confugere, at parum prospere; nam in periculosiores scopulos aegrotantes suos persaepe adduxere. Vsu febrifugi per aliquot dies, equidem sub doloso cinere latebat ignis, verum postliminio violentior recandescibat. Qui tamen peritiores erant, ac rebus aegrotantium magis, quam propriae ambitioni consultum volebant, *Nabant sine cortice*.

CAP.

a) L. i.



## CAP. XVI.

DE

## FEBRE ALGIDA.

## §. I.

**F**EBRIS ALGIDA sive *seroso-lymphatica*, quam alibi etiam *Horripilationem idiopathicam* adpellavi, nihil aliud est, nisi vehemens motus universae massae lymphaticae resolutorio-depuratorius, convulsiva tubulorum seroso-lymphaticorum actione productus, adeoque citra aestum subsequenter continua saltim, vel subinde etiam per vices remittente ac redeunte, horripilatione absolvendus.

## §. II.

Ad morbos rariores febris algida spectat, ac valde a vulgaribus febribus, tam continuis, quam intermittentibus differt. In ordinariis enim febribus continuis universalis corporis horripilatio levis est, ac cito utplurimum transit, nec facile etiam in intermittentibus, in quibus tamen longe fortior, quam in continuis, deprehenditur, ultra duas, tres  
aut

aut quatuor horas protrahitur, eidemque semper aestus praeternaturalis remissior aut intensior cum variis novis symptomatibus succedit; in morbo praesente autem nullus plane calor praeternaturalis eandem sequitur, sed ista per totum morbi decursum primum patientes sola affligit, ita tamen, ut apud alia subiecta per breviora duntaxat aut longiora intervalla redeat, apud alia ex adverso, citra ullam remissionem plenariam, per unum alterumve diem, usque ad sudoris critici aut exanthematum eruptionem, perduret.

### §. III.

Subinde hic adfectus, praesertim si februm intermittentium vulgarium instar per ordinatos aut inordinatos paroxysmos aliquoties recurrat, tanto impetu supervenit, ut ipsius insultus epileptici saevitiem propemodum attingat; quemadmodum hoc ex casu singulari, quem in *Commercio litterario Norimbergensi* relatum legimus *a)*, abunde patet: „Puella nimirum duodecim annorum, purpura aegrotabat, quae ex negligentia, parentum retrogressa per octiduum nullum

„pro-

*a)* Ann, 1736. p. 256.



„produxit incommodum; tunc vero patiens,  
„aere pluvioso magnam passa refrigeratio-  
„nem, brevi post corripiebatur horrore fe-  
„brili maximo, sine subsequente tamen ca-  
„lore. Horror tres dies ab hora tertia po-  
„meridiana ad octavam usque vespertinam  
„ægrotam afflixit, et tertia præprimis vice  
„ita notabilis et visu horrendus fuit, ut non-  
„solum a duobus viris magni roboris omni vi  
„vix aut ne vix in lecto retineri potuerit, sed  
„etiam ad aliquot horarum spatium muta ia-  
„cuerit, cæteris illæsis. Horrore medica-  
„mentis profligato, eruptio exanthematum  
„adeo enormis denuo est subsequuta, ut tota  
„cutis, a vertice ad calcem usque, corticis  
„instar aspera, præprimis vero caput, pectus,  
„brachia cum manibus, valde tumida vehe-  
„menterque erosa essent, cum perpetua ma-  
„teriæ ferossæ acris summeque foetidæ, ut  
„etiam adstantes non potuerint perferre pu-  
„torem, secretionem dolorificam. Oculi erant  
„ex tumore fere clausi, ex quibus itidem  
„continuo serum morficans et mali odoris,  
„cum cruciatu, copiose stillabat. Hæc per  
„mensē et ultra cum summa durarunt mo-  
„lestia, donec medicamentis internis, absor-  
„bentibus,

„bentibus, blandam diaphoresin provocan-  
 „tibus et sanguinem purificantibus, externis  
 „vero abstergentibus continuatis, ægrotæ  
 „tandem restitueretur sanitas. &c.

#### §. IV.

Facile quidem rarioris huius motus convulsiivi invasio universalis et ingens nonnunquam atrocitas patientes ignaros et minus attentos quoque medicos decipere eoque perducere possunt, ut istum pro ipso insultu epileptico habeant: Verum enim vero, si rationalis practicus singula phænomena, in hac et epileptica affectione obvia, decenti scrutinio subiicere velit, differentiam sine difficultate inveniet. In epilepsia enim temporaria sensuum omnium, tam internorum, quam externorum, sufflaminatio adest, oculi torvi sunt, vel inordinate hinc inde moventur, dentes arctissime, absque stridore ac motu alternatim stringente et relaxante, coniunguntur, spuma ex ore protruditur, pollices in manus retrahuntur, et caput, brachia, pedes, totusque corporis truncus horrendo prorsus modo nunc antrorsum, nunc retrorsum, moventur; in hac contra horripilatione aliisque

febris algidis sensus interni et externi integri permanent, aut levissimam saltem immutationem patiuntur, oculorum motus naturalis est, nulla spuma ante os observatur, dentes, propter collisionem et retractionem alternantem, stridorem excitant, ac totum corpus, citra ullam pollicum retractionem, concussionem remissiori magisque æquali, immo interdum vehementiori tantum partium, præsertim externarum, tremore afficitur. Hisce accedit, quod huic convulsionis speciei semper maximum ægrisque molestissimum frigus coniunctum sit, et vehemens præterea motus præternaturalis multo magis partes peripheriæ nervoso-membranaceas, quam musculosas, exerceat.

### §. V.

Ratio, cur horripilationem ac frigus in febribus vulgaribus et strictè sic dictis semper maior vel minor æstus præternaturalis subsequatur, in algidis vero nullus plane eidem succedat, ad differentem heterogeneæ materiæ irritantis sedem præcipue redundare videtur. Pro mea enim sententia in prioribus materia peccans in vasculis sanguiferis maxime

me hæret, in posterioribus autem potissimam dudum partem ad canales lymphaticos translata est, et hosce inprimis stimulis suis vexat: Vnde etiam fit, ut incipiente ac perseverante vehementi, veloci, atque reciproca hac fibrarum contractione et relaxatione, non tantum lymphæ circulus ubique irregularis evadat, ac magis hinc inde minusve sufflaminetur, sed ipsius quoque sanguinis influxus in tubulos capillares, præsertim cutaneos, impediatur, et hac igitur ratione materia caloris partibus, peripheriæ proximis, tamdiu subtrahatur, donec irritante impuritate resoluta, confracta, et expulsa, simul cessent, et decens circuli libertas ubivis redeat. Lubens cæteroquin largiar desiderantibus, eminentiorem quoque materiæ stimulantis copiam atque acredinem ad horripilationis diurnitatem ac vehementiam suam conferre symbolum. - Ex supra enim recensita morbi historia aliisque casibus simillimis clare patet, ingentem semper materiæ heterogeneæ quantitatem in massa seroso-lymphatica latuisse, eamque valde etiam acrem, quin pene causticam, fuisse.

## §. VI.

Silentio pariter hoc loco minime præmittendum erit, febres algidas homines iuniores, aut in vegeta tamen ætate adhuc constitutos, frequentius, quam senes invadere, et illos quoque ordinario vehementius, quam hosce, adfligere. In iunioribus quippe ac vegetis subiectis partes corporis solidæ longe sensibiliores sunt, et longe maiori ut plurimum robore pollent, hinc irritatæ facilius in violentiores contractiones, resolvendæ, excutiendæ, promovendæ et eliminandæ materiæ hostili aptas et adæquatas, ruunt; in senibus ex adverso, ob naturæ torporem, roborisque necessarii defectum, sese languide duntaxat contrahunt, et debili proinde pressione sua rarissime impuritates, tubulis lymphaticis tenacius inhærentes, plene planeque exturbant: Vnde etiam haud mirandum est, quod apud illos eadem causa materialis tantummodo morbos chronicos, ad dolores rheumaticos, cachexiam, hydropem intercutaneum, oedemata membrorum similesque affectus redeunt, provocet. Dictis experientia, quæ subiecta debilia atque debilitata facilius, quam robusta, spasmiss corripit docet, haud



haudquaquam refragatur, quum hoc loco de universali tantum ac vivida quadam convulsione, minime vero de languidis stricturis spasmodicis sermo sit, et facili præterea negotio demonstrari possit, quod febres vehementes et motus convulsivi insolentiores sæpius subiectis vegetis, sensibilibus atque robustis, quam debilibus ac torpidis, et chronici contra morbi remissioresque spasmi sæpius hisce, quam illis, superveniant, et supervenire debeant: Quandoquidem noto etiam notius est, paullatinum ac naturale vis vitæ decrementum, sicuti istud morbi varii, certæ ætatis hominibus magis familiares, abunde comprobant, primum plerumque in corporis peripheria minimisque vasculis lymphaticis, deinde in canalibus sanguiferis minoribus, tandemque maioribus, observari.

### §. VII.

Quanquam horripilatio descripta, quam in algida febre observamus, patientibus molestissima sit, et ipsis pariter adstantibus, si diutius perduret, graviorque evadat, horrorem fere incutiat, certo nihilominus certius est, ad salutarem eandem naturæ medicatri-


cis remedia pertinere, quibus haud raro attenuandi, promovendi et eliminandi fine utitur, quando coacervatae et refractarie subsistentes impuritates scorbuticae, scabiosae et maxime purpuratae graves canalium obstructions pariunt, certumque corpori, nisi tempestiva feratur medela, interitum minantur. Hinc semper quoque fit, ut salutarem hanc actionem, si obstructionibus tollendis adaequata fuerit, tandem, nunc citius, nunc tardius, larga sudoris, aut exanthematum aliarumque efflorescentiarum proruptio, quae turbis hisce denuo finem imponit, vel illas tamen confestim notabiliter minuit, sequatur.

## §. VIII.

Clare ex praemissis patescere arbitror, primum medici, curationem huius morbi susceperunt, officium esse, ut naturae succurrat, totamque igitur medendi methodum eo redire, ut materiam crassam viscidamque, tubulis lymphaticis tenacius inhaerentem, attenuet, acrem, rodentem, purgentem, ardentem aliove modo irritantem temperet, et tempestivam utriusque expulsionem adiuvet. Triplici autem huic scopo decocta tepide haust:

hausta ex hordeo, avena, rasura cornu cervi, eboris, radice graminis arvensis, althææ, taraxaci, tussilaginis, glycyrrhizæ, cichorii, faponariæ, herba veronicæ, betonicæ, chamædryos nobilis, melissæ citrariæ, flavedine cort. citri, semine fœniculi &c., serum lactis, emulsiones ex aqua destillata scordii, flor. acaciæ, sambuci, chærefolii, amygdalis dulcibus, semine cardui benedicti, cardui mariæ, aquilegiæ, pulvere rad. irid. Florentinæ, syrupo papaveris albi &c., nec minus potiunculæ ex aquis iisdem, terreis absorbentibus, nitro aliisque salinis mediæ naturæ, croco orientali, pulvere cascarillæ, sulphure antimonii aurato optimo, &c., pulveres terreo-nitroso-camphorati atque similia inserviunt, immo subinde potentiora quoque ac calidiora, mixturæ nimirum ex ess. scordii, helenii, angelicæ, cascarillæ, theriacali, tinctura antimonii tartarifata, spiritu bezoardico Buffii, liquore cornu cervi succinato, aut anodyno minerali sua sese virtute commendant, dummodo adsumptioni eorum itidem largior diluentium tepidorum usus iungatur aut interponatur. Probe præterea notari debet, procurata deterioris materiæ peccantis per sudorem, aut

pustularum, tuberculorum &c. efflorescentiam eruptione, ab usu expellentium mitiorum non statim desistendum, sed istum sub decenti regimine diætetico aliquamdiu adhuc protrahendum esse, ut, quicquid restat impuritatis, plene planeque educatur.



## CAP. XVII.

DE

## AESTV VOLATICO.

## §. I.

**A**ESTVS VOLATICVS, quem recentiores sæpissime etiam, contra veterum tamen medicorum consuetudinem, *Phlogosin* (a *Φλογώω*, *incendo*) appellant, ab æstu febrili differt, ac nihil aliud est, nisi subitanea, ingrata, ac cito rursus transiens universi corporis, vel faciei saltem, colli ac pectoris, aut, quanquam rarius, solius abdominis, aut præcordiorum ac hypochondriorum incallescencia, adfectæ partis rubore, pulsu velociori, inæquali, ac magno, et maiori ut plurimum aut minori anxietate præcordiali, im-

mo

mo vertigine aliquando, temulentia capitis, animi inquietudine, intumescencia conspicua venarum colli ac temporum, respiratione difficiliore et palpitatione cordis stipata.

§. II.

Præcipue hoc pathema a viscerum aliarumque imi ventris partium obstructione et inde identidem nascente impetuosâ sanguinis congestione versus superiora, vel ab abundantis aut spissi atque acris cruoris stagnatione, ac passim igitur sufflaminato liberiori ac regulari progressu, eumque protinus excipiente fortiori globulorum attritu oritur; hinc non solum symptoma frequens scorbuti, hæcticæ, rheumatismi, passionis hypochondriacæ et hysteriæ, anomali fluxus menstrui atque hæmorrhoidalis, infarctus vasorum hepatis, lienis, ac mesenterii &c. constituit, sed, hisce etiam morbis absentibus, sæpissime, dilata imprimis aut prorsus neglecta phlebotomiæ administratione, vel modice saltim adsumtis spirituosiss aliisque exagitantibus, apud plethoricos et cacochymicos, nec minus apud alios aliasque sub flatuum adaccumulatione et alvi siccitate, segnitie atque obstipatione supervenire solet.



## §. III.

Aestus volaticus, præsertim crebro recurrens, haud levem quidem molestiam patientibus creat, per se tamen atque directe nunquam illos in vitæ discrimen deducit, sed meliora aut deteriora circa eum præsagia a meliori aut deteriori causæ principalis genio dependent. Idem quoque de medela dicendum venit; quippe quæ, propter indicatam ingentem originis diversitatem, admodum variat, nec sola semper *venæsectione*, aut solo *nitri aliorumque temperantium* usu absolvitur, sed plura sæpius, eaque distincta, ac tollendo aut mitigando morbo primario specificè dicata, remedia postulat.



## CAP. XVIII.

DE

## SCORBUTO.

## §. I.

SCORBVTVS, a Russico vocabulo *Scorb*, quod, teste STRAHLENBERGIO a), in genere *morbum* denotat, ita dictus, tam variis

a) Historisch-Geographische Beschreibung des Nord- und Ostlichen Theiles Rußlandes.

riis et tam pravis symptomatibus deprehenditur stipatus, ut rectius, praesertim adultior ac dudum ad gradum eminentiorem evectus, plurimum morborum, natura distinctorum, congeries, quam simplex affectio, nuncupandus sit.

## §. II.

Practici igitur sagaciores, ut difficultates, quibus diagnosis huius morbi premitur, nisi tollant penitus, aliquantulum tamen minuant, tres gradus, ex complicatorum pathematum numero, genio, et atrocitate cognoscendos, constituunt. Sub primo nimirum gradu, praeter febriculam lentam, valde ut plurimum erraticam, quam pulsus celer, parvus et durus, urina nunc pallide, nunc obscure rubra, nunc plane fusca, et phlogoses frequentes produnt, varia gingivarum vitia, earum nempe pruritus, tumor, facillima cruentatio, sugillationes, putredinosam corruptelam cito subeuntes, et acrem foetidamque saniem, sanguine permixtam, effundentes, itemque aphthae, erosiones maxillarum, foetor oris cadaverosus, vacillatio quin ipse casus dentium, lassitudo totius corporis, et maior in primis aut minor artuum, praesertim crurum, imbecillitas ac gravitas notantur.

## §. III

## §. III.

Accedente postmodum gradu secundo, accedit ossium crepitus, accedunt quoque tendinum in cruribus et subinde etiam brachiis contracturæ rigidissimæ, extensionem motumque articuli affecti magis minusve impediētes et duro semper ac quasi scirrhuso tumore stipatæ. Cutis partium tumidarum ubivis cœrulea sugillatione foedatur, et interspersis insimul tuberculis pustulisve miliaribus obsita conspicitur. Nunquam hi tumores, qui in musculis pariter, præsertim buccarum ac crurum, nascuntur, in suppurationem abeunt, sed magis paullatim magisque, nisi invisibili interdum resolutione intestina tollantur, indurescunt, et tunc ad mortem usque, si suscepta scilicet scorbuti curatio fausto destituitur successu, perdurant. Contracturis memoratis atque tumoribus dolores porro, maculæ et ulcera iunguntur. Dolores, arthritica, rheumatica, venerea tormina æmulantes, nunc mitiores, gravativi, tensivi, vermiculares sunt, nunc atrocissimi pungentes, lancinantes, ardentes, ostocopi, suamque sævitiem non in brachiis solum ac genibus contractis ac tumidis exercent, sed alias quoque articulationes

lationes aliasque partes, nucham v. g., spinam  
dorsi, lumbos, coxendicem, femora, malleo-  
los, plantas pedum, manus, ac digitorum ex-  
trema, immo ventriculum et intestina inva-  
dunt, ac torquent. Maculae latae, quae pas-  
sim in cute generantur, et in collo, pectore,  
et musculosis brachiorum, femorum ac tibia-  
rum partibus frequentius in conspectum ve-  
niunt, colorem sublividum, coeruleo-nigri-  
cantem, purpureum, aut saltim rubrum dilu-  
torem obtinent. Hae postremae, quae valde  
ut plurimum pruriginosae sunt, et identidem  
evanescunt ac redeunt, serum tenue et acre  
transsudando emittunt, et, malo ingravescen-  
te, saepe saepius in ulcera foedissima, carnem  
circumiectam sensim et interdum satis cito  
depascentia, curatu difficillima, degenerant.  
Subinde etiam partes brachiorum ac crurum  
carnosae gravi erysipellate subito corripuntur,  
nec raro pariter fit, ut huic inflammationi  
peffima exulceratio succedat.

#### §. IV.

Ingruente tandem tertio ac summo gra-  
tu, genuum vacillatio et allegatorum sym-  
ptomatum quamplurima adhuc incrementa  
ma-

maiora capiunt, gingivæ putridæ non minus, quam buccæ mirifice prorsus intumescunt ac gangrænosæ evadunt, maxillæ carie corrumpuntur, in palato, faucibus et ipsa lingua ulcera cacoethica generantur, sitis oritur intensior, adpetitus plane deiicitur, et hydrops varius aut phthisis pulmonalis, aut huius loco tanta dyspnoea supervenit, ut patientes, quemadmodum hoc I. G. HENRICVS KRAMERVS sæpissime observavit *a*), sub motu lenissimo in animi deliquia incidant, et subito nonnunquam inter eundem suffocentur. Depravationes partium internarum depravationibus partium externarum valde ut plurimum respondent. In extinctis enim posteaque dissectis glandulæ meseraicæ, pancreas, hepar, lien, aliaque viscera gravissime obstrueta, tumida, scirrhusa, et exulcerata reperiuntur, immo pulmones ita quandoque cum pericardio, pleura et diaphragmate concreti cernuntur, ut respirationi amplius inservire, motumque necessarium subire nequeant *b*).

§. V.

*a*) Vid. *Eiusd. Diss. epistolar.*, ut et *Commerc. litt. Norimb. ann. 1738. p. 116.*

*b*) Conf. *Memoir. de l'Acad. Royal. des Sciences ann. 1699.*



## §. V.

Adductis symptomatibus plura molestissima et ominosa pathemata alia, minus tamen, quam illa, in hoc morbo diagnostica, addi merentur, largissimi nempe, tandemque penitus colliquativi sudores nocturni, paralyfes, stupores, tremores et convulsiones partium, melancholia, somnolentia constans, aut pertinaces ac diuturnæ vigiliæ, cephalalgia immanis cum gravi scotomia, susurrus et tinnitus aurium, odontalgia, creberrima sputatio, constrictio gulæ cum deglutitionis difficultate, tussis inanis, hæmoptysis, exorbitantes narium hæmorrhagiæ, tremor et palpitatio cordis, coangustationes pectoris, dolores acutissimi in lateribus, sterno, et maxime circa cartilagineum ensiformem, cardialgia, nausea, vomitus, rugitus, frequentes ructus acidi, amari, nidorosi, inflationes hypochondriorum, murmura ventris, colica nunc mitior ac diuturna, nunc atrocissima convulsiva, dysenteria, fere perpetua, aut huius loco adstrictio alvi summe refractaria, cum tanta interdum strictura spasmodica, ut anus quasi introrsum trahatur, hæmorrhoides cæcæ valde torminosæ, et huius commatis sexcenta alia. Notari tamen debet,

debet, nunquam hæc ipsa apud unum idemque subiectum coniunctim aut constanter obvia reperiri, sed hæc istos, illa rursus alios ægros scorbuticos longiori aut breviori tortura afficere.

### §. VI.

Præter *magnam partium solidarum atoniam, universalis atque ingens tam sanguinis, quam lymphæ depravatio* in hoc morbo observatur, et tanta inprimis eorum *muciditas* initio adest, ut vascula minora libere amplius subire ac permeare nesciant, sed hinc inde subsistere et refractarias in visceribus, organis se- et excretoriis cæterisque partibus corporis quamplurimis *obstructiones*, unde uberri-  
mus postmodum dolorum, tumorum, spas-  
morum, inflammationum, macularum &c. proventus explicari potest, producere cogantur. Copiosissimus ac tenacissimus hic mucus, qui sanguinem, vena extractum, crusta plane nonnunquam lardiformi obducit, in principio multis quidem *recrementis acris salinis, salsæ, urinosæ* et subinde etiam *acidæ naturæ*, refertus est, nondum tamen manifeste putridus reperitur; malo autem crescente et ad secundum ac tertium gradum evecto,

in-

insignem sub stasi sua diuturna *corruptionem putredinosam* contrahit, *salia* mixta indiscriminatim *alcalescere*, *acerrimamque indolem assumere* incipiunt, et tota igitur massa mucida sensim in *causticum liquamen* resolvitur.

§. VII.

Veterum medicorum plerique ac multi pariter neotericorum scorbutum in *frigidum* ac *calidum* distinxerunt, et priorem, qui homines, loca maritima, palustria, uliginosa simulque frigida incolentes, sæpius corripere creditur, dyscrasie humorum mucido-acidæ, posteriorem vero, in tractibus humidis calidioribus frequentiore, dyscrasie mucido-alcalicæ natales suos maxime debere, statuunt. Receptissimam hanc distinctionem ego penitus quidem reiicere nolo, eandem tamen, quum differentem solummodo cacochymiae gradum concernat, non adeo necessariam esse, arbitror. Nam scorbutus frigidus nihil sane aliud est, nisi scorbutus recentior ac mitior, in quo humores, sicuti dudum in antecedentibus dictum fuit, sola tantum, eaque ingenti, muciditate falso-urinosa, rarius falso-acida, laborant, et a sensibili putredinis labe adhuc immunes inveniuntur; calidus vero appel-

landus erit, quamprimum manifesta humorum, præsertim subsistentium, corruptio putredinosa supervenit, et salinæ quisquiliæ in universa succorum massa acerrimam naturam alcalico-urinofam nanciscuntur, adeoque complicata febricula lenta erratica, h. e., increfcens per vices atque decrefcens, itemque phlogoses et inflammationes notabilia augmenta capiunt. Certo cæteroquin certius est, scorbutum frigidum sive salino-mucosum in regionibus maritimis atque palustribus calidioribus, nec minus apud nautas, longiora in Indiam itinera suscipientes, celerrime in mucido-putridum seu calidum transire, immo hunc posteriorem persæpe sub diuturna aeris constitutione humida et calida protinus, nec antea observato priori, dispositos adoriri, quoniam mucus, tubulis minoribus tenacissime inhærens, præsentibus indicatis similibusque circumstantiis, intra tempus brevissimum in putrilaginem degenerare solet.

#### §. VIII.

Inducendæ prædictæ partium solidarum atoniæ sensimque simul ingenerandæ acrimæ, ac putridæ cacochymiae multa quidem, ad sex rerum nonnaturalium ac præternatu-

naturalium classes spectantia, favent, præ reliquis nihilominus aer humidus, nebulosus, simulque frigidus nimium aut nimium calidus, vel corporum quoque putrescentium exhalationibus valde inquinatus, nec minus esculentata, concoctu difficilia, nimis salsa, muriatica, rancida ac putrida, defectus potus ac motus sufficientis, moeror, curæ, studia profundiora diu protracta, plus minus impedita exhalatio cutanea, et imminuta aut penitus suppressa excretio sanguinis menstrui et hæmorrhoidalis in censum caussarum procatarcticarum veniunt. Nec prætermittendæ etiam sunt sinistre tractatæ febres intermittentes, præsertim epidemicæ et quartanæ autumnales, itemque diarrhoeæ criticæ, stypticorum usu præmature cohibitæ; quippe quæ rebelles ut plurimum viscerum obstructions relinquunt, et propter hanc causam et vi retentas copiosas impuritates mucido-acres, corruptelæ humorum scorbuticæ nisi semper prima, latiora tamen, fundamina ponunt.

### §. IX.

Pro durationis ac vehementiæ discrepantia prognosis in hoc morbo admodum variat. Facilius enim curatur, quando nondum



ultra limites primi gradus progressum fecit, et ægri quoque, in vegeta adhuc ætate constituti, congruum diætæ regimen exacte observant; difficilius ex adverso, quin difficillime profligatur, si pridem ad gradum secundum exaltatus radices altiores egerit, aut patientes, præsertim iam seniores, præscriptas diætæ regulas spernant, et omnem denique medentis operam præsentente tertio gradu eludit. Quoties eventum sortitur salutarem, blanda utplurimum diarrhoea protractiori, vel fluxu hæmorrhoidali, aut menstruo, vel diuresi critica, vel copiosa exanthematum purpuratorum eruptione, vel paullatina etiam diaphoresi solvitur, aut tamen minuitur: Irrita autem quacunque medela, in phthisin, uti supra pridem §pho 4. indicatum fuit, aut hydropem lentiori progressu degenerat, vel, apoplexia superveniente, aut syncope graviori, aut suffocatione patientes subito extinguit.

§. X.

Curatio huius affectus duabus indicationibus generalibus, quarum altera *humorum emendationem ac depurationem*, altera *deiecti roboris restitutionem* concernit, maxime nititur. Medicamenta igitur, ad obtinendam pri-

primam indicationem necessaria, partim *evacuante* partim *alterante* sunt. Inter priora tum *lenia laxantia* et *emetica*, ex pulpa tamarindorum, manna, rhabarbaro, foliis sennæ, tartaro solubili, cremore tartari, sale amaro Ebshamensi ac Sedlizeni, radice ipecacoan-hæ &c. paranda, ac sæpius repetenda, tum *diuretica* ac *blanda diaphoretica*, quæ specifica insimul alterandi virtute pollent, locum occupant; ad posteriora autem varia, indole non minus, quam operatione distincta, *acria* nimirum, vulgo *antiscorbutica* dicta, nec minus *amara*, *balsamica* et *aromatica* v. g. rad. ari, pimpinellæ albae, raphani, armoraciæ, scillæ, iridis Florentinæ, aristolochiæ longæ et rotundæ, gentianæ rubræ, trifolii fibrini, angelicæ, herba cochleariæ, nasturtii hortensis et aquatici, folia, flores, et fructus cardamini, hb. marrubii albi, scordii, trifolii fibr., hederæ terrestr., flores arnicæ, summitates tenellæ pini et abietis, cascarilla, cortex Winteranus verus, canella alba, lignum fassas, guaiacum, iuniperi, lentisci, sem. sinapi, cochleariæ, baccae iuniperi, lauri, gummi ammoniacum et similia, sub diversa tamen forma, quam textura et usus consuetus deter-

minabunt, usurpata, nec minus ex *acidulo-balsamicorum* classe aqua picis liquidæ a) referuntur, immo iisdem *salina* pariter *alkalina*, *salsa*, *sulphurea*, *sulphureo-alkalia* et *mercurialia*, v. g. tinctura tartari, metallorum, antimonii acris et tartarifata, aqua calcis vivæ, præsertim cum tinctura antimonii acri aut metallorum largius remixta, sulphur antimonii auratum tertiæ præc., morsuli antimoniales KVNCKELII, mercurius dulcis b), flores salis ammoniaci simplices aliaque salina media, itemque aquæ foteriæ minerales Spadanæ, Schwalbacenses, Egranæ, Pyrmontanæ, &c. addi merentur.

### §. XI.

Medicamenta hætenus recensita, quod necessario monendum est, in sic dicto quidem scorbuto frigido, ubi humores, a putredinosa corruptione adhuc immunes, ingenti

a) C. GEORG. BERCKELIY *Nachricht von Theerwasser*.

b) Circa usum mercurii dulcis in scorbuto practici dissentiunt, eumque alii plane nocivum iudicant, alii istum opem egregiam ferre contendunt. Quod me attinet, nec horum nec illorum sententiam simpliciter adprobare aut dammare audeo, sed utrique, sub certa tamen conditione, veri quidquam inesse, arbitror. Pro meo enim iudicio in scorbuto frigido mucoso, in quo nullæ adhuc viscerum corruptiones adsunt, ob insignem resolvendi et irritandi virtutem conducit, in calido putredinoso autem nocet, et, observatione teste, exulcerationum incrementa promovet.

genti duntaxat muciditate atque lentore laborant, valde proficua reperiuntur, in calido autem sive putrido promiscue adhiberi nequeunt. Hic ipse enim nulla amplius acria potentiora, nulla aromatica calidiora, nulla denique emetica et cathartica completa patitur, sed, præter *laxantia* et *temperate balsamica*, præcipue *antiputredinosa* atque *refrigerantia acidula*, cuius census sunt serum lactis, succus citri atque limoniorum, aqua et sacharo temperatus, infusum acetosæ et acetosellæ recentis, cum sero lactis paratum, spiritus salis rite dulcificatus, spiritus aceti, sal acetosellæ, cremor tartari &c., ad sui curationem postulat.

## §. XII.

Muciditate ac spissitudine humorum aliquantulum emendata, de restituendo partium solidarum robore protinus cogitandum est. Atonia enim perseverante, nulla unquam curatio radicalis speranda est, sed humores nonnihil resoluti, interiecto brevi tempore, ad pristinum vitium denuo relabuntur, ac sensim sensimque ipsius putredinis corruptela, funditus postmodum vix aut ne vix extirpanda, depravantur. Necesse itaque est, ut congruis alterantibus activâ et adæquata *confortantia* addantur et interponantur: Activâ, inquam, et adæquata confortantia; nam, licet multa quidem a Scri-

ptoribus ad hunc finem obtinendum cum elogiis recenseantur, valde tamen dolendum est, quod paucissimorum effectus, propter refractarium morbi genium, voto et expectationi respondeat. Pro meo iudicio *austeriusculo-amara* et *austeriusculo-balsamica*, v. g. cortex Peruvianus, grana chermes, radix caryophyllatæ, tormentillæ, bistortæ, terra Iaponica, cortices granatorum, aliaque austera, amaris atque balsamicis, vel subinde etiam acribus decenti quantitate nupta, præstantiora sunt, quoniam magis leni adstrictione, quam commotione operationem suam absolunt.

### §. XIII.

Curationi internæ, hætenus breviter descriptæ, externorum quoque medicaminum adplicatione, et exactissimo inprimis regimine diætetico subveniendum est. Remedia externa pro urgentium symptomatum varietate admodum quidem differunt, potiora tamen, frequentius scilicet in usum trahenda, cum iis, quæ vulgo discutiendi fine in tumoribus et inflammationibus erysipelaceis, vel abstergendi, purificandi ac consolidandi scopo in ulceribus fordidis adhiberi solent, conveniunt: Nec negligi pariter debent, quæ alibi pridem contra stomachicam commendata fuerunt.



\* \* \* \* \*

## CAP. XIX.

DE  
LVE VENEREA.

## §. I.

**L**VES VENEREA, alias etiam *Morbus Gallicus, Variola magna Hispanica, Malum Indicum, Malum Neapolitanum, Syphilis* &c. nuncupata, olim in Europa plane ignota, et, sic censentibus Medicorum quamplurimis, anno demum millesimo, quadringentesimo ac nonagesimo tertio a militibus Hispanis, ex India occidentali reducibus, et lue hac, ibi locorum, uti traditur, passim endemia, infectis, cum aliis mercibus in Hispaniam translata, et mox quoque in obsidione Neapolitana Italiam ac Galliam, et per hos postmodum reliquis gentibus per contagium communicata fuit. Sunt quidem inter Scriptores, qui morbum hunc Hippocratis pridem tempore Medicis cognitum fuisse contendunt; at, parum hanc sententiam probabilem esse, arbitror.

## §. II.

Dirissima foedissimaque hæc lues adeo contagiosa reperitur, ut miasma virulentum non tantum per impurum concubitum venereum, uti plerumque fit, sed facillime etiam per accubitum, sudorem, halituum inspirationem, oscula, vestimenta, lectos, pocula,

cula, cochlearia, cucurbitulas, fellas, ephippia, novaculas, &c. in corpora sana derivari, immo infantibus ab inquinatis parentibus in ipso utero, et postea pariter a nutricibus mediante lacte aut per pultes præmasticas communicari queat: Vt nihil de ulcerum contactu dicam, quo incautæ inprimis obstetrices, impuris parturientibus opitulantes, nonnunquam infectas fuisse, observationes testantur.

### §. III.

Multa ac varia, eaque pessima, pathemata præsentiam huius morbi, qui adultior factus *Scabiei malignæ* speciebus iure maximo accenseri meretur, produnt. Sub primo nimirum gradu vel in solis tantum partibus genitalibus, quibus sese penetrans virus venereum sub impuro concubitu, ceu medio propagationis frequentissimo, primum insinuavit, vel in hisce simul ac faucibus, uvula, velo palatino, tonsillis aliisque oris glandulis tumores varii, excrescentiæ, inflammationes et cacoethica foetidaque ulcera, quæ in partibus pudendis et circa eas sub ulcusculorum venereorum, gonorrhoeæ, phimosis, paraphimosis, condylomatum, caruncularum, ficuum, testiculi venerei ac bubonum nominibus nota sunt, nascuntur, et vox quoque, si malum fauces dudum occupavit, magis paullatim minusve rancescere incipit, dolores tamen capitis et artuum no-

Eturmi

Æturi ægrum nondum torquent, nec ulla adhuc ossium caries adest. Accedente gradu secundo, accedunt insolentes dolores ostocopi nocturni, virus ossa spongiosiora narium, palati, ac passim quoque duriorum substantiam exteriorem atque epiphyyses adgreditur, cariemque infert, et varias exostoses atque hyperostoses producit, dentes cum scabritie et vacillatione nigrescunt, fœtor oris increfcit, pili excidunt, et tumores, inflammationes, atque maligna ulcera serpentia magno sæpius numero in superficie corporis generantur, viscera tamen adhuc illibata sunt, et ciborum itaque appetentia ac respiratio maximam plerumque partem integræ reperiuntur. Malo tandem ad summum usque gradum aucto, ulcera ubique latius atque profundius serpunt, caries ad medullam intimasque ossium cavitates progreditur, viscera corrumpuntur, respiratio valde difficilis evadit, appetitus deiicitur, accedit febris lenta ac totum corpus exeso hinc inde cadaveri haud dissimile redditur.

#### §. IV.

Miasma venereum, quod post introitum suum humores lymphaticos coagulat, et hosce non minus, quam sanguinem atque pinguedinem magis paullatim corrumpit, solidasque partes inflammat, erodit atque corrodit, *materia subtilis, valde mobilis, exhalabi-*

*labilis, et acerrima oleoso-salina est, et viscidiori ut plurimum ac facile adhærenti massæ lymphaticæ, ceu matrici, immersa atque involuta reperitur: An singulare autem atque specificum elementum eius salinum propius ad acidam, an alcalico-urinofam naturam accedat, nondum in clara luce positum esse arbitror; id vero certius existit, virus venereum partibus glandulosis magis, quam reliquis, infestum esse, et pertinacius pariter ac copiosius in lymphâ atque pinguedine, quam in cruore, nidulari.*

§. V.

Multo deterior hic morbus in regionibus calidis, ubi æstu aeris intensiori fermenti venerei acredo magis exaltatur, et putredinosa quoque humorum corruptio citius promovetur, quam in frigidioribus ac temperatis, deprehenditur, et difficilius etiam apud subiecta antea dudum cacoehymica atque scorbutica, quam apud reliqua, purioribus ante infectionem humoribus prædita, curatur, supposito scilicet eodem morbi gradu, ad quem apud ægros huius census quoscunque et ubivis locorum præcipue respiciendum est, quoniam felix aut infelix eventus et faciliior aut difficilior medelæ successus ab eo potissimam partem dependent. Lues enim venerea primi gradus raro salivationem mercurialem ad sui curationem postulat, sed solis persæpe cathartici

ticis et specificis sanguinem purificantibus perfecte tollitur: Gradus secundus plus medentibus negotii faceffit, nec ulla unquam sanatio perfecta in eo citra salivationem mercurialem exspectanda est, et in tertio denique ac summo gradu, nulla amplius sanitatis recuperandæ spes superest, sed patiens, propter viscerum corruptionem, quæ usum salivationis penitus interdicit, hecticus evadit, et post multas ærumnas certissime atque miserrime perit.

#### §. VI.

Modus procedendi et potiora pharmaca, quæ sanando morbo Gallico recentiori ac nondum ultra limites primi gradus evecto, congrua non minus, quam sæpe etiam adæquata reperiuntur, in antecedentibus pridem, Cap. de *Gonorrhoea*, *Phimosi*, ac *Paraphimosi*, exposita fuerunt; quare illa hoc loco rursus repetere nolo, sed paucis saltim monebo, largius illa in lue completa, quam in solitario duntaxat eiusdem affectu symptomatico usurpanda, nec specialem quoque eorum symptomatum medelam, quorum cura alibi in hoc opusculo nondum tradita legitur, *ficuum* scilicet sive *mariscarum*, circa anum ordinario excrescentium, *caruncularum urethræ* ac *condylomatum glandis* omittendam esse. Eadem autem hæ excrescentiæ remedia externa, *cathartica* scilicet *ex* unguento Aegyptiaco, aut melle  
rosa-



rosarum, aut oleo amygdalarum dulcium cum mercurio præc. rubro, aut alumine usto, aut mercurio dulci et tutia præparata &c. desiderant, quæ ficibus et condylomatibus inungi, carunculis vero urethræ cum bacillo flexili ceraceo, cuius summitati pauxillum imponitur, applicari possunt.

## §. VII.

Purificantibus memoratis post usum temporarium vel nihil omnino proficientibus, vel malo tamen radicitus extirpando imparibus, sine mora, nisi ætas forsan nimis tenera, aut aliæ circumstantiæ obstant, ad *Curam salivalem internam aut externam*, cuius specialem adornandi methodum omnes propemodum ac singuli, qui de Morbis venereis peculiare Tractatus ediderunt, uberime descripserunt, confugiendum est. Pro meo cæteroquin iudicio cura salivalis externa, mercurii currentis, recenti pinguedine suilla subacti, inunctione peragenda, curæ internæ, larga mercurii dulcis adsumptione primario absolvendæ, semper præferri meretur, quoniam sub ea non tam facile, quam sub interna, intempestiva catharsis, quæ salivæ fluxum impedit, supervenire solet.





# INDEX SPECIALIOR.

## A.

<b>A</b> abortus	457
Aduſtio membrorum	605
Aeſtus volaticus	744
Alimentorum digeſtio	
laſa	117
Alphus	592
Anaſarca	537
Anorexia	105
Apepſia	118
Apoſitia	105
Appetitus vitia	105
Ardor ventriculi	99
Arthritis	508
Aſcites	30
ſaccatus	31.43
veſicularis	31.47
vulgaris	31
Atrophia meſeraica	257
Aurigo	557

## B.

Bradypepſia	118
Bubo	69
Bubonocoele	23
Bulimia	105-114
Bulimus	-
Bulla cryſtallina	382-385

## C.

Cachexia	536-540
Calculus renum	294
veſicæ	294-299
Cardialgia	84

Cardiogmos	-
Cauſus	631
Chiragra	508
Chloroſis	543
Cholera	143
Chordapſus	233
Cingulum ſerpiginofum	
	1
Cirſocoele	376
Ciſſa, Citta	111
Clavi pedum	599. 602
Coeliaca	155. 164
Colica	219
arthritica	224
bilioſa	221
convulſiva	222
flatulenta	221
hæmorrhoidalis	
	226
hysterica	-
nephritica	-
Piſtavienſis	222
ſaturnina	225
ſcorbutica	224
Condylomata	292
Coproſtaſia	280
Coxagra	508
Crepitus oſſium	500
Cynorexia	105. 114
Cyphoſis	484
Cyrtoſis	
Cyſtocele	370

## D.

Darſis	598
De-	

# INDEX SPECIALIOR.

Defectus fluxus menstrui 410

Diabetes 352

Diarrhoea 167

Dolores post partum 467

Dysenteria alba 175

                    cruenta 174

Dysorexia 105

Dyspepsia 118

Dystocia 460

Dysuria 326

## E.

Ecchymomata 569. 574

Elephantiasis Græcorum

588

Emanatio fluxus menstrui

410. 411

Emollio ossium 500.

504

Emphysema scroti 381

Enteromphalos 16

Entero epiploomphalos

16

Ephelides 569

Epinyctides 595

Epiploomphalos 16

Effere 593. 597

Exomphalos 16

Exulceratio ani 292

                    hepatis 80. 83

                    lienis - - -

                    vesicæ 334. 335

## F.

Fames canina 114

Febris algida 734

Febris ardens stricte sic

dicta 631

                    biliosa 622

                    catarrhalis 615

                    ephemera 612

Febres exanthematicæ

                    purpuratæ 644

Febris Hungarica sive

Castrensis 660

Febres intermittentes

                    stomachales 713. san-

                    guineo-lymphaticæ

726

Febris lactaria 614

Febres lentæ et hecticæ

706

Febris petechialis 656

                    rheumatica 620

                    scarlatina 664

                    synocha benigna

637

                    putrida

640

Ficus 292

Fistula ani 292

Flatus ventriculi et inte-

stinorum 208

Fluor albus 423

Fluxus hepaticus

                    lochialis nimius

471

                    suppressus

467. 470

                    menstruus anoma-

                    lus 418

                    nimius -

                    suppressus 411

Fra.

# INDEX SPECIALIOR.

Fragilitas ossium insolita 500. 506  
 Furor uterinus 438  
 Furunculus 593

## G.

Ganglium 599. 603  
 Gibber, Gibbus 484  
 Gonagra 508  
 Gonorrhoea virilis benigna 391  
 Gonorrhoea virilis virulenta 395  
 muliebris virulenta 429

## H.

Hæmorrhagia mæseraica 174. 195  
 Hæmorrhoides albæ 266  
 cæcæ 267  
 decolores 266  
 fluentes 263  
 excedentes 275  
 molientes 269  
 serpigino-fæ 269  
 tumentes 268  
 turgentes 268

Helminthes 198  
 Hepatitis 80  
 Hernia cruralis 22  
 femoralis -  
 incarcerata 18  
 scrotalis 369  
 ventralis 20  
 umbilicalis 16  
 Herpes 577-579  
 Hydroa 596  
 Hydrocele 369-371  
 Hydrops abdominis verus 30  
 ad matulam 352  
 anasarcoidæus 30-51  
 ascites 30  
 flatuosus 54  
 intercutaneus 537. 538  
 ovarii 45  
 peritonæi 30-49  
 scroti 379  
 siccus 54  
 utricularis 20  
 Hypofarca 537  
 Hysteralgia 431  
 Hysterocele 440  
 Hysteromania 438

## I.

Icterus 557  
 Ignis sacer 580  
 Ileus 233  
 Impetigo Celsi 587  
 Plinii 577-579  
 Im-

# INDEX SPECIALIOR.

Impotentia virilis	403
Incontinentia alvi	280
urinæ	352-
	358
Infarctus hepatis et lienis	73
Inflammatio hepatis	80
lienis	80
renum	315
ventriculi	99-
	101
vesicæ	334
Ischuria	326
Intertrigo	593. 598

## K.

Kleifagra	508
-----------	-----

## L.

Lentigines	569
Lepra Arabum	588
Græcorum	587
Leontiasis	588
Leuce	592
Leucophlegmatia	536
Leucorrhoea	423
Lichen Græcorum	579
Lienteria	155
Lordosis	484
Lumbago rheumatica	5
Lues venerea	761

## M.

Maculæ cutis	569
--------------	-----

Maculæ hepaticæ	571
matricales	572
scorbuticæ	574
Malacia	105
Mal de Paris	196
Malum ischiadicum	508
hypochondria-	
cum	241
hystericum	431
nephriticum	310

Mariscæ	292
Melas	592
Merocele	22
Mistus cruentus	362
Miserere mei	233
Mola	451
Morbilli	669. 684

Morbus arquatus, arcua-	
tus	557
cardiacus	84
Gallicus	761
litteratorum	

	241
Phoenicius	588
regius	557

## N.

Nævi	572
Natta	599
Nephralgia	310
Nephritis spuria	5
vera	310
Nymphomania	438

## O.

Obstructio alvi	280
Ob-	



# INDEX SPECIALIOR.

Obstructio hepatis	73	Purpura febrilis rubra	665
lienis	-	alba len-	
Oedema artuum	536.	ticularis -	
	553	miliaris -	
Omogra	508	perlata -	
Omphalocele	16	vesicularis -	
Ofcheocele	369	urticata -	
P.		scorbutica	652
Pædarthrocace	489	R.	
Papulæ sudoris	596	Ramex	369. 376
Paraphimosis	388	Retentio placentæ uteri-	
Paronychia	489. 496	næ	460
Partus difficilis	460	Rhachitis	474
Passio hypochondriaca	241	Rhachisagra	508
hysterica	431	Rheumatismus	522
nephritica	310	Rubeolæ	665
Pechyagra	508	Ruptura perinæi	465
Perniones	609		
Pestis	691	S.	
Phlogoses	744	Sarcocoele	369. 374
Phimosis	382	Sarcomphalos	19
Phlyctænæ	395	Satyriasis	382. 388
Phthisis meseraica	257	Scabies	577
Pica	105 - 111	Scoliasis	484
Pneumatomphalum	17	Scorbutus	746
Podagra	508	Siagonagra	508
Pollutio nocturna	391.	Sirones	593. 597
	395	Soda	99
Priapismus	388	Sora	597
Procidencia five prolap-		Spasmus ventriculi	84.
fus ani	287		98
vaginæ	441	fixus Paracelsi	6. 8
uteri	440		Spi-

# INDEX SPECIALIOR.

Spina bifida 484-487  
     ventosa 489  
 Splenitis 81  
 Stranguria 327  
 Sterilitas muliebris 446  
 Sudamina 593-596  
 Sudor Anglicanus 687  
 Sugillationes 574  
 Suppressio fluxus men-  
     strui 410-411  
 Syphilis 761

## T.

Tenesmus ani 287-289  
 Trachelagra 588  
 Tumor flexuræ coli 79  
 Tympanites intestinalis  
     54-55  
     ventralis exter-  
     nus 59  
     inter-  
     nus 58

Tyriasis 588

## V.

Variola magna Hispanica 761  
 Variolæ 669  
 Vermes intestinorum 198  
 Verrucæ 599-600  
 Vitiligo 592  
 Volvulus 233  
 Vomitus 133  
 Vomitus cruentus 135  
 Vlcus renum 317  
     vesicæ 334-335

## Z.

Zona serpigiosa, Zo-  
 ster



## Corrigenda.

- Pag. 19 lin. 12 pro tumomoribus lege tumoribus.  
 - 25 - 6 - vahementi - vehementi.  
 - - ultima - multo - multa.  
 - 29 - 9 - istæ, ut - ut istæ.  
 - 31 - 16 - paracenthesi - paracentesi.  
 Idem orthographiæ vitium, quod (nescio quo fato)  
 sæpius irrepsit, etiam pag. 40. lin. 4. et 10. p. 47. lin.  
 3., pag. 49. lin. 10. et alibi emendandum est.  
 - 40 - 13. et pag. 57. lin. ult. pro cathartica  
 lege cathartica.  
 - 62 - ultima pro externæ lege externo et pro  
 internæ lege interno.  
 - 69 - 19 - solum - solam.  
 - 71 - 11 - catharticiis - catharticiis.  
 - 169 - ult. - inflammatis - inflammantis.  
 - 200 - 8 post vocab. Hospitium suum adde hi  
 vermes.  
 - 221 - 22 pro ecandescencia lege excandescencia.  
 - 224 - 15 - humorem - humorum.  
 - 251 - 14 - Carolinaram - Carolinarum.  
 - 326 - 19 - ἴχω - ἴχω vel ἴσχω.  
 - 328 - 21 - tatem - talem.  
 - 369 - 15 - ὀχεὸς - ὀρχεὸς vel ὀχεὸς.  
 - 446 - 8 - optimi - optima.  
 - 490 - 18 - inremento - incremento.  
 - 501 - 19 - PONTARTIO - POUPARTIO.  
 - 502 - 19 - oriundus - oriunda.  
 - - 17 - qui - quæ.  
 - 524 - 19 post sic adde SYDENHAMIVS.  
 - 550 - 24 post myrrha genuina, adde Elixiria  
 e vino generoso.  
 - 551 - 7 pro remixtæ lege remixta.  
 - 600 - 12 - quavis - quovis.  
 - 615 - 18 - dimidium - dimidiam.  
 - 630 - 12 - exulari - exulare.  
 - 651 - 12 - retroagantur - retroaguntur.

Pag.

## Corrigenda.

*Pag. 673 lin. ult. pro metuendam lege metuendum.*

- 739 - 15 - stimuli - stimuli.

- 762 - 30 - rancescere - raucefcere.

*Erratis hisce, in secundo hoc Tomo passim ob-  
viis, sequentia, quæ adhuc in Tomo primo  
reperta ibidemque nondum annotata fue-  
runt, hoc pariter loco subiungenda duxi,  
nimirum:*

*Pag. 255 lin. 3 pro incisione lege incisioni.*

- 286 - 13 - meandros - mæandros.

- 370 - 15 - νόσος - νόσος.

- 431 - 8 - cathartica - cathartica.

- 439 - 10 - ut - et.

- 443 - 14 - obscuritas - obscuritas.

- 481 - 7 - concinomata - carcinomata.

- - 10 - spiriru - spiritu.

- - 15 - et solutio mercurii sublimati te-  
nuissima lege cum solutione mercurii sublimati  
tenuissima mixta.

- 506 - 6 - Siagonogra - Siagonagra.

- 528 - 2 - permittet - permittat.

- 554 - 3 - tanto - tanta.

- 574 - 15 - paracenthesi - paracentesi.

- 576 - 14 - paracenthesin - paracentesin.

- - 15 - a supremis - ab infimis.

- 613 - 2 - cathartlicorum - cathartlicorum.

- 695 - 18 - largius - parcius.



9<sup>th</sup> on 2 vol.

B733

2 vol.



